



9

10-D

18

*Belloni*



18







# Q. CURTII R U F I

HISTORIARUM LIBRI

EDITIO LUCENSIS ALTERA

Priore longè castigior.

*Accedit nunc primum*

## CHRONOTAXIS

ANNORUM ALEXANDRI MAGNI

Ex Diodoro, Plutarcho,  
Petavio, Ricciolio, Briccio  
concinната.



L U C Æ, MDCCXL.

Typis Salvatoris, et Joannis Dominici Maresc.  
*Superiorum Permissu.*

# CHRONOTAXIS

## Annorum Alexandri Magni.

Olymp. 106.	Urbis	Ante Christū	N <sup>o</sup> Ascitur Alexander ex Philippo &
ann. 1.	398.	356.	

Olympiade, non quidem sexto die Targelionis, ut statuit *Ælianus*, sed (teste *Plutarcho* in *Alexandro*) die sexto Hecatombzonis, qui incidit in Junii 20. aut 21. *Petavius* in *Paralipomenis*, tom. 2, fol. 859. Philippus, capta nuper Potidæa, eodem die tres nuncios accepit illustres; nimirum Pæones, Thraces, Illyrios a Parmenione fusos; viatrices quadrigas suas in Olympico stadio; & natum Alexandrum. *Plut.* Eadem nocte, qua in lucem editus est Alexander, Diana templum Ephesi deflagavit; de quo *Hegesias* Magnesi, sive Timæi, ut habes apud *Tullium*, dictum extat: *Miminè id esse mirandum, quodd Diana, cum in partu Olympiadis adesse noluisse, abfuisse a domo.* Quod, ut acutè concinnèque reperiunt, laudat *Cicero* 2 de *Nat. Deorum*; *Plutarchus*, ut ineptum ac frigidum, contemnit. Vide *Cl. V. Lud. Ant. Muvatori*, t. 1, l. 2. *Perf. Poe. Ital.*

Olymp. 109.	Urbis	Ante Christū	Philippus in Illyrios ducit: eorum a-
ann. 1.	410.	344.	

gros latè depopulatur, urbes quamplures capit: quibus Alexander non usque adeò lætabatur nunciis, verum ad æquales dicebat: *Omnia præcipiet, sodales, pater; neque ullum insignem & illustrem relinquet vobiscum perpetrandum actum.* *Diod. Plut. Curt. Briet.*

Olymp.

Olymp. 109.	Urbis	Ante Christū	Philippus
ann. 2.	411.	343.	evocat Aristo- telem,

qui tum agebat ætatis annum 42, ad erudien-  
dum Alexandrum jam annorum 14. Rex in Ari-  
stotelis gratiam, Stagiram ejus patriam, quam  
exciderat, iterum frequentavit incolis: cives-  
que, qui in exilio, aut in servitute erant,  
reduxit domum. Aristotelem verò tanti fecit  
Alexander, ut carum habuerit, non secus ac  
parentem, quòd, ut ipse distabat, *bujus bene-  
ficio viveret, illius honestè viveret. Plut. Briet.*

Olymp. 109	Urbis	Ante Christū	Movente
ann. 4.	413.	341.	in By- zatinos Philip-

po, ætatis gerebat annum Alexander sextum-  
decimum. Demandata ei Macedoniæ & sigilli  
cum libera potestate cura, Medos rebellantes  
subegit, captoque oppido expulit Barbaros,  
ac, deducta illuc colonia mistorum, *Alexan-  
dropolim* id appellavit. *Diod. Plut.*

Olymp. 110.	Urbis	Ante Christū	Philippus
ann. 3.	416.	338.	apud Chz- roneamcū Atheni-

ensibus, ac Thebanis configit. Interfuit Ale-  
xander annorum duodeviginti adolescens; &  
princeps dicitur in sacram Thebanorum coh-  
ortem incurrisse, quæ tota cecidit eo ipso, quo  
posita fuerat, loco. Annosa quercus, adhuc  
Plutarchi memoria, propè Cephisum ostende-  
batur, *Alexandri* dicta: ad quam tunc tetendit,  
neque procul tumulus Macedonum abest. *Diod.  
Plut. Briet.* Hoc item anno Philippus, repudiata  
Olympiade, Cleopatram duxit Attali neptem,  
vel sororem: quibus in nuptiis cum ebrius At-  
talus optasset successorem Philippo ex Cleo-  
patra, Alexander scypho eum petiit. In illum  
stricto ense exiliit Philippus: sed, fallente ve-  
stigio per iram & vinum, prolapsus est. Cui

Alexander insultans: *Hic verò, Macedones, (inquit) in Asiam parabat ex Europa transmittere qui ex lecto in lectum transgrediens procidit. Inde fugit Alexander cum Olympiade; matreque in Epiro relicta, perrexit in Illyricum. Plut.*

Olymp.	110.	Urbis	Ante Christu	Demaratus
ann.	4.	417.	337.	Corinthius, hospes familiaris Regis,

Philippo ad revocandum Alexandrum hortator fuit; idque ejus opera atque industria perfectum. *Plut.*

Olymp.	111.	Urbis	Ante Christu	Philippus
ann.	1.	418.	336.	anno primo hujus Olympiadis

ineunte, aut paulò ante inito, anno Regni 24, in nuptiis filiz suæ Cleopatraz ex Olympiade, quam Epirotarum Regi Alexandro dedit uxorem, a Pausania occiditur nobili adolescente ac stipatore corporis sui: qui prægressus, equo insidens, facile insequentes evasisset, nisi inter currendum, vite quadam hærente ad calceum, retentus cecidisset. Ibi eum conantem de terra surgere, qui erant cum Perdica, invadentes confoderunt. *Diod. l. 16.* Interim Alexander Regnum accipit, annos natus viginti; statimque paternæ necis autores, vel conscios sustulit, ut Macedonibus fucum faceret, qui Olympiadem & Alexandrum, ejus cædis suspitione resperferant. *Plut. Just. Petav. Briel.* Darius Codomanus, Arsami filius hoc ipso, quo Alexander, anno Persarum Regnum auspicatus est.

Olymp.	111.	Urbis	Ante Christu	Alexander
ann.	2.	419.	335.	communibus Græciæ

suffragiis, præter Lacedæmonios, Imperator contra Persas eligitur. Sed, ut erant mobilia Græcorum ingenia, dùm in Thracia bellum gessit, agente Demosthenes, quem Darius auro cor-  
ruperat,

ruperat, ab illo deficiunt. Sed quum opinione celerius ille cum exercitu venisset, ab Atheniensibus, ceterisque placatus, contra Thebanos, qui pertinacius in sententia manebant, arma transtulit, & urbem illorum vi expugnatam funditus evertit, Boedromionis die 14, qui in Octobris 4 diem videtur incurrisse. *Persav. R. p. 1, l. 3, c. 14.* Cæsa sunt Thebanorum ad 90000, in servitutem adducta 30000. Liberi omnes sub corona vixerunt, Philippi exceptis hospitibus, qui puer in ea urbe obses fuerat sub disciplina Epaminondæ, nec non Pindari posteris, cujus domum intactam reliquit.

Olymp. III.	Urbis	Ante Christū	Helle- sponto traje- cto, in
ann. 3.	420.	334.	

Asiam venit, die Maji 20, juxta supputationem *Armaciani de anno Macedonum, c. 1,* ad Granicum, amnem Phrygiæ, cum Persis secundò Marte Alexander conflixit. Victoris præmium fuit Asia penè omnis, Græcorum coloniis frequentata; interim Memnone Rhodio, Duce Darii præstantissimo, Insulas populante: qui, occupatis Chio, Antissa, Methymna, Pyrrha, Mytilene, multisque ex Cycladibus, nec non territa Eubœa, in morbum prolapsus, magno Alexandri bono, Darii damno, decessit. *Diod.*

Olymp. III.	Urbis	Ante Christū	Alterā ad Issum Ci- liciæ pu- gna fuit: ante quā
ann. 4.	421.	333.	

Alexander in periculosum morbum incidit, sed Philippi medici ope citò convaluit. Victi denudò Persæ. Castra Darii cum ejus matre, uxore, filiabus, ac puero sexenni Ocho in potestatem Alexandri venerunt, qui summa humanitate, atque abstinencia in captivos victoriam ipsam superavit. *Plut. Curt. alii.*

Olymp. III.	Urbis	Ante Christū	Alexan- der in Phœni- ciā ve- nit,
ann. 1.	422.	332.	

nit, qua universa potitus, præter Tyrum, post septem mensium obsidionem, eam quoque expugnat mense Hecatombæone, qui circa solstitium æstivum incidit. Inde Hierosolymam pergit, ibique honorificè excipitur a Jaddo Pontifice: sacrificat in templo, ac Judæis, quibus antea infensus, quamplurima largitur; professus, se Dii, urbe Macedoniæ, eadem, qua summus Pontifex sibi in occursum venerat, specie Deum vidisse, qui ad Persicam expeditionem hortans, victoriam polliceretur. *Joseph. l. 11. c. 8.*

Olymp. 112.	Urbis	Ante Christu	Ægypto
ann. 2.	423.	331.	potitur Alexander. Hinc Ammonis Jovis oraculum adiit, ubi Jovis filius salutatur. Sanè imaginibus suis cornua appingi jussit, ut Ammonem imitaretur. Indè revertens, Alexandriam condidit: cujus quidem fundamenta jacta sunt superiore anno ante Christianam Æram 332; constructio ædium cepta anno 331; perfecta demum est tantæ urbis molitio anno 330. Ita <i>Solinum</i> , <i>Diodorum</i> , <i>Eusebium</i> diversa sentientes conciliat <i>Ricciolinus</i> , l. 3, de <i>Epochis Græcor.</i> c. 4, n. 4. Inter hæc Calendis Octobribus, undecimo die, postquam Luna Arbelis defecerat decimoquinto mensis Boedromionis, nempe 20 Septembris Juliani hora 8, aut 10, post meridiem; Alexander in campo Gaugamelia mo apud Arbela (quæ tamen distant a Gaugamelis stadia ferme 600, adstipulante <i>Arriano</i> ) Darium profigat. Hæc pugna Persici finem imperii, Macedonici seu Græci in Oriente primordium attulit. Darius egrè dilapsus ex Arbela exde persequentem Alexandrum equorum celeritate frustratur. <i>Plut. Diod. Petav. R. p. 2, l. 3, c. 12. Ricciol. l. 3, c. 4, n. 5, &amp; c. 2, n. 6.</i>

Olymp 112.	Urbis	Ante Christu	Darius,
ann. 3.	424.	330.	novis coactis copiis, bellum rursus aggrediens, a Besso, Bactrianorum Præfesto, indi-

indignè perimitur. Alexander Monarchia potitus, ac Persarum Imperator salutatus, capta Babylone, mox redacta in ditionem Susiana, ac Perside, caput gentis Persopolim diripit, Regiamque Persarum incendit. Nec minus secunda fortuna contra Lacedæmonios pugnat Antipater, Præfectus Alexandri: quo in certamine Rex Spartanorum Agis occubuit. *Just. l. 12; Curt. alii.*

Olymp. 112.	Urbis	Ante Christū	Appetitur domesticis insidiis Alexander.
ann. 4.	425.	329	

Occidi jubet Philotam, qui in ejus conjuraverat necem, nec non illius pater Parmenio. Media Satrapa. Peragrata victoriis ante hanc eadem Hyrcania, subactis Mardis, omnibusque urbibus usque ad mare Caspium, Arachosios subjicit Alexander, iisque Memnonem Satrapam præficit. *Diod. Plut. Briet.*

Olymp. 113.	Urbis	Ante Christū	Bessū justo supplicio puniunt Alexander;
ann. 1.	426.	328.	

ejusque membra minutatim concisa ab Oxatre, qui erat frater Darii, fundis in partes varias proficiuntur. Alexander Clitum, veterem Philippi patris commilitonem, in urbe Maracanda ebrius ebrium interimit. *Plut. Diod. Briet.*

Olymp. 113.	Urbis	Ante Christū	Ante Indicam expeditionem adorari voluit a
ann. 2.	427.	327.	

Macedonibus Alexander, more Persarum. Obstitit Callisthenes, Aristotelis cognatus, & discipulus. Hic paulò post in Epheborum conjuratione nominatus, variis tortus suppliciis interit. *Briet. ex Plut. Vide etiam de hoc argumento Senecam l. 6, natural. quæst. c. 23.* Inde Alexander, transmissa Indo fluvio, cum Poro, Indiarum Rege, fortiter dimicat; eumque victum perhumaniter accipit, restituitque suæ & ampliori

pliori Satrapiz. Debellat Oxydracas, & Mallos, ad quorum urbem ultimum vitæ discrimen adlit, solus inclusus in urbe, & omnium civium telis appetitus. Postea Nearchus ejus jussu lustrat oram maritimam Indiz. *Diod. Plut. Curt.*

Olymp. 114.	Urbis	Ante Christu	Ecbatana Mediz
ann. 3.	428.	326.	venit Alexander,

ubi Hephæstion, quem fratris habebat loco, febris corripitur. Ut juvenis & miles, exactioris impatiens victus, dum medicus Glaucus ad spectaculum abiit, prandium sumpsit: adeoque gallo gallinaceo asso, atque epoto ingenti vini frigefacti cratere malè habuit, pauloque post decessit. Hunc casum (ut videre est apud *Plutarchum*, & *Diodorum*) muliebri & infracto animo tulit Alexander, ejusque corpus Babylonem deferri jussit.

Olymp. 113.	Urbis	Ante Christu	Alexandro Babylonem re-
ann. 4.	429.	325.	vertenti nuntiatur,

Ligationes non modò Carthaginiensium, ceterarumque Africæ civitatum, sed & Hispaniarum, Siciliæ, Galliæ, Sardiniz, nonnullas quoque ex Italia, ejus adventum Babylone opperiri. Verum deterritus a Magis, qui affirmabant, hanc urbem ei fatalem fore, castrametatur procul Babylone ducentis radiis, non sine magna omnium admiratione. Quamobrem ab Anaxarcho philosopho compulsus est Magorum prædicta contemnere. Ergo cum exercitu urbem ingrediens, ex omnibus ferè orbis partibus obvios habuit legatos, a quibus & coronas & amplissima munera accepit, eosque benigne susceptos domum remisit. Deindè funus Hephæstionis celebrari curavit, in quo plusquam duodecim millia talentum impendit. *Curt. Plut. Diodorus*, qui magnificentissimum exequiarum apparatus graphicè describit l. 17.

Olymp.




Olymp. 114.	Urbis	Ante Christū
ann.	1.	430.
		324.

Veneno,  
vel cra-  
pula Ba-  
bylone  
moritur

Alexander. Quando autem obierit, difficilior res est, quàm ut paucis expediri possit. *Plutarchus* scribit, contigisse id die 28 Daesi, mensis Macedonici, qui maiore sui parte Majo Juliano responderet. *Pontacus* quoque in notis Eusebii autumat, obiisse Alexandrum verno tempore. *Scaliger* verò l. 5 de *Emend. Temp.* in capite, cui titulus: De *Trois* annorum *Philippi*, & *mortis Alexandri*, decessisse eum tradit diebus æstivis. *Scaligero* assentitur *Brietius*, qui *Alexandri* mortis præfinit diem 19 Mensis Julii. Consule *Ricciolium* l. 3, c. 4, n. 9. Cæterum mortuus est Alexander ætatis anno tertio & tricesimo, ut habet *Cicero* in *Philippica quinta*, *Diod.* l. 17, *Just.* l. 12 *Arrian.* l. 7 *Petav. R. p.* l. 3 c. 14, & p. 2 l. 1, c. 16. Regnavit juxta *Ricciolium* annos duodecim integros, paucissimis diebus deficientibus, aut abundantibus. Verùm *Diodorus*, cui subscribit *Petavius* regnasse ait annos 12, menses septem: *Livius* Dec. 1, l. 9, annos 13, totidemq; *Cornelius Nepos* in *Eumene*. Post *Darii* mortem imperavit annis haud amplius septem; qua in re turpissimè erravit Autor *Chronologia Sanctæ*, qui contendit, Alexandrum duodecim annos post *Darium* imperasse; quemadmodum lapsus est in consignando *Arbelicæ* victoriæ, atque obitus *Alexandri* anno. Ad *Petav. R. p.* 2, l. 1, c. 16, & præsertim l. 10 de *Doctr. Temp.*

Cæterum, erudite lector, monitum te velim, in connectendis Olympiadibus cum Epochâ Romanorum, atq. hanc cum annis ante Christum natum, nos summa fide adhæsisse *Ricciolio*; ac dedita opera a *Diodoro* in hac collatione discessisse: quod videlicet in annotandis Consulibus, sive Fastos Siculos, sive alios depravatos auctores secutus, subindè aberrat, & aliquando septem, & octo annis; ut jampridem observant summi viri, *Claveanus* in *Chronologia*, *Petavius* l. 9, de *Doctrina Temporum*, *Ricciolius* l. 1 c. 3; & c. 4, n. 4.



D E

# Q. CURTIO RUFO

TESTIMONIA.

C. Suetonius Tranquillus in Indice excellentium Rhetorum, libello ejus mutilo in MSS. præposito :

Q. CURTIUS RUFUS.

C. Cornelius Tacitus, Annal. XI.



**N**E tamen miles otium exueret, inter Mosam, Rhenumque, trium & viginti millium spatium, fossam perduxit (Corbulo) qua incerta Oceani ventarentur; insignia tamen triumphi indulgit Cæsar (Claudius), quamvis bellum negavisset. Nec multò post CURTIUS RUFUS eundem honorem adipiscitur, qui in agro r Mattiaco recluserat specus quærendis venis argenti: Unde tenuis fructus nec in longum fuit. At legionibus cum damno labor; effodere rivos, quæque in aperto gravia, humum infra moliri: queis subactus miles, & quia plures per provincias tolerabantur, componit occultas literas nomi-

A

ne

---

1. *Al. Maciaco, vel Mazyaco. Vide Lips. Satur. II.*

Ne exercitum, precantium Imperatorem, ut quibus permissurus esset exercitus, triumphalia ante tribueret. De origine **CURTII RUFII**, quem gladiatore genitum quidam prodidere, neque falsa promiserim; & vera exequi pudet. Postquam adolevit, sectator quæstoris, cui Africa obtigerat, dum in oppido Adrumeto vacuis per medium diei porticibus secretus agit, oblata ei species muliebris ultra modum humanum, & audita est vox: Tu es, Rufe, qui in hanc provinciam pro consule venies. Tali omine in spem sublatus, digressusque in urbem, & largitione amicorum, **3** simul acri ingenio, quæsturam, & mox nobiles inter candidatos præturam, Principis suffragio assequitur: cum hisce verbis Tiberius dedecus natalium ejus velavisset, **CURTIUS RUFUS VIDETUR MIHI EX SENATUS**. Longa post hæc senectia, & adversus superiores tristi adulatione, arrogans minoribus, inter pares difficilis, Consulare imperium, triumphi insignia, ac postremò Africam obtinuit; atque ibi defunctus, fatale præsagium implevit.

---

**2** *QUINTI*, addit *Catanaus*.

**3** *singulari*, citat *Catanaus*.

C. Plinius Cæcilius Secundus Epistol. lib.  
VII, Epist. XXVII, ad Suram,  
de Curtio Rufo.

**E**T mihi discendi, & tibi docendi facultatem otium præbet. Igitur perquam velim scire, esse phantasmata, & habere propriam figuram, numenque aliquod putes inane, seu vanam ex metu nostro imaginem capere. Ego, ut esse credam, in primis eo ducor, quod audio accidisse CURTIO RUFO. Tenuis adhuc, & obscurus obtinenti Africam comes hæserat, inclinato die spatiabatur in porticu; offertur ei mulieris figura humana grandior, pulchriorque. Perterritus, Africam se futurorum prænunciam dixit: iturum cum Romam, honoresque gestorum, atque etiam cum summo imperio in eandem provinciam reversurum, ibique moriturum. Facta sunt omnia. Præterea accedenti Carthaginem, egredientique nave, eadem figura in littore occurrisse narratur. Ipse certè implicitus morbo, futura præteritis, adversa secundis auguratus, spem salutis, nullo suorum desperante, projecit.



## AD LECTOREM.

**Q**UÆ editione proxima, de scriptis Curtii, ac auctore, in limine præmiseramus, contrahenda nobis visa sunt; ut obiter de præstantissimo scriptore, quæ de ipso scire interest, lectori approbemus. Præter M. Tullium, ac Juvenalem, apud quos hoc nomen extat, Tacitus, ac Plinius, quemadmodum ex testimoniis, quæ jam præmisimus, apparet, Curtii cujusdam meminerunt. Et uterque Rufi addidit cognomen. Neque aliter Tranquillus in Catalogo, quo Rhetores præclari indicantur, qui libello de iisdem mutilo præmittitur in MSS. Esse autem nostrum, cujus tres postremi meminere, inter eruditos ferè convenit: nec multum abest, quin plerique omnes, rhetorem, causidicum, declamatorem, etiam quæstorem, ac prætorem, consulemque, ac Africa proconsulem, eundem cum historico, qui magni Alexandri res

con-

conscriptis, arbitrentur. Quemadmodum  
vixisse sub Augusto, ac Tiberio, sed & scrip-  
pisse; quidam & sub Claudio superfuisse  
existimant. A quibus nobilissimas Rutger-  
sius seorsim abiit, qui sub Vespasiano floru-  
isse in variis probavit, quem non temerè  
rejiciendam, & cum cura adeundum cen-  
seo. Quanquam, ne de veritate quidem  
amplius querendum videretur, si habenda  
Cataneo fidem, omnibus constaret,  
qui in manu exarato exemplari, ipsam  
hanc historiam de gestis Alexandri scrip-  
tam, Q. Curtio, & quidem Rufo, qui  
Augusto Casare, ac Tiberio floruerit, inscri-  
bi sic testatur: Legi in fine digno exempla-  
ri, Historiam de gestis Alexandri, com-  
positam a Q. Curtio Rufo, qui inibi fate-  
tur, se fuisse sub Augusto, & Tiberio, &  
sub Vespasiano, quantum conjectura asse-  
qui possumus. Cetera incerta sunt, &  
quia cetera, hoc ipsum. Imo & hoc ipsum  
magis, quia ceteris Vespasianum jungit.  
Jam, qui politissimum dicendi genus, &  
purissimam Latinitatem, certum avi argu-  
mentum arbitrantur; neminem Latine  
sub Vespasiano, qui antiquitatem accuratè  
exprimeret, scripsisse, quomodo proba-  
bunt? Quam si avo nostro, ac parentum,  
elegantè quidam expresserunt, nondum  
video, cur a Romanis id removeamus, quod  
ne nostris quidem, ex felici imitatione, ha-  
ctenus negatum est. Quippè & hodie ata-  
tem quisque, aut scriptorem eligit, quem  
imitetur, ut cum cura imitetur, quem ele-

git. Ut omittam principem historia Salu-  
stium, atate integra a scriptis C. Caesaris,  
coevi, abiisse, cum diversum in dicendo,  
tum qui Gracis suis, tanquam peregrinus,  
haret: Ut & maximus scriptorem Tacitus  
post illum. Librum primum, ac secundum,  
facile recentioribus ascribes: qui historiam  
Curtii facilius supplere potuerunt. Et  
hoc ipsi produnt. Hujus quoque bono, ut  
diversitas, videlicet, scribendi, pro en-  
comio authoris sit, a quo longissimè absunt.  
Porro, ut in viam redeamus: In authore  
laetio, ac minimè fucato, bonum nobis  
factum videbatur, si simpliciter, ac sine ap-  
paratu scenico prodiret: ideòque ornatum  
adhibuimus, qui nudum commendare posset.  
Optimam editionem sed cum aliis collatam,  
damus. Regis expeditionem, quam descri-  
bit, accuratè expressam, aliaque ejusdem  
generis, addidimus, de ceteris securi: Ne  
vel Observationibus, vel Notis, hac praefer-  
tim forma, commendetur, qui sine istis vo-  
lunt intelligi, ac potest. Denique, ut verbo  
dicam omnia, matronam exhibemus, sed  
pudicam, qua in publicum sic prodit, ut  
non alio, quàm suo cultu commendetur.





S U P P L E M E N T I  
IN Q. CURTIUM

De rebus gestis

ALEXANDRI MAGNI

L I B E R P R I M U S .



PHILIPPUS MACEDO

( qui , primus omnium regum ejus gentis , Macedoniae regnum , subacta tota Græcia , ad summam potentiam evexit ). Amyntæ , viri prudentissimi , omnibusque imperatoriis virtutibus instructi , filius fuit . Is Amyntas ex Eurydice uxore tres filios susceperat ; Alexandrum , Perdiccam , & Philippum Alexandri Magni patrem , atque filiam , Euryonem . Insidiis autem Eurydices uxoris , quæ nuptias generi , mariti morte pacta , occidendum virum , regnumque adultero tradendum susceperat , oppressus fuisset , ni filia pellicatum matris , & sceleris consilia prodidisset .

A 4

Post

Post mortem Amyntæ, Alexander, major natus filius, regno potitus est. Qui inter initia regni, cogente sanè durissimo necessitatis telo, bellum ab Illyriis, pacta mercede, datoque Philippo fratre obside, redemit. Interjecto quoque tempore, per eundem obsidem cum Thebanis gratiam pacis reconciliat. Quæ res Philippo ad maxima egregiæ indolis incrementa profuit. Siquidem tota custodiendi pueri cura Epaminondæ, strenuissimo Thebanorum Duci, atque philosopho præstantissimo, hac conditione demandata est, ut commissum sibi puerum diligenter servaret, & summo studio in id juxta incumberet, ut moribus principe dignis, atque honestis disciplinis quàm optimè imbueretur. Fovebat ea tempestate laudatissimus princeps domi filio suo Epaminondæ præceptorem Pythagoricum, sub quo Philippus multum profecit. Interea temporis Alexander, insidiis matris Eurydices adpetitus, occubuit: cui tamen antea Amyntas, in scelere deprehensæ, propter communes liberos, ignarus iisdem quandoque exitiosam fore, pepercerat. Frater quoque ejus Perdiccas, simili insidiarum fraude, relicto parvulo filio decipitur. Sub idem tempus Philippus commodum e custodia elapsus, diu, non regem, sed tutorem pupilli egit. At ubi graviora bella immincebant, serumque auxilium in expectatione infantis erat, compulsus a populo, regnum Macedoni-

cedonicum malè affectum, cum bellicis artibus, tum philosophiæ præceptis præmunitus, adprehendit, anno CCCC ab Urbe condita, Olimpiade CV. Circa prima itaque regni primordia, rerum infinita multitudine in diversas trahente partes, finitimis undique in Macedoniam irruentibus populis, bellisque veluti conspiratione quadam ad opprimendam Macedoniam, multarum gentium ex diversis locis, uno tempore confluentibus, Rex Philippus cautius omnino agendum esse considerans (omnibus enim par esse non poterat) alia, interposita pactione, composuit, alia redemit, facillimis aggressis, ut militum trepidos firmaret animos, & sibi hostium contemptum demeret. Primum illi cum Atheniensibus certamen fuit; quibus per insidias victis, metu gravioris belli cum interficere posset, omnes incolames sine pretio dimisit: quæ res illi magnam & gratiam, & auctoritatem conciliavit. Captis deinde Pæonibus, bellum in Illyrios transtulit: ibi multis hostium millibus cæsis, Larissæam urbem nobilissimam cepit.

Hinc Thessalos, non cupiditate prædæ, sed quoddam exercitui suo robur Thessalorum equitum adjungere gestiebat, nihil minus quam bellum metuentes, adoritur. Quibus ex improvise præoccupatis, atque in potestatem reductis, jungendo equitum, peditumque fortissimas turmas & copias, invictissimum fecit exercitum. Quibus re-

bus feliciter gestis, Olympiada, Neoptolemi regis Molossorum filiam, uxorem ducit, conciliante nuptias altore virginis Arisba Rege Molossorum, qui sororem Olympiadis Troadam in matrimonio habebat: quæ causa illi exitii, malorumque omnium fuit. Nam dum regni incrementa affinitate Philippi se acquisiturum sperat, proprio regno ab eodem privatus, in exilio consenuit. Post nuptias autem Philippus per quietem visus est conjugis alvo insignem affixisse bullam, cujus sculptura, quemadmodum is existimaverat, leonis haberet imaginem. Quod vates ita sunt interpretati; Ipsam quidem esse gravidam, animosum quoque, & leonis natura præditum infantem parituram. Deinde cum Philippus urbem Methonem expugnaret, jactu sagittæ dextrum amisit oculum. Nihilominus tamen pacem deprecantibus dedit, mitisque etiam adversus victos fuit. Pagas etiam capiens, imperio suo adjecit. Triballorum quoque gentem, & quicquid præterea terrarum in proximo erat, invadens, omnia uno velut impetu devicit. Debellatis finitimis, atque confirmato jam Macedoniæ regno, cum domum rediisset, natus est ipsi Alexander filius ex Olympiade uxore, VIII idus Aprilis, dicit Plutarchus: ab eo autem, qui illum in Latinum convertit, scribitur, circa idus Augusti: quod sanè, cujus sit error, dubium est. Porro Philippus, veluti e specula quadam, libertati omnium infu-

infidatus, Græcorum civitates, quæ dominandi libidine singulæ imperare cogitaverant, omnes in suam redegit potestatem. Inferioribus enim contra superiores suadens certamina, omnibus ad invicem callidè incitatis, a Thebanis etiam (qui tamen antea eum, tanquam hostem, repellere conabantur) contra Lacedæmonios, & Phocenses, qui, templo Apollinis spoliato, milites conduxerant, necessitate urgente, dux electus, oppressis sacrilegis, magnamque inde apud omnes nationes gloriam adeptus, omnium ad ultimum efficitur Dominus, ac Princeps, & victos pariter, atque victores servitutem subire coegit. Inde in Cappadociam trajiciens, captis, & occisis finitimis regibus, universam provinciam imperio Macedoniæ adjecit. Olyntho quoque expugnata, Thraciam invasit. Nam cum eum fratres duo, Thraciæ Reges, de terminis regni ambigentes, disceptationum suarum judicem eligerent; Philippus ad judicium, velut ad bellum, inopinantibus fratribus, instructo exercitu venit, & utrumque regno, de quo disceptabant, spoliavit: omnes sanè principis docens, concordiam maximum, ad conservanda imperia, atque principatus stabiliendos, adminiculum esse.

Alexander autem factus annorum duodecim, rebus bellicis admodum delectari, & excelsæ indolis manifestissima præferre indicia cœpit. Cumque ex æqualibus non-

nulli ex eo percunctarentur, ad Olympicum nunquid stadium libens decertaret? (plurimum enim pedum celeritate pollebat). Libens equidem, inquit, si decertaturos mecum reges sim habiturus. Olim cum fortè, absente Philippo, legati a Persarum Rege venissent, eos cum hospitio, tum consuetudine captos, jucundissima sibi familiaritate conjunxit; admirantes, quòd is nihil aut humile, aut puerile sciscitaretur; sed aut viarum longitudinem, aut superiorum itinerum modos perquirebat, multa super rege, qualis in hostes esset; nunc super Persis, quæ vires, aut quæ esset potentia, rogitabat. Quas res admirati legati, latè diffusam Philippi gravitatem nihil præ hujus pueri indole, & majore, quàm ætas pateretur, animi magnitudine, duxerunt. Quoties a Philippo aut nobile quoddam captum oppidum, aut memorabili prælio parta victoria nunciabatur, haud magnopere lætabatur; cæterum ad suos ajebat æquales: Omnia, o pueri, genitor occupabit, ita ut ne vobiscum grande ullum, ac insigne facinus ostentare mihi sit reliquum. Non enim ipsum ulla illecebrarum, aut pecuniæ, sed sola virtutis, ac gloriæ cupido tenebat; quòque majores a patre facultates acciperet, eò se minora gerere posse existimabat. Quocirca, crescente dominio, gerendis præclaris rebus materiam magna ex parte exhaustum iri ratus, non opes, non deliciarum usus, verùm  
certa-

certamina, & pugnas ardebat, & principatum; unde sibi ob virtutem, gloriam, nominisque immortalitatem (quæ spes nec Alexandrum, nec quenquam alium bonum, unquam fefellit) compararet, affectabat. Quamobrem ipsius cura, compluribus (uti par erat) nutritoribus, pædagogis, ac præceptoribus est demandata: in primis tamen Aristoteli, ex cujus disciplina decem ferè annis informatus est. Eodem ferè tempore Philippus Delphos misit, consulens de successore, responsumque tale accepisse ferunt: Is demum tuo imperio, omnique orbe potietur, quemcunque Bucephalus sessorem passus fuerit. Erat autem Bucephalus equus forma spectabilis, atque ferocissimus, quem Philonicus Thessalus Philippo XIII talentis emerat. Hunc diu Philippus sub claustris præferratis asservari iussit: mansit tamen ita ferus, ut planè nullus eum ne tangere quidem ausus fuerit. Quare factum est, ut eum Philippus removeri, atque abjici jufferit. Alexander verò dum fortè adesset: Qualem, inquit, isti equum perdunt, dum eo per imperitiam, ac mollitiem uti nesciunt? Cùmque mira arte sine verberibus tractasset equum, tandemque consensum ad cursum admisisset, tum calcibus usus est, ac molliter flexis habenis quum equum reduxisset, descendens caput exosculatus pater, emissis lacrymis: Aliud, inquit, o fili, tibi par regnum quære; quando te jam Macedonia

Ria non capit. Prælagiit vir prudens tam excelsæ indoli non suffecturam paternam ditionem. Post hæc Philippus toti Græciæ bellum inferre statuit, ad quod percommodum ratus, si Bizantium, nobilem, & maritimam urbem, in potestatem redegisset: eandem sibi resistentem obsidione cinxit: relicto domi ad Regni curam filio Alexandro, tum XVI annos nato. Hæc urbs a Pausania Spartanorum Rege condita, a Constantino postmodum gloria, opibusque aucta, atque renovata, & a nomine suo Constantinopolis dicta, circiter MCL annos sacratissimi Imperii sedes, totiusque Orientis caput fuit. Nunc tamen (proh dolor!) fœdissimæ, atque impiissimæ Turcarum gentis imperio subiacet. Sed ut ad Philippum redeam: Exhaustis in obsidione opibus, piraticam aggreditur, centumque septuaginta navium spolia rapuit, atque militibus suis distribuit. Ne autem in unius urbis obsidione tantus exercitus teneretur, profectus cum fortissimis, multas Chersonesi urbes expugnavit: filium deinde Alexandrum XVIII annos natum, virtutis, & promptitudinis in rebus agendis manifestissimæ, ut sub patris militia tyrocinii rudimenta deponeret, ad se accersivit. Cum quo in Scythiam prædandi causa, more negotiantium, impensas belli alio bello refecturus, est profectus: Eaque expugnata, viginti millia puerorum, ac foeminarum capta, pecoris magna vis, auri argen-



argentique nihil, XX nobilium equarum ad genus faciendum in Macedoniam missa sunt. Sed revertenti a Scythia Philippo, Triballi occurrunt, negantes se transitum duros, ni portionem accipiant prædæ. Hinc iurgium, mox & prælium, in quo ita in femore vulneratus est Philippus, ut per corpus ejus equus interficeretur. Cum omnes occisum putarent, præda amissa est. Quam primùm ex vulnere convaluit, diu dissimulatum bellum Atheniensibus infert. Cujus causa Thebani se junxere, metuentes, ne, victis Atheniensibus, veluti vicinum belli incendium ad se transfiret. Inita societate, inter civitates paulò ante infestissimas, legationibus totam fatigant Græciam, communem hostem communibus viribus summovendum putantes. Quædam civitates motæ, Atheniensibus sese jungunt, quasdam autem belli metus ad Philipppum traxit. In hac pugna Philippus Alexandrum filium alteri cornu præfecit. Ubi laudatissimi herois virtus clarissimè emicuit. Talem enim in eadem pugna se præstitit, ut non inferior patre, imò etiam nulli secundus extiterit: postea quoque eam victoriam sibi invidia, ac fraude patris præreptam fuisse conquestus sit. Commisso itaque apud Chæroneam prælio, etsi Athenienses numero militum longè præstarent, a Macedonibus tamen, continuo, ac diuturno bellandi usu exercitissimis, vincuntur. Non autem immemores

mores pristinae gloriae cecidere. Hic dies universae Graciae & gloriam dominationis, & vetustissimam libertatem finit. Cæterum cum Philippus semper erga Alexandrum optimè affectus fuisset, tandem ex Cleopatra noverca, Olympiadi superinducta, discordia orta est. Causam adhibuit Attalus avunculus Cleopatrae: qui cum in nuptiis Macedones exhortaretur, deos orarent, ut ad regni successionem legitimus ex Philippo, & Cleopatra crearetur hæres, excandescens Alexander: O improbum caput, inquit; nos verò tibi nothi videmur? simulque in eum conjecit poculum. Insurgens inde pater contra Alexandrum, stricto eum petiit ferro; ictus tamen, inclinatione corporis ab Alexandro evitatus, inanis excidit. Tunc Alexander convitiis patrem adortus, receptam Olympiadem, matrem secum in Epirum duxit. Eum tamen Philippus, exprobrata sibi a Demarato Corinthio hac eorum discordia, paulò post multis precibus aegrè revocavit. Inter hæc nuptias Cleopatrae filiae, & Alexandri fratris Olympiadis, quem pulso Arisba regem Epiri fecerat, Philippus celebrat. Dies erat pro magnificentia duorum regum, & collocantis filiam, & uxorem ducentis, insignis. Sed nec ludorum celebritas deerat, ad quorum spectaculum Philippus, cum sine custodibus medius inter duos Alexandros, filium, generumque procederet; Pausanias,

nobi,

nobilis ex Macedonibus nemini suspectus adolescens angustiis occupatum Philippum in transitu obtruncavit, diemque, lætitiæ destinatum, foedum luctu funeris fecit. Hic puer stuprum per injuriam passus ab Attalo fuerat, qui eum etiam postea, tanquam vile scortum, libidini convivarum subjecit. De quo, Philippo conquestus, qui multum quidem ex rei turpitudine est motus; sed Attalo, ob magnam familiaritatem, & quodd ejus operâ tunc uteretur, ut noceret, induci haud potuit. Erat etiam Attalus, ob Cleopatram, proximè a rege in matrimonium acceptam, arctissima ei junctus cognatione, copiarumque in Asiam præmissarum dux fuerat delectus; vir in rebus bellicis egregiæ fortitudinis. Idcirco Rex potius, ut Pausaniæ animum justissimo dolore incensum mulceret, est conatus: datisque ei magnis muneribus, loco insuper honestiori, inter corporis sui custodes, honoravit. Sed ille implacabili ardens ira, decrevit, non tantum de eo, qui sibi injuriam intulisset, sed & qui ulcisci illatam noluiisset, poenam sumere. Vixit Philippus annos XLVII, regnavit XXV, Macedonum rex XXIII, cui maximæ opes erant instrumenta bellorum; divitiarum, quæstu quàm custodia solertior: itaque inter quotidianas rapinas semper inops erat. Misericordia in eo, & perfidia pari jure dilectæ. Nulla apud eum turpis ratio vincendi; blandus pariter,

ter, & insidiosus alloquio : qui plura promitteret, quam præstaret : in seria, & jocos artifex. Amicitias utilitate, non fide colebat. Gratiam fingere in odio, instruere inter concordantes odia, apud utrumque gratiam quærere, sollemnis illi consuetudo. Inter hæc eloquentia, & insignis oratio, acuminis, & solertia plena, ut nec ornatui facilitas, nec facilitati inventionum decisset ornatus.



## L I B E R II.



Nno ab urbe condita CCC-  
CXVIII, mortuo Philippo,  
Alexander filius, (ob ma-  
gnitudinem rerum gestarum  
Magnus appellatus) viges-  
mo ætatis anno, plenum  
invidia, & gravissimis odiis,

ac periculis undique circumseptum asse-  
quutus est Imperium. Nec enim vicinæ  
barbarorum provinciæ, & nationes mo-  
destè servitutem ferebant, avita verò do-  
minia, patriosque principatus affectabant.  
Primò omnium autem quoque pater-  
næ cædis causa fuerant, gravibus affe-  
cit pœnis. Deinde sepulturæ ejusdem  
maximam impendit curam. Principatum  
verò multò melius, quàm quisquam exi-  
stimasset, confirmavit. Juvenis enim,  
atque ob ætatem adhuc teneram, ab ali-  
quibus contemptui habitus, vulgus ipsum  
humanissimis sermonibus ita in sui bene-  
volentiam traxit, ut & spem maximam  
omnibus faceret, & metum simul, atque  
contemptum sui universis demeret. Ma-  
cedonibus immunitatem cunctarum rerum,  
præter militiæ vacationem, dedit. Quo  
facto tantum sibi conciliavit favorem, ut  
alii corpus, non virtutem, alii verò no-  
men Regis solùm immutatum esse dice-  
rent. Et quum initio tumultus undique  
contra ipsum exorti essent, audacia, &  
animi

animi constantia incredibili citissime motus omnes compressit. Profectus deinde Corinthum in Peloponnesum, generali totius Græciæ concilio, contra Persas (quorum erat eo tempore summum in terris imperium, quique Græciam sæpè multis cladibus afflixerant) Imperator est designatus. Siquidem pater ejus idem bellum inchoaverat; morte tamen præventus, consummare haud potuerat. In hujus belli apparatu nunciatur, Athenienses, Thebanos, & Lacedæmonios, ab eo ad Persas defecisse, auctoremque ejus defectionis, magno auri pondere a Persis corruptum, Demosthenem oratorem extitisse. Quibus motibus occursurus, tanta celeritate, instructo, paratoque exercitu Græciam oppressit, ut, quem venire non fenserant, videre se vix crederent. In transitu hortatus Thessalos, beneficiorum patri commonefaciens, commemorata etiam veteri cognatione, quæ sibi cum illis per Herculem esset, sermonibusque humanissimis, ut magna a se sperarent, persuasos induxit, ut, communi totius Thessaliæ decreto, universæ gentis dux crearetur, omniaque vestigalia, atque redditus suos ei traderent. Tanta autem in juvene celeritas, tamque efficax in rebus agendis diligentia, omnes, qui per contemptum ab eo erant alienati, perterrefecit. Athenienses itaque sicut primi defece-  
runt, ita etiam primi poenitere cœperunt, pueritiam Alexandri antea spre-  
tam

tam supra virtutem veterum ducum extollentes: missisque legatis, bellum deprecabantur. Quibus auditis, & graviter increpatis, bellum remisit. In ea legatione Demosthenem quoque fuisse ferunt, sed cum cæteris ad Alexandrum non pervenit: siquidem a Cytherone Athenas reversus est, sive correptus timore, quòd frequenter Philippum cum suis vituperasset, atque in sua republica contra Macedones verba fecisset, sive ut regi Persarum (a quo magnam auri summam, ut Macedonum causam oppugnaret, accepisse dicebatur) omnem de se suspicionem eximeret. Hoc quoque ipsi ab Æschine exprobratum ajunt, qui in oratione quadam de acceptis muneribus ita dicit: In præsens sanè regium aurum sumptus huic suppeditat; sed hoc deinceps haud sufficiet, cum nullæ opes moribus improbis satis esse possint. Alexander, sedatis motibus, qui in Græcia erant exorti, antequam in Asiam cum exercitu trajiceret, per Thraciam iter faciens, Pæones, Triballos, Illyrios, aliosque finitimos petere instituit, quos novis rebus studere acceperat. Nam quòd regno ejus cum finitimi, tum maximè infidi erant, minimè negligendos censuit, præsertim cum in tam longinquas a domo regiones cum exercitu profecturus esset. Ex Amphipoli igitur cum copiis profectus in Thraces, (quos Græci Autonomos vocant, nullius imperio, nullius legibus obnoxios) decem dierum



dierum itinere ad Hæmum montem pervenit: ibi, circa aditus angustias, negotiatorum, atque Thracum ingentem numerum collectam obviam habuit. Insederant montis verticem, curribusque provallo, quâ patebat aditus, utebantur, inde pugnaturi, si necessitas postulasset: Sin autem ex adversa montis parte peterentur, currus in Alexandri phalangem magno impetu erant immissuri, quod & fecerunt. Sed milites ab Alexandro edocti, alii laxatis ordinibus, alii corpora humi strata scutis contegentes, periculum omne devitarunt. Hinc alacriores facti, ingenti clamore in hostes feruntur, eosque uno impetu superavere. Alexander, protinus superato jugo, per Hæmum montem in Triballos ad flumen Lygium profectus est. Syrmus Triballorum Rex erat: is, cognito Alexandri adventu, uxores, ac pueros, cæteramque imbellem turbam, ad Danubium in insulam Peucam confestim misit, quò & Thraces Triballis finitimi se receperant. Nec multò post & ipse Syrmus eodem fugit. Reliqua Triballorum multitudo ad alteram insulam se contulerat, in eo loco, ex quo pridie Alexander moverat, sitam. Alexander Triballos repetens, hostes ex sylvis in aperta provocatos superat, tribus millibus cæsis, reliquis in fugam coniectis, paucisque captis. Post hanc pugnam Alexander ad Danubium profectus, ad insulam, in quam Triballi, ac Thraces confuge-



fingerant, contendit; cui tamen barbari summa vi resisterunt; quod erat iis facilius, quoniam & naves paucæ erant, & insulæ maxima pars prærupta, ac præceps, & fluminis cursus, utpote in angustò conclusus, concitator. Quapropter Alexander abductis indè navibus; trajecto noctu flumine, MD equitibus, peditisque IV millibus, Getas (quorum circiter IV millia equitum, peditumq; supra X millia prohibendi animo in adversa ripa armatos viderat) petiit. Quo facto territi Getæ, ne primum quidem impetum sustinere. Res prorsus ingentis audaciæ iis visa, Alexandrum tam facilè unica nocte Danubium, omnium Europæ fluminum amplissimum, atque altissimum, nullo ponte injecto, transisse. Confugientibus igitur illis in sylvarum solitudines; atque latebras, Rex urbem vacuum nactus, cepit, soloque æquavit. Huc loci venire legati a cæteris Danubii accolis, a Symo Triballorum Rege, atque Germanis, ad Alexandrum, ut cum eo amicitiaæ fœdus inirent. Quibus in fidem, & amicitiam acceptis, e Germanis quæsivit: Quidnam in humanis rebus præ cæteris extimescerent; ratus nominis sui magnitudinem ante omnia ipsis formidolosam videri. Illi hoc se in primis timere responderunt, ne fortè in sese aliquando cœlum rueret. Alexander nihil motus responsi superbia, tantum adjecit: Germanos superbos esse, eosque domum remisit. Indè in Agrianos, &

Præonas iter persequenti nunciatum est, Clytū Bardiles ab eo defecisse, Glauciamque Taulantiorum Regem se ei conjunxisse. Erant & qui nunciarent fore, ut Autariatæ ipsum in itinere adorirentur. Proinde negotio de Autariatis Lagaro Agrianorum Regi (qui patri Philippo admodum charus, Alexandro quoque perquam familiaris erat) commisso, insuper Cyna sorore, ubi Pellam revertisset, ultro in uxorem promissa, ipse ad Clytū, Glauciamque magna celeritate contendit, eosque vario proelio vicit, atque prostravit. Hæc agenti, superveniunt nuncii, multos in Græcia res novas moliri, civitatesque non paucas, & in primis Thebanos ab eo defecisse. Qua re motus Alexander, in Macedoniam est reversus, ut factum in Græcia tumultum reprimeret. Thebanis autem conantibus præsidium Macedonicum ex arce Thebana (quam Cadmeam vocant) depellere, ipsamque, præaltis fossis, & munitissimo vallo cinctam, obsidentibus, Rex cum exercitu magnis itineribus profectus, non longè a Thebis cum omnibus copiis insedit. Itaque Thebanorum duces, quoniam Alexander præter spem omnium advenerat, ac incertum erat, utrum auxilia, sicuti a nonnullis civitatibus petierant, illis adventuræ essent, de belli ratione consultare cœperunt. Omnibus tandem consentientibus, belli discrimen subire constituerunt. Sed Rex suos continuit, illis spatium poeni-

poenitendi, mutandique consilii exhibens, nullo pacto futurum existimans, ut una civitas contra tantas copias esset pugnatura. Habebat enim ultra XXX millia peditum. equitumque ad III millia, omnes laboribus bellicis exercitatissimos, quorum virtuti confusus, Persicum bellum susceperat. Sanè si Thebani, temporum fortunæ cedentes, pacem petiissent, Rex eorum postulatis libentissimè annuisset; nam tum mirifico studio ad Persas in Asiam transire properabat. Cùm tamen armis, non precibus uti decrevisset, Alexander Macedones ad prælium instruxit. A Thebanis contra hostes numero longè superiores summis viribus, atque impigrè decertatum est. Interim Macedonibus, qui custodiæ Cadmeæ arcis præerant, a tergo invadentibus, circumventi Thebani, in ipsa pugna ceciderunt. Capta civitas, & direpta, urbs eversa funditus est. Qua quidem in re ea spes, idque consilium extitit Alexandro, ut hujusmodi casu, ac terrore compressi Græci, quietiùs, dum abesset, agerent: cùm alioqui incusantibus Thebanos sociis Phocensibus, ac Platæensibus morem gerere, gratificarique concupisceret. Plures sex millibus oppetiere: Triginta millia vendidit, ex quibus quadringentorum quadraginta talentorum argenti summam coegit. Pindari vatis tamen stirpi pepercit, summum in doctos favorem manifestissimo exemplo testatus. Non omittendum videtur, quòd hic rerum gestarum

Alexandri scriptores de Timoclea referunt, quam insignem Thebanam scēminam Thracius quidam dux consuprasse dicitur: quūque post id eam posceret pecūniam, solus a muliere ad puteum seductus fuisse, in quo diceret pretiosiora rerum suarum occultari. Ducem igitur super os putei, spectandi causā inclinatum, illa in profundum detrusit, supernēq; injectis lapidibus oppressit. Ob id facinus adductam ad se in vinculis scēminam, percunctatus est Alexander, quānam esset? Ea imperterrita, Theagenis, inquit, sum soror, qui contra Philippum electus imperator fortiter pugnans pro Græciæ libertate occubuit. Magnanimitatem mulieris & constantiam admiratus Rex, liberam eam cum filiis dimisit. Athenienses Thebarum casum molestē, & cum summa commiseratione ferentes, profugis portas contra Regis edictum aperuerunt. Quam rem ita graviter tulit Alexander, ut secunda legatione denuo bellum deprecantibus, ita domum remiserit, ut oratores, & duces, quorum fiduciā toties rebellent, sibi dedantur. Eò tamen demum res est deducta, ut, retentis oratoribus, duces in exilium agerentur, qui confestim ad Darium Regem Persarum profecti sunt. Cæterum coactis in Isthmo Græcis, & expeditionem in Persas decernentibus, Alexandro plures philosophi, & oratores occurrunt, præter Diogenem Cynicum, qui tum versabatur Corinthi, & Alexandrum parvi faciens,

in Gra-

in Cranio habitabat. Miratus Alexander, ad eum in sole apricantem venit, rogans, reine cujusquam indigeat: at ille, ut paulum, inquit, a sole discedas. Quo responso Alexandrum adedè delectatum ferunt, ut ad suos conversus dixerit, se Diogenem esse velle, si Alexander non esset.

Rebus Græciæ compositis, adventante vere, ipsaq; Græcia cum Macedonia Antipatro (cui ex amicis maximè fidebat) commissis, ad Hellespontum cum exercitu profectus, in Asiam incredibili ardore mentis accensus trajecit. Cùm autem delati in continentem essent, primus Alexander jaculum, velut in hostilem terram, coniecit, armatusque de navi, tripudianti similis, profiluit, atq; ita hostias cædit, precatus, ne se Regem illæ terræ invitæ accipiant. Indè hostem petens, milites a populatione Asiæ prohibuit; parcendum suis rebus præfatus; nec perdenda ea, quæ possessuri venerint. In exercitu ejus fuerunt XXXII millia peditum, non supra V millia equitum, navesque CLXXX. Hac tam parva manu universum terrarum orbem utrum sit admirabilius quòd vicerit, an quòd aggredi ausus fuerit, incertum est: cùm ad tam periculosum bellum, non juvenes robustos, nec primo ætatis flore, sed veteranos, plerosque etiam emeritæ militiæ, qui cum patre, patruisque militaverant, elegit: ut non tam milites, quàm militiæ magistros, electos putares. Ordines quoque nemo. nisi sexagenarius

duxit, ut si principia castrorum cerneret, senatum te alicujus priscæ Reipubl. videre diceret. Itaque nemo in prælio fugam, sed omnes victoriam animis conceperunt; nec in pedibus cuiquam spes, sed in laceratis fuit. Alexander deinde passim peractis sacrificiis, maximè apud Trojam ad Achillis tumulum, in quem genus suum ex materna linea referebat (eum ob id felicissimum adolescentem prædicans, quod suarum virtutum præconem Homerum invenisset) ad interiora Darii Regis Persarum contendit. Hunc Darium Arsanii filium, qui, decimus quartus a Cyro, totius orientis monarchiam tenebat, hac potissimum causa aggredi voluit, quod a patre suo Philippo tributum requisierat. Darius autem, missa prius superba, contumeliosa, atque imperiosissima legatione, se Regem Regum, ac consanguineum Deorum, Alexandrum, verò famulum suum appellans, Satrapis suis id negotii dederat, ut insanientem istum Philippi adolescentulum (sic enim eum per contemptum appellabat) verberibus puerilibus graviter cæsum, indutumque post veste purpurea, sibi victum traderent, navibusque unà cum navitis submersis, omnes ejus milites ad ulteriora maris Rubri transportarent. Qui mandatum Regis exequi volentes, ad Granicum amnem, qui Troadem a Propontide determinat, magna manu, videlicet viginti millibus peditum, & pari equitum

nume-

numero confluxerunt , & præruptam fluminis ripam , quæ Alexandro omnino trajiciendum erat, obsederunt. Alexander, etiamsi præsentissimum periculum instare cerneret : quippe quum suis ex inferiore atque instabili loco, ( erat enim cum udus, tum cæno lubricus ) utpote ex flumine adversus hostes in eminenti ripa stantes dimicandum foret : suæ tamen fortunæ , ac virtuti , simulque fortitudini militum confusus , amnem trajecit . Et primò quidem non spernenda difficultate pressus , tandem tamen hostes, non tam sua arte, quàm virtute Macedonum , vicit atque prostravit . In eo conspectu Persarum viginti milia peditum, & CCL equites , cæsa : Macedonum non plus XXXIV interfecti sunt . Ea pugna magnum ad res Alexandri momentum peperit . Sardeis enim maritimi barbarorum imperii propugnaculum cepit, iisque, ac cæteris Lydiæ populis, ut legibus uterentur suis, concessit . Ephesum , quarto post pugnam die , lapso inde præ metu præsidio , occupavit . Interim ex Magnesia , & Trallibus legati venerunt , urbium suarum deditionem pollicentes ; ad quas in fidem recipiendas Parmenionem cum duobus millibus & quingentis mercenariis, parique Macedonum numero , equitibus ex amicis circiter ducentis misit . Miletum deinde sibi resistantem oppugnavit : eaque potitus , versus Halicarnassum iter ingreditur . Omnibus interjacentibus oppidis primo impetu captis , Halicarnassum

urbem permunitam obsedit, eamque non sine labore expugnatam solo æquavit. Ingressus Cariam, Ada Carix Regina ( quæ Regno ab Orontobate, quem Darius miserat, pulsa, nihil quicquam in tota Caria, præter Alinda, ejus provinciæ urbem munitissimam, tenebat ) Alexandro obviam profecta, Alindis urbe tradita, eum in filium adoptavit. Rex nec liberalitatem, fœminæ, nec filii nomen aspernatus, urbem eidem custodiendam reliquit. Tota dein de Caria subacta, memor accepti beneficii, eam universam Adæ imperio subjecit. Hinc in Lyciam & Pamphyliam tendit eo consilio, ut ora maritima ad Phœniciam & Ciliciam usque in potestatem redacta, navales copias hostibus inutiles redderet. Devictisque rebellibus Pisidiæ populis, summo mentis ardore, nec minore alacritate adversus Darium, quem cum multis militantium millibus adventare constabat, contendens, Phrygiam, per quam exercitus traducendus erat, est ingressus.



## L I B E R III.

## Breviarium Libri.

1 **C**Elanarum urbe & arte recepta, primariam Pbrygia urbem Alexander ingreditur : in qua fatalem Gordii nodum solvit, ac deinde obviam Darii ire statuit.

2 Exercitus Persici lustratio, de quo quum Darii jussu Eudemus Atheniensis verum, liberumque protulisset judicium, capite mulctatus est.

3 Pompa Persarum regum, orto Sole domum procedentium, tunc copiarum Alexandri descriptio.

4 Desertas ab Arsane Darii praefecto Cilicia fauces, Alexander opportunè occupat.

5 Cùm in Cydnum flumen abluendi corporis gratiâ intempestivè descendisset, gravissimo morbo corripitur Rex ipse.

6 Qui a fido, sapientique medico Philippo, cui a totò exercitu ingentes gratiae habentur, pristina valetudini mox restituitur.

7 Vegetior factus, Darium aggredi cogitat, Sisenemque Persam imprudentia delinquentem occidi jubet.

8 Darii ante pugnam consilia : tum exercitus Persici consternatio ; proxima internecionis praesagium.

9 Utriusque exercitus membra prae-  
B 4 pua

*pua & collatio.*

10 *Alexandri oratio ad milites.*

11 *Pugna cruenta, in qua 100000 peditum, ac 10000 equitum Persarum occumbunt, reliquis fuis, fugatisque.*

12 *Castris Darii ingenti prada politur Alexander.*

13 *Matris & uxoris Darii, nec non aliarum nobilium captivarum luctum ob Regem, quem putabant interfectum, regio prorsus animo levat Alexander.*

14 *Darii gazam immensam, cum ingenti nobilium numero, Parmenioni proditorie Damasci Praefectus tradit.*



## L I B E R III.



**I**NTER hæc Alexander, ad conducendum ex Peloponneso militem Cleandro cum pecunia misso, Lyciæ, Pamphiliæque rebus compositis, ad urbem Celænas exercitum admovit. Media illa tempestate mœnia interfluebat Marfyas amnis, fabulosis Græcorum carminibus inclytus. Fons ejus ex summo montis cacumine excurrens, in subjectam petram magno strepitu aquarum cadit: indè diffusus circumjectos rigat campos liquidus, & suas duntaxat undas trahens. Itaque color ejus placido mari similis, locum poetarum mendacio fecit: quippe traditum est, nymphas amore amnis retentas in illa rupe considerare. Cæterum quamdiu intra muros fluit, nomen suum retinet; at cum extra munimenta se evolvit, majore vi, ac mole agentem undas, Lycum appellant. Alexander quidem urbem destitutam a suis intrat: arcem verò, in quam confugerant, oppugnare adortus, caduceatorem præmisit, qui denuntiaret, ni dederent, ipsos ultima esse passuros. Illi caduceatorem in turrim & situ, & opere multùm editam, perductum, quanta esset altitudo, intueri jubent, ac nuntiare Alexandro, non eadem ipsum, & incolas æstimatione munimenta metiri: se scire inexpugnabiles esse; ad ultimum, pro fide morituros.

Cæterum , ut circumfideri arcem , & omnia fibi in dies arctiora viderunt effe : fexaginta dierum inducias pacti , ut , nifi intra eos auxilium Darius ipsis miffet, dederent urbem : poftquam nihil inde præfidii mittebatur , ad præftitutam diem , permifere fe Regi . Superveniunt deinde legati Athenienfium , petentes , ut capti apud Granicum amnem redderentur fibi . Ille non hos modò , fed etiam cæteros Græcos reftitui fuis , juffurum respondit , finito Perfico bello . Cæterùm Dario imminens , quem nondum Euphratem fuperaffe cognoverat , undique omnes copias contrahit , totis viribus tanti belli difcrimen aditurus . Phrygia erat , per quam ducebatur exercitus , pluribus vicis , quàm urbibus frequens . Tunc habebat quondam nobilem Midæ Regiam : Gordium nomen eft urbi , quam Sangarius amnis præterfluit , pari intervallo Pontico , & Cilicio mari diftanti . Inter hæc maria anguftiffimum Afia: fpatium effe comperimus , utroque in arctas fauces compellente terram . Quæ quia continenti adhæret , fed magna ex parte cingitur fluctibus , speciem infulae præbet : ac , nifi tenue difcrimen objiceret , maria , quæ nunc dividit , committeret . Alexander , urbe in fuam ditionem redaâta , Jovis templum intrat ; vehiculum , quo Gordium Midæ patrem vectum effe conftabat , adspexit , cultu haud fane a vilioribus , vulgarisque ufu abhorrens . Notabile erat vinculum

culum adstrictum, compluribus nodis in semetipsum implicatis, & celantibus nexus. Incolis deinde affirmantibus, editam esse oraculo sortem, Asiæ potiturum, qui inexplicabile vinculum solvisset; cupido incessit animo sortis ejus explendæ. Circa Regem erat & Phrygum turba, & Macedonum; illa explicatione suspensa, hæc sollicita ex temeraria Regis fiducia; quippe series vinculorum erat ita adstricta, ut undè nexus inciperet, quòve se conderet, nec ratione, nec visu percipi posset. Solvere aggressus iniecerat curam, ne in omen verteretur irritum inceptum. Ille nequicquam diu luctatus cum latentibus nodis: Nihil, inquit, interest quomodo solvatur; gladioque ruptis omnibus loris, oraculi sortem vel elusit, vel implevit. Cum deinde Darium, ubicunque esset, occupare statuisset: ut a tergo tuta relinqueret, Amphoterum classi ad oram Hellesponti, copiis autem præfecit Hegelochum, Lesbum, & Chium, & Con præfidiis hostium liberaturos. His talenta ad belli usum quingenta attributa. Ad Antipatrum, & eos, qui Græcas urbes tuebantur, sexcenta missa. Ex foedere naves sociis imperat, quæ Hellesponto præficerent. Nondum enim Memnonem vitâ excessisse cognoverat, in quem omnes intenderat curas; satis gnarus, cuncta in expedito fore, si nihil ab eo moveretur. Jamque ad urbem Ancyram ventum erat, ubi numero copiarum inito, Paphlagoniam

intrat. Huic juncti erant Heneti : unde quidam Venetos trahere originem credunt, omnisque hæc Regio paruit Regi, datisque obsidibus, tributum ( quod ne Persis quidem tulissent ) pendere ne cogerentur, impetraverunt. Calas huic regioni præpositus est : ipse, assumptis, qui ex Macedonia nuper advenerant, Cappadociam petiit.

2 At Darius, nunciata Memnonis morte, haud secus quàm par erat, motus, omiſſa omni alia spe, statuit ipse decernere : quippe quæ per duces suos acta erant, cuncta damnabat ; ratus pluribus curam, omnibus abſuiſſe fortunam. Igitur caſtris ad Babylonem poſitis, quo majore animo capeſſerent bellum, univerſas vires in conſpectum dedit : & circumdato vallo, quod decem millium armatorum multitudinem caperet, Xerxis exemplo, numerum copiarum iniiit. Orto ſole, ad noctem agmina, ſicut deſcripta erant, intravere vallum ; inde occupaverant emiſſa Meſopotamiæ campos, equitum, peditumque propemodum innumerabilis turba, majorem quàm pro numero ſpeciem gerens. Perſarum erant centum millia, in quibus eques triginta millia implebat. Medi decem equitum, quinquaginta millia peditum habebant. Barcanorum equitum duo millia fuere, armati bipennibus, levibusque ſcutis cetræ maximæ ſpeciem reddentibus ; peditum decem millia pari armatura ſequebantur. Armenii quadraginta millia miſerant

ferant peditum, additis septem millibus equitum. Hyrcani egregii, ut inter illas gentes, sex millia expleverant, equis militatura. Derbices quadraginta millia peditum armaverant. Pluribus hærebant ferro præfixæ hastæ, quidam lignum igni duraverant; hos quoque duo millia equitum ex eadem gente comitata sunt. A Caspio mari octo millium pedester exercitus venerat, ducenti equites. Cum his erant ignobiles Asiæ gentes, duo millia peditum: equitum duplicem paraverant numerum. His copiis triginta millia, Græcorum mercede conducta, egregiæ juventutis adjecta sunt. Nam Bactrianos, & Sogdianos, & Indos, cæterosque rubri maris accolæ, ignota etiam ipsi gentium nomina, festinatio prohibebat acciri. Nec quicquam illi minus, quàm multitudo militum, defuit: cujus tum universæ aspectu admodum lætus, Purpuratis solita vanitate spem ejus instantibus, conversus ad Eudemum Atheniensem, belli peritum, & ob exilium infestum Alexandro, (quippe Athenis, jubente eo, fuerat expulsus) percunctari cœpit. Satisne ei videretur instructus ad obterendum hostem. At ille & suæ fortis, & Regiæ superbix oblitus: *Verùm, inquit, & tu forsàn audire nolis, & ego, nisi nunc dixero, aliàs nequaquam consistebor. Hic tanti apparatus exercitus, hæc tot gentium, & totius Orientis excita sedibus suis moles, finitimis potest esse terribilis: nides purpura, aurumque fulget armis, & opu-*

& opulentia, quantam qui oculis non  
 subjecere, animis concipere non possunt.  
 Sed Macedonum acies torva sanè, &  
 inculta, clypeis, hastisque immobilis,  
 cuneos, & conferta robora virorum teget.  
 Ipsi pbalangem vocant peditum stabile  
 agmen. Vir viro, armis arma conferta  
 sunt; ad nutum monentis intenti, sequi  
 signa, ordines servare didicere; quod im-  
 peratur, omnes exaudiunt: obsistere, cir-  
 suire, discurrere in cornu, mutare pu-  
 gnam, non duces magis, quàm milites cal-  
 lent. Et ne auri, argentique studio teneri  
 putes, adhuc illa disciplina, paupertate  
 magistra, stetit. Fatigatis humus cubile  
 est: cibus, quem occupant, satiat: tem-  
 pora somni arctiora, quàm noctis sunt.  
 Jam Thessali equites & Acarnanes, Æto-  
 lique, invicta bello manus, fundis, cre-  
 do, & hastis igne duratis repellentur: pa-  
 ri robore opus est. In illa terra, qua hos  
 genuit, auxilia quarenda sunt. Argentum  
 istud, atque aurum ad conducendum mi-  
 litem mitte. Erat Dario mite, ac tractabi-  
 le ingenium, nisi etiam suam naturam  
 plerumque fortuna corrumpere. Itaque  
 veritatis impatiens, hospitem ac suppli-  
 cem, tunc maximè utilia suadentem, ab-  
 strahi iussit ad capitale supplicium. Ille,  
 ne tum quidem libertatis oblitus: Ha-  
 beo, inquit, paratum mortis mea ul-  
 tiorem, expetet pœnas mei consilii spre-  
 ti ipse, contra quem tibi suasi. Tu qui-  
 dem licentis regni subitò mutatus, da-  
 cimus.



*cumentum eris posteris, homines, cum se permisere fortuna, etiam naturam dediscere. Hæc vociferantem, quibus erat imperatum, jugulant. Sera deinde poenitentia subiit Regem: ac vera dixisse confessus, eum sepeliri iussit.*

3 Thymodes erat Mentoris filius, impiger juvenis, cui præceptum est a rege, ut omnes peregrinos milites, in quos plurimum habebat spei, a Pharnabazo acciperet, operâ eorum usus in bello. Ipsi Pharnabazo tradit imperium, quod antè Memnoni dederat. Anxium de instantibus curis agitabant etiam per somnum species imminentium Rerum: sive illas ægritudo, sive divinatio animi præstegientis accersit. Castra Alexandri magno ignis fulgore collucere ei visa sunt, & paulò post Alexander adduci ad ipsum, in eo vestis habitu, quo ipse fuisset: equo deinde per Babylonem vectus, subito cum ipso equo oculis esse subductus. Ad hæc vates varia interpretatione curam distrinxerant: alii lætum id Regi somnium esse dicebant, quòd castra hostium arsisent: quòd Alexandrum, deposita Regia veste, in Persico & vulgari habitu perductum esse vidisset. Quidam non ita augurabantur: quippe illustria Macedonum castra visa, fulgorem Alexandro portendere, quem Regnum Asiæ occupaturum esse, haud ambigere: quoniam, in eodem habitu Darius fuisset, cum appellatus est Rex.

Rex. Vetera quoque omnia, ut sit, sollicitudo revocaverat. Darium enim in principio imperii vaginam acinacis Persicam iussisse mutari in eam formam, qua Græci uterentur, protinusque Chaldaeos interpretatos, imperium Persarum ad eos transiturum, quorum arma esset imitatus. Cæterum ipse & varum responso, quod edebatur in vulgus, & specie, quæ per somnum oblata erat, admodum lætus, castra ad Euphratem movere jubet. Patrio more Persarum traditum est, orto sole deum procedere. Die jam illustri signum e tabernaculo Regis buccina dabatur: super tabernaculum, undè ab omnibus conspici posset, imago solis crystallo inclusa fulgebat. Ordo autem agminis erat talis: Ignis, quem ipsi sacrum & æternum vocabant, argenteis altaribus præferebatur. Magi proximi patrium carmen canebant. Magos trecenti, & sexaginta quinque juvenes sequebantur, puniceis amiculis velati, diebus totius anni pares numero; quippè Persis quoque in totidem dies descriptus est annus. Currum deinde Jovi sacratum albentes vehebant equi; hos eximia magnitudinis equus, quem Solis appellabant, sequebatur. Auræ virgæ, & albæ vestes, regentes equos adornabant. Haud procul erant vehicula decem, multo auro, argentoque cælata. Sequebatur hæc equitatus duodecim gentium variis armis & moribus. Proximi ibant, quod Persæ immortales vocant, ad decem milia,

lia; cultus opulentiae barbarae non alios magis honestabat. Illi aureos torques, illi vestem auro distinctam habebant, manicatasque tunicas, gemmis etiam adornatas. Exiguo intervallo, quos cognatos Regis appellant, decem & quinque millia hominum. Haec verò turba muliebriter propemodum culta, luxu magis, quàm decoris armis conspicua erat. Doryphori vocabantur. Proximum his agmen, soliti vestem excipere regalem. Hi currum Regis antebant, quo ipse eminens vehebatur. Utrunque currus latus Deorum simulacra ex auro, argentoque expressa decorabant. Distinguebant internitentes geminae jugum, ex quo eminebant duo aurea simulacra cubitalia: quorum alterum pacis, alterum belli gerebat effigiem. Inter hæc auream aquilam, pinnas extendenti similem, sacraverant. Cultus Regis, inter omnia, luxuria notabatur. Purpureae tunicae medium album intextum erat. Pallam auro distinctam aurei accipitres, velut rostris inter se corruerent, adornabant: & zona aurea muliebriter cinctus, acinacem suspenderat, cui ex gemma erat vagina. Cydarim Persae Regium capitis vocabant insigne: hoc caerulea fascia albo distincta circuibat. Currum decem millia hastatorum sequebantur: hastas, argento exornatas, spicula auro praefixa gestabant. Dexterâ, lævaque Regem ducenti ferme nobilissimi propinquorum.

comitabantur. Horum agmen claudebatur triginta millibus peditum, quos equi Regis quadringenti sequebantur. Intervallo deinde unius stadii, matrem Darii Syfigambim currus vehēbat, & in alio erat conjunx. Turba foeminarum Reginas comitantium equis vectabatur. Quindecim inde, quas armamaxas appellant, sequebantur. In his erant liberi Regis, & qui educabant eos, spadonumque grex, haud sanè illis gentibus vilis. Tum Regiæ pellices trecentæ sexaginta vehēbantur, & ipsæ regali cultu, ornatuque; post quas pecuniam Regis sexcenti muli, & trecenti cameli vehēbant, præsidio sagittariorum prosequente. Propinquorum, amicorumque conjuges huic agmini proximæ, lixarumque, & calorum greges vehēbantur. Ultimi erant cum suisque ducibus, qui cogerent agmen, leviter armati. Contra, si quis aciem Macedonum intueretur, dispar acies erat; equis, virisque non aurea, non discolori veste, sed ferro, atque ære fulgentibus. Agmen & stare paratum, & sequi, nec turba, nec sarcinis prægrave: intentum ad ducis non signum modò, sed etiam nutum. Et castris locus, & exercitui commeatu suppetebant. Ergo Alexandro in acie milites non defuit.

4 Darius autem tantæ multitudinis Rex, loci, in quo pugnavit, angustiis reductus est ad paucitatem, quam in hoste contempserat. Interea Alexander, Abi-  
flamene

stamene Cappadociæ præposito, Ciliciam petens, cum omnibus copiis in regionem, quæ Castra Cyri appellatur, pervenerat, Stativa illic habuerat Cyrus, cum adversus Cræsum in Lydiam exercitum duce-  
ret. Aberat ea Regio quinquaginta stadia ab aditu, quo Ciliciam intramus: Pylas incolæ dicunt arctissimas fauces, munimenta, quæ manu ponimus, naturali situ imitante. Igitur Arsanes, qui Ciliciæ præerat, reputans quid in initio belli Memnon suavisset, quondam salubre consilium serò exsequi statuit: igne, ferroq; Ciliciam vastat, ut hosti solitudinem faciat: quicquid usui esse potest, corrumpit: sterile, ac nudum solum, quod tueri nequibat, relicturus. Sed longè utilius fuit, angustias aditus, qui Ciliciam aperit, valido occupare præsidio, jugumque opportunè itineri imminens obtinere; unde inultus subeuntem hostem aut prohibere, aut opprimere potuisset. Tunc paucis, qui callibus præsiderent, relictis, retro ipse concessit, populator terræ, quam a populationibus vindicare debuerat. Ergo qui relictæ erant, proditos se rati, ne conspectum quidem hostis sustinere voluerunt, cum vel pauciores locum obtinere potuissent. Namque perpetuo iugo montis asperi, ac prærupti Cilicia includitur: quod quum a mari surgat, velut sinu quodam, flexuque curvatum, rursus altero cornu in diversum litus excarrit. Per hoc dorsum, quæ maxime intrasump  
mari

mari cedit, asperi tres aditus, & perangusti sunt, quorum uno Cilicia intranda est, campestris eadem, quæ vergit ad mare, planiciem ejus crebris distinguentibus rivis. Pyramus & Cydnus inelyti amnes fluunt. Cydnus, non spacio aquarum, sed liquore memorabilis: quippe leni tractu a fontibus labens, puro solo excipitur. Nec torrentes incurrunt, qui placidè manantis alveum turbent. Itaque incorruptus, idemque frigidissimus, quippe multa riparum amœnitate inumbratus, ubique fontibus suis similis in mare evadit. Multa in ea Regione monumenta vulgata carminibus vetustas exederat. Monstrabantur urbium sedes Lyrnessi, & Thebes; Thyphonis quoque specus, & Corycium nemus, ubi crocum gignitur, cæteraque, in quibus nihil præter famam duraverat. Alexander fauces jugi, quæ Pysæ appellantur, intravit: contemplatus locorum situm, non aliàs magis dicitur admiratus esse felicitatem suam: obrui potuisse vel saxis confitebatur, si fuissent, qui subeuntes propellerent. Iter vix quaternos capiebat armatos. Dorsum montis imminebat viæ, non angustæ modò, sed plerunque præruptæ, crebris oberrantibus rivis, qui ex radicibus montium manant. Thracas tamen leviter armatos præcedere jusserat, scrutarique calles, ne occultus hostis in subeuntes erumperet. Sagittariorum quoque manus occupaverat jugum: intentos

tos arcus habebant, moniti, non iter ipsos inire, sed prælium. Hoc modo agmen pervenit ad urbem Tarson, cui tum maximè Persæ subiciebant ignem, ne opulentum oppidum hostis invaderet. At ille, Parmenione ad inhibendum incendium cum expedita manu præmisso, posteaquam Barbaros adventu suorum fugatos esse cognoverat, urbem a se conservatam intrat.

5. Mediam Cydnus amnis, de quo paulò ante dictum est, interfuit; & tunc æstas erat, cujus calor non aliam magis quàm Ciliciæ oram vapore solis accendit, & diei fervidissimum tempus cæperat. Pulvere, ac sudore simul perfusum Regem invitavit liquor fluminis, ut calidum adhuc corpus ablueret. Itaque veste deposita, in conspectu agminis (decorum quoque futurum ratus, si ostendisset suis, levi ac parabili cultu corporis se esse contentum) descendit in flumen, vixque ingressi subito horrore artus rigere cœperunt: pallor deindè suffusus est, & totum propemodum corpus vitalis calor reliquit. Expiranti similem ministri manu excipiunt, nec satis compotem mentis in tabernaculum deferunt. Ingens sollicitudo, & penè jam luctus in castris erat. Flentes querebantur, in tanto impetu, cursuque rerum, omnis ætatis, ac memoriæ clarissimum Regem non in acie saltem, non ab hoste dejectum, sed abluentem aqua corpus, ereptum esse, & extin-

extinctum : instare Darium , victorem ,  
 antequam vidisset hostem . Sibi easdem  
 terras , quas victores peragrassent , repe-  
 tendas : omnia aut ipsos , aut hostes po-  
 pulatos : per vastas solitudines , etiamsi  
 nemo insequi velit , euntes , fame atque  
 inopia debellari posse . Quem signum-  
 daturum fugientibus ? quem ausurum  
 Alexandro succedere ? Jam ut ad Hel-  
 lespontum fuga penetrarent , classem ,  
 qua transeant , quem præparaturum ? Rur-  
 sus in ipsum Regem misericordia versa ,  
 illum florem juventæ , illam vim animi ,  
 eundem Regem & commilitonem divelli a  
 se , & abripi , immemores sui quereban-  
 tur . Inter hæc liberius meare spiritus cœ-  
 perat , allevabat Rex oculos , & paulatim  
 redeunte animo , circumstantes amicos  
 agnoverat ; laxataque vis morbi ad hoc  
 solum videbatur , quia magnitudinem ma-  
 li sentiebat . Animum autem ægritudo  
 corporis urgebat , quippè Darium quinto  
 die in Ciliciam fore nunciabatur . Vin-  
 ctum ergo se tradi , & tantam victoriam  
 eripi sibi e manibus , obscuraque & igno-  
 bili morte in tabernaculo extinguere se , que-  
 rebatur . Admissisque amicis , pariter &  
 medicis : *In quo me , inquit , articulo re-  
 rum mearum fortuna deprehenderit , cer-  
 nitis . Strepitum hostilium armorum  
 exaudire videor : & qui ultro intili bel-  
 lum , jam provocor . Darius ergo , cum  
 tam superbas literas scriberet , fortunam  
 meam in consilio habuit , sed nequicquam , si*  
mibi



*mibi arbitrio meo curari licet. Lenta remedia & segnes medicos non expetunt tempora mea. Vel mori strenuè, quàm tardè convalescere, mihi melius est. Proinde, si quid opis, si quid artis in medicis est; sciant, me non tam mortis, quàm belli remedium querere. Ingentem omnibus incusserat curam tam præceps temeritas ejus. Ergo pro se quisque precari cœpere, ne festinatione periculum augeret, sed esset in potestate medentium. Inexperta remedia haud injuria ipsis esse suspecta, quum ad perniciem ejus etiam a latere ipsius pecunia sollicitaret hostis. Quippe Darius mille talenta interfectori Alexandri daturum se pronunciari jusserrat. Itaque ne ausurum quidem quenquam arbitrabatur experiri remedium, quod propter novitatem posset esse suspectum.*

6 Erat inter nobiles medicus e Macedonia Regem secutus, Philippus, natione Acarnan, fidus admodum Regi; puero comes, & custos salutis datus, qui non ut Regem modò, sed etiam ut alumnum eximia charitate diligebat. Is non præceps se, sed strenuum remedium afferre, tantamque vim morbi potione medicata levaturum esse promisit. Nulli promissum ejus placebat, præter ipsum, cujus periculo pollicebatur. Omnia quippè faciliùs, quàm moram, perpeti poterat. Arma & acies in oculis erant; & victoriam in eo positam esse arbitrabatur, si tantùm ante

ante signa stare potuisset : id ipsum, quod post diem tertium medicamentum sumpturus esset ( ita enim medicus prædixerat ) ægrè ferens . Inter hæc a Parmenione, fidissimo purpuratorum , literas accepit , quibus ei denunciabat , ne salutem suam Philippo committeret : mille talentis a Dario , & spe nuptiarum sororis ejus esse corruptum . Ingentem animo solitudinem literæ incusserant , & quicquid in utranque partem aut metus , aut spes subjecerat , secreta æstimatione pensabat . Bibere perseverem ? ut si venenum datum fuerit , ne immeritò quidem , quicquid acciderit , evenisse videatur ? Damnum medici fidem ? in tabernaculo ergo me opprimi patiar ? At satius est , alieno me mori scelere , quàm metu nostro . Diu animo in diversa versato , nulli quid scriptum esset , enunciat , epistolamque sigillo annuli sui impresso , pulvino , cui incubabat , subjecit . Inter has cogitationes biduo absumpto , illuxit a medico destinatus dies . Et ille cum poculo , in quo medicamentum diluerat , intravit . Quo viso , Alexander , levato corpore in cubitum , epistolam a Parmenione missam sinistra manu tenens , accipit poculum , & haurit interritus : tum epistolam Philippum legere jubet , nec a vultu legentis movit oculos , ratus aliquas conscientiæ notas in ipso ore posseprehendere . Ille , epistola perlecta , plus indignationis , quàm pavoris ostendit :  
pro-

projectisque amiculo & literis ante lectum:  
 Rex, inquit, semper quidem spiritus meus  
 ex te pependit, sed nunc verò (arbitror)  
 sacro & venerabili irabitur. Crimen  
 parricidii, quod mihi obiectum est, tua sa-  
 lus diluet. Servatus a me vitam mihi  
 dederis, oro, quoque: omissoque metu,  
 patere, medicamentum concipi venis. La-  
 xa paulisper animum, quem solitudine  
 intempestiva amici sanè fideles, sed mole-  
 stè seduli turbant. Non securum modò  
 hæc vox, sed etiam lætum Regem, ac  
 plenum bonæ spei fecit. Itaque si dii,  
 inquit, Philippe, tibi permisissent, quo  
 maximè modo animum velles experiri  
 meum, alio profectò voluisses. Sed certio-  
 re, quàm expertus es, ne optasses qui-  
 dem. Hæc epistola accepta, tamen, quod  
 dilueras, bibi; & nunc credo, te non mi-  
 nus pro tua fide, quàm pro mea salute  
 esse sollicitum. Hæc elocutus, dexteram  
 Philippo offert. Cæterum tanta vis medi-  
 caminis fuit, ut, quæ sequuta sunt, crimi-  
 nationem Parmenionis adjuverint. Inter-  
 clusus spiritus arctè meabat, nec Philip-  
 pus quidquam inexpertum omisit. Ille  
 fomenta corpori admovit, ille torpentem  
 nunc cibi, nunc vini odore excitavit.  
 Atque ut primùm mentis compotem esse  
 sensit, modò matris, sororumque, modò  
 tantæ victoriæ appropinquantis admone-  
 re non destitit. Ut verò medicamentum  
 se diffudit in venas, & sensim toto cor-  
 pore salubritas percipi potuit; primò

animus vigorem suum, deinde corpus quoque expectatione maturius recuperavit. Quippe post tertium diem, quàm in hoc statu fuerat, in conspectum militum venit. Nec avidius ipsum Regem, quàm Philippum intuebatur exercitus: pro se quisque dexteram ejus amplexi, grates habebant, velut præsenti Deo. Namque haud facile dictum est, præter ingenitam illi genti erga Reges suos venerationem, quantum hujus quoque Regis vel admirationi dediti fuerint, vel charitate flagraverint. Jam primum nihil, nisi divina ope, agredi videbatur. Nam cum esset præstobique fortuna, temeritas in gloriam cesserat: ætas quoque vix tantis matura rebus, sed abundè sufficiens, omnia etiam ejus opera honestabat: & quæ leviora haberi solent, plerumque in re militari gratiora vulgo sunt: exercitatio corporis inter ipsos, cultus habitusque paululùm a privato abhorrens, militaris vigor, quæ ille vel ingenii dotibus, vel animi artibus, ut pariter charus ac venerandus esset, effecerat.

7 At Darius nuntio de adversa valetudine ejus accepto, celeritate quanta poterat, tam grave agmen ad Euphratem contendit: junctoque eo pontibus, quinque tamen diebus trajecit exercitum, Ciliciam occupare festinans. Jamque Alexander viribus corporis receptis, ad urbem Solos pervenerat; ejus potius, ducentis talentis,

lentis, nomine multæ, exactis, arcis præsidium militum imposuit. Vota deinde pro salute suscepta perludum atque otium reddens, ostendit, quanta fiducia Barbaros sperneret: quippe Æsculapio & Minervæ ludos celebravit. Spectanti lætus nuntius affertur ex Halicarnasso, Persas acie a suis esse superatos, Myndios quoque, & Caunios, & pleraque tractus ejus, suæ factæ ditionis. Igitur edito spectaculo ludicro, castrisque motis, & Pyramo amne ponte juncto, ad urbem Mallon pervenit: inde alteris castris ad oppidum Castabulum. Ibi Parmenio Regi occurrit, quem præmiserat ad explorandum iter saltus, per quem ad urbem Isson nomine penetrandum erat. Atque ille angustiis ejus occupatis, & præsidio modico relicto, Isson quoque desertam a Barbaris ceperat. Inde progressus, deturbatis, qui interiora montium obsidebant, præfidiis cuncta firmavit: occupatique itineris, sicut paulò ante dictum est, idem & author & nuntius venit. Isson inde Rex copias admovit: ubi consilio habito, utrumne ultrà progrediendum foret, an ibi opperendi essent milites novi, quos ex Macedonia adventare constabat. Parmenio, non alium locum prælio aptiorem esse censebat; quippe illic utriusque Regis copias numero futuras pares, cum angustiarum multitudinem non caperent; planitiem ipsas camposque esse vitandos, ubi

circumiri, ubi ancipiti acie opprimi possent: timere, ne non virtute hostium, sed lassitudine sua vincerentur: Persas recentes inde successuros, si laxius stare potuissent. Facile ratio tam salubris consilii accepta est. Itaque inter angustias saltus hostem opperiri statuit. Erat in exercitu Regis Sisenes Perses, quondam a Prætoræ Ægypti missus ad Philippum, donisque & omni honore cultus exilium patria sede mutaverat: secutus deinde in Asiam Alexandrum, inter fideles socios habebatur. Huic epistolam Cretensis miles obsignatam anulo, cujus signum haud sanè notum erat, tradidit. Nabarzanes Prætor Darii miserat eam, hortabaturque Sisenem, ut dignum aliquid nobilitate ac moribus suis ederet: magno id ei apud Regem honori fore. Has literas Sisenes, utpote innoxius, ad Alexandrum sæpè deferre tentavit. Sed cum tot curis apparatuque belli Regem videret urgeri, aptius subinde tempus expectans, suspicionem initi scelesti consilii præbuit. Namque epistola, priusquam ei redderetur, in manus Alexandri pervenerat, lectamque eam ignoti anuli sigillo impresso, Siseni dari jusserat, ad æstimandam fidem Barbari. Qui quia per complures dies non adierat Regem, scelesto consilio eam visus est suppressisse, & in agmine a Cretensisibus haud dubiè jussu Regis occisus est.

8 Jamque Græci milites, quos Thymondas a Pharnabazo acceperat, præcipua

qua spes, & propemodum unica, ad Darium pervenerant. Hi magnoperè suadebant, ut retro abiret, spatiososque Mesopotamiæ campos repeteret. Si id consilium damnaret, at ille divideret saltem copias innumerabiles, neu sub unum fortunæ ictum totas vires regni cadere pateretur. Minus hoc consilium Regi, quàm purpuratis ejus displicebat: ancipitem fidem, & mercede venalem proditionem imminere, & dividi non ad aliud copias velle, quàm ut ipsi in diversa digressi, si quid commissum esset, traderent Alexandro. Nihil tutius esse, quàm circumdatos eos exercitu toto obrui telis; documentum non inultæ perfidiæ futuros. At Darius, ut erat sanctus & mitis, se verò tantum facinus negat esse facturum, ut suam secutos fidem, suos milites jubeat trucidari. Quam deindè ampliùs nationum exterarum, salutem suam credituram sibi, si tot militum sanguine imbuisset manus? Neminem stolidum consilium capite luerè debere. Defuturos eos, qui suaderent, si suasisse periculum esset. Denique, ipsos quotidie ad se vocari in consilium, variasque sententias dicere, nec tamen melioris fidei haberi; qui prudentiùs suaserint. Itaque Græcis nuntiari jubet, ipsum quidem benevolentiae illorum gratias agere; cæterùm si retro ire pergat, haud dubiè regnum hostibus traditurum. Fama bella stare: & eum, qui recedat, fugere credi. Trahendi verò belli vix ullam

esse rationem. Tantæ enim multitudini, utique cùm jam hyems instaret, in regione valla, & invicem a suis, atque hoste vexata, non suffectura alimenta. Ne dividi quidem copias posse, servato more majorum, qui universas vires semper discrimini bellorum obtulerant. Et hercule, terribilem antea Regem, & absentia sua ad vanam fiduciam elatum, posteaquam adventare se senserit, cautum pro temerario factum, delituisse inter angustias saltus, ritu ignobilium ferarum, quæ strepitu prætereuntium audito, sylvarum latebris se occuluerunt. Jam etiam valetudinis simulatione frustrari suos milites, sed non ampliùs ipsum esse passurum detrectare certamen. In illo specu, in quem pavidì recessissent, oppressurum esse cunctantes. Hæc magnificentius jactata, quàm verius. Cæterum pecunia omni, rebusque pretiosissimis Damascum Syriæ cum modico præsidio militum missis, reliquas copias in Ciliciam duxit, insequentibus, more patrio, agmen conjuge & matre. Virgines quoque cum parvo filio comitabantur patrem. Fortè eadem nocte & Alexander ad fauces, quibus Syria aditur, & Darius ad eum locum, quem Amanicas Pylas vocant, pervenit. Nec dubitavere Persæ, quin, Issò relicta, quam cœperant, Macedones fugerent. Nam etiam faucii quidam & invalidi, qui agmen non poterant persequi, excepti erant. Quos omnes, instinctu purpuratorum,



torum barbara feritate sævientium, præcisis adultisque manibus circumduci, ut copias suas noscerent: satisque omnibus spectatis, nuntiare quæ vidissent, Regi suo iussit. Motis ergo castris, superat Pyramum amnem, in tergis, ut credebat, fugientium hæsurus. At illi, quorum amputaverat manus, ad castra Macedonum penetrant, Darium, quàm maximo cursu posset, sequi nuntiantes. Vix fides habebatur. Itaque speculatores in maritimas regiones præmissos explorare jubet, ipsene adesset, an præfectorum aliquis speciem tribuisset universi venientis exercitus. Sed cùm speculatores reverterentur, procul ingens multitudo conspecta est. Ignis deinde totis campis collucere cœperunt, omniaque velut continenti incendio ardere visa, cùm incondita multitudo maximè propter jumenta laxius tenderet. Itaque eo ipso loco metari suos castra jusserat; lætus, quòd omni expetiverat voto, in illis potissimum angustiis discernendum esse. Cæterùm, ut solet fieri, cùm ultimi discriminis tempus adventat, in sollicitudinem versa fiducia est. Illam ipsam fortunam, qua aspirante, res tam prosperè gesserat, verebatur: nec injuria, ex his quæ tribuisset sibi, quàm mutabilis esset, reputabat. Unam superesse noctem, quæ tanti discriminis moraretur eventum. Rursus occurrebant majora periculis præmia: & sicut dubium esset, an vinceret, ita illud utique certum

esse, honestè & cum magna laude moriturum. Itaque corpora milites curare iussit, ac deinde tertia vigilia instructos & armatos esse. Ipse in jugum editi montis ascendit, multisque collucentibus facibus patrio more, sacrificium Diis præsidibus loci fecit. Jamque tertium, sicut præceptum erat, signum tubâ miles acceperat, itineri simul paratus & prælio: strenuèque jussi procedere, oriente luce, pervenerunt ad angustias, quas occupare decreverant. Darium triginta inde stadia abesse, præmissi indicabant. Tunc consistere agmen jubet, armisque ipse sumptis aciem ordinabat. Dario adventum hostium pavidi agrestes nuntiaverunt: vix credenti, occurrere etiam, quos ut fugientes sequebatur. Ergo non mediocris omnium animos formido incesserat, quippe itineri, quàm prælio aptiores erant, raptimque arma capiebant. Sed ipsa festinatio discurrentium, suosque ad arma vocantium, majorem metum incussit. Alii in jugum montis evaserant, ut hostium agmen inde prospicerent: equos plerique frænabant: discors exercitus, nec ad unum intentus imperium, vario tumultu cuncta turbaverat. Darius initio montis jugum cum parte copiarum occupare statuit; & a fronte, & a tergo circumiturus hostem: a mari quoque, quò dexterum ejus cornu tegebatur, alios objecturus, ut undique urgeret. Præter hæc viginti millia præmis-

sa

sa cum sagittariorum manu, Pyramum amnem, qui duo agmina interfluebat, transire, & obicere sese Macedonum copiis iusserat. Si id præstare non possent, retrocedere in montes, & occultè circumire ultimos hostium. Cæterum destinata salubriter omni ratione, potentior fortuna discussit: quippe alii præ metu imperium exequi non audebant, alii frustra exquebantur, quia ubi partes labant, summa turbatur.

9 Acies autem hoc modo stetit: Nabarzanes equitatu dexterum cornu tuebatur, additis funditorum, sagittariorumque viginti fermè millibus. In eodem Thymondas erat, Græcis peditibus mercede conductis triginta millibus præpositus. Hoc erat haud dubium robur exercitus, par Macedonicæ phalangi acies. In lævo cornu Aristomedes Thessalus viginti millia Barbarorum peditum habebat. In subsidiis pugnacissimas locaverat gentes. Ipsum Regem in eodem cornu dimicaturum tria millia delectorum equitum assueta corporis custodiæ & pedestris acies quadraginta millia sequebantur. Hyrcani deinde, Medique equites: his proximi cæterarum gentium equites dextera lævaque dispositi. Hoc agmen, sicut dictum est, instructum sex millia jaculatorum funditorumque antecedeabant. Quidquid in illis angustiis adiri poterat, impleverant copiæ: cornuaque hinc a jugo, illinc a mari stabant; uxorem, matrem.

treinque Regis, & alium foeminarum gregem, in medium agmen acceperant. Alexander phalangem, qua nihil apud Macedonas validius erat, in fronte constituit; dexterum cornu Nicanor Parmenionis filius tuebatur: huic proximi stabant Coenos, & Perdiccas, & Meleager, & Ptolemæus, & Amyntas, sui quisque agminis duces. In lævo, quod ad mare pertinebat, Craterus & Parmenio erant; sed Craterus Parmenioni parere jussus. Equites ab utroque cornu locati: dexterum Macedones Thessalis adjunctis, lævum Peloponneses tuebantur. Ante hanc aciem posuerat funditorum manum sagittariis admixtis. Thraces quoque & Cretenses ante agmen ibant, & ipsi leviter armati. At iis, qui præmissi a Dario jugum montis infederant, Agrianos opposuit, ex Græcia nuper advectos. Parmenioni autem præceperat, ut, quantum posset, agmen ad mare extenderet, quo longius abesset montibus, quos occupaverant Barbari. At illi, neque obstare venientibus, nec circumire prætergressos ausi, funditorum maximè aspectu territi profugerant. Eaque res Alexandro tutum agminis latus, quòd ne superne incesceretur, timuerat, præstitit. Triginta & duo armatorum ordines ibant, neque enim latius extendi aciem patiebantur angustia. Paulatim deinde se laxare sinus montium, & majus spatium aperire cœperant; ita ut non pedes so-  
lum

lūm pluribus ordinibus incedere, sed etiam a lateribus circumfundi posset equitatus.

10 Jam in conspectu, sed extra teli jactum utraque acies erat, cū priores Persæ inconditum & trucem sustulere clamorem. Redditur & a Macedonibus major, exercitus impar numero, sed jugis montium vastisque saltibus percussus, quippe semper circumjecta nemora petraeque, quantamcunque accipere vocem, multiplicato sono referunt. Alexander ante prima signa ibat; identidem manu suos inhibens, ne impensius ob nimiam festinationem concitato spiritu capefferent bellum. Cūque agmen obequitarer, varia oratione, ut cujusque animis aptum erat, milites alloquebatur: *Macedones, tot bellorum in Europa victores, ad subigendam Asiam, atque ultima Orientis, non ipsius magis, quàm suo ductu profecti, inveterata virtutis admonebantur. Illos terrarum orbis liberatores, emensosque olim Herculis, & Liberi patris terminos, non Persis modò, sed etiam omnibus gentibus imposituros jugum. Macedonum Bactra, & Indos fore: minima esse, qua nunc intuerentur, sed omnia victoriâ parari. Non praeuptis petris Illyricorum, & Thracia saxis sterilem laborem fore, spolia totius Orientis offerri. Vix gladio futurum opus. Totam aciem suo pavore fluctuantem umbonibus posse propelli. Victor ad hac Atheniensium Phi-*

lippus pater invocabatur, domitæque nuper Boetia, & urbis in ea nobilissima ad solum diruta species representabatur animis: jam Granicum amnem, jam tot urbes aut expugnatas, aut in fidem acceptas, omniaque, qua post tergum erant strata, & pedibus ipsorum subjecta, memorabat. Cùm adierat Græcos, admonebat, ab iis gentibus illata Græcia bella: Darii prius, deinde Xerxis insolentia, aquam ipsam, terramque populantium, ut neque fontium haustum, nec solitos cibos relinquerent; dein Deum templa ruinis & ignibus esse deleta: Urbes eorum expugnatas, fœdera humani divinique juris violata referebat. Illyricos verd & Thracas, raptò vivere assuetos, aciem hostium, auro purpuraque fulgentem, intueri jubebat, pradam, non arina gestantem. Irent, & imbellibus fœminis aurum viri eriperent. Aspera montium suorum juga, nudosque colles, & perpetuè rigentes gelu, ditibus Persarum campis agrisque mutarent.

11 Jam ad teli jactum pervenerant, cùm Persarum equites ferociter in lævum cornu hostium investiti sunt. Quippe Darius equestri proelio decernere optabat; phalangem Macedonici exercitus robur esse conjectans. Jamque etiam dexterum Alexandri cornu circuibatur: quodd ubi Macedo conspexit, duabus alis equitum ad jugum montis jussis subsistere, cæteros in medium belli discrimen strenuè transfert.

fert. Subductis deinde ex acie Theſſalis equitibus, Præfectum eorum occultè circumire tergum ſuorum jubet, Parmenioni- que conjungi, &, quod is imperaſſet, impigrè exequi. Jamque ipſi in medium Perſarum undique circumfuſi egregiè ſe tuebantur: conferti, & quaſi cohærentes, tela vibrare non poterant. Simul ut erant emiſſa, in eodem concurrentia implica- bantur, levique & vano ictu pauca in ho- ſtem, plura in humum innoxia cadebant. Ergo cominus pugnam coacti conſerere, gladios impigrè ſtringunt. Tum verò multum ſanguinis fuſum eſt: duæ quippe acies ita cohærebant, ut armis arma pul- ſarent, mucrones in ora dirigerent: non timido, non ignavo ceſſare tum licuit: collato pede, quaſi ſinguli inter ſe dimi- carent, in eodem veſtigio ſtabant, donec vincendo locum ſibi facerent. Tum de- mum ergo promovebant gradum, cùm hoſtem proſtraverant. At illos novus ex- cipiebat adverſarius fatigatos, nec vulne- rati, ut aliàs ſolent, acie poterant excede- re, cùm hoſtis inſtaret a fronte, a tergo ſui urgerent. Alexander, non ducis ma- gis, quàm militis, munera exequiebatur, opimum decus caſo Rege expetens; quip- pe Darius curru ſublimis eminebat, & ſuis ad ſe tuendum, & hoſtibus ad inceſſen- dum, ingens incitamentum. Ergo frater ejus Oxathres cùm Alexandrum inſtare ei cerneret, equites, quibus præerat, an- te ipſum currum Regis objecit, armis & robo-

robore corporis multum super cæteros  
 eminens, animo verò & pietate in paucis-  
 simis: illo utique prælio clarus, alios im-  
 providè instantes prostravit, alios in fu-  
 gam avertit. At Macedones, ut circà Re-  
 gem erant, mutua adhortatione firmati,  
 cum ipso in equitum agmen irrumpunt.  
 Tum verò si nilis ruinæ strages erat. Cir-  
 cà currum Darii jacebant nobilissimi du-  
 ces, ante oculos Regis egregia morte de-  
 functi, omnes in ora proni, sicut dimican-  
 tes procubuerant, adverso corpore vul-  
 neribus acceptis. Inter hos Aticles, &  
 Trountes, & Sabaces Prætor Ægypti, ma-  
 gnorum exercituum præfecti, noscitaban-  
 tur: circà eos cumulata erat peditum  
 equitumque obscurior turba. Macedonum  
 quoque, non quidem multi, sed prom-  
 ptissimi tamen, cæsi sunt. Inter quos  
 Alexandri dexterum femur leviter mucro-  
 ne perstrictum est. Jamque, qui Darium  
 vehabant, equi confossi hastis, & dolore  
 efferati, jugum quatere, & Regem curru  
 excutere cœperant: cùm ille, veritus ne  
 vivus veniret in hostium potestatem, de-  
 silit, & in equum, qui ad hoc ipsum se-  
 quebatur, imponitur: insignibus quoque  
 Imperii, ne fugam proderent, indecorè  
 abjectis. Tum verò, cæteri dissipantur  
 metu, & quæ cuique patebat ad fugam,  
 via erumpunt, arma jacentes, quæ paul-  
 lò ante ad tutelam corporum sumpserant:  
 adèd pavor etiam auxilia formidabat. In-  
 pedit fugientibus eques a Parmenione  
 missus



missus, & fortè in id cornu omnes fuga abstulerat. At in dextero Persæ Thessalos equites vehementer urgebant. Jamque una ala ipso impetu proculcata erat, cùm Thessali strenuè circumactis equis, dilapsi, rursus in prælium redeunt, sparsosque & incompressos victoriæ fiducia Barbaros ingenti cæde prosternunt. Equi pariter equitesque Persarum, serie laminarum graves, agmen, quod celeritate maximè constat, ægrè moliebantur: quippe in circumagendis equis suis Thessali multos occupaverant. Hac tam prospera pugna nuntiata, Alexander non ante ausus persequi Barbaros, utrinque jam victor instare fugientibus cœpit. Haud amplius Regem quàm mille equites sequebantur: cùm ingens multitudo hostium caderet. Sed quis aut in victoria, aut in fuga copias numerat? Agebantur ergo a tam paucis pecorum modo, & idem metus, qui cogebat fugere, fugientes morabatur. At Græci, qui in Darii partibus steterant, Amynta duce (Prætor hic Alexandri fuit, nunc transfuga) abrupti a cæteris, haud sanè fugientibus similes evaserant. Barbari longè diversam fugam intenderunt: alii quàm rectum iter in Persidem ducebat: quidam circuitus, rupes, saltusque montium occultos petivere, pauci castra Darii. Sed jam illa quoque hostis victor intraverat, omni quidem opulentia ditia. Ingens auri argentique pondus, non belli, sed luxuriæ apparatus, diripue-

ripuerant milites. Cùmque plus raperent, passim strata erant itinera vilioribus sarcinis, quas in comparatione meliorum avaritia contempserat. Jamque ad fœminas peruentum erat, quibus, quò chariora ornamenta sunt, violentiùs detrahebantur: nec corporibus quidem vis, ac libido parcebat. Omnia planctu, tumultuque, prout cuique fortuna erat, castra repleverant: nec ulla facies mali deerat, cùm per omnes ordines ætatesque victoris crudelitas ac licentia vagaretur. Tunc verò impotentis fortunæ species conspici potuit, cùm ii, qui tum Dario tabernaculum exornaverant omni luxu & opulentia instructum, eadem illa Alexandro, quasi veteri domino, reservabant. Namque id solum intactum omiserant milites: ita tradito more, ut victorem victi Regis tabernaculo exciperent. Sed omnium oculos animosque in semet converterant captiva mater, conjuxque Darii. Illa non majestate solum, sed etiam ætate venerabilis: hæc formæ pulcritudine, nec illa quidem sorte corrupta, acceperat in finem filium, nondum sextum ætatis annum egressum, in spem tantæ fortunæ, quantam paullò ante pater ejus amiserat, genitum. At in gremio anus aviæ jacebant adultæ virgines duæ, non suo tantum, sed illius mœrore etiam confectæ. Ingens circa eam nobilium fœminarum turba constiterat, laceratis crinibus, abscissaque veste, pristini decoris immemo-

res,

res, Reginas, dominasque veris quondam, tunc alienis nominibus vocantes. Illæ suæ calamitatis oblitæ, utro cornu Darius stetisset, quæ fortuna discriminis fuisset, requirebant. Negabant se captas, si viveret Rex. Sed illum, equos subinde mutantem, longiùs fuga abstulerat. In acie autem cæsa sunt Persarum peditum centum millia: decem verò millia interfecta equitum. At ex parte Alexandri quatuor & quingenti faucii fuere, triginta omninò & duo ex peditibus desiderati sunt, equitum centum quinquaginta interfecti. Tantulo impendio ingens victoria stetit.

12 Rex, qui diu Darium persequendo fatigatus erat, posteaquam & nox appetebat, & eum assequendi spes non erat, in castra paullo ante a suis capta pervenit. Invitari deinde amicos, quibus maximè assueverat, iussit: quippe summa duntaxat cutis in femore perstricta, non prohibebat interesse convivio. Tum repente e proximo tabernaculo lugubris clamor, barbaro ululatu, planctuque promistus epulantes contreruit. Cohors quoque, quæ excubabat ad tabernaculum Regis, verita ne majoris motus principium esset, armare se cœperat. Causa pavoris subiti fuit, quòd mater, uxorque Darii cum captivis mulieribus nobilibus Regem, quem interfectum esse credebant, ingenti gemitu ejulatuque deflebant. Unus namque e captivis spadonibus, qui fortè ante ipsa-

rum

rum tabernaculum steterat, amiculum, quod Darius (sicut paulò ante dictum est) ne cultu proderetur, abjecerat, in manibus ejus, qui reòertum ferebat, agnovit: ratusque interfecto detractum esse, falsum nuntium mortis ejus attulerat. Hoc mulierum errore comperto, Alexander fortunæ Darii, & pietati earum illachrimasse fertur. Ac primò Mithrenem, qui Sardeis prodiderat, peritum Persicæ linguæ, ire ad consolandas eas jusserat. Veritus deinde, ne proditor captivarum iram doloremque gravaret, Leonatum ex purpuratis suis misit, jussum indicare, falsò lamentari eas, Darium vivum. Ille cum paucis armigeris in tabernaculum, in quo captivæ erant, pervenit, missumque a Rege se nantiare jubet. At ii, qui in vestibulo erant, ut armatos conspexere, rati actum esse de dominis, in tabernaculum currunt, vociferantes, adesse supremam horam, missosque, qui occiderent captas. Itaque, ut quæ nec prohibere possent, nec admittere auderent, nullo responso dato, tacitè opperiebantur victoris arbitrium. Leonatus, exspectato diu qui se intromitteret, posteaquam nemo producere audebat, relictis in vestibulo satellitibus, intrat in tabernaculum. Ea ipsa res turbaverat fœminas, quòd irrupisse, non admissus videbatur. Itaque mater & conjux provolutæ ad pedes orare cœperunt, ut, prius quàm interficerentur, Darii corpus ipsis patrio more sepelire permitteret: fun.

functas supremo in Regem officio se impigrè morituras. Leonatus, & vivere, Darium, & ipsas non incolumes modò, sed etiam apparatu pristinæ fortunæ Reginas fore. Tum mater Darii allevari se passa est. Alexander postera die, cum curam sepeliendis militibus impenderet, quorum corpora invenerat, Persarum quoque nobilissimis eundem honorem haberi jubet; matrique Darii permittit, quos vellet, patrio more sepeliret. Illa paucos arcta propinquitate conjunctos pro habitu præsentis fortunæ humari jussit; apparatus funerum, quo Persæ suprema officia celebrarent, invidiosum fore existimans, cum victores haud pretiosè cremarentur. Jamque justis defunctorum corporibus solutis, præmittit ad captivas, qui nuntiarent, ipsum venire; inhibitaque comitantium turba, tabernaculum cum Hephæstione intrat. Is longè omnium amicorum charissimus erat Regi; cum ipso pariter educatus, secretorum omnium arbiter, libertatis quoque in admonendo eo non alius jus habebat: quod tamen ita usurpabat, ut magis a Rege permissum, quàm vindicatum ab eo videretur; & sicut ætate par erat Regi, ita corporis habitu præstabat. Ergo Reginae illum Regem esse ratæ, suo more veneratæ sunt. Inde ex spadonibus captivis, quis Alexander esset, monstrantibus, Syssigambis advoluta est pedibus ejus; ignorationem nunquam antea visæ Regis excusans. Quam  
manu

manu allevans Rex : Non errasti, inquit,  
 mater : nam & hic Alexander est . Equi-  
 dem, si hæc continentia animi ad ultimum  
 vitæ perseverare potuisset, feliciorem  
 fuisse crederem, quàm visus est esse, cum  
 Liberi patris imitaretur triumphum, ab  
 Hellesponto usque ad Oceanum omnes  
 gentes victoria emensus : si vicisset profe-  
 ctò superbiam atque iram, mala invicta :  
 si abstinuisset inter epulas cædibus amico-  
 rum : egregiosque bello viros, & tot gen-  
 tium secum domitores, indicta causa, veri-  
 tus esset occidere . Sed nondum fortuna se  
 animo ejus infuderat . Itaque orientem  
 eam moderatè & prudenter tulit, ad ulti-  
 mum magnitudinem ejus non cepit . Tum  
 quidem ita se gessit, ut omnes ante eum  
 Reges & continentia, & clementia vince-  
 rentur . Virgines, & Reginas excellentis  
 formæ tam sanctè habuit, quàm si eo-  
 dem, quo ipse, parente genitæ forent .  
 Conjugem ejusdem, quam nulla ætatis  
 suæ pulchritudine corporis vicit, adedò  
 ipse non violavit, ut summam adhibuerit  
 curam, ne quis captivo corpori illuderet .  
 Omnem cultum reddi fœminis jussit, nec  
 quidquam ex pristinae fortunæ magnifi-  
 centia captivis, præter fiduciam, defuit .  
 Itaque Sysigambis : Rex, inquit, mereris,  
 ut ea precemur tibi, quæ Dario nostro  
 quondam precata sumus : & ( ut video )  
 dignus es, qui tantum Regem non felici-  
 tate solùm, sed etiam aequitate superave-  
 ris . Tu quidem matrem me & Reginam  
 vocas,

vocas, sed ego me tuam famulam esse confiteor. Et præterita fortuna fastigium capio, & præsentis iugum pati possum. Tux interest, quantum in nos licuerit, si id potius clementiâ, quàm savitiâ vis esse testatum. Rex bonum animum habere eas iussit: Darii deinde filium collo suo admovit. Atque nil ille conspectu tunc primùm a se visi contritus, cervicem ejus manibus amplectitur. Motus ergo Rex constantiâ pueri, Hephæstionem intuens: Quàm vellem, inquit, Darius aliquid ex hac indole hausisset. Tunc tabernaculo egressus, tribus aris in ripæ Pyrami amnis, Jovi, atque Herculi, Minervæque sacratis, Syriam petit, Damascum, ubi Regis gaza erat, Parmenione præmisso.

13 Atque is, cùm præcessisse Darii stratam comperisset, veritus ne paucitas suorum sperneretur, accersere majorem manum statuit. Sed fortè in exploratores ab eo præmissos incidit nomine Mardus; qui ad Parmenionem perductus, litteras ad Alexandrum, a Præfeco Damasci missas, tradit ei: nec dubitare eum, qui omnem regiam suppellectilem cum pecunia traderet, adjecit. Parmenio, asservari eo jussu, litteras aperit, in quibus erat scriptum, ut maturè Alexander aliquem ex ducibus suis mitteret cum manu exigua. Itaque re cognita, Mardum datis comitibus ad proditorem remittit. Ille e manibus custodientium lapsus, Damascum

seum ante lucem intrat. Turbaverat ea res Parmenionis animum insidias timentis, & ignotum iter sine duce non audebat ingredi. Felicitati tamen Regis sui confusus, agrestes, qui duces itineris essent, excipi jussit: quibus celeriter repertis, quarto die ad urbem pervenit, jam metuente Præfecto, ne sibi fides habita non esset. Igitur, quasi parum munimentis oppidi fidens, ante solis ortum pecuniam Regiam, quam gazam Persæ vocant, cum preciosissimis rerum efferri jubet, fugam simulans, revera ut prædam hosti offerret. Multa millia virorum foeminarumque excedentem oppido sequebantur; omnibus miserabilis turba, præter eum, cujus fidei commissa fuerat: quippe quod major proditoris merces foret, objicere hosti parabat gratiorem omni pecunia prædam, nobiles viros, prætorum Darii conjuges, liberosque; præter hos urbium Græcarum legatos, quos Darius, velut in arce tutissima, in proditoris reliquerat manibus. Gangabas Persæ vocant humeris onera portantes: hi cum frigus tolerare non possent, quippe & procella subito nivem effuderat, & humus rigebat gelu, tum attritas vestes, quas cum pecunia portabant, auro, & purpura insignes induunt, nullo prohibere auso, cum fortuna Regis, etiam humillimis, in ipsum licentiam faceret. Præbuere ergo Parmenioni non spernendi agminis speciem, qui intentiore cura suos quasi ad justum prælium paucis adhorta-



hortatus, equis calcaria subdere jubet, & acri impetu in hostem invehit. At illi, qui sub oneribus erant, omissis illis, per metum ceperunt fugam. Armati quoque, qui eos sequebantur, eodem metu arma jactare, ac nota diverticula petere coeperunt. Præfectus, quasi & ipse conterritus, simulans, cuncta pavore compleverat. Jacebant totis campis opes Regiæ. Illa pecunia stipendio ingenti militum præparata: ille cultus tot nobilium virorum, tot illustrum foeminarum, aurea vasa, aurei froni, tabernacula regali magnificentia ornata, vehicula quoque a suis destituta ingentis opulentia plena: facies etiam prædantibus tristes, si qua res avaritiam moraretur, quippe tot annorum incredibili, & fidem excedente fortuna cumulata, tunc alia stirpibus dilacerata, alia in coenum demersa eruebantur. Non sufficiebant prædantium manus prædæ; jamque etiam ad eos, qui primi fugerant, ventum erat. Foeminae pleraque parvos trahentes liberos ibant, inter quas tres fuere virgines, Ochi, qui ante Darium regnaverat, filia, olim quidem ex fastigio paterno rerum mutatione detracta, sed tum sortem earum crudelius aggravante fortuna. In eodem grege uxor quoque ejusdem Ochi fuit, Oxathrisque (frater hic erat Darii) filia, & conjux Artabazi principis purpuratorum: & filius, cui Ilioneo fuit nomen. Pharnabazi quoque, cui summum imperium maritimæ oræ Rex dederat, uxor cum

cum filio excepta est; Mentoris filia tres;  
& filius: vixque uila domus purpurati  
fuit tantæ cladis experts. Lacedæmonii  
quoque, & Athenienses, societatis fide  
violata, Persas secuti, Aristogiton, Dro-  
pides, & Eleutherius, inter Athenienses,  
genere famaue longè clarissimi; Lace-  
dæmonii, Perisippus, & Onomastorides  
cum Omajo, & Callicratide, ii quoque  
domi nobiles. Summa pecuniæ signatæ  
fuit, talentorum duo millia & sexa-  
ginta: facti argenti pondus quingenta  
æquabat. Præterea XXX millia homi-  
num, cum septem millibus jumentorum,  
dorso onera portantium, capta sunt. Cæ-  
terum Dii, tantæ fortunæ proditorem se-  
pulturæ celeriter debita pœna persecuti  
sunt. Namque unus e consociis ejus, cre-  
do, Regis vicem etiam in illa sorte re-  
veritus, interfecti proditoris caput ad  
Darium tulit, opportunum solatium pro-  
dito: quippe & ultus inimicum erat,  
& nondum in omnium animis memo-  
riam majestatis suæ exolevisse cernebat.

## L I B E R IV.

## Breviarium Libri.

1 **A**lexander literis a Dario superbè scriptis Regiè respondet. Abdolonymum Sidoniis Regem præficit. Amyntas transfuga miro modo a Persis ipsis occiditur. Varia variis locis præfectorum Darii clades.

2 Tyrii, Alexandrum recipere recusantes, obsidentur.

3 Dubiis belli eventibus Tyri obsidio nobilitatur.

4 Tandem Tyrus vi capta, maximaque hominum strage corrupta, luctuoso deformatur incendio.

5 Darii iterata de pace ad Alexandrum submissior legatio: qua repudiata, Græci Alexandrum corona aurea donant: ille autem per præfectos multas in potestatem suam redigit provincias.

6 Ad bellum dum se accingit Darius, Alexander Gazam expugnat: ejusque præfectum Batim crudeli afficit supplicio.

7 Profectio, & varia Alexandri quaesita, ad Jovis Hammonis oraculum.

8 In Ægypto Alexandria condita; varisque Alexandri bellica expeditiones.

9 Darius ad Arbellas pervenit, eoque invito Alexander Granicum superat.

10 Milites, ob Luna defectum turbatos, per Ægyptios vates confirmat Ale-

xander . Persas vastatores conjicit in fugam . Darii uxor captiva , mœrore confecta , supremum diem claudit , unde Alexandri lacryma . Darii suspensiones , luctus , & vota .

11 Pacem tertio quæsitam Darius non impetrat , imò ad deditionem , aut ad bellum ab Alexandro provocatur .

12 Ad pralium dum Persarum ingens exercitus paratur , Macedones panico quodam defuncti terrore , arma alacriter capeſſunt .

13 Consilia de nocturno pralio Parmenionis , & Polypercontis Alexander damnat ; somnoque reſectus interrito vultu suos ad pugnam accendit .

14 Alexandri ad Græcorum , Dariique ad Persarum exercitus ante pugnam orationes .

15 Cruenti ad Arbellas pralii descriptio . Victor Alexander Darium victum persequitur .

16 Parmenio in discrimine constitutus Alexandrum retrahit . Tandem integra victoriæ potiti Macedones , reliquos Persas , multis suorum millibus desideratis , fuga sibi quarere salutem cogunt .



ARIUS tanti modò exercitus Rex , qui triumphantis magis , quàm dimicantis more curru sublimis inierat prælium , per loca , quæ prope immensis agminibus compleverat , jam inania , & ingenti solitudine vasta fugiebat . Pauci Regem sequebantur : nam nec eoddem omnes fugam intenderant , & deficientibus equis , cursum eorum , quos Rex subinde mutabat , æquare non poterant . Unchas deinde pervenit , ubi exceperere eum Græcorum quatuor millia , cum quibus ad Euphratem contendit , id demum credens fore ipsius , quod celeritate præripere potuisset . At Alexander Parmenionem , per quem apud Damascum recepta erat præda , jussu eam ipsam , & captivos diligenti asservare custodia , Syriæ , quam Coelen vocant , præfecit . Novum imperium Syri , nondum belli cladibus satis domiti , aspernabantur : sed celeriter subacti , obedienter imperata fecerunt . Aradus quoque insula deditur Regi . Maritimam tamen oram , & pleraque longius etiam a mari recedentia , Rex ejus insulæ Strato possidebat : quo in fidem accepto , castra movit ad urbem Marathon . Ibi illi literæ a Dario redduntur : quibus , ut superbè scriptis , vehementer offensus est . Præcipuè cum movit , quòd Darius sibi

Regis titulum, nec eundem Alexandri nomini adscripserat. Postulabat autem magis, quàm petebat, ut accepta pecunia quantamcunque tota Macedonia caperet, matrem sibi, ac conjugem, liberosque restitueret. De regno, æquo, si vellet, Marte contenderet. Si saniora consilia tandem pati potuisset, contentus patrio, cederet alieni imperii finibus: focius amicusque esset: in ea se fidem & dare paratum, & accipere. Contra Alexander in hunc maximè modum rescripsit: REX ALEXANDER DARIUS. *Ille, cujus nomen sumpsiſſi, Darius, Græcos, qui oram Helleſponti tenent, coloniasque Græcorum Jonias, omni clade vaſtauit, cum magno deinde exercitu mare trajecit, illato Macedonia & Græcia bello. Rurſus Rex Xerxes gentis ejusdem, ad oppugnandos nos cum immanium Barbarorum copiis venit: qui, navali prælio victus, Mardonium tamen reliquit in Græcia, ut absens quoque popularetur urbes, agros ureret. Philippum vero parentem meum quis ignorat ab his interfectum eſſe, quos ingentis pecunia ſpe ſolicitaverant veſtri? Impia enim bella ſuſcipitis, & cum habeatis arma, licitamihi hoſtium capita, ſicut tu proximè talentis mille, tanti exercitus Rex, percusſorem in me emere voluiſti. Repello igitur bellum, non infero. Et Diis quoque pro meliore ſtantibus cauſa, magnam partem Aſia in ditionem redegi meam: te ipſum*  
acie

acie vici, quem etsi nihil a me impetrare oportebat, quod petieras (utpote qui ne belli quidem in me jura servaveris) tamen si veneris supplex, & matrem, & conjugem, & liberos, sine pretio recepturum te esse promitto. Et vincere, & consulere victis scio. Quod si te nobis committere times, dabimus fidem impune venturum. De cetero, cum mihi scribes, memento, non solam Regi te, sed etiam tuo, scribere. Ad hanc perferendam Therrippus missus: ipse in Phoenicen deinde descendit, & oppidum Biblon traditum recepit. Inde ad Sidona ventum est, urbem vetustate famaue conditorum inclytam. Regnabat in ea Strato, Darii opibus adjutus: sed quia deditioem, magis popularium, quam sua sponte fecerat, regno visus indignus: Hephæstionique permissum, ut, quem eo fastigio Sidones dignissimum arbitrarentur, constitueret Regem. Erant Hephæstioni hospites, clari inter suos juvenes, qui, facta ipsius potestate regnandi, negaverunt quenquam patrio more in id fastigium recipi, nisi regia stirpe ortum. Admiratus Hephæstio magnitudinem animi spernentis, quod alii per ignes ferrumque peterent: Vos quidem magis virtute, inquit, estote, qui primi intellexistis, quantum majus esset regnum fastidire, quam accipere. Ceterum date aliquem regia stirpis, qui meminert, a vobis acceptum habere se regnum. At illi cum multos imminere tan-

tae spei cernerent, singulis amicorum Alexandri ob nimiam regni cupiditatem adulantes, statuunt, neminem esse potior-rem, quàm Abdolonymum quendam, longa quidem cognatione stirpi regiae annexum, sed ob inopiam suburbanum hortum exigua colentem stipe. Causa ei paupertatis, sicut plerisque, probitas erat: intentusque operi diurno, strepitum armorum, qui totam Asiam concusserat, non exaudiebat. Subitò deinde, de quibus ante dictum est, cùm Regiae vestis insignibus hortum intrant: quem fortè, steriles herbas eligens, Abdolonymus repurgabat. Tunc Rege eo salutato, alter ex his: *Habitus, inquit, hic, quem cernis in meis manibus, cum isto squalore permutandus tibi est. Ablue corpus illuvie, aternisque sordibus squalidum. Cape Regis animum, & in eam fortunam, qua dignus es, istam continentiam profer. Et cùm in regali solio residebis, vita necisque omnium civium dominus, cave obliviscaris hujus status, in quo accipis regnum: imò hercule, propter quem.* Somnio similis res Abdolonymo videbatur. Interdum satis- ne sani essent, qui tam protervè sibi illuderent, percunctabatur. Sed ut cunctanti squalor ablatus est, & injecta vestis purpura, auroque distincta, & fides a jurantibus facta seridò: jam Rex iisdem comitibus in regiam pervenit. Fama, ut solet, frennè totas urbes discurrit: aliorum studium, aliorum indignatio eminebat. Di-

tissimus



tissimus quisque humilitatem, inopiamque ejus apud amicos Alexandri criminabatur. Admitti eum Rex protinus jussit, diuque contemplatus: *Corporis, inquit, habitus, famæ generis non repugnat: sed libet scire, inopiam qua patientiâ tuleris.* Tum ille: *Utinam, inquit, eodem animo regnum pati possim. Ha manus suffecere desiderio meo: nihil habenti, nihil defuit.* Magnæ indolis specimen ex hoc sermone Abdolonymi cepit. Itaque non Stratonis modò regiam supellectilem attribui ei jussit, sed pleraque etiam ex Persica præda: regionem quoque urbi appositam, ditioni ejus adjecit. Interea Amyntas, quem ad Persas ab Alexandro transfugisse diximus, cum quatuor millibus Græcorum, ipsum ex acie persecutis, fugâ Tripolim pervenit. Inde in naves militibus impositis, Cyprum transmisit: & cùm in illo statu rerum id quemque, quod occupasset, habiturum arbitraretur, velut certo jure possessum, Ægyptum petere decrevit. Utrique Regi hostis, & semper ex ancipiti mutatione temporum pendens, hortatusque milites ad spem tantæ rei, docet Sabacem Prætorem Ægypti cecidisse in acie; Persarum præsidium & sine duce esse, & invalidum; Ægyptios semper Prætoribus eorum infensos, pro sociis ipsos, non pro hostibus æstimaturos. Omnia experiri necessitas cogebat: quippe cùm primas spes fortuna destituit, futura præ-

sentibus videntur esse potiora. Igitur conclamant, duceret, quò videretur. Atque ille utendum animis, dum spe calent, ratus, ad Pelusii ostium penetrat, simulans a Dario se esse præmissum. Potitus ergo Pelusii, Memphin copias promovit: ad cuius famam Ægyptii, vana gens, & novandis, quàm gerendis aptior rebus, ex suis quisque vicis urbibusque ad hoc ipsum concurrunt, ad delenda præsidia Persarum: qui territi, tamen spem obtinendi Ægyptum non amiserunt. Sed eos Amyntas prælio superatos in urbem compellit; castrisque positis, victores ad populandos agros eduxit; ac velut in medio positis omnibus, hostium cuncta agebantur. Itaque Mazeces, quanquam infelici prælio suorum animos territos esse cognoverat; tamen palantes, & victoriæ fiducia incautos ostentans, perpulit, nè dubitarent ex urbe erumpere, & res amissas recuperare. Id consilium non ratione prudentius. quàm eventu felicius fuit. Ad unum omnes cum ipso duce occisi sunt. Has pœnas Amyntas utrique Regi dedit, nihilo magis ei, ad quem transfugerat, fidus, quàm illi, quem deseruerat. Darii prætores, qui prælio apud Isson superfuere, cum omni manu, quæ fugientes secuta erat, assumpta etiam Cappadocum, & Paphlagonum juventute, Lydiam recuperare tentabant. Antigonus, Prætor Alexandri, Lydiæ præerat: qui, quanquam plerosque militum ex præsidiis ad Regem dimi-

dimiserat, tamen, Barbaris spretis, in aciem suos eduxit. Eadem illic quoque fortuna partium fuit: tribus proeliis alia atque alia regione commissis, Persæ funduntur. Eodem tempore classis Macedonum, ex Græcia accita, Aristomenem, qui ad Hellesponti oram recuperandam a Dario erat missus, captis ejus aut demersis navibus superat. A Milesiis deinde Pharnabazus Præfectus Persicæ classis pecunia exacta, & præsidio in urbem Chium introducto, centum navibus Andrum, & inde Syphnum petiit: is quoque insulas præsidiis occupat, pecunia mulctat. Magnitudo belli, quod ab opulentissimis Europæ Asiæque Regibus in spem totius orbis occupandi gerebatur, Græciæ quoque & Cretæ arma commoverat. Agis Lacedæmoniorum Rex, octo millibus Græcorum, qui ex Cilicia profugi domos repperierant, contractis, bellum Antipatro Macedoniæ præfecto moliebatur. Cretenses, has aut illas partes sceuti, nunc Spartano- rum, nunc Macedonum præsidiis occupabantur. Sed leviora inter illos fuere discrimina: unum certamen, ex quo cætera pendebant, intuente fortuna.

2 Jam tota Syria, jam Phœnice quoque, excepta Tyro, Macedonum erant: habebatque Rex castra in continenti, a quo urbem angustum fretum dirimit. Tyrus & claritate, & magnitudine ante omnes urbes Syriæ Phœnicesque memorabilis, facilius societatem Alexandri acceptura

videbatur, quàm imperium. Coronam igitur auream legati donum afferebant, commeatusque largè & hospitaliter ex oppido adduxerant. Ille dona, ut ab amicis, accipi iussit, benignèque legatos allocutus, Herculi (quem præcipuè Tyrii colerent) sacrificare velle se dixit. Macedonum Reges credere, ab illo Deo ipsos genus ducere; se verò, ut id faceret, etiam oraculo monitum. Legati respondent, esse templum Herculis extra urbem, in ea sede, quàm Palætyron ipsi vocant: ibi Regem Deo sacrum ritè facturum. Non tenuit iram Alexander, cuius alioquin potens non erat. Itaque, *Vos quidem, inquit, fiducia loci, quoddam insulam incolitis, pedestrem hunc exercitum spernitis: sed breviter ostendam, in continenti vos esse. Proinde sciatis licet, aut intraturum me urbem, aut oppugnaturum.* Cum hoc responso dimissos monere amici cœperunt, ut Regem, quem Syria, quem Phœnice recepisset, ipsi quoque urbem intrare paterentur. At illi, loco satis fissi, obsidionem ferre decreverunt: namque urbem a continenti quatuor stadiorum fretum dividit, Africo maximè objectum, crebros ex alto fluctus in litus evolvens: nec accipiendo operi, quo Macedones continenti insulam jungere parabant, quidquam magis, quàm ille ventus, obstabat. Quippe, vix leni, & tranquillo mari, moles agi possunt. *Africus verò prima quæque congesta pul-*  
*su*

su illisa mari subruit : nec ulla tam firma moles est, quam non exedant undæ per nexus operum manantes, & ubi ærior flatus exstitit, summi operis fastigio superfusæ. Præter hanc difficultatem, haud minor alia erat : muros turresque urbis præaltum mare ambiebat. Non tormenta, nisi e navibus procul excussa, emitti, non scalæ mœnibus applicari poterant. Præceps in salum murus pedestre interceperat iter ; naves nec habebat Rex, & , si admovisset, pendentes & instabiles missilibus arceri poterant. Inter quæ, haud parva dictu res, Tyrriorum fiduciam accendit. Carthaginiensium legati ad celebrandum anniversarium sacrum more patrio tunc venerant ; quippe Cartahaginem Tyrrii condiderunt, semper parentum loco culti. Hortari ergo Pœni cœperunt, ut obsidionem, forti animo paterentur : brevî Carthagine auxilia ventura : namque ea tempestate magna ex parte Punicis classibus maria obsidebantur. Igitur, bello decreto, per muros turresque tormenta disponunt, arma junioribus dividunt, opificesque, quorum copia urbs abundabat, in officinas distribuunt. Omnia belli apparatu strepunt : ferreæ quoque manus (harpagonas vocant), quas operibus hostium injicerent, corvique, & alia tuendis urbibus excogitata, præparabantur. Sed cùm fornacibus ferrum, quod excudi oportebat, impositum esset, ad-

motisque follibus ignem flatu accenderent; sanguinis rivi sub ipsis flammis exstitisse dicuntur; idque omen in Macedonum metum verterunt Tyrii. Apud Macedonas quoque, cum fortè panem quidam militum frangeret, manantis sanguinis guttas notaverunt; territoque Rege, Aristander peritissimus vatum respondit: si extrinsecus cruor fluxisset, Macedonibus id triste futurum: contra, cum ab interiore parte manaverit, urbi, quam obsidere destinassent, exitium portendere. Alexander cum & classem procul haberet, & longam obsidionem magno sibi ad cætera impedimento videret fore, caduceatores, qui ad pacem eos compellerent, misit: quos Tyrii contra jus gentium occisos præcipitaverunt in altum. Atque ille suorum tam indigna nece commotus, urbem obsidere statuit. Sed ante jacienda moles erat, quæ urbem continenti committeret. Ingens ergo animos militum desperatio incessit, cernentium profundum mare, quod vix divina ope posset impleri. Quæ saxa tam vasta, quas tam proceras arbores posse reperiri? exhauriendas esse regiones, ut illud spatium aggeraretur, & exæstare semper fretum, quoque arctius volutetur inter insulam & continentem, hoc acrius furere. At ille haudquaquam rudis tractandi militares animos, *speciem sibi Herculis in somno oblatam esse pronuntiat, dexteram porrigentis; illo duce, illo apertiente,*

*riente, in urbem intrare se visum. Inter  
 hæc caduceatores interfectos, gentium  
 jura violata referebat. Unam esse urbem,  
 qua cursum victoris morari ausa esset.  
 Ducibus deinde negotium datur, ut suos  
 quisque castiget: satisque omnibus stimu-  
 latis, opus orsus est. Magna vis saxorum ad  
 manum erat, Tyro vetere præbente: ma-  
 teries ex Libano monte ratibus & turribus  
 faciendis vehebatur. Jamque a fundo ma-  
 ris in altitudinem montis opus excreve-  
 rat, nondum tamen aquæ fastigium æqua-  
 bat: & quod longiùs moles agebatur a lit-  
 tore, hoc magis quicquid ingerebatur,  
 præaltum absorbebat mare; cùm Tirii,  
 parvis navigiis admotis, per ludibrium  
 exprobrabant, illos, armis inclytos,  
 dorso, sicut jumenta, onera gestare.  
 Interrogabant etiam, num major Ne-  
 ptuno esset Alexander. Hæc ipsa inse-  
 ctatio alacritatem militum accendit. Jam-  
 que paululùm moles aquam eminebat,  
 & simul aggeris latitudo crescebat, ur-  
 bique admovebatur; cùm Tirii, magni-  
 tudine molis, cujus incrementum eos  
 ante fefellerat, conspecta, levibus na-  
 vigiis nondum commissum opus circui-  
 re cæperunt: missilibus eos quoque, qui  
 pro opere stabant, incessere. Multis  
 ergo impunè vulneratis, cùm & remo-  
 vere, & appellere scaphas in expedito  
 non esset, ad curam semetipsos tuendi  
 ab opere converterant. Igitur ex jumen-  
 tis coria velaque jussit obtendi, ut extra  
 teli*

teli jactum essent, duasque turres ex capite molis erexit, e quibus in subeuntes scaphas tela ingeri possent. Contra, Tyrii navigia procul a conspectu hostium littori appellunt, expositisque militibus, eos, qui saxa gestabant, obtruncant. In Libano quoque Arabum agrestes, incompósitos Macedonas aggressi, triginta ferè interficiunt, paucioribus captis.

3 Ea res Alexandrum dividere copias coegit. Et ne segniter assidere uni urbi videretur, operi Perdiccam, Craterumque præfecit: ipse cum expedita manu Arabiam petit. Inter hæc Tyrii navem magnitudine eximia, saxis arenaque a puppi oneratam, ita ut multum prora emereret, bitumine ac sulphure illitam remis concitaverunt: & cum magnam vim venti vela quoque concepissent, celeriter ad molem successit. Tunc prora ejus accensa, remiges desiliere in scaphas, quæ ad hoc ipsum præparatæ sequebantur. Navis autem, igne concepto, latius fundere incendium cœpit, quod, priusquam posset occurrì, turres & cætera opera in capite molis posita comprehendit. At qui desilierant in parva navigia, faces & quidquid alendo igni aptum erat, in eadem opera ingerunt. Jamque non modò Macedonum turres, sed etiam summa tabulata, conceperant ignem; cum ii, qui in turribus erant, partim haurirentur incendio, partim, armis omissis, in mare semetipsi immitterent. At Tyrii, qui capere eos, quam



quàm interficere mallent, natantium manus stipitibus saxisque lacerabant, donec debilitati imponè navigiis excipi possent: nec incendio solùm opera consumpta, sed fortè eodem vehementior ventus motum ex profundo mare illisit in molem, crebrisque fluctibus compages operis verberatæ se laxavere, saxaque interfluens unda medium opus rupit. Prorutis igitur lapidum cumulis, quibus injecta terra sustinebatur, præceps in profundum ruit, tantæque molis vix ulla vestigia invenit ab Arabia rediens Alexander. Hic ( quod in adversis rebus solet fieri ) alius in alium culpam referebat, cùm omnes veriùs de sævitia maris queri possent. Rex novi operis molem orsus, id adversus ventum, non latere, sed recta fronte direxit, quod cætera opera velut sub ipso latentia tuebatur. Latitudinem quoque aggeri adjecit, ut turres in medio erectæ, procul teli jactu abessent. Totas autem arbores cum ingentibus ramis in altum jaciebant, deindè saxis onerabant. Rursus cumulo eorum alias arbores injiciebant: tum humus aggerebatur, super quam alia strue saxorum arborumque cumulata, velut quodam nexu continens opus junxerant. Nec Tyrii, quidquid ad impediendam molem excogitari poterat, segniter exequiebantur. Præcipuum auxilium erat, qui procul hostium conspectu subibant aquam, occultoque lapsu ad molem usque penetrabant, falcibus palmites arborum emi-

nentium

nentium ad se trahentes; ubi secum  
 erant, pleraque secum in profundum  
 dabant; tum levatos onere stipites trun-  
 cosque arborum hand ægrè moliebantur;  
 deinde totum opus, quod stipiti-  
 bus fuerat innixam, fundamento la-  
 pso; sequebatur. Ægro animi Alexan-  
 dro, & utrum perseveraret, an abiret,  
 satis incerto, classis Cypro advenit; eo-  
 demque tempore Cleander, cum Græ-  
 cis militibus in Asiam nuper advectus,  
 centum & octoginta navium classem in  
 duo dividit cornua. Lævum Pythagoras,  
 Rex Cypriorum cum Cratero tuebatur;  
 Alexandrum in dextero quinquere-  
 mis regia vehibat. Nec Tyrii, quamquam  
 classem habebant, ausi navale inire cer-  
 tamen, triremes omnes ante ipsa mæ-  
 nia opposuerunt, quibus Rex invec-  
 tus, ipas demersit. Postera die, classe ad  
 mœnia admota, undique tormentis, &  
 maximè arietum pulsu muros quatit,  
 quos Tyrii raptim obstructis saxis resece-  
 runt. Interiorem quoque murum, ut, si  
 prior fessellisset, illo se tuerentur undi-  
 que orsi. Sed undique vis mali urgebat:  
 moles intra teli jactum erat: classis mæ-  
 nia circumibat; terrestri simul navaliq; cla-  
 de obruebantur; quippe binas quadri-  
 mes Macedones inter se ita junxerant, ut  
 proræ cohærent, puppes intervallo,  
 quantum capere poterant, distarent. Hoc  
 puppium intervallum, antennis asseribus-  
 que validis deligatis, superque eos ponti-  
 bus

bus stratis, qui militem sustinerent, impleverant; sic instructas quadriremes ad urbem agebant; inde missilia in propugnantes ingerebantur tutò, quia prioris miles tegebatur. Media nox erat; cum classem, sicuti dictum est, paratam circum urbem jubet: jamque naves urbi undique admovebantur, & Tyrii desperatione torpebant, cum subito spissæ nubes intendere se Cælo, & quidquid lucis internitebat, effusa caligine, extinctum est. Tum inhorrescens mare paulatim levare, deinde acrius vento concitatum fluctus cingere, & inter se navigia collidere. Jamque scindi cæperant vincula, quibus connexæ quadriremes erant, ruere tabulata, & cum ingenti fragore in profundum secum milites trahere: neque enim conserta navigia ulla ope in turbido regi poterant. Milles ministeria naturarum, remex militis officia turbabat; &, quod in hujusmodi casu accidit, periti ignaris parebant: quippe gubernatores aliàs imperare soliti, tum metu mortis jussa exequabantur. Tandem remis pertinaciùs everberatum mare, veluti eripientibus navigia classicis cessit, appulsaque sunt littori lacerata pleraque. Iisdem diebus fortè Carthaginensium legati triginta superveniunt, magis obsessis solatium, quàm auxilium: quippe domestico bello Pœnos impediri, nec de imperio, sed pro salute dimicare nuntiabant. Syracusani tunc Africam urebant, & haud procul Carthaginis mu-  
ris

ris locaverant castra. Non tamen defece-  
re animis Tyrii, quanquam ab ingenti spe  
destituti erant, sed conjuges liberosque  
devehendos Carthaginem tradiderunt;  
fortiùs quidquid accideret laturo, si cha-  
rissimam sui partem extra communis pe-  
riculi sortem habuissent. Cumque unus e  
civibus concioni indicasset, oblatam esse  
per somnum sibi speciem Apollinis, quem  
eximia religione colerent, urbem deferen-  
tis, molemque a Macedonibus jactam in  
salo, in sylvestrem saltum esse mutatam:  
quanquam author levis erat, tamen ad  
deteriora credenda proni, metu aurea ca-  
tena devinxere simulacrum, aræque Her-  
culis, cujus numini urbem dicaverant, in-  
feruere vinculum, quasi illo Deo Apolli-  
nem retenturi. Syracusis id simulacrum  
devexerant Poeni, & in majore locave-  
rant patria, multisque aliis spoliis urbium  
a semet captarum non Carthaginem ma-  
gis, quàm Tyrum ornaverant. Sacrum  
quoque, quod quidem Diis minimè cor-  
di esse crediderim, multis sæculis inter-  
missum, repetendi authores quidam erant;  
ut ingenuus puer Saturno immolaretur,  
quod sacrilegium veriùs, quàm sacrum,  
Carthaginenses, a conditoribus traditum,  
usque ad excidium urbis suæ fecisse dicun-  
tur: ac nisi seniores obstitissent, quorum  
consilio cuncta agebantur, humanitatem  
dira superstitio vicisset. Cæterum effica-  
cior omni arte imminens necessitas, non  
usitata modò præsidia, sed quædam etiam

nova

neva admovit. Namque ad implicanda navigia, quæ muros subibant, validis asseribus corvos & ferreas manus cum uncis ac falcibus illigaverant, ut, cum tormento asseres promovissent, subito laxatis funibus injicerent. Unci quoque & falces ex iisdem asseribus dependentes, aut propugnatores, aut ipsa navigia lacerabant. Clypeos verò æneos multo igne torrebant, quos repletos fervida arena cœnoque decocto, e muris subito devolvebant, nec ulla pestis magis timebatur. Quippe ubi loricam corpusque fervens arena penetraverat, nec ulla vi excuti poterat, & quidquid attigerat, perurebat: jacentesque arma, laceratis omnibus, quæis protegi poterant, vulneribus inulti patebant; corvi verò, & ferreæ manus tormentis emissæ plerosque rapiabant.

4 Hic Rex fatigatus statuerat, soluta obsidione, Ægyptum petere: quippe cum Asiam ingenti celeritate percurrisset, circa muros unius urbis hærebat, tot maximarum rerum opportunitate dimissa. Cæterum tam discedere irritum, quam morari pudebat. Famam quoque, quæ plura, quam armis everterat, ratus levio-rem fore, si Tyrum, quasi testem se posse vinci, reliquisset. Igitur ne quid inexpertum omitteret, plures naves admove-ri jubet, delectosque militum imponi. Et fortè bellua inusitatæ magnitudinis super ipsos fluctus dorso eminens ad molem, quam

quam Macedones jecerant, ingens corpus applicuit, diverberatisque fluctibus allevans semet, utrinque conspecta est. Deindè a capite molis rursus alto se immerfit; ac modò super undas eminens magna sui parte, modò superfusus fluctibus condita, haud procul munimentis urbis emerfit. Utrisque lætus fuit belluæ aspectus. Macedones iter jacendo operi monstrasse eam augurabantur. Tyrii, Neptunum occupati maris vindicem abripuisse belluam, ad molem brevi profectò ruituram: lætique omine eo, ad epulas dilapsi, oneravere se vino: quo graves, orto sole, navigia condescendunt redimita coronis floribusque: adedò victoriæ non omen modò, sed etiam gratulationem præceperant. Fortè Rex classem in diversam partem agi jusserat, triginta minoribus navigiis relictis in lictore, e quibus Tyrii duobus captis, cætera ingenti teruerant metu; donec suorum clamore audito, Alexander classem litori, a quo fremitus acciderat, admovit. Prima e Macedonum navibus quinqueremis, velociter inter cæteras eminens occurrit: quam ut conspexere Tyrii, duæ e diverso in latera ejus invecitæ sunt, in quarum alteram quinqueremis eadem concitata, & ipsa rostro icta est, & illam invicem tenuit. Jamque ea, quæ non cohærebat, libero impetu evecta in aliud quinqueremis latus invehebatur, cum opportunitate mira triremis e classe Alexandri

in

in eam ipsam, quæ quinqueremi imminabat, tanta vi impulsæ est, ut Tyrius gubernator in mare excuteretur e puppi. Plures deinde Macedonum naves superveniunt, & Rex quoque aderat; cum Tyrii inhibentes remos, ægrè evellere navem, quæ hærebat, portumque omnia simul navigia repetunt. Confestim Rex insequutus, portum quidem intrare non potuit, cum procul e muris missilibus submoveretur: naves autem omnes ferè, aut demersit, aut cepit. Biduo deinde ad quietem dato militibus, jussisque & classem, & machinas pariter admove, & undique territis instare, ipse in altissimam turrim ascendit ingenti animo, periculo majore: quippe regio insigni, & armis fulgentibus conspicuus, unus præcipuè telis petebatur, & digna prorsus spectaculo edidit. Multos e muris propugnantes hasta transfixit, quosdam etiam cominus gladio clypeoque impulsos præcipitavit: quippe turris, ex qua dimicabat, muris hostium propemodum cohærebat. Jamque crebris arietibus saxorum compage laxata, munimenta defecerant, & classis intraverat portum, & quidam Macedonum in turres hostium desertas evaserant: cum Tyrii, tot simul malis victi, alii supplices in templa confugiunt; alii, foribus ædium obsecratis, occupant liberum mortis arbitrium; nonnulli ruunt in hostem, haud inulè tamen perituri. Magna pars summa tectorum obtinebat; saxa, & quidquid manibus fors dederat, inge-

ingerentes subeuntibus. Alexander, exceptis, qui in templa confugerant, omnes interfici, ignemque testis injici jubet. His per præcones pronunciatis, nemo tamen armatus opem a Diis petere sustinuit. Pueri, virginesque templa compleverant: viri in vestibulo suarum quisque ædium stabant, parata sævientibus turba. Multis tamen saluti fuere Sidonii, qui intra Macedonum præsidia erant. Hi urbem quidem inter victores intraverant, sed cognationis cum Tyriis memores (quippe utramque urbem Agenorem condidisse credebant) multos Tyrionum etiam protegentes ad sua perduxere navigia, quibus occultatis, Sidona devecti sunt. Quindecim millia hoc furto subducta sævitix sunt: quantumque sanguinis fusum sit, vel ex hoc existimari potest, quòd intra munimenta urbis sex millia armatorum trucidata sunt. Triste deinde spectaculum victoribus ira præbuit Regis. Duo millia, in quibus occidendis defecerat rabies, crucibus affixi per ingens littoris spatium pependerunt. Carthaginiensium legatis pepercit, addita denunciatione belli, quòd præsentium rerum necessitas moraretur. Tyrus septimo mense, quàm oppugnari cœpta erat, capta est: urbs & vetustate originis, & crebra fortunæ varietate ad memoriam posteritatis insignis, condita ab Agenore, diu mare, non vicinum modò, sed quodcunque classes ejus adierunt, ditionis suæ fecit: & , si  
famæ



famæ libet credere, hæc gens literas prima aut docuit, aut didicit. Colonia certè ejus pene orbe toto diffusa sunt: Carthago in Africa, in Bœotia Thebæ, Gades ad Oceanum. Credo, libero commeantes mari, sæpiusque adeundo cæteris incognitas terras, elegisse sedes juventuti, qua tunc abundabant: seu quia crebris motibus terræ (nam hoc quoque traditur) cultores ejus fatigati, nova, & externa domicilia armis sibi met quærere cogebantur. Multis ergo casibus defuncta, & post excidium renata, nunc tamen longa pace cuncta refovente, sub tutela Romanæ mansuetudinis acquiescit.

5 Iisdem fermè diebus Darii literæ allatæ sunt, tandem ut Regi scriptæ. Petebat, ut filiam suam (Saptina erat nomen) nuptiis Alexander sibi adjungeret. Dotem fore omnem regionem inter Hellespontum. & Halyn amnem sitam: inde orientem spectantibus terris contentum se fore. Si fortè dubitaret, quod offerretur, accipere, nunquam diu eodem vestigio stare fortunam, semperque homines, quantumcumque felicitatem habeant, invidiam tamen sentire majorem. Vereri se, ne avium modo, quas naturalis levitas ageret ad sidera, inani, ac puerili mentis affectu offerretur. Nil difficilius esse, quàm in illa atate tantam capere fortunam. Multas se adhuc reliquias habere, nec semper in angustiis posse deprehendi.

Trans.

*Transseundum, esse Alexandro Euphratem, Tigrimque, & Araxen, & Hydaspem, magna munimenta regni sui. Veniendum in campos, ubi paucitate suorum erubescendum sit. Mediam, Hyrcaniam, Bactra, & Indos, Oceani accolae quando aditurum, vel Sogdianos, & Arachosios, nomine tantum notos, ceterasque gentes, ad Caucasum, & Tanaim pertinentes? Senescendum fore; tantum terrarum vel sine praelio obeunti. Se verò ad ipsum vocare desineret; namque illius exitio esse venturum. Alexander his, qui literas attulerant, respondit: Darium sibi aliena promittere, quòd totum amiserit, velle partiri. Doti sibi dari Lydiam, Joniam, Aëolidem, Hellesponti oram, victoria sua pramia: leges autem a victoribus dici, accipi a victis. In utro statu ambo essent, si solus ignoraret, quàm primum Marte decerneret: se quoque, cùm transisset mare, non Ciliciam, aut Lydiam (quispe tanti belli exiguam hanc esse mercedem) sed, Persepolim, caput regni ejus, Bactra deinde, Ecbatana, ultimique Orientis oram imperio suo destinasse: quocunque ille fugere potuisset, ipsum sequi posse: desineret terrere fluminibus, quem sciret maria transisse. Reges quidem invicem hæc scripserant. Sed Rhodii urbem suam portusque dedebant Alexandro. Ille Ciliciam Socrati tradiderat, Philota regioni circa Tyium jussu præsidere: Syriam, quæ Coele appellatur, Andromacho Parmenio tradi-*

tradiderat, bello, quod supererat, interfuturus; Rex, Hephæstione Phoenicis oram classe prætervehi jussu, ad urbem Gazam cum omnibus copiis venit. Iisdem ferè diebus solenne erat ludicrum Isthmiorum, quod conventu totius Græciæ celebratur. In eo concilio, ut sunt Græcorum temporaria ingenia, decernunt, ut duodecim legarentur ad Regem, qui ob res pro salute Græciæ ac libertate gestas, coronam auream, donum victoriæ, ferrent. Idem paulò ante incertæ famæ captaverant auram, ut quocunque pendent animos tulisset fortuna, sequerentur. Cæterum non ipse modò Rex obibat urbes, imperii jugum adhuc recusantes; sed Prætores quoque ipsius, egregii duces, pleraque invaserant. Calas Paphlagoniam, Antigonus Lycaoniam: Balacrus, Idarne Prætor Darii superato, Miletum cepit: Amphoterus, & Hegilochus, centum sexaginta navium classe, insulas inter Achajam atque Asiam in ditionem Alexandri redegerunt: Tenedon quoque receptum, incolis ultro vocantibus, statuerant & Chion occupare. Sed Pharnabazus Darii Prætor, comprehensis, qui res ad Macedonas trahebant, rursus Apollonidi, & Athenagoræ, suarum partium viris, urbem cum modico præsidio militum tradit. Præfecti Alexandri in obsidione urbis perseverabant, non tam suis viribus, quàm ipsorum, qui obsidebantur, voluntate; nec fefellit opinio.

E

Nam-

Namque inter Apollonidem, & duces militum orta seditio, irrumpendi in urbem occasionem dedit. Cùmque, porta effracta, cohors Macedonum intrasset, oppidani olim consilio proditionis agitato, aggregant se Amphotero & Hegilocho; Persarumque præsidio cæso, Pharnabazus cum Apollonide & Athenagora, vincti traduntur; XII triremes cum suo milite ac remige, præter eas triginta naves, & piratici lembi, Græcorumque tria millia a Persis mercede conducta. His in supplementum copiarum suarum distributis, piratisque supplicio affectis, captivos remiges adjecere classi suæ. Fortè Aristonicus Methymnæorum Tyrannus, cum piraticis navibus, ignarus omnium quæ ad Chium acta erant, prima vigilia ad portus claustra successit; interrogatusque a custodibus, quis esset; Aristonicum ad Pharnabazum venire, respondit. Illi Pharnabazum quidem jam quiescere, & non posse tum adiri; cæterum patere socio atque hospiti portum; postero die Pharnabazi copiam fore, affirmant. Nec dubitavit Aristonicus prius intrare. Secuti sunt ducem piratici lembi, ac dum applicant navigia crepidini portus, objicitur a vigilibus claustrum, & qui proximi excubabant, ab iisdem excitantur: nulloque ex his auso repugnare, omnibus catenæ injectæ sunt: Amphotero deinde, Hegilochoque traduntur. Hinc Macedones transire Mitylenem, quam Chares Athe-

theniensis nuper occupatam duorum millium Persarum præsidio tenebat: sed cum obsidionem tolerare non posset, urbe tradita, pactus est, ut incolumi abire liceret. Imbrum petit: deditis Macedones perpercerunt.

6 Darius, desperata pace, quam per literas legatosque impetrari posse crediderat, ad reparandas vires bellumque impigrè renovandum intendit. Duces ergo copiarum Babyloniam convenire, Besum quoque, Bactrianorum ducem, perquam maximè posset exercitu coacto, descendere ad se jubet. Sunt autem Bactriani inter illas gentes promptissimi, horridis ingeniis, multumque a Persarum luxu abhorrentibus, siti haud procul Scytharum bellicosissima gente, & rapto vivere assueti; semperque in armis errant. Sed Besus, suspecta perfidia, haud sanè æquo animo in secundo se continens gradu, Regem terrebat. Nam cum regnum affectaret, proditio, qua sola id assequi poterat, timebatur. Cæterum Alexander, quam regionem Darius petiisset, omni cura vestigans, tamen explorare non poterat: more quodam Persarum, arcana Regum mira celantium fide, non metus, non spes elicit vocem, qua prodantur occulta: vetus disciplina Regum, silentium vitæ periculo sanxerat. Lingua gravius castigatur, quàm ullum probrum: nec magnam rem sustineri posse credunt ab eo, cui tacere grave sit: quod homini fa-

cillimum voluerit esse naturā. Ob hanc causam Alexander omnium, quæ apud hostem gererentur, ignarus, urbem Gazam obsidebat. Præerat ei Batis, eximiæ in Regem suum fidei, modicoque præsidio muros ingentis operis tuebatur. Alexander, æstimato locorum situ, agi cuniculos iussit, facili ac levi humo acceptante occultum opus: quippe multam arenam vicinum mare evomit, nec saxa cotesque, quæ interpellent specus, obstabant. Igitur ab ea parte, quam oppidani conspiceri non possent, opus orsus, ut a sensu eius averteret, turres muris admoveri jubet. Sed eadem humus admovendis inutilis turribus, desidente fabulo, agilitatem rotarum morabatur, & tabulata turrium perfringebat: multique vulnerabantur impune, cum idem recipiendis, qui admovendis turribus, labor eos fatigaret. Ergo receptui signo dato, postero die muros corona circumdari iussit; ortoque sole, prius quam admoveret exercitum, opem Deum exposcens, sacrum patrio more faciebat. Fortè prætervolans corvus, glebam, quam unguibus ferebat, subito amisit: quæ cum Regis capiti incidisset, resoluta defluxit: ipsa autem avis in proxima turre confedit. Illita erat turris bitumine ac sulphure, in qua alishærentibus frustra se allevare conatus, a circumstantibus capitur. Digna res visa, de qua vates consulerentur, & erat non intactus ea superstitione mentis. Ergo Aristander,

der, cui maxima fides habebatur, urbis quidem excidium augurio illo portendi; cæterum periculum esse, ne Rex vulnus acciperet. Itaque monuit, ne quid eo die inciperet. Ille, quanquam unam urbem sibi, quod minus securus Ægyptum intraret, obstare ægrè ferebat; tamen paruit vati, signumque receptui dedit. Hinc animus crevit obsessis, egressique porta, recedentibus inferunt signa: cunctationem hostium fore suam occasionem rati. Sed acrius quàm constantius prælium inierunt: quippe ut Macedonum signa circumagi videre, repente sistunt gradum. Jamque ad Regem præliantium clamor pervenerat, cùm denuntiati periculi haud sanè memor, lorica tamen, quam raro induebat, amicis orantibus, sumpsit, & ad prima signa pervenit. Quo conspecto, Arabs quidam Darii miles, majus fortuna sua facinus ausus, clypeo gladium tegens, quasi transfuga genibus Regis advoluitur. Ille assurgere supplicem, recipique inter suos iussit. At gladio Barbarus strenuè in dextram translato, cervicem appetit Regis: qui, exigua corporis declinatione evitato ictu, in vanum manum Barbari lapsam amputat gladio; denuntiato in illum diem periculo (ut arbitrabatur ipse) defunctus. Sed, ut opinor, inevitabile est fatum: quippe dum inter primores promptius dimicat, sagitta ictus est; quam per lorica adactam, stantem in humero, medicus ejus Philippus evellit. Pluri-

mus deindè sanguis manare cœpit; omnibus territis, quia, quàm altè penetraffet telum, lorica obstante, non cognoverant. Ipse, nec oris quidem colore mutato, suppressi sanguinem, & vulnus obligari iussit. Diu ante ipsa signa, vel dissimulato, vel victo dolore, perstitit; cùm suppressus paulò ante sanguis medicamento, quo retentus erat, manare latiùs cœpit; & vulnus, quod recens adhuc dolorem non moverat, frigente sanguine intumuit. Linqui deinde animo, & submitti genu cœpit: quem proximi exceptum in castra receperunt. Et Batis interfectum ratus, urbem ovans victoria repetit. At Alexander, nondum percurato vulnere, aggerem, quo moenium altitudinem æquaret, extruxit, & pluribus cuniculis muros subruì iussit. Oppidani ad pristinum fastigium murorum, novum extruxere munimentum; sed ne id quidem turres aggeri impositas æquare poterat: itaque interiora quoque urbis infecta telis erant. Ultima pestis urbis fuit, cuniculo subrutus murus, per cuius ruinas hostis intravit. Ducebat ipse Rex antesignanos, & dum incautiùs subit, saxo crus ejus affligitur. Innixus tamen telo, nondum prioris vulneris obducta cicatrice, inter primores dimicat: ira quoque accensus, quòd duo in obsidione urbis ejus acceperat vulnera, Batim, egregia edita pugna, multisque vulneribus confectum, deseruerant sui: nec tamen segniùs prælium capebat, lubricis armis



mis suo pariter atque hostium sanguine : cum undique telis circumducto , Alexander , insolenti gaudio juvenis elatus , aliàs virtutem etiam in hoste miratus : Non , ut voluisti , inquit , morieris , Bati ; sed quidquid tormentorum in captivum inveniri potest , passurum esse te cogita . Ille , non interrito modò , sed contumaci quoque vultu intuens Regem , nullam ad minas ejus reddidit vocem . Tum Alexander : videtisne obstinatum ad tacendum ? inquit : num genu posuit ? num supplicem vocem misit ? Vincam tamen silentium , & si nihil aliud , certè gemitu interpellabo . Iram deinde vertit in rabiem , jam tum peregrinos ritus nova subeunte fortuna . Per talos enim spirantis lora trajecta sunt , religatumque ad currum traxere circa urbem equi ; gloriante Rege , Achillem , a quo genus ipse deduceret , imitatum se esse pœna in hostem capienda . Cecidere Persarum Arabumque circa decem milia : nec Macedonibus incruenta victoria fuit . Obsidio certè non tam claritate urbis nobilitata est , quàm geminato periculo Regis , qui Ægyptum adire festinans , Amyntam cum decem triremibus in Macedoniam ad inquisitionem novorum militum misit . Namque prœliis etiam secundis atterebantur copiæ , devictarumque gentium militi minor , quàm domestico , fides habebatur .

7 Ægyptii , olim Persarum opibus infensi , quippe avarè & superbè imperitatum

sibi esse credebant, ad spem adventus ejus  
erexerant animos, utpote qui Amyntam  
quoque transfugam, & cum præcario im-  
perio venientem læti recepissent. Igitur  
ingens multitudo Pelusium, qua intratu-  
rus Rex videbatur, convenerat. Atque il-  
le septimo die, posteaquam a Gaza copias  
moverat, in regionem Ægypti, quam  
nunc Castra Alexandri vocant, pervenit.  
Deinde pedestribus copiis Pelasium pete-  
re jussis, ipse cum expedita delectorum  
manu, Nilo amne vectus est. Nec susti-  
nuere adventum ejus Persæ, defectione  
quoque perterriti. Jamque haud procul  
Memphi erat, in cujus præsidio Astaces  
prætor Darii relictus, Oxio amne supera-  
to, octingenta talenta Alexandro, omnem-  
que regiam suppellectilem tradidit. A  
Memphi, eodem flumine vectus, ad in-  
teriora Ægypti penetrat: compositisque  
rebus, ita ut nihil ex patrio Ægyptiorum  
more mutaret, adire Jovis Ammonis ora-  
culum statuit. Iter, expeditis quoque &  
paucis vix tolerabile, ingrediendum erat:  
terra cœloque aquarum penuria est: ste-  
riles arenæ jacent; quas ubi vapor solis ac-  
cendit, fervido solo exurente vestigia, in-  
tolerabilis æstus existit; luctandumque est  
non tantum cum ardore & siccitate regio-  
nis, sed etiam cum tenacissimo sabulo,  
quod præaltum, & vestigio cedens ægre  
moliuntur pedes. Hæc Ægyptii verò ma-  
jora jactabant. Sed ingens cupido animum  
stimulabat adeundi Jovem, quem generis  
sui

sui autorem, haud contentus mortali fastigio, aut credebatur esse, aut credi volebat. Ergo cum iis, quos ducere secum statuerat, secundo amne descendit ad Mareotim paludem. Eò legati Cyrenensium dona attulere, pacem, & ut adiret urbes suas, petentes. Ille, donis acceptis, amicitiaque conjuncta, destinata exsequi pergit. Ac primo quidem, & sequenti die tolerabilis labor visus; nondum tam vastis nudisque solitudinibus aditis, jam tamen sterili & emoriente terra. Sed ut aperuere se campi alto obruti sabulo, haud secus quam profundum æquor ingressi, terram oculis requirebant. Nulla arbor, nullum culti soli occurrebat vestigium. Aqua etiam defecerat, quam utribus cameli devexerant, & in arido solo, ac fervido sabulo nulla erat. Ad hæc sol omnia incenderat, siccaque & adusta erant omnia; cum repente, sive illud Deorum munus, sive casus fuit, obductæ cœlo nubes, condidere solem; ingens æstu fatigatis, etiamsi aqua deficeret, auxilium. Enimverò ut largum quoque imbrem excusserunt procellæ, pro se quisque excipere eum, quidam, ob sitim impotentes sui, ore quoque hiantii captare cœperunt. Quatriduum per vastas solitudines absumptum est. Jamque haud procul oraculi sede aberant, cum complures corvi agmini occurrunt, modico volatu prima signa antecedentes: & modò humi residebant, cum lentius agmen incederet, modò se pennis levabant.

antecedentum iterque monstrantium ritu. Tandem ad sedem consecratam Deo ventum est. Incredibile dictum, inter vastas solitudines, ita undique ambientibus ramis vix in densam umbram cadente sole contacta est: multique fontes, dulcibus aquis passim manantibus, alunt sylvas. Coeli quoque mira temperies, verno tempore maximè similis, omnes anni partes pari salubritate percurrit. Accolæ sedis sunt ab Oriente proximi Æthiopum: Meridiem versus, Arabes, Troglodytis cognomen est. Horum regio usque ad Rubrum mare excurrit. At qua vergit ad Occidentem, alii Æthiopes colunt, quos Scenitas vocant: a Septentrione Nasamones sunt, gens Syrtica, navigiorum spoliis quæstiosa. Quippe obsident littora, & æstu destituta navigia notis sibi vadis occupant. Incolæ nemoris, quos Ammonios vocant, dispersis tuguriis habitant: medium nemus pro arce habent, triplici muro circumdatum. Prima munitio tyrannorum veterem regiam clausit: in proxima conjuges eorum cum liberis & pelligibus habitant. Hic quoque Dei oraculum est. Ultima munimenta, satellitum armigerorumque sedes erant. Est etiam aliud Ammonis nemus: in medio habet fontem, aquam Solis vocant. Sub lucis ortum tepida manat: medio die, cum vehementissimus est calor, frigida eadem fluit: inclinato in vesperam, calefcit: media nocte, fervida exæstuat, quoque pro-

pius

piùs nox vergit ad lucem; multum ex nocturno calore decrescit, donec sub ipsum diei ortum assueto tepore languescat. Id, quod pro Deo colitur, non eandem effigiem habet, quam vulgo Diis artifices accomodaverunt. Umbilico tenus, arieti similis est habitus, smaragdo & gemmis coagmentatus. Hunc, cum responsum petitur, navigio aurato gestant sacerdotes, multis argenteis pateris ab utroque navigii latere pendentibus. Sequuntur matronæ, virginesque, patrio more inconditum quoddam carmen canentes, quo propitiari Jovem credunt, ut certum edat oraculum. At tum quidem Regem, propius adeuntem, maximus natu è sacerdotibus Filium appellat, hoc nomen illi parentem Jovem reddere affirmans. Ille verò & accipere se, ait, & agnoscere, humanæ sortis oblitus. Consuluit deinde, an totius orbis imperium fatis sibi destinaret pater: Vates quæ in adulationem compositus, terrarum omnium rectorem fore ostendit. Post hæc institit quærere, an omnes parentis sui interfectores, pœnas dedissent. Sacerdos, parentem ejus negat ullius scelere posse violari: Philippi autem omnes interfectores fuisse supplicia: adjecit, invictum fore, donec excederet ad Deos. Sacrificio deinde facto, dona & Sacerdotibus & Deo data sunt: permissumque amicis, ut ipsi quoque consulerent Jovem. Nihil amplius quæsierunt, quàm an autor esset sibi divinis honoribus

bus colendi suum Regem. Hoc quoque acceptum fore Jovi, vates respondit, ut ipsi victorem Regem divino honore colerent. Verè & salubriter æstimanti fidem oraculi, vana profectò responsa videri potuissent: sed fortuna, quos uni sibi credere coegit, magna ex parte avidos gloriæ magis, quàm capaces facit. Jovis igitur filium se non solùm appellari passus est, sed etiam jussit: rerumque gestarum famam dum augere vult, tali appellatione corrumpit. Et Macedones, assueti quidem regio imperio, sed majore libertatis umbra, quàm cæteræ gentes, immortalitatem affectantem contumaciùs, quàm aut ipsis expediebat, aut Regi, averfati sunt. Sed hæc suo quoque tempore reserventur. Nunc cætera exsequi pergam.

8 Alexander ab Ammone rediens, ut ad Mareotim paludem haud procul insula Pharo sitam venit, contemplatus loci naturam, primùm in ipsa insula statuerat urbem novam condere. Inde, ut apparuit, magnæ sedis insulam haud capacem, elegit urbi locum, ubi nunc est Alexandria, appellationem trahens ex nomine autoris: complexus quidquid loci est inter paludem & mare, octoginta stadiorum muris ambitum destinat; &, qui ædificandæ urbi præessent, relictis, Memphim petit. Cupido, haud injusta quidem, cæterum intempestiva, inceserat, non interiora modò Ægypti, sed etiam Æthiopiam invise-

re . Memnonis Tithonique celebrata regia cognoscendæ vetustatis avidum trahebat , pene extra terminos Solis . Sed imminens bellum , cuius multò major supererat moles , otiosæ peregrinationi tempora exemerat . Itaque Ægypto præfecit Æschylum Rhodium , & Peucestem Macedonem , quatuor millibus militum in præsidium regionis ejus datis : claustra Nili fluminis Polymenem tueri jubet , triginta ad hoc triremes datæ . Africæ deinde , quæ Ægypto juncta est , præpositus Apollonius ; vectigalibus ejusdem Africæ , Ægyptique , Cleomenes . Ex finitimis urbibus commigrare Alexandriam jussis , novam urbem magna multitudine implevit . Fama est , cum Rex urbis futuris muris polentam , ut Macedonum mos est , destinasset , avium greges advolasse , & polentâ esse pastas . Cumque id omen pro tristi a plerisque esset acceptum , respondisse vates , magnam illam urbem advenarum frequentiam culturam , multisque eam terris alimenta præbituram . Regem , cum secundo amne deflueret , assequi cupiens Hector , Parmenionis filius , eximio ætatis flore in paucis Alexandro charus , parvum navigium conscendit , pluribus quàm capere posset impositis : itaque mersa navis omnes destituit . Hector diu flumini obluâtus , cum madens vestis , & astricti crepidis pedes , natare prohiberent , in ripam tamen semianimis evasit ; & ut primùm

mum fatigatus spiritum laxavit, quem metus & periculum intenderant, nullo adjuvante (quippe in diversum evaserant alii) exanimatus est. Rex amissi ejus desiderio vehementer afflictus est, reperi- tumque corpus magnifico extulit funere. Oneravit hunc dolorem nuntius mortis Andromachi, quem præfecerat Syriæ. Vi- vum Samaritæ cremaverant. Ad cujus interitum vindicandum, quanta maximè celeritate potuit, contendit: advenienti- que sunt traditi tanti sceleris authores. An- dromacho deinde Memnona substituit, affectis supplicio, qui prætorem intere- merant. Tyrannos (inter eos Methy- mnæorum Aristonicum, & Chrysolauum) popularibus suis tradidit, quos illi ob in- jurias tortos necaverunt. Atheniensium deinde, Rhodiorumque, & Chiorum le- gatos audit. Athenienses victoriam gra- tulabantur, &, ut captivi Græcorum suis restituerentur, orabant. Rhodii & Chii de præsidio querebantur: omnes ea, quæ desiderare visi, impetraverunt. Mityle- næis quoque ob egregiam in partes suas fidem, & pecuniam, quam in bellum impenderant, obfides reddidit, & ma- gnâ regionem finibus eorum adjecit. Cypriorum quoque Regibus, qui & a Dario defecerant ad ipsum, & oppu- gnanti Tyrum miserant classem, pro merito honos habitus est. Amphoterus deinde classis præfectus ad liberandam Cretam missus, (namque & Persarum & pira-



& piratarum armis pleræque ejus insulæ obsidebantur ) ante omnia mare a piraticis classibus vindicare jussus : quippe obnoxium prædonibus erat , in bellum utroque Rege converso . His compositis , Herculi Tyrio ex auro crateram cum triginta pateris dicavit : imminensque Dario iter ad Euphratem pronuntiari jussit .

9 At Darius cum ab Ægypto divertisse in Africam hostem comperisset , dubitaverat , utrumne circa Mesopotamiam subsisteret , an interiora regni sui peteret ; haud dubiè potenter author præsens futurus ultimis genibus impigrè bellum capeffendi , quas agrè per Præfectos suos moliebatur . Sed ut idoneis autoribus fama vulgavit , Alexandrum cum omnibus copiis , quamcunque ipse adiisset regionem , petitum ; haud ignarus , quàm cum strenuo res esset , omnia longinquarum gentium auxilia Babylonem contrahi jussit . Bactiani , Scythæque , & Indi convenerant . Nam & cæterarum gentium copiarum partibus simul affuerunt . Cæterum cum dimidio ferme major esset exercitus , quàm in Cilicia fuerat , multis armis deerant , quæ summa cura comparabatur . Equitibus equisque tegumenta erant ex ferreis laminis , serie inter se connexis . Quæ antea præter jacula nihil dederat , scuta gladiique adjiciebantur . Equorum domandi greges peditibus distributi sunt :  
ut

ut major pristino esset equitatus, ingensque, ut crediderat, terror hostium, ducentæ falcatæ quadrigæ, unicū illarū gentium auxilium, secutæ sunt. Ex summo temone hastæ præfixæ ferro eminebant. Utrique a jugo ternos direxerant gladios, & inter radios rotarum plura spicula eminebant in adversum. Aliæ deinde falces summis rotarum orbibus hærebant, & aliæ in terram demissæ, quidquid obvium concitatis equis fuisset, amputaturæ. Hoc modo instructo exercito, ac perarmato, Babylone copias movit. A parte dextera erat Tigri, nobilis fluvius: lævam tegebat Euphrates: agmen Mesopotamiæ campos impleverat. Tigri deinde superato, cū audisset haud procul abesse hostem, Satropem equitum præfectum cum mille delictis præmisit. Mazæo Prætori sex milla data, quibus hostem transitu amnis æceret. Eidem mandatum, ut regionem, quam Alexander esset aditurus, popularetur, atque ururet: quippe credebatur, inopia debellari posse, nihil habentem, nisi quod rapiendo occupasset. Ipsi autem commeatus, alii terra, alii Tigri amne sulvehebantur. Jam pervenerat ad Arbēllim vicum, nobilem sua clade facturus. Sic, commeatum sarcinarumque maiore parte deposita, Lycum amnem ponte junxit, & per dies quinque, sicut ante Euphratem, trajecit exercitum. Inde octoginta fere stadia progressus, ad alterum amnem, Bumado nomen est,

castra posuit. Opportuna explicandis copiis regio erat, equitabilis & vastitates: ne stirpes quidem & brevia virgulta operiunt solum, liberque prospectus oculorum etiam ad ea, quæ procul refluere, permittitur. Itaque, si quæ campi vinebant, jussit æquari, totumque fastidium extendi. Alexandro, qui numerum copiarum ejus, quantum procul conjectari poterat, æstimabant, vix fecerunt fidem, ut millibus cæsis majores copias esse reparatas. Cæterum omnis periculi, & maxime multitudinis contemptor, undecimis castris pervenit ad Euphratem: quo pontibus juncto, equites primos ire, phalangem sequi jubet; Mazæo, qui ad inhibendum transitum cum sex millibus equitum occurrerat, non auso periculum sui facere. Paucis deinde, non ad quietem, sed ad reparandos animos diebus datis militi, strænuè hostem insequi cœpit, metuens, ne interiora regni sui peteret, sequendusque esset per loca omni solitudine atque inopia vasta. Igitur quarto die præter Arbellam penetrat ad Tigrim. Totâ regio ultra amnem recenti fumabat incendio: quippe Mazæus, quæcunque adierat, haud secus quàm hostis urebat. Ac primò caligine, quam fumus effuderat, obscurante lucem, insidiarum metu substitit. Deinde ut speculatores præmissi tanta omnia nuntiaverunt, paucos equitum ad tentandum vadum fluminis præmisit: cujus altitudo primò summa equorum pectora,

flora, mox ut in medium alveum ventum est, cervices quoque æquabat; nec sanè alius ad Orientis plagam tam violentus invehitur, multorum torrentium non aquas solùm, sed etiam saxa secum trahens. Itaque a celeritate, qua defluit, Tigris nomen est inditum; quia Persica lingua Tigrim sagittam appellant. Igitur pedes velut divisus in cornua circumdato equitatu, levatis super capita armis, haud ægrè ad ipsum alveum penetrat. Primus inter pedites Rex egressus in ripam, vadum militibus manu, quando vox exaudiri non poterat, ostendit, sed gradum firmare vix poterant: eùm modò saxa lubrica vestigium fallerent, modò rapidior unda subduceret. Præcipuus erat labor eorum, qui humeris onera portabant; quippe cùm semetipsos regere non possent, in rapidos gurgites incommodo onere auferebantur. Et dum sua quisque spolia consequi studet, major inter ipsos quàm cum amne orta luctatio est, cumuli-que sarcinarum passim fluitantes, plerisque perculerant. Rex monere, ut satis haberent arma retinere, cætera se redditurum. Sed neque consilium, neque imperium accipi poterat. Obstrepebat hinc metus; præter hunc, invicem natantium mutuus clamor. Tandem, qua leniore tractu amnis aperit vadum, emersere: nec quidquam præter paucas sarcinas desideratum est. Deleri potuit exercitus, si quis ausus esset vincere. Sed perpetua fortuna

Regis

is avertit inde hostem : Sic Granicum,  
 nullibus equitum peditumque in ulte-  
 re stantibus ripa, superavit : sic angu-  
 in Ciliciæ callibus, tantam multitudi-  
 nem hostium. Audaciæ quoque, qua ma-  
 gis viguit, ratio minui potest : quia nun-  
 quam in discrimen venit, an temerè fe-  
 ceret. Mazæus, si transeuntibus flumen  
 pervenisset, haud dubiè oppressurus  
 et incompósitos in ripa : demum etiam  
 et armatos adequitare cœpit. Mille ad-  
 modum equites præmiserat, quorum pau-  
 cate Alexander explorata, deinde con-  
 mpta, præfectum Pæonum equitum  
 Aristonem laxatis habenis invehi jussit. In-  
 gnis eo die pugna equitum, & præcipuè  
 Aristonis, fuit. Præfectum equitatus  
 Persarum Satropacem, directam in guttu-  
 re hasta, transfixit, fugientemque per  
 medios hostes consecutus, ex equo præci-  
 pitavit, & obluctanti caput gladio dem-  
 psit; quod relatum magna cum laude an-  
 te Regis pedes posuit.

Pro Biduo ibi Rex stativa habuit; in  
 proximum deinde pronuntiari jussit. Sed  
 prima fere vigilia, Luna deficiens primum  
 nitorem sideris sui condidit : deinde san-  
 guinis colore suffuso, lumen omne scæda-  
 vit; sollicitisque sub ipsum tanti discrimi-  
 nis casum ingens religio, & ex ea formi-  
 do quædam incussa est. *Diis invitis in ul-  
 timas terras trahi se querebantur. Jam  
 nec flumina posse adiri, nec sidera prisli-  
 num præstare fulgorem. Vastæ terras,  
 deserta*

*deserta omnia occurrere ; in unius hominis  
jactationem tot millium sanguinem impen-  
di : fistidio esse patriam , abdicari Philip-  
pum patrem , cælum vanis cogitationibus  
peti . Jam pro seditione res erat , cum ad  
omnia interritus , duces , principesque mi-  
litum , frequentes adesse prætorio ; Ægy-  
ptiosque vates , quos cœli ac siderum peri-  
tissimos esse credebat , quid sentirent , ex-  
promere jubet . At illi , qui satis scirent ,  
temporum orbes implere destinatas vices ,  
Lunamque deficere , cum aut terram sub-  
iret , aut Sole premeretur , rationem qui-  
dem ipsis perceptam non edocent vulgus :  
cæterum affirmant , Solem Græcorum ,  
Lunam esse Persarum : quoties illa defi-  
ciat , ruinam stragemque illis gentibus  
portendi ; veteraque exempla recensent  
Persidis Regum , quos adversis Diis pu-  
gnasse Lunæ ostendisset defectio . Nulla  
res efficacius multitudinem regit , quàm  
superstitio : alioqui impotens , sæva , mu-  
tabilis , ubi vana religione capta est , me-  
lius vatibus , quàm ducibus suis paret . Igi-  
tur edita in vulgus Ægyptiorum respon-  
sa , rursus ad spem & fiduciam erexere  
torpentes . Rex impetu animorum uten-  
dum ratus , secunda vigilia castra movit .  
Dextera Tigrim habebat , a læva montes ,  
quos Gordyæos vocant . Hoc ingresso iter ,  
speculatores , qui præmissi erant , sub lu-  
cis ortum , Darium adventare nuntiave-  
runt . Instructo igitur milite , & compo-  
sito agmine , antecedebat . Sed Persarum  
explo-*

exploratores erant mille ferme, qui speciem magni agminis fecerant: quippe ubi explorare vera non possunt, falsa per metum augurantur. His cognitis, Rex cum paucis suorum affecutus agmen refugientium ad suos, alios cecidit, alios cepit, equitesque præmisit simul speculatum, simul ut ignem, quod Barbari cremaverant vicos, extinguerent: quippe fugientes raptim tectis acervisque frumenti injecerant flammæ, quæ cum in summo hæssissent, ad inferiora nondum penetraverant. Extincto igitur igne, plurimum frumenti repertum est, copia aliarum quoque rerum abundare cœperunt. Ea res ipsa militi ad persequendum hostem animum incendit; quippe urente & populante eo terram, festinandum erat, ne incendio cuncta præriperet. In rationem ergo necessitas versa, quippe Mazæus, qui antea per otium vicos incenderat, jam fugere consentus, pleraque inviolata hosti reliquit. Alexander haud longius centum quinquaginta stadiis Darium abesse compererat. Itaque ad satietatem quoque copia conmeatum instructus, quatrduo in eodem loco subsistit. Interceptæ deinde Darii literæ sunt, quibus Græci milites sollicitabantur, ut Regem interficerent, aut proderent: dubitavitque, an eas pro concione recitaret, satis confusus Græcorum quoque erga se benevolentia ac fidei. Sed Parmenio deterruit, non esse talibus promissis imbuendas aures militum; patere vel unius

infi-

insidiis Regem; nihil nefas esse avaritiæ. Secutus consilii authorem, castra movit. Iter facienti, Spado unus ex captivis, qui Darii uxorem comitabantur, deficere eam nunciat, & vix spiritum ducere. Itineris continui labore animique ægritudine fatigata, inter iocrus & virginum filiarum manus collapsa erat; deinde & extincta. Id ipsum nuntians alius supervenit. Et Rex haud secus, quàm si parentis suæ mors nuntiata esset, crebros edidit gemitus, lachrymisque obortis, quales Darius profudisset, in tabernaculum, in quo mater erat Darii, defuncto assidens corpori, venit. Hic verò renovatus est mœror, ut prostratam humi vidit. Recenti malo priorum quoque admonita, receperat in gremium adultas virgines, magna quidem mutui doloris solatia, sed quibus ipsa deberet esse solatio. In conspectu erat nepos parvulus, ob id ipsum miserabilis; quòd nondum sentiebat calamitatem, maxima ex parte ad ipsum redundantem. Crederes, Alexandrum inter suas necessitudines flere, & solatia non adhibere, sed quærere. Cibo certè abstinuit, omnemque honorem funeri, patrio Persarum more servavit: dignus hercule, qui nunc quoque tantum mansuetudinis & continentiae ferat fructum. Semel omnino eam viderat, quo die capta est; nec, ut ipsam, sed ut Darii matrem, viderat: eximiamque pulchritudinem formæ ejus, non libidinis habuerat incitamentum, sed gloriae.



gloriæ. E Spadonibus, qui circa Regi-  
nam erant, Tyriotes inter trepidationem  
lagentium elapsus, per eam portam, quæ,  
quia ab hoste averfa erat, levius custodie-  
batur, ad Darii castra pervenit: exceptus-  
que a vigilibus, in tabernaculum Regis  
perducitur, gemens, & veste lacerata.  
Quem ut conspexit Darius, multiplici do-  
loris expectatione commotus, &, quid  
potissimum timeret, incertus: Vultus tuus,  
inquit, nescio quod ingens malum præ-  
fert; sed cave miseri hominis auribus par-  
cas: didici enim esse infelix. & sæpè cala-  
mitatis solatium est, nosse sortem suam.  
Num, quod maximè suspicor, & loqui ti-  
meo, ludibria meorum nuntiaturus es  
mihi; & (ut credo) ipsis quoque omni gra-  
viora supplicio? Ad hæc Tyriotes: Istud  
quidem procul abest, inquit. Quantus-  
cunque enim Reginis honor ab iis, qui pa-  
rent, haberi potest, tuis a victore serva-  
tus est: sed uxor tua paulò ante excessit e  
vita. Tum verò non gemitus modò, sed  
etiam ejulatus totis castris exaudiebantur.  
Nec dubitavit Darius, quin interfecta  
esset, quia nequisset contumeliam pati: ex-  
clamatque amens dolore: Quod ego tan-  
tum nefas commisi, Alexander? Quem  
tuorum propinquorum necavi, ut hanc  
vicem sævitix meæ reddas? Odisti me,  
non quidem provocatus. Sed finge iustum  
intulisse te bellum: cum scœminis ergo  
agere debueras? Tyriotes affirmare per  
Deos patrios, nihil in eam gravius esse  
con-

ut major pristino esset equitatus, ingensque, ut crediderat, terror hostium, ducentæ falcatae quadrigæ, unicū illarum gentium auxilium, secutæ sunt. Ex summo temone hastæ præfixæ ferro eminebant. Utrunque a iugo ternos direxerant gladios, & inter radios rotarum plura spicula eminebant in aduersum. Aliæ deinde falces summis rotarum orbibus hærebant, & aliæ in terram demissæ, quidquid obvium concitatis equis fuisset, amputaturæ. Hoc modo instructo exercito, ac perarmato, Babylone copias movit. A parte dextera erat Tigri, nobilis fluvius: lævam tegebat Euphrates: agmen Mesopotamiæ campos impleverat. Tigri deinde superato, cū audisset haud procul abesse hostem, Satropcem equitum præfectum cum mille delictis præmisit. Mazæo Prætori sex milla data, quibus hostem transitu amnis æceret. Eidem mandatum, ut regionem, quam Alexander esset aditurus, popularetur, atque ururet: quippe credebat, iopia debellari posse, nihil habentem, nisi quod rapiendo occupasset. Ipsi autem commeatus, alii terra, alii Tigri amne sulvehebantur. Jam pervenerat ad Arbellen vicum, nobilem sua clade facturum. Sic, commeatum sarcinarumque maiore parte deposita, Lycum amnem ponte junxit, & per dies quinque, sicut ante Euphratem, trajecit exercitum. Inde octoginta fere stadia progressus, ad alterum amnem, Bumado nomen est,

, castra posuit. Opportuna explicant-  
copiis regio erat, equitabilis & vasta  
nities: ne stirpes quidem & brevia vir-  
lta operiunt solum, liberque prospe-  
us oculorum etiam ad ea, quæ procul re-  
fere, permittitur. Itaque, si quæ campi  
inebant, jussit æquari, totumque fasti-  
um extendi. Alexandro, qui numerum  
copiarum ejus, quantum procul conjectari  
 poterat, æstimabant, vix fecerunt fidem,  
ut millibus cæsis majores copias esse re-  
aratas. Cæterum omnis periculi, & ma-  
ximè multitudinis contemptor, undeci-  
nis castris pervenit ad Euphratem: quo  
montibus juncto, equites primos ire, pha-  
ngem sequi jubet; Mazæo, qui ad inhi-  
bendum transitum cum sex millibus equi-  
tum occurrerat, non auso periculum sui  
facere. Paucis deinde, non ad quietem,  
sed ad reparandos animos diebus datis  
militi, strænuè hostem insequi cœpit, me-  
tuens, ne interiora regni sui peteret, se-  
quendusque esset per loca omni solitudi-  
ne atque inopia vasta. Igitur quarto die  
præter Arbellam penetrat ad Tigrim. To-  
ta regio ultra amnem recenti fumabat in-  
cendio: quippe Mazæus, quæcunque adie-  
rat, haud secus quàm hostis urebat. Ac  
primò caligine, quam fumus effuderat,  
obscurante lucem, insidiarum metu sub-  
stitit. Deinde ut speculatores præmissi  
tuta omnia nuntiaverunt, paucos equitum  
ad tentandum vadum fluminis præmisit:  
cujus altitudo primò summa equorum pe-  
ctora,

flora, mox ut in medium alveum ventum est, cervices quoque aquabat; nec sanè alius ad Orientis plagam tam violentus invehitur, multorum torrentium non aquas solùm, sed etiam saxa secum trahens. Itaque a celeritate, qua defluit, Tigris nomen est inditum; quia Persica lingua Tigrim sagittam appellant. Igitur pedes velut divisus in cornua circumdato equitatu, levatis super capita armis, haud ægrè ad ipsum alveum penetrat. Primus inter pedites Rex egressus in ripam, vadum militibus manu, quando vox exaudiri non poterat, censendit, sed gradum firmare vix poterant: eùm modò saxa lubrica vestigium fallerent, modò rapidior unda subduceret. Præcipuus erat labor eorum, qui humeris onera portabant; quippe eùm semetipsos regere non possent, in rapidos gurgites incommodo onere auferebantur. Et dum sua quisque spolia consequi studet, major inter ipsos quàm cum amne orta luctatio est, cumulique sarcinarum passim fluitantes, plerosque perculerant. Rex monere, ut satis haberent arma retinere, cætera se redditurum. Sed neque consilium, neque imperium accipi poterat. Obstrepebat hinc metus; præter hunc, invicem natantium mutus clamor. Tandem, qua leniore tractu amnis aperit vadum, emersere: nec quidquam præter paucas sarcinas desideratum est. Deleri potuit exercitus, si quis ausus esset vincere. Sed perpetua fortuna

Regis

is avertit inde hostem. Sic Granicum,  
nullibus equitum peditumque in ulte-  
re stantibus ripa, superavit: sic angu-  
in Ciliciæ callibus, tantam multitudi-  
nem hostium. Audaciæ quoque, qua ma-  
gistrum viguit, ratio minui potest: quia nun-  
quam in discrimen venit, an temerè fe-  
ceret. Mazæus, si transeuntibus flumen  
pervenisset, haud dubiè oppressurus  
et incompósitos in ripa: demum etiam  
et armatos adequitare cœpit. Mille ad-  
modum equites præmiserat, quorum pau-  
tate Alexander explorata, deinde con-  
rupta, præfectum Pæonum equitum  
ristona laxatis habenis invehi jussit. In-  
gnis eo die pugna equitum, & præcipuè  
ristonis, fuit. Præfectum equitatus  
ersarum Satropacem, directa in guttu-  
re hasta, transfixit, fugientemque per  
medios hostes consecutus, ex equo præci-  
pitavit, & obluctanti caput gladio dem-  
psit; quod relatum magna cum laude an-  
te Regis pedes posuit.

10 Biduo ibi Rex stativa habuit; in  
proximum deinde pronuntiari jussit. Sed  
prima fere vigilia, Luna deficiens primum  
nitorem sideris sui condidit: deinde san-  
guinis colore suffuso, lumen omne foeda-  
vit; sollicitisque sub ipsum tanti discrimi-  
nis casum ingens religio, & ex ea formi-  
do quædam incussa est. *Diis invitis in ul-  
timas terras trahi se querebantur. Jam  
nec flumina posse adiri, nec sidera pristi-  
num præstare fulgorem. Vastas terras,  
deserta*

*deserta omnia occurrere ; in unius hominis  
jactationem tot millium sanguinem impen-  
di : fastidia esse patriam , abdicari Philip-  
pum patrem , cælum vanis cogitationibus  
peti .* Jam pro seditione res erat , cum ad  
omnia interritus , duces , principesque mi-  
litum , frequentes adesse prætorio ; Ægy-  
ptiosque vates , quos cœli ac siderum peri-  
tissimos esse credebat , quid sentirent , ex-  
promere jubet . At illi , qui satis scirent ,  
temporum orbes implere destinatas vices ,  
Lunamque deficere , cum aut terram sub-  
iret , aut Sole premeretur , rationem qui-  
dem ipsis perceptam non edocent vulgus :  
cæterum affirmant , Solem Græcorum ,  
Lunam esse Persarum : quoties illa defi-  
ciat , ruinam stragemque illis gentibus  
portendi ; veteraque exempla recensent  
Persidis Regum , quos adversis Diis pu-  
gnasse Lunæ ostendisset defectio . Nulla  
res efficacius multitudinem regit , quam  
superstitio : alioqui impotens , sæva , mu-  
tabilis , ubi vana religione capta est , me-  
lius vatibus , quam ducibus suis paret . Igi-  
tur edita in vulgus Ægyptiorum respon-  
sa , rursus ad spem & fiduciam erexere  
torpentes . Rex impetu animorum uten-  
dum ratus , secunda vigilia castra movit .  
Dextera Tigrim habebat , a læva montes ,  
quos Gordyæos vocant . Hoc ingresso iter ,  
speculatores , qui præmissi erant , sub lu-  
cis ortum , Darium adventare nuntiave-  
runt . Instructo igitur milite , & compo-  
sito agmine , antecedebat . Sed Persarum  
explo-

exploratores erant mille ferme, qui speciem magni agminis fecerant: quippe ubi explorare vera non possunt, falsa per metum augurantur. His cognitis, Rex cum paucis suorum affecutus agmen refugientium ad suos, alios cecidit, alios cepit, equitesque præmisit simul speculatum, simul ut ignem, quod Barbari cremaverant vicos, extinguerent: quippe fugientes raptim tectis acervisque frumenti injecerant flammæ, quæ cum in summo hæssissent, ad inferiora nondum penetraverant. Extincto igitur igne, plurimum frumenti repertum est, copia aliarum quoque rerum abundare cœperunt. Ea res ipsa militi ad persequendum hostem animum incendit; quippe urente & populante eo terram, festinandum erat, ne incendio cuncta præriperet. In rationem ergo necessitas versa, quippe Mazæus, qui antea per otium vicos incenderat, jam fugere consentus, pleraque inviolata hosti reliquit. Alexander haud longius centum quinquaginta stadiis Darium abesse compererat. Itaque ad satietatem quoque copia com meatuum instructus, quatrduo in eodem loco subsistit. Interceptæ deinde Darii literæ sunt, quibus Græci milites sollicitabantur, ut Regem interficerent, aut proderent: dubitavitque, an eas pro concione recitaret, satis confisus Græcorum quoque erga se benevolentia ac fidei. Sed Parmenio deterruit, non esse talibus promissis imbuendas aures militum; patere vel unius  
infi-

insidiis Regem; nihil nefas esse avaritiæ. Secutus consilii authorem, castra movit. Iter facienti, Spado unus ex captivis, qui Darii uxorem comitabantur, deficere eam nunciat, & vix spiritum ducere. Itineris continui labore animique ægritudine fatigata, inter iocrus & virginum filiarum manus collapsa erat; deinde & extincta. Id ipsum nuntians alius supervenit. Et Rex haud secus, quàm si parentis suæ mors nuntiata esset, crebros edidit gemitus, lachrymisque obortis, quales Darius profudisset, in tabernaculum, in quo mater erat Darii, defuncto assidens corpori, venit. Hic verò renovatus est mœror, ut prostratam humi vidit. Recenti malo priorum quoque admonita, receperat in gremium adultas virgines, magna quidem mutui doloris solatia, sed quibus ipsa deberet esse solatio. In conspectu erat nepos parvulus, ob id ipsum miserabilis; quòd nondum sentiebat calamitatem, maxima ex parte ad ipsum redundantem. Crederes, Alexandrum inter suas necessitudines flere, & solatia non adhibere, sed quærere. Cibo certè abstinuit, omnemque honorem funeri, patrio Persarum more servavit: dignus hercule, qui nunc quoque tantum mansuetudinis & continentiae ferat fructum. Semel omnino eam viderat, quo die capta est; nec, ut ipsam, sed ut Darii matrem, viderat: eximiamque pulchritudinem formæ ejus, non libidinis habuerat incitamentum, sed gloriæ.



gloriæ. E Spadonibus, qui circa Regi-  
nam erant, Tyriotes inter trepidationem  
lugentium elapsus, per eam portam, quæ,  
quia ab hoste averfa erat, levius custodie-  
batur, ad Darii castra pervenit: exceptus-  
que a vigilibus, in tabernaculum Regis  
perducitur, gemens, & veste lacerata.  
Quem ut conspexit Darius, multiplici do-  
loris expectatione commotus, &, quid  
potissimum timeret, incertus: Vultus tuus,  
inquit, nescio quod ingens malum præ-  
fert; sed cave miseri hominis auribus par-  
cas: didici enim esse infelix. & sæpè cala-  
mitatis solatium est, nosse sortem suam.  
Num, quod maximè suspicor, & loqui ti-  
meo, ludibria meorum nuntiaturus es  
mihi; & (ut credo) ipsis quoque omni gra-  
viora supplicio? Ad hæc Tyriotes: Istud  
quidem procul abest, inquit. Quantus-  
cunque enim Reginis honor ab iis, qui pa-  
rent, haberi potest, tuis a victore serva-  
tus est: sed uxor tua paulò ante excessit e  
vita. Tum verò non gemitus modò, sed  
etiam ejulatus totis castris exaudieban-  
tur. Nec dubitavit Darius, quin interfecta  
esset, quia nequisset contumeliam pati: ex-  
clamatque amens dolore: Quod ego tan-  
tum nefas commisi, Alexander? Quem  
tuorum propinquorum necavi, ut hanc  
vicem sævitix meæ reddas? Odisti me,  
non quidem provocatus. Sed finge justum  
intulisse te bellum: cum foeminis ergo  
agere debueras? Tyriotes affirmare per  
Deos patrios, nihil in eam gravius esse  
con-

consultum . Ingenuisse etiam Alexandrum morti , & non parcius fleuisse , quàm ipse lachrymaretur . Ob hæc ipse amantis animus in sollicitudinem suspicionemque revolutus est ; desiderium captivæ profectò a consuetudine stupri ortum esse conjectans . Submotis igitur arbitris , undantaxat Tyriote retento , jam non flens , sed suspirans , Videsne in te , Tyriote , locum mendacio non esse ? Tormenta jam hìc erunt : sed ne expectaveris per Deos , si quid tibi tui Regis reverentia est . Num , quod & scire expeto , & quærere pudet , ausus est & dominus & juvenis ? Ille quæstioni corpus offerre , Deos testes invocare , castè sanctèquè habitam esse Reginam . Tandem , ut fides facta est , vera esse , quæ affirmaret Spado , capite velato diu fleuit : manantibusque adhuc lachrymis , veste ab ore rejecta , ad cœlum manus tendens : Dii patrii , inquit , primum mihi stabilite regnum ; deinde , si de me jam transactum est , precor , ne quis Asiæ Rex sit , quàm iste tam justus hostis , tam misericors victor .

11 Itaque , quanquam pace frustra bis petita , omnia in bellum consilia converterat ; victus tamen continentia hostis , ad novas pacis condiciones ferendas , decem legatos , cognatorum principes , misit : quos Alexander consilio advocato introduci jussit . E quibus maximus natu : *Darium* , inquit , *ut pacem a te jam tertio*  
pete-

peteret, nulla vis subegit; sed justitia & continentia tua expressit. Matrem, conjugem, liberosque ejus; nisi quod sine illo sunt, captos esse non sensit. Pudicitia earum, quæ supersunt, curam baud secus, quàm parens, agens, Reginas appellas; speciem pristina fortuna retinere pateris. Vultum tuum video, qualis Darii fuit, cùm dimitteremur ab eo; & ille tamen uxorem, tu hostem luges. Jam in acie stares, nisi cura te sepultura ejus moraretur. Ecquid mirum est, si tam ab amico animo pacem petit? Quid opus est armis, inter quos odia sublata sunt? Antea imperio tuo finem destinabat Halym amnem, qui Lydiam terminat; nunc, quidquid inter Hellespontum & Euphratem est, in dotem filia offert, quam tibi tradit. Ocbum filium, quem habes, pacis & fidei obsidem retine. Matrem, & duas virgines filias redde: pro tribus corporibus XXX millia talentum auri, precatur, accipias. Nisi moderationem animi tui notam haberem, non dicerem, hoc esse tempus, quo pacem non dare solùm, sed etiam occupare deberes. Respice, quantum post te reliqueris; intueri, quantum petas. Periculosum est prgrave imperium: difficile est continere, quod capere non possis. Videsne ut navigia, quæ modum excedunt, regi nequeant? Nescio in Darius ideo tam multa amiserit, quia nimia opes magna jactura locum faciunt. Facilius est quadam vincere, quàm tueri. Quàm, bercule, expeditiis manus nostra

F

rapiunt,

*vapiunt, quàm continent! Ipsa mors uxoris Darii te admonere potest, minus jam misericordia tua licere, quàm licuit. Alexander, legatis excedere tabernaculo iussis, quid placeret, ad consilium refert. Diu nemo, quid sentiret, ausus est dicere, incerta Regis voluntate. Tandem Parmenio, Ante suavissem, ait, ut captivos apud Damascum redimentibus redderes, ingentem pecuniam potuisse redigi ex iis, qui multi vincti virorum fortium occupaverant manus. Et nunc magnopere censerem, ut unam anum, & duas puellas, itinerum agminumque impedimenta, triginta millibus talentis auri permutes. Opimum regnum occupari posse conditione, non bello: nec quenquam alium inter Istrum & Euphratem possedisse terras, ingenti spatio intervalloque discretas. Macedoniam quoque respiceret potius, quàm Bactra & Indos intueretur. Ingrata oratio Regi fuit. Itaque ut finem dicendi fecit: Et ego, inquit, pecuniam, quàm gloriam malle, si Parmenio essem. Nunc Alexander, de paupertate securus sum, & me non mercatorem memini esse, sed Regem. Nihil quidem habeo venale; sed fortunam meam utique non vendo. Captivos si placet reddi; honestius dono dabimus, quàm pretio remittimus. Introductis deinde legatis, ad hunc modum respondit: Nuntiate Dario, gratiarum actionem apud hostem supervacaneam esse, & me, qua fecerim clementer & libe-*

liberaliter, non amicitia ejus tribuisse, sed natura mea: nec adversus calamitates, sed adversus hostium vires contendere. Bellum cum captivis & fœminis gerere non soleo; armatus sit, oportet, quem ode-  
rim. Quod si saltem pacem bona fide pe-  
teret, deliberarem forsitan, an darem. Ve-  
rùm enimverò, cum modò milites meos lit-  
teris ad proditionem, modò amicos ad perni-  
ciem meam pecunia sollicitet, ad interne-  
cionem mihi persequendus est, non ut justus  
hostis, sed ut percussor veneficus. Conditio-  
nes verò pacis, quas fertis, si accepero, vi-  
ctorem cum faciunt. Qua post Euphratem  
sunt, liberaliter donat. Ubi igitur me affa-  
mini? nempe ultra Euphratem sum. Sum-  
mam ergo dotis, quam promittit, terminum  
castra mea transeunt. Hinc me depellite,  
ut sciam vestrum esse, quod ceditis. Ea-  
dem liberalitate dat mihi filiam suam,  
nempe quam scio alicui servorum ejus nu-  
pturam. Multum verò mihi praestat, si me  
Mazao generum praeponit. Ite, nuntiate  
Regi vestro, & qua amisit, & qua adhuc  
habet, pramia esse belli. Hoc repente  
utriusque terminos regni, id quemque ha-  
biturum, quod proxima lucis assignatura  
fortuna est: & me in Asiam non venisse, ut  
ab aliis acciperem, sed ut aliis darem. Si  
secundus, & non par mihi vellet haberi,  
facereum forsitan qua petit. Caterum nec  
mundus duobus Solibus potest regi, nec duo  
summa regna salvo statu terrarum potest  
habere. Proinde aut deditionem hodie,

*aut in crastinum bellum paret : nec aliam sibi , quam expertus est , polliceatur fortunam .* Legati respondent : Cùm bellum in animo sit , facere eum simpliciter , quòd spe pacis non frustraretur : ipsos petere , quàm primùm dimittantur ad Regem ; cum quoque bellum parare debere . Dimissi nuntiant , adesse certamen .

12 Ille quidem confestim Mazæum cum 111 millibus equitum ad itinera , quæ hostis petiturus erat , occupanda præmisit . Alexander , corpori uxoris ejus justis persolutis , omnique graviore comitatu intra eadem munimenta cum modico præsidio relicto , ad hostem contendit . Duo cornua divisa erant peditum ; in utrumque latus equite circumdato , impedimenta sequebantur agmen præmissum . Deindè cum Scythis equitibus , Menidam jubet explorare , ubi Darius esset . At ille , cùm Mazæus haud procul confedisset , non ausus ultra procedere ; nihil aliud quàm fremitum hominum , hinnitumque equorum , exaudisse nuntiat . Mazæus quoque , conspectis procul exploratoribus , in castra se recepit , adventus hostium nuntius . Igitur Darius , qui in patentibus campis decernere optabat , armari militem jubet , aciemque disponit . In lævo cornu Bactriani ibant equites , mille admodum : Dacæ totidem , & Arachosii , Susique , quatuor millia explebant . Hos centum falcati currus sequebantur . Proximus quadri-

quadrigis erat Bessus cum viii millibus equitum, item Bactrianis. Massagetæ xi millibus agmen ejus claudebant: pedites his plarium gentium non mistos, sed suæ quisque nationis, junxerant copias. Persas deindè cum Mardis, Sogdianisque, Ariobarzanes & Orobares ducebant. Illis partibus copiarum Orsines præerat, a septem Persis oriundus; ad Cyrum quoque nobilissimum Regem originem sui referens. Hos aliæ gentes, ne sociis quidem satis notæ, sequebantur. Post quas quinquaginta quadrigas Phradates magno Caspianorum agmine antecedebat. Indi, cæterique Rubri maris accolæ, nomina veriùs, quàm auxilia, post currus erant. Claudebatur hoc agmen aliis falcatis curribus quinquaginta, quæis peregrinum militem adjunxerat. Hunc Armenii, quos minores vocant, Armenios Babylonii, utrosque Belitæ, & qui montes Cossæorum incolebant, sequebantur. Post hos ibant Gortunæ, gentes quidem Euboicæ, Medos quondam secuti, sed jam degeneres, & patrii moris ignari. Applicuerat his Phrygas, Cataonas. Parthorum deinde gens, incolentium terras, quas tunc Parthi, Scythia profecti, tenent, claudebant agmen. Hæc sinistri cornu acies fuit: dextrum tenebat natio majoris Armeniæ, Cadusique, & Cappadoces, & Syri, & Medii. His quoque falcati currus erant quinquaginta. Summa totius exercitus: equites CXLV millia, pedestris acies sexcen-

ta-millia explēverat. Hoc modo instructi, decem stadia procedunt: jussique subsistere armati, hostem expectabant. Alexandri exercitum pavor, cujus causa non suberat, invasit: quippe lymphati trepidare cœperunt, omnium pectora occulto metu percurrente. Cæli fulgor tempore æstivo ardenti similis internitens, ignis præbuit speciem, flammæque ex Darii castris splendere velut illatas temerè præfidiis credebant. Quòd si perculsis Mazæus, qui præsidebat itineri, supervenisset, ingens clades accipi potuit. Ille segnis in eo, quem occupaverat, tumulto sedet, contentus non læcessi. Alexander, cognito pavore exercitus, signum, ut consisterent dari, ipsos arma deponere, ac levare corpora jubet, admonens, nullam subiti causam esse timoris hostem procul stare. Tandem compotes sui, pariter arma & animos recepere, nec quidquam ex præsentibus tutius visum est, quàm eodem loco castra munire. Postero die Mazæus, qui cum delectis equitum in edito colle, ex quo Macedonum prospiciebantur castra, confederat, sive metu, sive quia speculâri modo jussus erat, ad Darium rediit. Macedones eum ipsum collem, quem deseruerat, occupaverunt; nam & tutior planitie erat, & inde acies hostium, quæ in campo explicabatur, conspici poterat. Sed caligo, quam circa humidi effuderant montes, universam quidem rei faciem non abstulit: cæterum agminum discrimina, atque



atque ordinem, prohibuit perspicere. Multitudo inundaverat campos, fremitusque tot millium, etiam procul stantium, aures impleverat. Fluctuare animo Rex. & modò suum, modò Parmenionis consilium, sera æstimatione perpendere; quippe eò ventum erat, unde recipi exercitus, nisi victor, aut sine claude, non posset. Movebat etiam eum multitudo hostium, respectu paucitatis suæ gentis. Sed interdum reputabat, quantas res cum hac gente gessisset, quantosque populos fudisset. Itaque, cum spes metum vinceret, periculosius bellum differre ratus, ne desperatio suis cresceret; dissimulato eo, mercenarium equitem ex Pæonia præcedere jubet. Ipse phalangem, sicut antea dictum est, in duo cornua extenderat. Utrumque cornu equites tegebant. Jamque nitidior lux, discussa caligine, aciem hostium ostenderat: & Macedones, sive alacritate, sive tædio expectationis, ingentem, pugnantium more, edidere clamorem. Redditus & a Persis, nemora vallesque circumjectas terribili sono impleverat. Nec jam contineri Macedones poterant, quin cursu quoque ad hostem contenderent. Melius adhuc ratus Alexander in eodem tumultu castra munire, vallum jaci jussit: strenuèque opere perfectò, in tabernaculum, ex quo tota acies hostium conspiciebatur, secessit.

13 Tum verò aniverſa futuri discriminis facies in oculis erat: armis insignibus

bus equi virique splendebant; & omnia intentiore cura præparari, sollicitudo Prætorum agmina sua interequitantium ostendebat, ac pleraque inania, sicut fremitus hominum, equorum hinnitus, armorum internitentium fulgor, sollicitam expectatione mentem turbaverant. Igitur, siue dubius animi, siue ut suos experiretur, consilium adhibet; quid optimum factu esset, exquirens. Parmenio peritissimus inter duces artium belli, furto, non prælio, opus esse censebat: *Intempesta nocte opprimi posse hostes discordes moribus, linguis. Ad hac & somno, & improvise periculo territos, quando in nocturna trepidatione coituros? At interdium primam terribiles occurrentes facies Scytharum, Bactrianorumque; hirta illis ora, & intonsas comas esse. Præterea eximiam vastorum magnitudinem corporum: vanis & inanibus militem magis, quam iustis formidinis causis moveri; deinde tantam multitudinem circumfundi paucioribus posse. Non in Ciliicia angustiis, & inviis callibus, sed in aperta & lata planitie dimicandum fore.* Omnes ferme Parmenioni assentiebantur: Polypercon haud dubiè in eo consilio positam victoriam arbitrabatur. Quem intuens Rex: (namque Parmenionem nuper acrius, quàm vellet, increpitum, rursus castigare non sustinebat) *Latrunculorum, inquit, & furum ista solertia est, quam precipitis mibi; quippe*

quippe illorum votum unicum est, fallere. Mea verò gloria semper aut absentiam Darii, aut angustias locorum, aut furtum noctis obstare non patiar: palam luce aggredi certum est. Malo me fortuna pœniteat, quàm victoria pudeat. Ad hac illud quoque accedit: vigilias agere Barbaros, & in armis stare, ut ne decipi quidem possint. Itaque ad prælium vos parate. Sic incitatos ad corpora curanda dimisit. Darius illud, quod Parmenio suaserat, hostem facturum esse conjectans, frænatos equos stare, magnamque exercitus partem in armis esse, ac vigilias intentiore cura servari, jusserat. Ergo ignibus rota ejus castra fulgebant. Ipse cum ducibus propinquisque agmina in armis stantium circumibat; Solem, Mithren, sacrumque & æternum invocans ignem, ut illi dignam vetere gloria, majorumque monumentis fortitudinem inspirarent; & profectò si qua divinæ opis auguria, humana mente concipi possent, Deos stare secum, illos nuper Macedonum animis subitam incussisse formidinem: adhuc lymphatos ferri agique arma jacentes. Expetere præsides Persarum imperii Deos debitas a vecordibus pœnas, nec ipsum ducem saniozem esse, quippe ritu ferarum prædam modò, quam expeteret, intuentem, in perniciem, quæ ante prædam posita esset, incurrere. Similis apud Macedones quoque sollicitudo erat; noctemque, velut in eam certamine edicto, me-

tu egerunt. Alexander non aliàs magis  
territus, ad vota & preces Aristandrum  
vocari jubet. Ille in candida veste, verbe-  
nas manu præferens, capite velato, præi-  
bat preces Regis, Jovem, Minervam,  
Victoriamque propitiantis. Tunc qui-  
dem sacrificio ritè perpetrato, reliquum  
noctis acquieturus in tabernaculum rediit.  
Sed nec somnũ capere, nec quietem pa-  
ti poterat; modò e jugo montis aciem in  
dexterum Persarum cornu demittere agi-  
tabat, modò recta fronte concurrere ho-  
sti: interdum hæsitare, an potius in lævum  
torqueret agmen. Tandem gravatum  
animi anxietate corpus altior somnus op-  
pressit. Jamque luce orĩa duces ad acci-  
pienda imperia convenerant, insolito cir-  
ca prætorium silentio attoniti. Quippe  
aliàs accersere ipsos, & interdum moran-  
tes castigare assueverat. Tunc ne ultimo  
quidem rerum discrimine excitatum esse  
mirabantur, & non somno quiescere, sed  
pavore marcere credebant: non tamen  
quisquam e custodibus corporis intrare  
tabernaculum audebat, & jam tempus in-  
stabat, nec miles injussu ducis, aut arma  
capere poterat, aut in ordines ire. Diũ  
Parmenio cunctatus, cibum ut caperent,  
ipse pronuntiat. Jamque exire necesse  
erat: tunc demum intrat tabernaculum,  
sæpiusque nomine compellatum, cùm vo-  
ce non posset, tactu excitavit. *Multa  
lux, inquit, est. Instructam aciem bo-  
stis admovit: tuus miles adhuc inermis  
expe-*

*expectat imperium. Ubæ est vigor ille animi tui ? nempe excitare vigilantes soles. Ad hæc Alexander : Credisne me prius somnum capere potuisse, quam exonerarem animum sollicitudine, qua quietem morabatur ? signumque pugnae tuba dari iussit. Et cum in eadem admiratione Parmenio perseveraret, quod securus somnum cepisset: Minimè, inquit, mirum est. Ego enim, cum Darius terras ureret, vicinos excinderet, alimenta corrumpere, potens me non eram. Nunc verò quid metuum, cum acie decernere paret ? bercule votum mecum implevi ; sed huius quoque consilii ratio postea reddetur. Vos ite ad copias, quibus quisque præstet : ego jam adero, & quid fieri velim, exponam. Rarè admodum admonitu amicorum, cum metus discriminis aderat, uti solebat. Tum quoque munimento corporis sumpto processit ad milites. Haud aliàs tam alacrem viderant Regem ; & vultu ejus interrito, certam spem victoriae augurabantur. Atque ille prurpto vallo exire copias jubet, aciemque disponit. In dextero cornu locati sunt equites, quos Agema appellant. Præerat his Clytus, cui junxit Philotæ turmas ; cæterosque Præfectos equitum lateri ejus applicuit. Ultima Meleagri ala stabat, quam phalaex sequebatur. Post phalangem Argyraspides erant. His Nicenor Parmenionis filius præerat, in subsidiis cum manu sua Coenus. Post eum*

Horestes, Lyncestesque. Post illos Polypercon, dux peregrini militis. Hujus agminis Amyntas princeps erat. Philagus Balacros regebat, in societatem nuper ascitos: hæc dextri cornu facies erat. In lævo Craterus Peloponnesium equites habebat, Achæorumque, & Locrensum, & Marcon turmis sibi adjunctis: hos Thessali equites claudebant, Philippo duce, peditum acies equitatu tegebatur: frons lævi cornu hæc erat. Sed ne circumiri posset a multitudine, ultimum agmen valida manu cinxerat. Cornua quoque subsidiis firmavit: non recta fronte, sed a latere positis, ut, si hostis circumvenire aciem tentasset, parata pugna forent. Hic Agriani erant, quibus Attalus præerat, adjunctis sagittariis Crætensisibus. Ultimos ordines avertit a fronte, ut totam aciem orbe muniret. Illyrii hinc erant, adjuncto milite mercede conducto: Thracas quoque simul objecerat leviter armatos, adeoque aciem versatilem posuit, ut qui ultimi stabant, ne circumirentur, verti tamen, & in frontem circumagi possent. Itaque non prima quàm latera, non latera munitiora fuere, quàm terga. His ita ordinatis præcipit, ut, si falcatos currus cum fremitu Barbari emitterent, ipsi laxatis ordinibus impetum occurrentium silentio exciperent: haud dubius, sine noxa transcurfuros, si nemo se opponeret. Sin autem sine fremitu immisissent, eos ipsi clamore terrent, pavidosque equos telis

utrin,

utrinque suffoderent. Qui cornibus præerant, extendere ea iussi, ita ut ne circumvenirentur, si arctius starent, nec tamen mediam aciem exinanirent. Impedimenta cum captivis, inter quos mater liberique Darii custodiebantur, haud procul ab acie in edito colle constituit, modico præsidio relicto. Lævum cornu, sicut alias, Parmenioni tuendum datum: ipse in dextro stabat. Nondum ad teli iactum pervenerant, cùm Bion quidam transfuga, quanto maximo cursu poterat, ad Regem pervenit; nuncians, murices ferreos in terram defodisse Darium, qua hostem equites emissurum esse, credebat: notatumque certo signo locum, ut fraus evitari a suis posset. Asservari transfuga iusso, duces convocat; expositoque, quod nuntiatum erat, monet, ut regionem monstratam declinent, equitemque periculum edoceant. Cæterùm hoc tantus exercitus exaudire non poterat, usum aurium intercipiente fremitu duorum agminum: sed in conspectu omnium, duces & proximum quemque interequitans alloquebatur.

14 *Emensis tot terras in spem victoria, de qua dimicandum foret, hoc unum superesse discrimen; Granicum hic amnem, Ciliciaque montes, & Syriam, Ægyptumque, prætereuntibus raptas, ingentia spei gloriaque incitamenta referebat. Reprehensos ex fuga Persas pugnatuuros, quia fugere non possent; tertium diem jam metu exsangues, armis suis oneratos, in eodem*

dem vestigio harere ; nullum desperationis illorum majus indicium esse , quàm quòd urbes , quòd agros suos urerent : quidquid non corrupissent , hostium esse confessi . Nomina modò vana gentium ignotarum ne extimescerent : neque enim ad belli discrimen pertinere , qui ab his Scythæ , quive Gadusi appellentur : ob id ipsum , quòd ignoti essent , ignobiles esse : nunquam ignorari viros fortes : at imbelles ex latebris suis erutos , nihil præter nomina asferre . Macedones virtute affecutos , ne quis toto orbe locus esset , qui tales viros ignoraret ; intuerentur Barbarorum inconditum agmen : alium nihil præter jaculum habere , alium funda saxa librare , paucis iusta arma esse . Itaque illinc plures stare , hinc plures dimicaturos ; nec postulare se , ut fortiter capesserent prælium , ni ipsè ceteris fortitudinis fuisset exemplum : se ante primæ signæ dimicaturum spondere : pro se , quot cicatrices , totidem corporis decora : scire ipsos , unum penè se prædæ communis exsortem : in illis colendis ornandisque usurpare victoriæ præmiâ . Hac se fortibus viris dicere . Si qui dissimiles eorum essent , illa fuisse dicturum : pervenisse eò , unde fugere non possent ; tot terrarum spatia emensis , tot omnibus montibusque post tergum objectis , iter in patriam & penates manu esse faciendum . Sic duces , sic proximi militum instincti sunt . Darius in lævo cornu erat , magno suorum agmine delectis equitum peditum-  
que



que stipatus: contempseratque paucitatem hostis, vanam aciem esse extentis cornibus ratus. Cæterum, sicut curru eminebat, dextera lævaque ad circumstantium agmina oculos manusque circumferens, *Terrarum*, inquit, *quas Oceanus hinc alluit, illinc claudit Hellespontus*, paulo ante domini, jam non de gloria, sed de salute, & quod salutis præponitis, de libertate pugnandum est. Hic dies imperium, quo nullum amplius vidit atas, aut constituet, aut finiet. Apud Granicum minima virium parte cum hoste certavimus. In Cilicia victor Syria poterat excipere. Magna munimenta regni Tigris atque Euphrates erant. Ventum est eò, unde pulsus ne fugæ quidem locus est. Omnia tam diutino bello exhausta post tergum sunt. Non incolas suos urbes, non cultores habent terra. Conjuges quoque & liberi sequuntur hanc aciem parata hostibus prada, nisi pro charissimis pignoribus corpora opponitis. Quod mearum fuit partium, exercitum, quem penè immensa planities vix caperet, comparavi; equos, arma distribui; commeatus, ne tanta multitudinè deessent, providi; locum, in quo acies explicari posset, elegi. Cætera in vestra potestate sunt; audete modò vincere, famamque, infirmissimum adversus fortes viros telum, contemnite. Temeritas est, quam adhuc pro virtute timuistis, qua ubi primum impetum effudit, velut quadam animalia amisso aculeo, torpet.

Hi verd campi deprehendere paucitatem, quam Cilicia montes absconderant. Videtis ordines raros, cornua extenta, mediam aciem vanam & exhaustam. Nam ultimi, quos locavit aversos terga jam præbent: obteri mehercule equorum ungulis possunt, etiam si nil præter falcatos currus emisero, & bello vicerimus, si vinctissimus prælio, nam ne illis quidem ad fugam locus est. Hinc Euphrates, illinc Tigris prohibet inclusos; & quæ antea pro illis erant, in contrarium conversa sunt. Nostrum mobile & expeditum agmen est; illud præda grave. Implicatos ergo spoliis nostris trucidabimus: eademque res & causa victoria erit, & fructus. Quod si quem e vobis nomen gentis movet; cogitet, Macedonum illis arma esse, non corpora. Multum enim sanguinis invicem hausimus, & semper gravior in paucitate jactura est. Nam Alexander quantuscumque ignavis & timidus videri potest, unum animal est, &, siquid mihi creditis, temerarium & vecors; adhuc nostro pavore, quàm sua virtute, felicius. Nihil autem potest esse diuturnum, cui non subest ratio. Licet felicitas aspirare videatur, tamen ad ultimum temeritati non sufficit. Præterea breves & mutabiles vices rerum sunt, & fortuna nunquam simpliciter indulget. Forsitan ita Deorum fata ordinauerunt, ut Persarum imperium, quod secundo cursu per cccxxx annos ad summum fastigium evexerant, magno motu

concuterent magis, quàm affligerent, admonerentque nos fragilitatis humana, cujus nimia in prosperis rebus oblivio est. Modò Græcis ultro bellum inferebamus: nunc in sedibus nostris propulsamus illatum. Jactamur invicem varietate fortuna. Videlicet imperium, quia mutud affectamus, una gens non capit. Caterùm si spes non subesset, necessitas tamen stimulare deberet. Ad extrema perventum est. Matrem meam, duas filias, Oebum in spem hujus imperii genitum, illos principes, illam sobolem regia stirpis, duces vestros, Regum instar victos habet; nisi, quod in vobis est, ipse ego majore parte captivus sum. Eripite viscera mea ex vinculis, restituite mihi pignora, pro quibus ipse mori non recuso. Parentem, liberos (nam conjugem in illo carcere amisi) credite nunc omnes, tendere ad vos manus, implorare patrios Deos, opem vestram, misericordiam, fidem exoscere, ut servitute, ut compedibus, ut precario victu ipsos liberetis. An creditis a quo animo iis servire, quorum Regis esse fastidiunt? Video admoveri hostium aciem: sed quò propiùs discrimen accedo, hoc minus his, qua dixi, possum esse contentus. Precor vos per Deos patrios, aeternumque ignem, qui praefertur altaribus, fulgoremque Solis intra fines regni mei orientis, per aeternam memoriam Cyri, qui ademptum Medis Lydisque imperium primus in Persidem intulit, vindicate ab ultimo dedecore nomen gentemque

*semque Persarum. Ite alacres & spe pleni, ut quam gloriam accepistis a majoribus vestris, posteris relinquatis. In dextris vestris jam libertatem, opem, spem futuri temporis geritis. Effugit mortem, quisquis contempserit: timidissimum quemque consequitur. Ipse non patrio more solam, sed etiam, ut conspici possim, curru vehor. Nec recuso, quo minus imitmini me, siue fortitudinis exemplum, siue ignavia fuero.*

15 Interim Alexander (ut est demonstratum a transfuga) cum insidiarum locum circumiret, & Dario, qui laevum cornu tuebatur, occurreret, agmen obliquum incedere jubet. Darius quoque eodem suum obvertit, Besso admonito, ut Masagetes equites in laevum Alexandri cornu invehi juberet. Ipse ante se falcatos currus habebat, quos signo dato universos in hostem effudit. Ruebant laxatis habenis aurigæ, quod plures, nondum satis proviso impetu, obtererent. Alios ergo hastæ multum ultra temonem eminentes, alios ab utroque latere demissæ falces laceravere. Nec sensim Macedones cedebant, sed effusa turbaverant fuga ordines. Mazæus quoque perculsis metum incussit, mille equitibus ad diripienda hostis impedimenta circumvehi jussis: ratus, captivos quoque, qui simul asservabantur, rupturos vincula, cum suos appropinquantes vidissent. Non fefelle Parmenionem, qui in laevo cornu erat.

erat. Propere igitur Polydamanta mittit ad Regem, qui & periculum ostenderet, & quid fieri juberet, consuleret. Ille, audito Polydamante, *Abi, nuntia*, inquit, *Parmenioni, si acie vicerimus, non nostra solum nos recuperaturos, sed omnia, quae hostium sunt, occupaturos. Proinde non est quod quidquam virium subducatur ex acie, sed, ut me & Philippo patre dignum est, contempto sarcinarum damno, fortiter dimicet.* Interim Barbari impedimenta turbaverant, caesisque plerisque custodum, captivi, vinculis ruptis, quidquid obvium erat, quo armari possent, rapiunt: & aggregati suorum equitibus, Macedonas ancipiti circumventos malo invadunt: latique circa Syfigambim, vicisse Darium, ingenti caede prostratos hostes, ad ultimum etiam impedimentis exutos nuntiant: quippe eandem fortunam ubique esse credebant, & victores Persas ad praedam discurrisse. Syfigambis, hortantibus captivis, ut animum a mœrore allevaret, in eodem, quo antea fuit, perseveravit; non vox ulla excidit ei: non oris color vultusve mutatus est: sed sedit immobilis, credo praecoce gaudio verita fortunam irritare, adeo ut, quid mallet, intuentibus eam, fuerit incertum. Inter haec Amyntas, praefectus equitum Alexandri, cum paucis turmis opem impedimentis laturus advenerat, incertum, suone consilio, an Regis imperio: sed non sustinuit Cadusiorum Scytha-

Scytharumque impetum; quippe vix tentato certamine, effugit ad Regem, amissorum impedimentorum testis magis, quam vindex. Jam consilium Alexandri vicerat dolor, & ne cura recuperandi sua militem a prælio averteret, non immeritò verébatur. Itaque Aretem, ducem hastatorum, (Sarissophoros vocabant) adversus Scythas mittit. Inter hæc currus, qui circa prima signa turbaverant aciem, in phalangem invec̃ti erant. Macedones, confirmatis animis, in medium agmen accipiunt. Vallo similis acies erat; junxerant hastas, & ab utroque latere temerè incurrentium illa suffodiebant; circuire deinde currus, & propugnatores præcipitare cœperunt. Ingens ruina equorum aurigarumque aciem compleverat. Hi territos regere non poterant: equi crebra jactatione cervicum, non jugum modò excusserant, sed etiam currus everterant; vulnerati interfectos trahebant: nec consistere territi, nec progredi debiles poterant. Paucae tamen evasere quadrigæ in ultimam aciem; iis, quibus inciderunt, miserabili morte consumptis, quippe amputata virorum membra humi jacebant: & quia calidis adhuc vulneribus aberat dolor, trunci quoque, & debiles, arma tamen non omittebant, donec multo sanguine effuso exanimati procumberent. Interim Aretes, Scytharum, qui impedimenta diripiebant, duce occiso, graviùs territis instabat. Supervenere deinde

inde missi a Dario Bactriani, pugnaque  
vertere fortunam. Multi ergo Macedo-  
num primò impetu obtriti sunt: plures ad  
Alexandrum refugerunt. Tum Persæ cla-  
more sublato, qualem victores solent ede-  
re, ferociter in hostem, quasi ubique pro-  
fligatum, incurrunt. Alexander territos  
castigare, adhortari; prælium, quod jam  
elanguerat, solus accendere; confirmatis-  
que tandem animis ire in hostem jubet.  
Rarior acies erat in dextero cornu Persa-  
rum: namque inde Bactriani decesserant  
ad opprimenda impedimenta. Itaque Ale-  
xander laxatos ordines invadit, & multa  
cæde hostium invehitur. At qui in lævo  
cornu erant Persæ, spe, posse eum includi,  
agmen suum a tergo dimicantis opponunt;  
ingensque periculum in medio hærens  
adisset, ni equites Agriani, calcaribus  
subditis, circumfusus Regi Barbaros ador-  
ti essent, aversosque cædendo in se obver-  
ti coegissent. Turbata erat utraque acies.  
Alexander & a fronte & a tergo hostem  
habebat; qui averso ei instabant, ab Agria-  
nis militibus premebantur. Bactriani, im-  
pedimentis hostium direptis, reversi, or-  
dines suos recuperare non poterant. Plu-  
ra simul abrupta a cæteris agmina, ubicun-  
que alium alii fors miscuerat, dimicabant.  
Duo Reges junctis prope agminibus præ-  
lium accendebant. Plures Persæ cade-  
bant, par ferme utrinque numerus vulne-  
rabatur. Curru Darius, Alexander equo  
vehebatur, utrumque delecti tuebantur,  
sui

sui immemores; quippe amisso Rege nec volebant salvi esse, nec poterant. Nam ante oculos sui quisque Regis mortem occumbere ducebant egregium. Maximum tamen periculum adibant, qui maximè tuebantur: quippe sibi quisque cæsi Regis expetebat decus. Cæterum, siue ludibrium oculorum, siue vera species fuit, qui circa Alexandrum erant, vidisse se crediderunt paulum super caput Regis placidè volantem aquilam, non sonitu armorum, non gemitu morientium territam; diuque circa equum Alexandri, pendenti magis, quàm volanti similis, apparuit. Certè vates Aristander alba veste indutus, & dextra præferens lauream, militibus in pugnam intentis, avem monstravit, haud dubium victoriæ auspiciū. Ingens ergo alacritas ac fiducia paulò ante territos accendit ad pugnam, utique posteaquam auriga Darii, qui ante ipsum sedens equos regebat, hasta transfixus est. Nec aut Persæ, aut Macedones dubitavere, quin ipse Rex esset occisus. Lugubri ergo ululatu, & incondito clamore, gemituque, totam fere aciem adhuc æquo Marte pugnantium, turbavere. Cognati Darii, & armigeri, lævumque tuentes cornu, in fugam effusi, destituerant currum: quem a dextera parte stipati in medium agmen receperunt. Dicitur, acinace stricto, Darius dubitasse, an fugæ dedecus honesta morte vitaret. Sed eminens curru,  
non.



nondum omnem suorum aciem proelio  
excedentem destituere erubescibat. Dum  
inter spem & desperationem hæsitat, sen-  
sim Persæ cedebant, & laxaverant ordi-  
nes. Alexander, mutato equo (quippe  
plures fatigaverat) resistentium ora fo-  
diebat, fugientium terga. Jamque non  
pugna, sed cædes erat; cum Darius quo-  
que currum suum in fugam vertit. Hæ-  
rebat in tergis fugientium victor, sed  
prospectum oculorum nubes pulveris,  
quæ ad cælum ferebatur, abstulerat.  
Ergo haud secus, quàm in tenebris, erra-  
bant, ad sonum notæ vocis, ut signum,  
subinde coeuntes. Exaudiebant tamen  
strepitus habenarum, quibus equi cur-  
rum vehentes identidem verberabantur.  
Hæc sola fugientis vestigia excepta  
sunt.

16 At in lævo Macedonum cornu,  
quod Parmenio, sicut ante dictum est,  
tuebatur, longè alia fortuna utriusque  
partis res gerebatur. Mazæus cum omni  
suorum equitatu vehementer invec-  
tus, urgebat Macedonum alas. Jamque ab-  
undans multitudine aciem circumvehî  
coeperat, cum Parmenio equites nuntia-  
re jubet Alexandro, in quo discrimine  
ipsi essent: nisi maturè subveniretur,  
non posse sisti fugam. Jam multum viæ  
processerat Rex, imminens fugientium  
tergis, cum a Parmenione tristis nun-  
tius venit. Refrænare equos jussit, qui  
vehebantur, agmenque constitit: fren-  
dente

dente Alexandro, eripi sibi victoriam,  
e manibus, & Darium felicius fugere,  
quàm sequi se. Interim ad Mazæum  
superati Regis fama pervenerat. Itaque  
quanquam validior erat, fortuna tamen  
partium territus, perculsis languidiùs  
instabat. Parmenio ignorabat quidem  
causam sua sponte pugnae remissae: sed  
occasione vincendi strenuè est usus.  
Thessalos equites ad se vocari jubet: *Ec-  
quid, inquit, videtis istos, qui ferociter  
modò instabant, pedem referre subito pa-  
vere perterritos? Nimirum nobis quoque  
Regis nostri fortuna vincit: omnia Persa-  
rum cade strata sunt. Quid cessatis? an  
ne fugientibus quidem pares estis? Vera  
dicere videbatur, & spes languentes quo-  
que crexerat: subditis calcaribus prorue-  
re in hostem: & illi jam non sensim, sed  
citato gradu recedebant: nec quidquam  
fugae, nisi quòd terga nondum verterant,  
deerat. Parmenio tamen ignarus, quæ-  
nam in dextero cornu fortuna Regis es-  
set, repressit suos. Mazæus, dato fu-  
gae spatio, non recto itinere, sed ma-  
jore, & ob id tutiore circuitu, Tigrim  
superat, & Babylonem cum reliquiis  
devecti exercitus intrat. Darius paucis  
fugae comitibus ad Lycum amnem con-  
tenderat: quo trajecto dubitavit, an sol-  
veret pontem; quippe hostem jam af-  
fore nuntiabatur. Sed tot millia suo-  
rum, quæ nondum ad amnem perve-  
rant, ponte reciso, prædam hostis  
fore*

fore videbat. Abeuntem, cum intantum sineret pontem, dixisse constat, male insequentibus iter dare, quam auferre fugientibus. Ipse ingens spatium fugam emensus, media fere nocte Arbela pervenit. Quis tot ludibria fortunæ, ducum agminumque eadem multiplicem, devictorum fugam, clades nunc singulorum, nunc universorum aut animo assequi queat, aut oratione complecti? Propemodum sæculi res in unum diem fortuna cumulavit. Alii, quæ brevissimum patebat iter, alii diversos saltus, & ignotos sequentibus calles petebant. Eques pedesque confusi sine duce, armatis inermes, integris debiles implicabantur. Deinde misericordia in metum versa, qui sequi non poterant, inter mutuos gemitus deserebantur. Sitis præcipuè fatigatos & faucios exurebat, passimque omnibus rivis prostraverant corpora, præterfluentem aquam hianti ore captantes: quam cum avidè turbidam hausissent, tendebantur extemplò præcordia premente, limo: resolutisque & torpentibus membris, cum supervenisset hostis, novis vulneribus excitabantur. Quidam, occupatis proximis rivis, diverterant longius, ut, quidquid occulti humoris usquam manaret, exciperent. Nec ulla adedò avia & sicca lacuna erat, quæ vestigantium sitim falleret. E proximis verò itineri vicis senum ululatus foeminarumque exaudiebantur; barbaro ritu

Darium adhuc Regem clamantium. Alexander, ut supra dictum est, inhibito suorum cursu, ad Lycum amnem pervenerat, ubi ingens multitudo fugientium oneraverat pontem; plerique, cum hostis urgeret, in flumen se præcipitaverant, gravesque armis, & prælio ac fuga defatigati, gurgitibus hauriebantur. Jamque non pons modò fugientes, sed ne amnis quidem capiebat, agmina sua improvide subinde cumulantes: quippe ubi intravit animos pavor, id solùm metuunt, quod primùm formidare cœperunt. Alexander, instantibus suis abeuntem hostem sequi permetteret, hebetia tela esse, & manus fatigatas, tantoque cursu corpora exhausta, & præceps in noctem dici tempus, causatus est; revera de lævo cornu, quod adhuc in acie stare credebat, sollicitus, reverti ad ferendam opem suis statuit. Jamque signa converterat, cum equites a Parmenione missi, illius quoque partis victoriam nuntiant. Sed nullum eo die majus periculum adiit, quàm dum copias reducit in castra. Pauci eum & incompediti sequebantur ovantes victoria; quippe omnes hostes, aut in fugam effusos, aut in acie cecidisse credebant. Cum repente ex adverso apparuit agmen equitum, qui primò inhibuere cursum: deinde, Macedonum paucitate conspecta, turmas in obvios concitaverunt. Ante signa Rex ibat, dissimulato magis periculo, quàm spreto. Nec defuit ei perpetua in dubiis rebus felicitas

citās. Namque Præfectum equitatus, avidum certaminis, & ob id ipsum incautiùs in se ruentem, hasta transfixit. Quo ex equo lapso, proximum, ac deinde plures, eodem telo confodit. Invasere turbatos amici quoque, nec Persæ inulti cadebant: quippe non universæ acies, quàm hæ tumultuariæ manus vehementiùs iniere certamen. Tandem Barbari, cùm obscura luce fuga tutior videretur esse, quàm pugna, diversis agminibus abiere. Rex extraordinario periculo defunctus, incolumes suos reduxit in castra. Cecidere Persarum, quorum numerum victores finire potuerunt, millia XL; Macedonum minus quàm ccc, desiderati sunt. Cæterum hanc victoriam Rex majore ex parte virtuti, quàm fortunæ suæ debuit: animo, non (ut antea) loco vicit. Nam & aciem peritissimè instruxit, & promptissimè ipse pugnavit, & magno consilio jacturam sarcinarum impedimentorumque contempsit, cùm in ipsa acie summum rei videret esse discrimen: dubioque adhuc pugnae eventu, pro victore se gessit. Percussos deinde hostes fudit: fugientes, quod in illo ardore animi vix credi potest, prudentius quàm avidius persecutus est. Nam si, parte exercitus adhuc in acie stante, instare cedentibus perseverasset, aut sua culpa victus esset, aut aliena virtute vicisset. Jam si multitudinem equitum occurrentium extimuisset, victori aut scèdè fugiendum, aut miserabiliter cadendum fuit.

Nec duces quidem copiarum sua laude  
fraudandi sunt. Quippe vulnera, quæ quis-  
que excepit, indicia virtutis sunt. Hephæ-  
stionis brachium hasta ictum est: Per-  
diccas, ac Cœnus, & Menidas  
sagittis prope occisi. Et,  
si verè æstimare Ma-  
cedonas, qui tunc  
erant,  
volumus, fatebimur, & Re-  
gem talibus ministris,  
& illos tanto Re-  
ge fuisse di-  
gnissimos.



## LIBER V.

## Breviarium Libri.

1 **D**ario Media fines ingresso, Arbela potitur Alexander, & Babylone: cujus situs, amplitudo, & corrupti mores describuntur.

2 Militibus premia proponit, ut iis otium excuteret. Susianam urbem ac regum Persia thesauros recipit, & Sysigambim solatur.

3 Uxiorum regione superata, Madathem Praefectum ac deditos & captivos, tum libertate, tum immunitate donat: Persidemque intrare cogitans, ab Ariobarzane retrocedere cogitur.

4 Captivo quodam iter paucis cognitum aperiente, Persarum exercitum, ipsa Ariobarzane occiso, delet Alexander.

5 Ad Persepolim properans captivorum Graecorum xv M. liberat.

6 Opulentissima Persepoli direpta interiorem Persidis regionem petit, ac Mardorum domat gentem.

7 Alexander in convivio, a Tbaide aliisque castrensibus scortis impulsus, Persarum regiam incendit: deinde persequi Darium statuit.

8 Darii, suos ad pugnam hortantis, oratio.

9 Varia Magnatum sententia, ac tumultus ob Nabarzanis, qui cum Besso proditio-

ditionis societatem inierat, consilium.

10 Bess & Nabarzanis de Dario pro-  
dendo aut occidendo nefaria deliberatio,  
quam miris artibus occultant.

11 Insidia proditorum Dario aperiu-  
tur, qui Gracorum prasens tutumque re-  
spuit auxilium; paratus perire, si saluum  
esse nollent sui milites.

12 Bessus Darium fictis verbis & la-  
crymis delusum comprehendit, aureisque  
vinctum compedibus, in sordido vehiculo  
ad Alexandrum deduci curat.

13 Alexander, audito Darii periculo,  
ad Persarum exercitum contendit. Bessus  
autem, cum parvicidis aliis arma vultum-  
que metuens victoris, Darium, multis  
confossum vulneribus, relinquit, fugaque  
sibi consulere conatur.

14 Darii corpus repertum Alexander  
lacrymis prosequitur, & ad Syfigambino  
sepeliendum mittit.





UÆ interim ductu imperio-  
que Alexandri, vel in Græ-  
cia, vel Illyriis, ac Thracia  
gesta sunt, si quæque suis  
temporibus reddere volue-  
ro, interrumpendæ sunt res Asiæ, quas  
utique ad fugam mortemque Darii uni-  
versas in conspectum dari, & sicut inter se  
cohærent, ita opere ipso conjungi, haud  
paulò aptius videri potest. Igitur, quæ  
proelio apud Arbela conjuncta sunt, or-  
diar dicere, Darius media ferè nocte Ar-  
bela pervenit, eodemque magnæ partis  
amicorum ejus ac militum fugam fortu-  
na compulerat. Quibus convocatis, ex-  
ponit, *haud dubitare se, quin Alexander*  
*celeberrimas urbes, agrosque omni copia*  
*rerum abundantes, petiturus esset: pra-*  
*dam opimam paratamque ipsum & mili-*  
*tes ejus spectare. Id suis rebus tali insta-*  
*tu salutis fore: quippe se deserta cum ex-*  
*pedita manu petiturum. Ultima regni*  
*ad huc intacta esse: inde bello vires haud*  
*agrè reparaturum. Occuparet sanè ga-*  
*zam avidissima gens, & ex longa fame sa-*  
*tiaret se auro, mox futura prada sibi: di-*  
*didicisse usu, pretiosam supellectilem, pelli-*  
*cesque, & spadonum agmina, nihil aliud*  
*fuisse, quàm onera & impedimenta. Ea-*  
*dem trabentem Alexandrum, quibus an-*  
*tea vicisset, inferiorem fore. Plena omni-*  
*bus desperationis videbatur oratio: quippe*  
*Babylonem urbem opulentissimam dedi-*

cernentibus; jam Susa, jam cætera ornamenta regni, causamque belli, victorem occupaturum. At ille docere pergit, *non speciosa dictu, sed usu necessaria in rebus adversis sequenda esse. Ferro geri bella, non auro: viris, non urbium testis: omnia sequi armatos. Sic majores suos percussos in principio rerum, celeriter pristinam reparasse fortunam.* Igitur sive confirmatis eorum animis, sive imperium magis, quàm consilium sequentibus, Mediæ fines ingressus est. Paulò post Alexandro Arbela traditur, regia suppellectili ditique gazâ repleta. Quatuor millia talentum fuere: præterea pretiosæ vestes, totius (ut supra dictum est) exercitus opibus in illam sedem congestis. Ingruentibus deinde morbis, quos odor cadaverum totis jacentium campis vulgaverat, maturiùs castra movit. Euntibus aperit se a læva Arabia odorum fertilitate nobilis regio. Campestre iter est; inter Tigrim & Euphratem tam uber & pingue solum, ut a pastu repelli pecora dicantur, ne satietas perimat. Causa fertilitatis est humor, qui ex utroque amne manat: toto ferè sole propter venas aquarum resudante. Ipsi amnes ex Armeniæ montibus profluunt, ac magno deinde aquarum divortio iter, quod cœpere, percurrunt. Duo millia & quingenta stadia emensi sunt, qui amplissimum intervallum circa Armeniæ montes notaverunt. Iidem cùm Mediæ & Gordianorum terras secare cœperunt, paula-

paulatim in arctius coeunt : & quò longius manant , hoc angustius inter se spatium terræ relinquunt . Vicini maximè sunt his campi , quos incolæ Mesopotamiam appellant : Mediam namque ab utroque latere concludunt . Eadem per Babyloniorum fines in Rubrum mare prorumpunt . Alexander quartis castris ad Menin urbem pervenit . Caverna ibi est , ex qua fons ingentem vim bituminis effundit , adcò ut satis constet , Babylonios muros ingentis operis hujus fontis bitumine inrerlitos fuisse . Cæterum , Babylonem procedenti Alexandro Mazæus , qui ex acie in urbem eam confugerat , cùm adultis liberis supplex occurrit , urbem , seque dedens . Gratus adventus ejus fuit Regi : quippe magni operis futura erat obsidio tam munitæ urbis . Ad hoc vir illustris , & manu promptus , famâque etiam proximo prælio celebris , & cæteros ad deditiorem , sui incitaturus exemplo videbatur . Igitur hunc quidem benignè cùm liberis excepit . Cæterum quadrato agmine , quod ipse ducebat , velut in aciem irent , ingredi suos jubet . Magna pars Babyloniorum constiterat in muris , avida cognoscendi novum Regem . Plures obviam egressi sunt : inter quos Bagophanes , arcis & regiæ pecuniæ custos , ne studio a Mazæo vinceretur , totum iter floribus coronisque constraverat , argenteis altaribus utroque latere dispositis , quæ non thure modò , sed omnibus odoribus cumulaverat . Eum

dona sequebantur, greges pecorum equorumque: leones quoque & pardales caveis præferebantur. Magi deinde suo more patrium carmen canentes: post hos Chaldæi, Babyloniorumque, non vates modò, sed etiam artifices, cum fidibus sui generis ibant: laudes ii Regum canere soliti; Chaldæi siderum motus, & statas temporum vices ostendere. Equites deinde Babylonii, suo atque equorum cultu, ad luxuriam magis, quàm ad magnificentiam exacto, ultimi ibant. Rex armatis stipatus, oppidanorum turbam post ultimos pedites ire iussit. Ipse cum curru urbem, ac deinde regiam, intravit. Postero die suppellectilem Darii, & omnem pecuniam recognovit. Cæterum ipsius urbis pulchritudo ac venustas non Regis modò, sed etiam omnium oculos in semet haud immeritò convertit. Semiramis eam condiderat, vel (ut plerique credidere) Belus, cujus regia ostenditur. Murus instructus laterculo coctili, bitumine interlitus, spatium xxx & duorum pedum latitudinem amplectitur: quadrigæ inter se occurrentes sine periculo commeare dicuntur. Altitudo muri c cubitorum eminent spatium. Turres denis pedibus, quàm murus, altiores sunt. Totius operis ambitus ccclviii stadia complectitur: singulorum stadiorum structuram singulis diebus perfectam esse, memoriæ proditum est. Ædificia non sunt admota muris, sed ferè spatium unius jugeris absunt. Ac ne totam

tam quidem urbem tectis occupaverunt, per xc stadia habitatur: nec omnia continua sunt, credo, quia tutius visum est pluribus locis spargi. Cætera serunt, coluntque: ut, si externa vis ingruat, obsessis alimenta ex ipsis urbis solo subministrant. Euphrates interfluit, magnæque molis crepidinibus coercetur. Sed omnium operum magnitudinem circumveniunt cavernæ ingentes, in altitudinem pressæ ad accipiendum impetum fluminis: quod ubi appositæ crepidinis fastigium excessit, urbis tecta corripere, nisi essent specus, lacusque, qui exciperent. Coctili laterculo structi sunt; totum opus bitumine astringitur. Pons lapideus, flumini impositus, jungit urbem. Hic quoque inter mirabilia Orientis opera numeratus est: quippe Euphrates altum limum vehit, quo penitus ad fundamenta jacienda egesto, vix fulciendo operi firmum reperiunt solam. Arenæ autem subinde cumulatae, & saxis, quibus pons sustinetur, annexæ morantur amnem: qui retentus acrius, quàm si libero cursu mearet, illiditur. Arcem quoque ambitu viginti stadia complexam habent: triginta pedes in terram turrium fundamenta demissa sunt, ad octoginta summum munimenti fastigium pervenit. Super arce, vulgatum Græcorum fabulis miraculum, pensiles horti sunt, summam murorum altitudinem æquantes, multarumque arbarum umbra & proceritate amæni. Saxæ pilæ, quæ totum onus susti-

nent, instructæ sunt. Super pilas lapide quadrato solum stratum est, patiens terræ, quam altam injiciunt, & humoris, quo rigant: adedque validas arborum sustinent moles, ut stipites earum octo cubitorum spatium crassitudine æquent, in quinquaginta pedum altitudinem emineant, & frugifera æquè sint, ac si terra sua alerentur. Et, cum vetustas non opera solum manu facta, sed etiam ipsam naturam paulatim exedendo perimat: hæc moles, quæ tot arborum radicibus premitur, tantique nemoris pondere onerata est, inviolata durat: quippe viginti lati parietes sustinent, undecim pedum intervallo distantes, ut procul visentibus sylvæ montibus suis imminere videantur. Syriæ Regem Babylone regnantem hoc opus esse molitum, memoriæ proditum est, amore conjugis victum: quæ desiderio nemorum sylvarumque, in campestribus locis virum compulit naturæ genium amœnitate hujus operis imitari. Diutiùs in hac urbe, quàm usquam, constitit Rex, nec ullus locus disciplinæ militari magis nocuit. Nihil urbis ejus corruptius moribus nihil ad irritandas illicitasque immodicas voluptates instructius. Liberos conjugesque cum hospitibus stupro coire, modò pretium flagitii detur, parentes maritique patiuntur. Convivales ludi tota Perside Regibus Purpuratisque cordi sunt, Babylonii maximè in vinum, & quæ ebrietatem sequuntur, effusi sunt. Fœminarum con-

vivia

vivia ineuntium in principio modestus est habitus : dein summa quæque amacula exuunt, paulatimque pudorem profanant. Ad ultimum (honus auribus sit) jam corporum velamenta projiciunt; nec meretricum hoc dedecus est, sed matronarum, virorumque, apud quos comitas habetur vulgati corporis vilitas. Inter hæc flagitia exercitus ille domitor Asiæ per xxxrv dies saginatus, ad ea, quæ sequebantur discrimina, haud dubiè debilior faturus fuit, si hostem habuisset. Cæterum quod minus damnum sentiret, identidem incremento novabatur. Namque Amyntas Andromenis ab Antipatro Macedonum peditum sex millia adduxit; cccc præterea ejusdem generis equites, cum his DC Thraces, adjunctis peditibus suæ gentis tribus millibus & quingentis; & ex Peloponneso mercenarius miles ad quatuor millia advenerat cum cccclxxx equitibus. Idem Amyntas adduxerat quinquaginta principum Macedoniae liberos adultos, ad custodiam corporis: quippe inter epulas hi sunt Regis ministri, iidemque equos ineunti prælium admovent, venantemque comitantur, & vigilarum vices ante cubuli fores servant; magnorumque Præfectorum & Ducum hæc incrementa sunt, & rudimenta. Igitur arci Babyloniae Rex Agathone præsidere jussu, cum septingentis Macedonum, trecentisque mercede conductis, Prætores, qui regioni Babyloniae, & civitati præessent, Menetam, & Apollodorum

Iodorum reliquit. His duo millia peditum cum mille talentis data. Utrique præceptum, ut in supplementum milites legerent. Mazæum transfugam Satrapia Babylonæ donat. Bagophanem, qui arcem tradiderat, sequi iussit. Armenia Mithreni Sardium proditori data est. Ex pecunia deinde Babylonæ Macedonibus equitibus sexcenti denarii tributi: peregrinus eques quingenos accepit: ducenis pedestrium stipendium mensum est.

2 His ita compositis, in regionem, quæ Satrapene vocatur, pervenit: fertilis terra, copia rerum, & omni comœatu abundans. Itaque diutius ibi substitit: ac ne desides otio demitterent animos, iudices dedit, præmiaque proposuit de virtute militari certantibus. Octo, qui fortissimi iudicati essent, singulis militum milibus præfuturi erant; Chiliarchas vocabat, tum primum in hunc numerum copiis distributis. Namque antea quinquagenariæ cohortes erant, nec fortitudinis præmia gesserant. Ingens militum turba convenerat, egregio interfutura certamini, testis eadem cujusque factorum, & de iudicibus latura sententiam: quippe verò ne, an falsò honos cuique haberetur, ignorari non poterat. Primus omnium virtutis causa donatus est Adarchias senior, qui omissum apud Halicarnasson a junioribus proelium unus maximè accenderat: proximus ei Antigenes visus est: tertium locum Philotas Angeus obtinuit: quartus

Amyntæ



Amyntæ datus est: post hos Antigonus, & ab eo Lyncestes Amyntas fuit: septimum locum Theodotus: ultimum obtinuit Hellanicus. In disciplina quoque militaris rei pleraque a majoribus tradita, utiliter mutavit. Nam cum ante equites in suam quisque gentem describerentur, seorsum a cæteris exempto nationum discrimine, Præfectos non utique suarum gentium, sed delectos, attribuit. Tuba, cum castra movere vellet, signum dabat: cujus sonus plerunque, tumultuantium fremitu exoriente, haud satis exaudiebatur. Ergo perticam, quæ undique conspici posset, supra prætorium statuit: ex qua signum eminebat pariter omnibus conspicuum. Observabatur ignis noctu, fumus interdiu. Jamque Susa adituro, Abulites regionis ejus Præfectus, sive Darii jussu, ut Alexandrum præda retineret, sive spontè, filium obviam misit, traditurum se urbem promittens. Benignè juvenem excepit Rex, & eo duce, ad Choaspen amnem pervenit, delicatam (ut fama est) vehentem aquam. Hic Abulites cum donis regalis opulentia occurrit. Dromades cameli inter dona erant, velocitatis eximia: duodecim elephantum a Dario ex India acciti; non jam terror (ut speraverunt) Macedonum, sed auxilium; opes victi ad victorem transferente fortuna. Ut verò urbem intravit, incredibilem ex thesauris summam pecuniæ egressit, L milia talentum argenti, non signati forma, fed

sed rudi pondere. Multi Reges tantas opes longa ætate cumulaverant liberis, posterisque, ut arbitrabantur, quas una hora in externi Regis manus intulit. Con-sedit deinde in regia sella, multò excel-siore, quàm pro habitu corporis. Itaque pedes cùm imum gradum non continge-rent, unus ex Regiis pueris mensam sub-didit pedibus: & cùm spadonem, qui Da-rii fuerat, ingemiscentem conspexisset Rex, causam moestitiæ requisivit. Ille in-dicat, Darium vesci in ea solitum: seque sacram ejus mensam ad ludibrium reci-dentem, sine lachrymis conspiciere non posse. Subiit ergo Regem verecundia vio-landi hospitales Deos; jamque subduci jubebat, cùm Philotas: *Minimè verò hac feceris, Rex, sed omen quoque accipe: mensam, ex qua libavit hostis epulas, tuis pedibus esse subjectam.* Rex, Persi-dis fines aditurus, Susam urbem Archelao, & præsidium trium millium tradidit. Xe-nophilo arcis cura mandata est: mille Ma-cedonum ætate gravibus præsidere arcis custodiæ iussis. Thesaurorum Callicrati tutela permissa. Satrapia regionis Susiæ restituta Abuliti. Matrem quoque Darii & liberos in eadem urbe deponit. Ac fortè Macedonicas vestes, multamque purpu-ram dono ex Macedonia sibi missam, cùm iis, qui confecerant, tradi Syfigambi jus-sit. Omni namque honore eam, & filii quoque pietate prosequebatur. Admoneri jussit, ut si cordi quoque vestis esset, con-ficere

ficere eam neptes suas assuefaceret, donaque doceret dare. Ad hanc vocem lachrymæ obortæ, prodidere animum aspernantis id munus: quippe non aliud magis in contumeliam Persarum sceminæ accipiunt, quàm admoveere lænæ manus. Nuntiant, qui dona tulerant, tristem esse Syfigambim, dignaque res excusatione & solatio visa. Ipse ergo pervenit ad eam, & *Mater* (inquit) *banc vestem, qua indutus sum, sororum non solum donum, sed etiam opus vides. Nostri decipere me mores. Cave, obsecro, in contumeliam accipias ignorationem meam. Quæ tui moris esse cognovi, ut spero, abundè servata sunt. Scio apud vos filium in conspectu matris nefas esse considerare, nisi cum illa permisit: Quotiescunque ad te veni, donec ut considerem annueres, restiti. Procumbens venerari me sæpè voluisti, inhibui. Dulcissima matri Olympiadi nomen debitum, tibi reddo.*

3 Mitigato ejus animo, Rex quartis castris pervenit ad fluvium, Pasitigrinicolæ vocant: oritur in montibus Uxiurum, & per L stadia sylvestribus ripis præceps inter saxa devolvitur. Accipiunt deinde eum campi, quos clementiore alveo præterit, jam navium patiens. DC stadia sunt mollioris soli, per quod leni tractu aquarum Persico mari se insinuat. Alexander, amne superato, cum ix millibus peditum, & Agrianis, atque Græcorum mercenariis, millibus xii, additis milli-

millibus Thracum, in regionem Uxi-  
rum pervenit. Finitima Susis est, & in  
primam Persidem excurrit, arcum inter  
se & Susianos aditum relinquens. Mada-  
thes erat hujus regionis Præfectus; hand  
sanè temporum homo, quippe ultima pro  
fide experiri decreverat. Sed periti loco-  
rum Alexandrum docent, occultum iter  
esse per calles, & aversum ab urbe: si pau-  
cos misisset leviter armatos, super capita  
hostium evasuros. Cum consilium pla-  
cuisset, iidem itinerum fuerunt duces:  
mille & quingenti mercede conducti, &  
Agriani ferè mille Tauroni Præfecto da-  
ti, ac post Solis occasum iter ingredi  
jussi. Ipse tertia vigilia castris motis,  
circa lucis ortum superaverat angu-  
stias; cæsaque materia cratibus & plu-  
teis faciendis, ut, qui turres admove-  
rent, extra telii jactum essent, urbem  
obsidere cœpit. Prærupta erant omnia  
faxis, & cotibus. Multis ergo vulneri-  
bus depulsi, ut quibus non eum hoste  
solum, sed etiam eum loco dimicandum  
esset, subibant tamen; quia Rex inter pri-  
mos constiterat, interrogans tot urbium  
victores, an erubescerent hære in obsi-  
dione castelli exigui & ignobilis? simul  
jam inter hæc eminus petebatur; cum te-  
stidine objecta milites, qui, ut inde dis-  
cederet, percellere nequiverant, tueban-  
tur. Tandem Tauron super arcem urbis  
se cum suo agmine ostendit: ad cujus con-  
spectum & animi hostium labare, & Ma-  
cedo-

cedones acriter praelium inire coeperunt. Anceps oppidanos malum urgebat, nec sifsi vis hostium poterat. Paucis ad moriendum, pluribus ad fugam animus fuit. Magna pars in arcem concessit. Inde triginta oratoribus missis ad deprecandum, triste responsum a Rege redditur: Non esse veniæ locum. Itaque suppliciorum metu perculsi, ad Sysigambim Darii matrem, occulto itinere, ignotoque hostibus, mittunt, qui peterent, ut ipsa Regem mitigaret; haud ignari, parentis eam loco diligere, colique. Et Madathes sororis filiam secum matrimonio junxerat, Darium propinqua cognatione contingens. Diu Sysigambis supplicum precibus repugnavit; abnuens deprecationem pro illis convenire fortunæ, in qua esset: adjecitque, metuere sese, ne victoris indulgentiam fatigaret; sæpiusque cogitare, captivam esse se, quàm reginam fuisse. Ad ultimum victa literis, Alexandrum ita deprecata est, ut ipsam excusaret, quod deprecaretur: petere se, ut illis quoque, si minus sibi, ignosceret: pro necessario ac propinquo suo, jam non hoste, sed supplice tantum, vitam precari. Moderationem clementiamque Regis, quæ tunc fuit, vel una hæc res possit ostendere; non Madathi modò ignovit, sed omnes & deditos & captivos libertate atque immunitate donavit: urbem reliquit intactam: agros sine tributo colere permisit. A victore Dario pluramater non impetrasset. Uxiorum deinde gentem

gentem subactam Sufianorum Satrapiae contribuit: divisisque cum Parmenione copiis, illum campestri itinere procedere jubet: ipse cum expedito agmine jugum montium cepit, quorum perpetuum dorsum in Persidem excurrit. Omni hac regione vastata, tertio die Persidem, quinto angustias (quas illi Susidas Pylas vocant) intrat. Ariobarzanes has cum quindecim millibus peditum occupaverat; rupes ascissas, & undique præruptas, in quarum cacuminibus extra teli jactum Barbari stabant: de industria quieti, & paventibus similes, donec in arctissimas fauces penetraret agmen. Quod ubi contemptu sui pergere vident, tum verò ingentis magnitudinis saxa per montium prona devolvunt, quæ incussa sæpius subjacentibus petris, majore vi incidebant: nec singulos modò, sed agmina proterebant. Fundis quoque excussi lapides, & sagittæ ingerebantur undique. Nec id miserrimum fortibus viris erat, sed quòd inulti, ferarum ritu, velut in fovea deprehensi, cæderentur. Ira igitur in rabiem versa, eminentia saxa complexi, ut ad hostem perveniant, alius alium levantes conabantur ascendere: ea ipsa multorum simul manibus correpta, & convulsa, in eos, qui commoverant, recidebant. Nec stare ergo, nec niti, nec testudine quidem protegi poterant, cum tantæ molis onera propellerent Barbari. Regem non dolor modò, sed etiam pudor temerè in illas angustias

gustias coniecti exercitus angebat. Inventus ante eam diem fuerat, nihil frustra ausus: impunè Ciliciæ fauces intraverat, mare quoque novum iter in Pamphyliam aperuerat. Tunc hæsitabat deprehensa felicitas, nec aliud remedium erat, quàm reverti, quà venerat. Itaque signo receptui dato, densatis agminibus, scutisque super capita confertis, retro evadere Rex ex angustiis jubet: triginta fuere stadia, quæ remensis sunt.

4 Tum castris undique aperto loco positis, non consultare modò quid agendum esset, sed vates quoque adhibere cœpit a superstitione animi. Sed quid tunc prædicere Aristander, cui tum plurimum credebatur ex vatibus, poterat? Itaque damnatis intempestivis sacrificiis, peritos locorum convocari jubet. Medium iter ostendebant, tutum apertumque: sed Rex dimittere milites insepultos erubescibat, ita tradito more, ut vix ullum militiæ tam solenne esset munus, quàm humandi suos. Captivos ergo, quos nuper exceperat, vocari jubet; inter quos erat quidam, Græcæ Persicæque linguæ peritus, qui frustra eum in Persidem montium dorso exercitum ducere affimat; sylvestres esse calles, vix singulis pervios, omnia contegi frondibus, implexosque arborum ramos sylvas committere. Namque Persis ab altero latere perpetuis montium jugis clauditur, quod in longitudinem MDC stadia, in latitudinem clxx, procurrit. Hoc dorsum

sum a Caucaſo monte ad Rubrum mare pertinet: quaque deficit mons, aliud munimentum, fretum, obiectum eſt. Planities deinde ſub radicibus montium ſpatioſa procumbit: fertilis terra, multisque vicis atque urbibus frequens. Araxes amnis per hos campos multorum aquas torrentium evoluit in Medum. Medus a mari, ad meridiem verſus, minor amnis eo, quem recipit, evchitur: gignendæque herbæ non alius eſt aptior; quicquid aluit, floribus veſtiens. Platani quoque & populi contegunt ripas, ita ut procul viſentibus continuata videantur montibus nemora riparum. Quippe obumbratus amnis, preſſo in ſolum dilabitur alveo: imminentque colles, ipſi quoque frondibus læti, radices humore ſubeunte. Regio non alia tota Aſia ſalubrior habetur: temperatum cœlum, hinc perpetuum jugum opacum & umbroſum, quod æſtus levat: illinc mare adiunctum, quod modico tepore terras fovet. His expoſitis, captivus interrogatus a Rege, auditu ne, an oculis comperta haberet, quæ diceret. Paſtorem ſe fuiſſe, & omnes eos calles percurriſſe reſpondit; bis captum, ſemel a Perſis in Lycia, iterum ab ipſo. Subit animum memoria Regis oraculo editæ fortis. Quippe conſulenti reſponſum erat, ducem in Perſidem ferentis viæ Lycium civem fore. Igitur promiſſi, quanta & præſens neceſſitas exigebat, & ipſius fortuna capiebat, onoratum, armari jubet Macedo-  
num



num more; & quod bene verteret, monstraret iter: quamvis arduum & præceps, evasurum se esse cum paucis: nisi fortè crederet, quò ipse pecoris causa isset, Alexandrum pro gloria, & perpetua laude ire non posse: etiam atque etiam docere captivus, quàm difficile iter esset, maximè armatis. Tum Rex, Prædem me, inquit, accipe, neminem eorum, qui sequuntor, recusaturum ire, quàm duces. Cratero igitur ad custodiam castrorum relicto, cum peditibus, quæ assueverat, & iis copiis, quas Meleager ducebat, & sagittariis ducentis, & equitibus mille, præcepit, ut castrorum specie manente, plures de industria ignes fieri imperaret, quo magis Barbari crederent, ipsum Regem in castris esse. Cæterum, si fortè Ariobarzanes cognovisset, per callium anfractus eum intrare, & ad occupandum iter suum partem copiarum tentasset opponere: Craterus eum illato terrore retineret ad propius periculum conversurum agmen. Sin autem ipse hostem fefellisset, & saltum occupasset, cùm trepidantium Barbarorum tumultum exaudisset persequentium Regem, id ipsum iter, quo pridie pulsi fuerant, ne dubitaret ingredi: quippe vacuum fore, hostibus in semet aversis. Ipse tertia vigilia, silenti agmine, ac ne tubâ quidem dato signo, pergit ad demonstratum iter callium. Tridui alimenta portare militem jusserat leviter armatum. Sed præter invias rupes, ac prærupta saxa, vestigium

gium subinde fallentia , nix cumulata  
vento ingredientiſſes fatigabat . Quippe ve-  
lut in foveas delati hauriebantur ; & cùm  
a commilitonibus levarentur , trahebant  
magis adjuvantes , quàm aſſequebantur .  
Nox quoque , & ignota regio , ac dux , in-  
certum , an ſatis fidus , multiplicabant me-  
tum , ſi cuſtodes ſefelliſſent , quaſi ſeras be-  
aſtias ipſos poſſe deprehendi . Ex unius ca-  
ptivi vel fide vel anima pendere & Regis  
ſalutem & ſuam . Tandem venere in ju-  
gum . A dextera iter ad ipſum Ariobarza-  
nem erat : hinc Philotam & Cœnum cum  
Amynta & Polyperconte , expeditam ha-  
bentes manum , reliquit ; monitos ut , quia  
eques pediti erat miſtus , & quàm pinguiſ-  
ſimum eſſet ſolum , & pabuli fertile , ſen-  
ſim procederent . Duces erant itineris de  
captivis dati . Ipſe cùm armigeris , & ala,  
quam Agema appellant , arduâ ſemitâ , ſed  
longius a ſtationibus hoſtium remotâ ,  
multâ cùm vexatione proceſſit . Medius  
erat dies , & fatigatis neceſſaria quies .  
Quippe tantundem itineris ſupererat ,  
quantum emenſi erant , ſed minus præci-  
pitis atque ardui . Ita reſectis cibo ſomno-  
que militibus , ſecunda vigilia ſurgit , &  
cætera quidem haud ægrè præteriit . Cæ-  
terum , quâ ſe jugum montium paulatim  
ad planiora demittit , ingens vorago con-  
curſu cavata torrentium , iter ruperat . Ad  
hæc arborum rami alius alio implicati &  
cocuntes , ut perpetuam objecerant ſepem .  
Deſperatio igitur ingens , aded ut vix la-  
cry .

crymis abstinere, inceserat. Præcipue obscuritas terrori erat. Nam etiam si qua sidera internitebant, continenti fronde testæ arbores conspicere prohibebant. Ne aurium quidem usus supererat; silvas quatiente vento, quæ concutientibus ramis majorem quàm pro flatu sonum reddebant. Tandem expectata lux omnia, quæ terribiora nox fecerat, minuit. Circui brevi spatio poterat eluvies, & sibi quisque dux itineris cœperat fieri. Evadunt ergo in editum verticem, ex quo hostium statione conspectâ, strenuè armati a tergo se ostendunt, nihil tale metuentibus; quorum pauci, qui congregi ausi erant, cæsi sunt. Itaque hinc morientium gemitus, hinc ad suos recurrentium miserabilis facies, integros quoque, antequam discrimen experirentur, in fugam avertit. Fremitu deinde in castra, queis Craterus præerat, illato, ad occupandas angustias, in quibus pridie hæsitabat, miles educitur. Simul & Philotas cum Polyperconte Amyntaque & Cœno, diversum iter ingredi jussus, alium terrorem intulit Barbaris. Ergo undique Macedonum armis fulgentibus, ancipiti malo oppressi, memorabile tamen prælium edunt. Ut opinor, ignaviam quoque necessitas acuit; & sæpè desperatio spei causa est. Nudi complectebantur armatos, & ingenti corporum mole secum ad terram detrahentes, ipsorum telis plerosque fodiebant. Ariobarzanes tamen xl ferme equitibus,

H

&amp; quin-

& quinque millibus peditum stipatus, per mediam aciem Macedonum cum multo suorum atque hostium sanguine erupit, Persepolim urbem, caput regionis, occupare festinans. Sed a custodibus urbis exclusus, consecutis strenuè hostibus, cum omnibus fugæ comitibus, renovato proelio cecidit. Craterus quoque raptim agmine acto supervenit.

5 Rex eodem in loco, quo hostium copias fuderat, castra communit. Quanquam enim undique fugati hostes victoriam concesserant, tamen præaltæ præcipientesque fossæ, pluribus locis objectæ, abruperant iter, sensimque & cautè progrediendum erat; jam non hostium, sed locorum fraude suspecta. Procedenti ei litteræ redduntur a Tyridate, custode regiæ pecuniæ; indicantes, eos qui in urbe essent, audito ejus adventu, diripere velle thesauros: properaret occupare; expeditum iter esse, quanquam Araxes amnis interfluat. Nullam virtutem Regis istius magis, quàm celeritatem laudaverim: relictis enim pedestribus copiis, tota nocte cum equitibus itineris tanto spatio fatigatis ad Araxem prima luce pervenit. Vici erant in propinquo: quibus direptis ac dirutis, pontem ex materia eorum subditis saxis strenuè induxit. Jamque haud procul urbe erant, cum miserabile agmen, inter pauca fortunæ exempla memorandum, Regi occurrit. Captivi erant Græci ad quatuor millia ferè, quos Persæ vario

rio suppliciorum modo affecerant. Alios pedibus, quosdam manibus auribusque amputatis, iniustisque barbararum literarum notis, in longum sui ludibrium reservaverant, & cum se quoque alienæ ditionis esse cernerent, volentes Regi occurrere non prohibuerant. Inusitata simulacra, non homines videbantur, nec quidquam in illis præter vocem poterat agnosci. Plures igitur lachrymas commovere, quàm profuderant ipsi; quippe in tam multiplici variaque fortuna singulorum, intuentibus similes quidem, sed tamen dispares pœnas, quis maximè miserabilis esset, liquere non poterat. Ut verò Jovem illi tandem Græciæ ultorem aperuisse oculos conclamavere, omnes pari supplicio affecti sibi videbantur. Rex, abstersis, quas profuderat, lachrymis, bonum habere animum jubet; vituros urbes suas, conjugisque: & castra inde duo ab urbe stadia communit. Græci excesserant vallo, deliberaturi quid potissimum a Rege peterent. Cumque aliis sedes in Asia rogare, aliis reverti domos placeret; Euclemon ita locutus ad eos fertur: Nos, qui modò ad opem petendam ex tenebris & carcere procedere erubuimus, ut nunc est, supplicia nostra, quorum nos pudeat magis, an pœniteat, incertum est, ostentare Græciæ velut latum spectaculum cupimus. Atqui optimè misérias ferunt, qui abscondunt; nec ulla est tam familiaris infelicitibus patria, quàm solitudo, & status

prioris oblivio. Nam qui multum in suorum misericordia ponunt, ignorant, quam celeriter lachryma inarescant. Nemo fideliter diligit, quem fastidit: nam & calamitas querula est, & superba felicitas. Ita suam quisque fortunam in consilio habet, cum de aliena deliberat: & nisi mutuo essemus miseri, olim alius alii potuissimus esse fastidio. Quid mirum est, fortunatos semper parem quærere? Obsecro vos, olim vita defuncti, quaramus locum, in quo hac semesa membra obruamus, ubi horribiles cicatrices celet exilium. Ingrati prorsus conjugibus, quas juvenes duximus, revertemur. Liberi in flore & atatis & rerum, & fratres, agnoscent ergastuli detrimenta: & quota pars nostri tot obire terras potest? procul Europâ in ultima Orientis relegati, senes, debiles, majore membrorum parte mutilati, tolerabimus scilicet quam armatos & victores fatigaverant? Conjuges deinde, quas captis sors & necessitas unicum solatium applicuit, parvosque liberos trahimus nobiscum, an relinquimus? Cum his venientes nemo agnoscere volet. Relinquemus ergo extemplâ presentium pignora, cum incertum sit, an visuri simus ea, quæ petimus? Inter hos latendum est, qui nos miseros nosse cœperunt. Hæc Euctemon. Contra Theætetus Atheniensis orsus est dicere: Neminem primum habitu corporis suos asstimaturum, atque sævitia hostis, non natura calamitate.

mitosus. Dignum esse omni malo, qui erubesceret fortuita: tristem eum de mortalitate ferre sententiam, & desperare misericordiam, quam ipse alteri degenaturus sit. Deos (quod ipsi nunquam ausi optare forent) offerre patriam, conjuges, liberos, & quidquid homines vel vitâ astant, vel morte redimunt. Quin illi ex hoc carcere erumperent, alium domi esse cœli haustum, alium lucis aspectum. Mores, sacra, lingua commercium etiam a Barbaris expeti, qua ingentia ipsi omisuri sint sua sponte, non ob aliud tam calamitosi, quàm quòd illis carere coacti essent. Se certè rediturum ad penates, & in patriam, tantoque beneficio Regis usurum. Si quos contubernii, liberorumque, quos servitus coegisset agnoscere, amor detineret, relinquerent, quibus nihil patriâ charius est. Pauci hujus sententiæ fuere. Cæteros consuetudo naturâ potentior, vicit. Consenserunt, petendum esse a Rege, ut aliquam ipsis attribueret sedem. Centum ad hoc lecti sunt; quos Alexander, ratus, quòd ipse præstare cogitabat, petituros: Jumenta, inquit, assignari, qua vos veherent, & singulis vestrum mille denarium dari jussi. Cum redieritis in Graciam, præstabo, nequis statum suum, si hæc calamitas absit, vestro credat esse meliorem. Illi, obortis lachrymis, terram intuebantur, nec aut erigere vultus, aut loqui audebant. Tandem Rege tristitiæ causam exigente, Euctemon

mon similia iis, quæ in consilio dixerat, respondit. Atque ille, non fortunæ solum eorum, sed etiam poenitentiae misertus, terna millia denarium singulis dari iussit. Denæ vestes adjectæ sunt, & armenta cum pecoribus ac frumento data, ut coli serique attributus iis ager posset.

6 Postero die convocatos duces copiarum docet, nullam infestiorē urbem Græcis esse, quā regiam veterum Persidis Regum. Hinc illa immensa agmina infusa: hinc Darium prius, deinde Xerxem, Europæ impium intulisse bellum. Excidio illius parentandum esse majoribus. Jamque Barbari, deserto oppido, quā quemque metus agebat, diffugerant; cū rex phalangem nil cunctatus inducit. Multas urbes refertas opulentia regia partim expugnarat, partim in fidem acceperat; sed urbis hujus divitiæ vicere præterita. In hanc totius Persidis opes congefserant Barbari: aurum, argentumque cumulatū erat: vestis ingens modus: supellex, non ad usum modò, sed ad ostentationem luxus comparata. Itaque inter ipsos victores ferro dimicabatur: pro hoste erat, qui pretiosiorē occupaverat prædam. Et cū omnia, quæ reperiēbantur, capere non possent (nam res non occupabantur, sed æstimabantur) lacerabant regias vestes, ad se quisque partem trahentes: dolabris pretiosæ artis vasa cædebant: nihil neque intactum erat, nec integrum ferebatur. Abrupta simulacro-

rum



rum membra, ut quisque avellerat, trahēbat: neque avaritia solum, sed etiam crudelitas in capta urbe grassata est. Auro argentoque onusti vilia captivorum corpora trucidabant, passimque obvii cædebantur, quos antea pretium sui miserabiles fecerat. Multi ergo hostium manus voluntaria morte occupaverunt, pretiosissima vestium induti: e muris semetipsos cum conjugibus ac liberis in præceps jactantes. Quidam ignes, quod paulò post facturum hostis videbatur, subjecerant ædibus, ut cum suis vivi cremarentur. Tandem suis Rex corporibus, & cultu foeminarum abstinere jussit. Ingens pecuniæ captivæ modus traditur, prope ut fidem excedat. Cæterum aut de aliis quoque dubitamus, aut credimus in hujus urbis gaza fuisse & xx millia talenta, ad quæ vehenda (namque ad usus belli secum portare decreverat) jumenta & camelos a Susis & Babylone contrahi jussit. Accessere ad hanc pecuniæ summam captis Pasergadis sex millia talentorum. Cyrus Pasergadum urbem condiderat, quam Alexandro Præfectus ejus Globares tradit. Rex arcem Persepolis, tribus millibus Macedonum præsidio relictis, Nicarthiden tueri jubet. Tyridati quoque, qui gazam tradiderat, servatus est honos, nem apud Darium habuerat, magnaue exercitus parte, & impedimentis ibi relictis, Parmenionem, Craterumque præfecit. Ipse cum mille equitibus, peditumque expedita manu,

interiorem Persidis regionem, sub ipsa  
Vergiliarum fidus petiit: multisque imbri-  
bus & prope intolerabili tempestate vexa-  
tus, procedere tamen, quod intenderat,  
perseveravit. Ventum erat ad iter perpe-  
tuis oblitum nivibus, quas frigoris vis ge-  
lu astrinxerat. Locorum squalor & solitu-  
dinis inviæ fatigatum militem terrebant,  
humanarum rerum terminos se videre  
credentem. Omnia vasta, atque sine ullo  
humani cultus vestigio attoniti intueban-  
tur: & antequam lux quoque & coelum ip-  
sos deficerent, reverti jubebant. Rex ca-  
stigare territos supersedit. Cæterum ipse  
equo defiliit, pedesque per nivem, & con-  
cretam glaciem ingredi cœpit. Erubue-  
runt non sequi primùm amici, deinde co-  
piarum duces, ad ultimum milites; pri-  
musque Rex dolabra glaciem perfringens,  
iter sibi fecit. Exemplum Regis cæteri  
imitati sunt. Tandem propemodum in-  
vias sylvas emens, humani cultus rara ve-  
stigia, & passim errantes pecorum greges  
reperere: & incolæ, qui sparsis tuguriis ha-  
bitabant, cum se callibus inviis septos esse  
credidissent, ut conspexere hostium ag-  
men, interfectis, qui fugientes sequi non  
poterant, devios montes & oblitos nivi-  
bus petiverunt. Inde per colloquia capti-  
vorum paulatim feritate mitigata, tradi-  
dere se Regi, nec in deditos gravius con-  
sultum. Vastatis deinde agris Persidis, vi-  
cisque compluribus reductis in potestatem,  
ventum est in Mardorum gentem bellicosis-  
simam,

simam, & multum a cæteris Persis cultu vitæ abhorrentem. Specus in montibus fodiunt, in quos se, ac conjuges, & liberos condunt. Pecorum aut ferarum carne vescuntur. Nec fœminis quidem pro naturæ habitu molliora ingenia sunt. Comæ prominent hirtæ, vestis super genua est, funda vinciunt frontem: hoc & ornamentum capitis, & telum est. Sed hanc quoque gentem idem fortunæ impetus domuit. Itaque trigesimo die, posteaquam a Persepoli profectus erat, eodem rediit. Dona deinde amicis cæterisque pro cuiusque merito dedit. Propemodum omnia, quæ in ea urbe ceperat, distributa.

7 Cæterum ingentia animi bona, illam indolem, qua omnes Reges antecessit, illam in subeundis periculis constantiam, in rebus moliendis efficiendisque velocitatem, in deditis fidem, in captivos clementiam, in voluptatibus permisis quoque & usitatis temperantiam, haud tolerabili vini cupiditate fœdavit. Hoste, & æmulo regni reparante tum cum maximè bellum, nuper subactis, quos viceerat, novumque imperium aspernantibus, de die inibat convivia, quibus fœminæ intererant: non quidem quas violare nefas esset, quippe peilices, licentiùs quàm decebat, cum armato vivere assuetæ. Ex his una Thais, & ipsa temulenta, maximam apud omnes Græcos initurum gratiam affirmat, si regiam Persarum jussisset.

set incendi : expectare hoc eos , quorum  
urbes Barbari deleissent . Ebrio scorto de  
tanta re referenti sententiam , unus & al-  
ter , & ipsi mero onerati , assentiuntur .  
Rex quoque fuit avidior , quàm patien-  
tior . Quin igitur ulciscimur Græciam ,  
& urbi faces subdimus ? Omnes incalue-  
rant mero . Itaque surgunt temulenti ad  
incendendam urbem , cui armati peperce-  
rant . Primus Rex ignem regiæ injecit ,  
tum convivæ , & ministri , pellicesque .  
Multâ cedro ædificata erat regia , quæ , ce-  
leriter igne concepto , latè fudit incendium .  
Quod ubi exercitus , qui haud procul urbe  
tendebat , conspexit , fortuitum ratus , ad  
opem ferendam concurrit . Sed ut ad ve-  
stibulum regiæ ventum est , vident Regem  
ipsum adhuc aggerentem faces . Omissa  
igitur , quam portaverant , aqua , aridam  
materiam in incendium jacere cœperunt .  
Hunc exitum habuit regia totius Orien-  
tis , unde tot gentes ante jura petebant , pa-  
tria tot Regum , unicus quondam Græ-  
ciæ terror , molita mille navium classem ,  
& exercitus , quibus Europa inundata est ,  
contabulato mari molibus , perfossisque  
montibus , in quorum specus fretum im-  
missum est . Ac ne longa quidem ætate ,  
quæ excidium ejus secuta est , resurrexit .  
Alias urbes habuere Macedonum Reges ,  
quas nunc habent Parthi . Hujus vesti-  
gium non inveniretur , nisi Araxes amnis  
ostenderet . Haud procul mœnibus flu-  
xerat : inde urbem fuisse xx stadiis di-  
stan-

stantem credunt magis, quàm sciunt accolaë. Pudebat Macedones tam præclaram urbem a comessabundo Rege delectam esse. Itaque res in serium versa est, & imperaverunt sibi, ut crederent illo potissimum modo fuisse delendam. Ipsum, ut primum gravatam ebrietate mentem quies reddidit, poenituisse constat, & dixisse: Majores poenas Persas Græcis daturòs fuisse, si ipsum in folio, regiaque Xerxis conspiciere coacti essent. Postero die Lycio, itineris, quo Persidem intraverat, Duci, triginta talenta dono dedit. Hinc in regionem Mediæ transiit, ubi supplementum novorum militum e Cilicia occurrit. Peditum erant quinque millia, equites mille: utrisque Plato Atheniensis præerat. His copiis auctus, Darium persequi statuit.

8 Ille jam Ecbatana pervenerat, caput Mediæ. Urbem hanc nunc tenent Parthi: eaque æstiva agentibus sedes est. Adire deinde Bactra decreverat: sed veritus, ne celeritate Alexandri occuparetur, consilium iterque mutavit. Aberat ab eo Alexander stadia M. D; sed jam nullum intervallum adversus celeritatem ejus satis longum videbatur. Itaque proelio magis quàm fugæ se præparabat. Triginta millia peditum sequebantur: in quibus Græcorum erant quatuor millia, fide erga Regem ad ultimum invicta. Funditorum quoque & sagittariorum manus quatuor millia expleverat. Præter hos tria millia & ccc equites erant, maximè Bactrianorum,

sum. His Bessus præerat, Bactrianæ regionis Præfectus. Cum hoc agmine Darius paulatim declinavit via militari, iussis præcedere lixis impedimentorum custodiis. Consilio deinde advocato: *Si me cum ignavis, inquit, & pluris qualemcunque vitam morte honesta aestimantibus fortuna junxisset, tacerem potius, quam frustra verba consumerem; sed majore quam vellem documento, & virtutem vestram & fidem expertus, magis etiam conniti debeo, ut dignus talibus amicis sim, quam dubitare, an vestri similes adhuc sitis. Ex tot millibus, quæ sub imperio fuerunt meo, bis me victum, bis fugientem persecuti estis. Fides vestra, & constantia, ut Regem me esse credam, facit. Proditores & transfuga in urbibus meis regnant, non hercule qui tanto honore digni habeantur, sed ut pramiis eorum vestri sollicitentur animi. Meam tamen fortunam, quam victoris maluistis sequi: dignissimi, quibus, si ego non possem, Dii pro me gratiam referant; & mehercule referent. Nulla erit tam surda posteritas, nulla tam ingrata fama, quæ non in Cælum vos debitis laudibus ferat. Itaque, etiamsi consilium fuga, a qua multum abhorret animus, agitaſsem, vestra tamen virtute fretus, obviam issem hosti. Quousque enim in regno exulabo, & per fines imperii mei fugiam, externum & advenam regem, cum liceat experto belli fortunam, aut reparare qua amisi, aut honesta*

fla morte defungi? nisi fortè satius est exspectare victoris arbitrium, & Mazai, & Methrenis exemplo, precarium accipere regnum nationis unius, ut jam malit ille gloria sua, quàm ira obsequi. Nec Dii sinerint, ut hoc decus mei capitis, aut demere mihi quisquam, aut condonare possit, nec hoc imperium vivus amittam, idemque erit regni mei, qui & spiritus finis. Si hic animus, si hac lex, nulli non parva libertas est: nemo e vobis fastidium Macedonum, nemo vultum superbum ferre cogetur. Sua cuique dextra aut ultionem tot malorum pariet, aut finem. Equidem quàm versabilis fortuna sit, documentum ipse sum. Nec immeritò mitiores vices ejus exspecto. Sed si justa ac pia bella Dii averfantur, fortibus tamen viris licebit honestè mori. Per ergo vos decora maiorum, qui totius Orientis regna cum memorabili laude tenuerunt, per illos viros, quibus stipendium Macedonia quondam tulit, per tot navium classes in Graciam missas, per tot trophæa Regum, oro, & obtestor, ut nobilitate vestra gentisque dignos spiritus capiat, ut eâdem constantiâ animorum, quâ præterita tolerastis, experiamini quidquid deinde fors tulerit. Me certè in perpetuum, aut victoria egregia nobilitabit, aut pugna.

9 Hæc dicente Dario, præsentis periculi species omnium simul corda animosque horrore perstrinxerat: nec aut consilium suppetebat, aut vox: cùm Artaba-

Dus vetustissimus amicorum, quem hospitem fuisse Philippi sæpè diximus: Nos verà, inquit, pretiosissimam vestem induti, armisque quanto maximo cultu possumus, adornati, Regem in aciem sequemur, ea quidem mente, victoriam ut speremus, mortem non recusemus. Assensu excepte cæteri hanc vocem. Sed Nabarzanes, qui in eodem consilio erat cum Besso, inauditi antea facinoris societate inita, Regem suum per milites, quibus ambo præerant, comprehendere & vincere decreverant: ea mente, ut, si Alexander ipsos insecutus foret, tradito Rege vivo, inirent gratiam victoris: magni profectò cepisse Darium æstimaturi; sin autem eum effugere potuissent, interfecto Dario, regnum sibi occuparent, bellumque renovarent. Hoc parricidium cùm diu voluissent, Nabarzanes aditum nefariæ spei præparans: Scio me, inquit, sententiam esse dicturum prima specie haud quamquam auribus tuis gratam: sed medici quoque graviores morbos asperis remediis curant: & gubernator, ubi naufragium timet, jacturâ, quidquid servari potest, redimit. Ego tamen, non ut damnum quidem facias, suadeo; sed ut te, ac regnum tuum, salubri ratione conserves. Diis aversis bellum inimus, & pertinax fortuna Persas urgere non desinit. Novis initis & omnibus opus est. Auspiciis & imperiis alii trade interim, qui tandiu Rex appelletur, nec Asia decedat hostis. Victor deinde  
 regnum



regnum tibi reddat : hoc autem brevi futurum ratio promittit . Bactra intacta sunt : Indi & Saga in tua potestate : tot populi , tot exercitus , tot equitum peditumque millia ad renovandum bellum vires paratas habent , ut major belli moles superfit , quàm exhausta sit . Quid ruimus belluarum ritu in perniciem non necessariam ? Fortium virorum est magis mortem contemnere , quàm odisse vitam . Sæpe radio laboris ad vilitatem sui compelluntur ignavi ; at virtus nihil in expertum omittit . Itaque ultimum omnium mors est , ad quam non pigrè ire satis est . Proinde si Bactra , quod tutissimum receptaculum est , petimus , Præfectum regionis ejus Bessus , Regem temporis gratiâ statuamus . Compositis rebus , iusto Regi tibi fiduciarium restituet imperium . Haud mirum est , Darium non temperasse animo : quanquam tam impiæ voci quantum nefas subesset , latebat . Itaque , Pessimus , inquit , mancipium , reperisti optatum tibi tempus , quo parricidium aperires ? strictoque acinace interfecturus videbatur , nū propere Bessus Bactrianique , tristium specie , cæterum si perseveraret , vincituri , circumstetissent . Nabarzanes interim elapsus , mox & Bessus consecutus , copias , quibus præerant , a cætero exercitu secedere jubent , secretum inituri consilium . Artabazus convenientem præsentī fortunæ sententiam orsus , mitigare Darium , temporum identidem admonens , cœpit .

Fer-

*Ferret aquo animo qualiumcumque, suorum tamen, vel stultitiam, vel errorem. Instare Alexandrum, gravem etiam si omnes praesto essent; quid futurum, si persecuti fugam ipsius, alienentur a Rege? Ea re paruit Artabazo, & quanquam movere castra statuerat, turbatis tamen omnium animis, eodem in loco substitit. Sed attonitus moestitia simul & desperatione, tabernaculo se inclusit. Ergo in castris, quæ nullius regebantur imperio, varii animorum motus erant; nec in commune, ut antea, consulebatur. Dux Græcorum militum Patron arma capere suos jubet, paratosque esse ad exequendum imperium. Persæ secesserant. Bessus cum Bactrianis erat, tentabatque Persas adducere, Bactra, & intactæ regionis opulenta, simulque, quæ manentibus instarent, pericula ostentans. Persarum omnium eadem fere fuit vox, nefas esse deseriri Regem. Inter hæc Artabazus omnibus imperatoriis fungebatur officiis. Ille Persarum tabernacula circuire, hortari, monere nunc singulos, nunc universos, non ante destitit, quàm satis constaret imperata facturos. Idem agrè a Dario impetravit, ut cibum caperet, animumque Regis.*

*io At Bessus & Nabarzanes, olim agitata scelus exequi statuunt, regni cupiditate accensi. Dario autem incolumi, tantas opes sperare non poterant. Quippe in illis gentibus Regum eximia majestas*

*est.*

est, ad nomen quoque Barbari conveniunt, & pristinae veneratio fortunæ sequitur adversam. Inflabat impios animos regio, cui præerant, armis, virisque, & spatio locorum nulli earum gentium secunda. Tertiam partem Asiæ tenet. Multitudo juniorum exercitus, quos amiserat Darius, æquabat. Itaque non illum modò, sed etiam Alexandrum spernebant; inde vires imperii repetituri, si regionis potiri contigisset. Diu omnibus cogitatis, placuit, per milites Bactrianos ad omne obsequium destinatos, Regem comprehendere, mittique nuntium ad Alexandrum, qui indicaret, vivum asservari eum. Si, id quod timebant, proditionem aspernatus esset, occisuri Dariam, & Bactra cum suarum gentium manu petitori. Cæterum propalam comprehendendi Darius non poterat, tot Persarum millibus laturus opem Regi. Græcorum quoque fides timebatur. Itaque quod non poterant vi, fraude assequi tentant. Pœnitentiam secessionis simulare decreverant, & excusare apud Regem consternationem suam. Interim qui Persas sollicitarent, mittuntur. Hinc spe, hinc metu militares animos versant: ruinæ rerum illos subdere capita: in perniciem trahi, cum Bactra pateant, exceptura eos donis, & opulentia, quantam animi concipere non possint. Hæc agitantibus Artabazus supervenit, sive Regis jussu, sive sua sponte, affirmans mitigatum esse Dariam, & eundem illis amicitia

tia gradum patere apud Regem. Illi lachrymantes, nunc purgare se, nunc Artabazum orare, ut causam ipsorum tueretur, precesque perferret. Sic peracta nocte, sub lucis exortu Nabarzanes cum Bactrianis militibus in vestibulo Prætorii aderat, titulum solennis officii occulto sceleri præferens. Darius, signo ad eundem dato, currum pristino more conscendit. Nabarzanes, cæterique parricidæ procumbentes humi, quem paulò post in vinculis habituri erant, sustinere venerari: lachrymas etiam pœnitentiæ indices profuderunt: aded humanis ingeniis parata simulatio est. Preces deinde suppliciter admotæ, Darium, natura simplicem & mitem, non credere modò quæ affirmabant, sed etiam flere coegerunt. Ac ne tum quidem cogitati sceleris pœnituit, cum intuerentur, qualem & Regem & virum fallerent. Ille quidem securus periculi, quod instabat, Alexandri manus, quas solas timebat, effugere properabat.

II Patron autem Græcorum dux præcepit suis, ut arma, quæ in sarcinis antea ferebantur, induerent, ad omne imperium suum parati, & intenti. Ipse currum Regis sequebatur, occasione imminens alloquendi eum: quippe Bessi facinus præsenferat. Sed Bessus id ipsum metuens, custos veriùs quàm comes, a curru non recedebat. Diu ergo Patron cunctatus, ac sæpius sermone revocato, inter fidem timoremque hæsitans, Regem intue-

tuebatur, qui ut tandem advertit oculos, Bubacem spadonem inter proximos currum sequentem percunctari jubet, nunquid ipse velit dicere? Patron, se verò, sed remotis arbitris, loqui velle cum eo, respondit. Jussusque propius accedere, sine interprete, (nam haud rudis Græcæ linguæ Darius erat) Rex, inquit, ex quinquaginta millibus Græcorum supersumus pauci; omnes fortuna tua comites: & in hoc tuo statu iidem, qui florente te, fuimus: quascunque sedes elegeris, pro patria & domesticis rebus petituri. Secunda adversaque res tua copulavere nos tecum. Per hanc fidem invictam oro, & obtestor, in nostris castris tibi tabernaculum statue: nos corporis tui custodes esse patiaris. Amisimus Graciam: nulla Bactra sunt nobis, spes omnis in te, utinam & in ceteris esset! Plura dici non attinet. Custodiam corporis tui externus & alienigenæ non deposcerem, si crederem, alium posse præstare. Bessus, quanquam erat Græci sermonis ignarus, tamen stimulante conscientia, indicium profectò Patronem detulisse credebat: & interpretis Græci relato sermone, exempta dubitatio est. Darius autem, quantum ex vultu conspici poterat, haud sanè territus, percunctari Patron causam consilii, quod afferret, coepit. Ille non ultra differendum ratus: Bessus, inquit, & Nabarzanes insidiantur tibi in ultimo discrimine & fortuna tua & vita. Hic dies aut parricidis, aut tibi futu-

*futurus ultimus*. Et Patron quidem egregiam conservati Regis gloriam tulerat. Eludant licet quibus fortè ac temerè humana negotia volvi agique persuasum est: equidem æterna constitutione crediderim, nexuque causarum latentium, & multo ante destinatarum, suum quemque ordinem immutabili lege percurrere. Darius certe respondit: *Quamquam sibi Græcorum militum fides nota sit, nunquam tamen a popularibus suis recessurum. Difficilius sibi esse damnare, quàm decipi: quidquid fors tulisset, inter suos perpeti malles, quàm transfugam fieri: serò se pervire, si salvum esse sui milites nollent.* Patron desperata salute Regis, ad eos, quibus præerat, rediit, omnia pro fide experiri paratus.

12 At Bessus occidendi protinus Regis impetum conceperat. Sed veritus, ne gratiam Alexandri, ni vivum eum tradidisset, inire non posset, dilato in proximam noctem sceleris consilio, agere gratias incipit, quòd perfidi hominis insidias jam Alexandri opes spectantis prudenter cautèque vitasset: donum eum hosti laturum fuisse Regis caput: nec mirari, hominem mercede conductum omnia habere venalia; sine pignore, sine lare, terrarum orbis exsulem, ancipitem hostem, ad nutum licentium circumferri. Purganti deinde se, Deosque patrios testes fidei suæ invocanti, Darius vultu assentiebatur, aud dubius, quin verò deferrentur a Græcis;

cis: sed eò rerum ventum erat, ut tam periculosum esset non credere suis, quàm decipi. Triginta millia erant, quorum inclinata in scelus levitas timebatur. Quatuor millia Patron habebat; quibus si credidisset salutem suam, damnata popularium fide, parricidio excusationem videbat offerri. Itaque præoptabat immerito, quàm jure violari. Besso tamen insidiarum consilium purganti respondit: *Alexandri sibi non minus justitiam, quàm virtutem esse perspectam. Falli eos, qui preditionis ab eo præmium expectent. Violata fidei neminem acriter fore vindicem ulteremque.* Jamque nox appetebat, cum Persæ more solito armis positæ, ad necessaria ex proximo vico ferenda discurrunt. At Bactriani (ut imperatum erat a Besso) armati stabant. Inter hæc Darius Artabazum acciri jubet, expositisque quæ Patron detulerat, haud dubitare Artabazum, quin transeundum esset in castra Græcorum; Persas quoque periculo vulgato secuturos. Destinatus sorti suæ, & jam nullius salubris consilii patiens, unicam in illa fortuna opem, Artabazum, ultimum illum visurus amplectitur. persususque mutuis lachrymis, inhærentem sibi avelli jubet: capite deinde velato, ne inter gemitus digredientem velut rogo intueretur, inhumum primum corpus abjecit. Tum vero custodiæ ejus assueti, quos Regis salutem vel periculis vitæ tueri oportebat, dilapsi sunt, armatis, quos jam adventare cre-

credebant, haud rati se futuros pares. Ingens ergo in tabernaculo solitudo erat, paucis spandonibus (quia, quò discederent, non habebant) circumstantibus Regem. At ille, remotis arbitris, diu aliud atque aliud consilium animo volutabat. Jamque solitudinem, quam paulò ante pro solatio petiverat, perosus, Bubacem vocari jubet; quem intuens, *Ite, inquit, consulite vobis; ad ultimum Regi vestro (ut decebat) fide exhibita. Ego hìc legem fati mei exspecto. Forsitan mireris, quòd vitam non finiam, alieno scelere, quàm meo mori malo.* Post hanc vocem, spado gemitu non modò tabernaculum, sed etiam castra complevit. Irrupere deinde alii, laceratisque vestibus, lugubri & barbaro ululatu Regem deplorare cœperunt. Persæ, ad illos clamore perlato, attoniti metu, nec arma capere, ne in Bactrianos inciderent, nec quiescere audebant, ne impiè deferere Regem viderentur. Varius ac dissonus clamor sine duce, ac sine imperio, totis castris referebatur. Besso & Nabarzani nuntiaverant sui, Regem a semet ipso interemptum esse. Planctus eos deceperat. Itaque citatis equis advolant, sequentibus, quos ad ministerium sceleris delegerant; & cùm tabernaculum intrassent, quia Regem vivere spadones indicabant, comprehendi, vincirique jusserunt. Rex curru paulò ante vectus, & Deorum, suis, honoribus cultus, nulla externa  
ope



ope admota, captivus servorum suorum, in sordidum vehiculum pellibus undique contextum impenitur. Pecunia Regis, & supellex, quasi jure belli, diripitur: onustique præda per scelus ultimum parta, fugam intendunt. Artabazus cum iis, qui imperio parebant, Græcisque militibus Parthienem petebat, omnia tutiora paricidarum consuitu ratus. Persæ promissis Bessi onerati, maxime quia nemo alius erat, quem sequerentur, conjungere se Bastrianis; agmen eorum tertio assecuti die. Ne tamen honos Regi non haberetur, aureis compedibus Darium vinciunt, nova ludibria subinde excogitante fortuna. Et ne fortè cultu regio posset agnoscì, sordidis pellibus vehiculum intexerant. Ignoti jumenta agebant, ne percunctantibus in agmine monstrari posset: custodes procul sequebantur.

13 Alexander, audito Darium movisse ab Ecbatani, omisso itinere, quod patebat in Mediam, fugientem insequi pergit strenuè. Tabas oppidum est in Parætacene ultima: quod ubi pervenit, ibi transfugæ nuntiant, præcipitem fuga Bastræ petere Darium. Certiora deinde cognoscit ex Bagysthene Babylonio: non equidem vinctum Regem, sed in periculo esse aut mortis, aut vinculorum. Rex, cunctibus convocatis, *Maximum, inquit, opus, sed labor brevissimus superest. Darius haud procul, destitutus a suis, aut vinctus, aut oppressus est. In illo corpore persita*

*sita est victoria nostra, & tanta res celeritatis est primum.* Omnes pariter conclamant, paratos ipsos sequi; nec labori, nec periculo parceret. Igitur raptim agmen cursus magis, quàm itineris modo ducit; ne nocturna quidem quiete diurnum laborem relaxante. Itaque quingenta stadia processit, perventumque erat in vicum, in quo Darium Bessus comprehenderat. Ibi Melon Darii interpretres excipitur: corpore æger, non potuerat agmen sequi; & deprehensus celeritate Regis, transfugam se esse simulabat. Ex hoc acta cognoscit: sed fatigatis necessaria quies erat. Itaque delectis equitum sex millibus, trecentos, quos Dimachas appellabant, adjungit. Dorso hi graviora arma portabant: cæterum equis vehébantur; cùm res locusque posceret, pedestris acies erat. Hæc agentem Alexandrum adeunt Orsillus & Mythrænes, qui Bessi parricidium exosi transfugerant: nuntiabantque, stadia quingenta abesse Persas: ipsos brevius iter monstraturos. Gratus Regi adventus transfugarum fuit. Itaque prima vespera, ducibus iisdem, cum expedita equitum manu monstratam viam ingreditur, phalange, quantum festinare posset, sequi iussa. Ipse quadrato agmine incedens, ita cursum regebat, ut primi conjungi ultimis possent. Trecenta stadia processerant, cùm occurrit Brocubelus, Mazæi filius, Syriæ quondam Prætor. Is quoque transfuga nuntiabat,  
Bessum

Bessum haud amplius quàm ducenta stadia abesse. Exercitum, utpote qui nihil præcaveret, incompositum inordinatumque procedere. Hyrcaniam videri peturos: si festinaret sequi, palantibus superventurum: Darium adhuc vivere. Strenuò alioqui cupiditatem consequendi transfuga injecerat. Itaque calcaribus subditis, effuso cursu eunt. Jamque fremitus hostium iter ingredientium exaudiebatur: sed prospectum ademerat pulveris nubes. Paulisper ergo inhibuit cursum, donec consideret pulvis. Jamque conspecti a Barbaris erant, & abeuntium agmen conspexerant; nequaquam futuri pares, si Besso tantum animi fuisset ad prælium, quantum ad parricidium fuerat. Namque & numero Barbari præstabant, & robore. Ad hoc, refecti cum fatigatis certamen inituri erant. Sed nomen Alexandri, & fama, maximum in bello utique momentum, pavidos in fugam convertit. Bessus, & cæteri facinoris ejus participes, vehiculum Darii affecuti, cœperunt hortari eum, ut conscenderet equum, & se hosti fugâ eriperet. Ille Deos ultores adesse testatur, & Alexandri fidem implorans, negat, se parricidas velle comitari. Tum verò ira quoque accensi, tela injiciunt in Regem, multisque confossum vulneribus relinquunt. Jumenta quoque, ne longius prosequi possent, convulnerant; duobus servis, qui Regem comitabantur, occisis. Hoc edito facinore, ut

vestigia fugæ spargerent , Nabarzanes Hyrcaniam , Bessus Bactra , paucis equitum comitantibus , petebant . Barbari ducebantur , quæ quemque aut spes ducebat , aut pavor , dissipabantur . Quingenti tantum equites congregaverant se , incerti adhuc , resistere ne melius esset , an fugere . Alexander , hostium trepidatione comperta , Nicanorem cum equitum parte ad inhibendam fugam præmittit ; ipse cum cæteris sequitur . Tria ferme millia resistentium occisa sunt : reliquum agmen more pecudum intactum agebatur , jubente Rege , ut cædibus abstineretur , Nemo captivorum erat , qui monstrare Darii vehiculum posset : singuli , ut quæque prehenderant , scrutabantur : nec tamen ullum vestigium fugæ Regis exstabat . Festinantem Alexandrum vix tria millia equitum persecuta sunt . At in eos , qui lentius sequebantur , incidebant universa fugientium agmina . Vix credibile dicta ; plures captivi , quàm qui caperent , erant : aded omnem sensum territis fortuna penitus excusserat , ut nec hostium paucitatem , nec multitudinem suam satis cernerent . Interim jumenta , quæ Darium vehabant , nullo regente decesserant militari via , & errore delata per quatuor stadia , in quâdam valle constiterant , æstu simulque vulneribus fatigata . Haud procul erat fons , ad quem monstratum aperitis Polystratus Macedo siti maceratus accessit . Ac dum galea haustam  
aquam

aquam sorbet, tela jumentorum deficientium corporibus infixæ conspexit. Miratusque confossa potius, quàm abacta esse, semivivi hominis corpus, cum propius accessisset, in sordido vehiculo pellibus contexto situm reperit: atque Darium, multis quidem vulneribus confossum, adhuc tamen spirantem, esse cognovit. Qui, applicito captivo, cum civem ex voce cognovisset, id saltem præsentis fortunæ solatium se habere dixit, quod apud intellecturum locuturus esset, nec incassum postremas voces emissurus: hæcque Alexandro perferri jubet. Se nullis in eum meritorum officiis, maximorum autem illi debitorem mori. Agere tamen ei maximas gratias pro beneficiis in matrem, conjugem liberosque suos impensis: iis enim vitam, & pristini status reverentiam dignitatemque concessam: sibi autem a cognatis atque amicis, quibus & regna & vitam dederit, illa omnia erepta esse: precari se, ut illi victori terrarum omnium imperium contingat. Ultionem sceleris erga se perpetrati, non solum suæ, sed exempli, omniumque Regum causa, non negligere, illi cum decorum, tum utile futurum. Jamque deficiens aquam poposcit: quam allatam postquam bibit, Polystrato, qui eam tulerat: Quisquis es mortalium, inquit, hoc mihi extremum universæ calamitatis genus accidit, ut pro tanto in me beneficio dignas tibi grates referre nequeam: at referat Alexander;

Alexandro verò Dii, pro ejus summa in  
 meos humanitate ac clementia. Cui hoc  
 fidei regiæ unicum dextræ pignus pro me  
 dabis. Hæc dicentem, accepta Polystrati  
 manu, vita destituit. Quibus Alexandro  
 nuntiatis, ad corpus demortui per-  
 veniens, tam indignam illo fa-  
 stigio mortem lachrymis  
 profecutus est, dem-  
 ptaque sibi cla-  
 myde, cor-  
 pus

Ulius contexit: atque regio ornatum  
 cultu, ad matrem Syfigambim,  
 patrio regioque more sepe-  
 liendum, atque regiis  
 majorum suorum  
 tumulis infe-  
 rendum,  
 misit.



## LIBER VI.

### Breviarium Libri.

1 **P** Rælii inter Lacedæmonios atque Macedones descriptio, & pax ab Alexandro victore Græcis, qui eo absente defeecerant, concessa.

2 Alexander bello invictus, otio & delitiis frangitur, undè rumor in castris, qui torpentem excitat.

3 Hortatoria Alexandri ad milites oratio, ut bellum, in Asia inchoatum, persequantur & absolvant.

4 Zioberis miri fluminis descriptio. Alexander Nabarzani per literas salutem querenti veniam pollicetur: Deinde mari Caspio & Hircania proximus, quasdam Darii præfectos recepit in gratiam.

5 Ariabazo, summa cum animi benevolentia excepto, Græcis, qui Darium adjuverant, parcit Alexander, & Mardorum gente debellata, Amazonica cujusdam regina petitioni satisfacit.

6 Macedones Alexandri offenduntur moribus, qui ut seditionem averteret, ad bellum Besso inferendum mentem convertit, quod & stratagemate inchoat: ac Satibarzanem, quod defecisset, primum persequitur: Barbaros a montibus fortiter dispellit: Artacacnam expugnat.

7 Conjuratorem in Alexandrum Dymnus Nicomacho, hic per Zeballinum fra-

trem Alexandro detegit. Hinc more Dynami, qui ipsi sibi manus infert.

8 Amicorum regionum consilio Philotas Parmenionis filius, conjurationis auctor & particeps creditus, capitur, ac velato capite in regiam abducitur.

9 De conjuratione adversus Philotam exposulatoria Alexandri ad milites oratio, coram quibus Philotas adductus, defensionem parat.

10 Apologetica Philotæ oratio, quæ conjurationis accusationem prolixè refellit.

11 Concio à quodam Belone accensa in Philotam surgit. Is paulò post, ut se cruciatibus liberaret, ficta conjurationis circumstantias aperit, cumque aliis, qui accusantur, saxis à Nicomacho obruitur.



*Nonnullæ desiderantur.*

UGNÆ discrimen immisit; obtruncatisque qui promptius resistebant, magnam partem hostium propulit. Cœperant fugere victores, & donec avidius sequentes in planum deduxere, multi cadebant. Sed ut primū locus, in quo stare possent, fuit, æquis viribus dimicatum est. Inter omnes tamen Lacedæmonios Rex eminebat, non armorum modò & corporis specie, sed etiam magnitudine animi, quo uno vinci non potuit. Undique nunc cominus, nunc eminus petebatur, diūque arma circumferens, alia tela clypeo excipiebat, corpore alia vitabat; donec hasta femora perfossa, plurimo sanguine effuso, destituere pugnantem. Ergo clypeo suo exceptum armigeri raptim in castra referebant, jactationem vulnerum haud facile tolerantem. Nec tamen omiserunt Lacedæmonii pugnam; & ut primū sibi, quā hosti æquiores locum capere potuerunt, densatis ordinibus effusi, fluentem in se aciem excepere. Non aliud discrimen vehementius fuisse, memoriæ proditum est. Duarum nobilissimarum bello gentium exercitus pari Marte pugnant. Lacedæmonii vetera, Macedones præsentia decora intuebantur. Illi pro libertate, hi pro dominatione pugnant. Lacedæmoniis dux, Macedonibus locus dærat. Diei quoque unius tam multiplex

casus, modò spem, & modò metum utriusque partis augebat : velut de industria inter fortissimos viros certamen æquante fortuna. Cæterum angustix loci, quo hæserat pugna, non patiebantur totis congre-  
di viribus. Spectabant ergo plures, quàm inierant prælium : & qui extra teli jactum erant, clamore invicem suos accendebant. Tandem Laconum acies languescere, lubrica arma sudore vix sustinens, pedem deinde referre, urgente hoste, ac apertè fugere. Insequebatur dissipatos victor, & emensus omne spatium, quod acies Laconum obtinuerat, ipsum Agim persequabatur. Ille, ut fugam suorum, & proximos hostium conspexit, deponi se jussit ; expertusque membra, an impetum animi sequi possent, postquam deficere sensit, poplitibus semet excepit : galeâque strenuè sumptâ, clypeo protegens corpus, hastam dextra vibrabat : ultro vocans hostem, si quis jacenti spolia demere auderet. Nec quisquam fuit, qui sustineret cominus congre-  
di. Procul missilibus appetebatur, ea ipsa in hostem re-  
torquens, donec lancea nudo pectori infixâ est : qua ex vulnere evulsa, inclinatum ac deficiens caput clypeo paulisper excepit. Deinde, linquente spiritu, pariter ac sanguine, moribundus in arma procubuit. Cecidere Lacedæmoniorum quinque millia & cccx; ex Macedonibus haud amplius ccc. Cæterum vix quisquam, nisi saucius, revertit in castra. Hæc victoria

ria non Spartam modò, sociosque ejus; sed etiam omnes, qui fortunam belli spectaverant, fregit. Nec fallebat Antipatrum, dissentire ab animis gratulantium vultus: sed bellum finire cupienti, opus erat decipi; & quanquam fortuna rerum placebat, invidiam tamen, quia majores res erant, quàm quas Præfecti modus caperet, metuebat: quippe Alexander hostes vinci voluerat; Antipatrum vicisse, ne tacitus quidem indignabatur, suæ demptum gloriæ existimans, quicquid cessisset alienæ. Itaque Antipater, qui probè nosset spiritum ejus, non est ausus ipse agere arbitrum victoriæ; sed concilium Græcorum, quid fieri placeret, consuluit. A quo Lacedæmonii, nihil aliud, quàm ut oratores mittere ad Regem liceret, precati, non gravatè veniam defectionis, præter auctores, impetraverunt. Megalopolitani, quorum urbs erat obsessa, ad defectionis multam Achæis & Ætolis cxx talenta dare jussi sunt. Hic fuit exitus belli, quod repente ortum, prius tamen finitum est, quàm Darium Alexander apud Arbella superaret.

a Sed ut primùm instantibus curis laxatus est animus, militarium rerum, quàm quietis otiique patientior, exceperunt eum voluptates; & quem arma Persarum non fregerant, vitia vicerunt. Intempestiva convivia, & perpotandi pervigilandique insana dulcedo, ludique & greges pelligum, omnia in externum lapsa sunt mo-

rem : quem æmulatus quasi potiore suo ,  
ita popularium animos oculosque pariter  
offendit , ut a plerisque amicorum pro ho-  
ste haberetur ; tenaces quippe disciplinæ  
sux , solitosque parco ac parabili victu ad-  
implenda naturæ desideria defungi , in pe-  
regrina & victarum gentium mala impu-  
lerat . Hinc sæpius comparatæ in caput  
ejus insidiæ , secessio militum , & liberior  
inter mutuas querelas dolor ; ipsius dein-  
de nunc ira , nunc suspiciones , quas exci-  
tabat inconsultus pavor , cæteraque his si-  
milis , quæ deinde dicuntur . Igitur cum  
intempestivis conviviis dies pariter noctes-  
que consumeret , satietatem epularum lu-  
dis interpolabat , non contentus artificum ,  
quos e Græcia excitaverat , turbæ quippe  
captivæ foeminarum jubebantur suo ritu  
canere inconditum & abhorrens peregri-  
nis auribus carmen . Inter quas unam  
Rex ipse conspexit mœstiozem , quàm cæ-  
teras , & producentibus eam verecundè re-  
luctantem . Excellens erat forma , & for-  
mam pudor honestabat . Dejectis in ter-  
ram oculis , & quantum licebat , ore vela-  
to , suspensionem præbuit Regi , nobiliorem  
esse , quàm ut inter convivales ludos debe-  
ret ostendi . Ergo interrogata quanam  
esset , neptem se Ochi , qui nuper regnas-  
set in Persis , filio ejus genitam esse respon-  
dit , uxorem Histaspis fuisse . Propinquus  
hic Darii fuerat , magni & ipse exercitus  
Prætor . Adhuc in animo Regis tenues re-  
liquiæ pristini moris hærebant . Itaque for-  
tunam

tunam regia stirpe genitæ, & tam celebre nomen reveritus, non dimitti modò captivam, sed etiam restitui ei suas opes iussit; virum quoque requiri, ut reperto conjugem redderet. Postero autem die præcepit Hephæstioni, ut omnes captivos in regiam juberet adduci; ubi singulorum nobilitate spectata, secrevit a vulgo, quorum eminebat genus. Mille hi fuerunt, inter quos repertus est Oxatres Darii frater, non illius fortunâ, quàm indole animi sui clarior. XXV millia talentum proxima præda redacta erant: e quibus XI millia in congiarium militum absumpta sunt. Par huic pecuniæ summa custodem fraude subtrahita est. Oxydates erat nobilis Perses, qui a Dario capitali supplicio destinatus, cohibebatur in vinculis. Huic liberato Satrapiam Mediæ attribuit, fratremque Darii recepit in cohortem amicorum, omni vetustæ claritatis honore servato. Hinc in Parthienem perventum est, tunc ignobilem gentem, nunc caput omnium, qui post Euphratem & Tigrim amnes siti, Rubro mari terminantur. Scythæ regionem campestem ac fertilem occupaverunt, graves adhuc accolæ; sedes habent & in Europa, & in Asia. Qui super Bosphorum colunt, ascribuntur Asiæ; at qui in Europa sunt, a lævo Thraciæ latere ad Borysthenem, atque inde ad Tanaim, aliam amnem recta plaga pertinent. Tanais Europam & Asiam medius interfuit, nec dubitatur, quin Scythæ, qui

Parthos condidere, non a Bosphoro, sed ex regione Europæ penetraverint. Urbs erat ea tempestate clara Hecatomphylos, condita a Græcis. Ibi stativa Rex habuit, commeatibus undique advectis. Itaque rumor otiosi militis, viritim sine autore percrebuit, Regem, contentum rebus, quas gessisset, in Macedoniam protinus redire statuisse. Discurrent lymphatis similes in tabernacula, & itineri sarcinas aptant: signum datum credas, ut vasa colligerent. Totis castris tumultus, hinc contubernales suos requirentium, hinc onerantium plaustra, perfertur ad Regem. Fecerant fidem rumori temerè vulgato Græci milites, redire jussi domos, quorum equitibus singulis denariorum sena millia dono dederat, ipsis quoque finem militiæ adesse credebant. Haud secus, quàm par erat, territus Alexander, qui Indos atque ultima Orientis peragrarè statuisset, Præfectos copiarum in Prætorium contrahit, obortisque lachrymis, ex medio gloriæ spatio revocari se, victi magis quàm victoris fortunam in patriam relaturum, conquestus est: nec sibi ignaviam militum obstare, sed Deorum invidiam, qui fortissimis viris subitum patriæ desiderium admovissent, paulò post in eandem cum majore laude famaue redituris. Tum verò pro se quisque operam suam offerre, difficillima quæque poscere, polliceri militum quoque obsequium, si animos eorum levi, & apta oratione permulcere vo-

luis.

lisset. Nunquam infractos & abjectos recessisse, quoties ipsius alacritatem & tanti animi spiritus haurire potuisset. Ita se facturum esse respondit: illi vulgi aures præparent sibi. Satisque omnibus, quæ in rem videbantur, compositis, vocari ad concionem exercitum iussit, apud quem talem orationem habuit.

3 Magnitudinem rerum, quas gessimus, milites, intuentibus vobis, minimè mirum est, & desiderium quietis, & satietatem gloria occurrere. Ut omittam Illyrios, Triballos, Bæotiam, Thraciam, Spartam, Achaos, Peloponnesum (quorum alia ductu meo, alia imperio auspicioque perdomui) ecce orsi bellum ad Hellespontum, Jonas, Æolidem servitio Barbaria impotentis exemimus. Cariam, Lydiam, Cappadociam, Phrygiam, Paphlagoniam, Pamphiliam, Pisidias, Ciliciam, Syriam, Phœnicen, Armeniam, Persidem, Medos, Parthienem habemus in potestate. Plures provincias complexus sum, quàm aliæ urbes ceperunt: & nescio, an enumerantem mihi quadam ipsarum rerum multitudo subduxerit. Itaque, si crederem, satis certam esse possessionem terrarum, quas tanta velocitate domuimus; ego verò, milites, ad penates meos, ad parentem sororesque & ceteros cives, vel renitentibus vobis erumperem, ut ibi potissimum parta vobiscum laude & gloria fruerer, ubi nos uberrima victoria præmia exspectant, liberorum, conjugum, parentumque lætitia,

PAN,

pax, & quies: rerum, per virtutem partarum, secunda possessio. Sed in novo, & (si verum fateri volumus) precario imperio, adhuc jugum ejus rigida cervice subeuntibus Barbaris, tempore, milite opus est, dum mitioribus ingeniis inbuuntur, & efferratos mollior consuetudo permulcet. Fruges quoque maturitatem statuto tempore expectant: aded etiam illa sensus omnis expertia, tamen sua lege mitescent. Quid? creditis, tot gentes alterius imperio ac nemini assuetas, non sacris, non moribus, non commercio lingua nobiscum coherentes, eodem praelio domitas esse, quo victa sunt? Vestris armis continentur, non suis moribus; & qui praesentes metuunt, in absentia hostes erunt. Cum feris bestiis res est, quas captas & inclusas, quia ipsarum natura non potest, longior dies mitigat. Et adhuc sic ago, tanquam omnia subacta sint armis, quae fuerunt in ditio-  
ne Darii. Hyrcaniam Nabarzaner occupavit. Bactra non solum possidet parricida Bessus, sed etiam minatur. Sogdiani, Dabha, Massagetae, Sagar, Indi, sui juris sunt. Omnes hi simul, si terga nostra viderint, sequentur. Illi enim ejusdem nationis sunt, nos alienigenae & externi. Suis autem quique parent placidius, etiam cum is praest, qui magis timeri potest. Proinde aut quae cepimus omittenda sunt, aut, quae non habemus, occupanda. Sicut in corporibus agris, milites, nihil, quod nociturum est, medici relinquunt; sic nos, quidquid obstat impe-  
rio,



rio , recidamus . Parva sæpè scintilla  
contempta magnum excitavit incendium ,  
Nil tunc in hoste despicitur : quem spreve-  
ris , valentiorẽ negligentia facies . Ne  
Darius quidem hereditarium Persarum  
accepit imperium , sed in sedem Cyri bene-  
ficio Bagoæ castrati hominis admissus : ne  
vos magno labore credatis , Bessum vacuum  
regnum occupaturum . Nos verò peccavi-  
mus , milites , si Darium ab hoc vicimus ,  
ut servo ejus traderemus imperium : qui  
ultimum ausus scelus , Regem suum etiam  
externæ opis egentem , certè cui nos victores  
pepercissemus , quasi captivum in vinculis  
habuit : ad ultimum , ne a nobis conserva-  
ri posset , occidit . Hunc vos regnare patie-  
mini ? quem equidem cruci affixum vide-  
re festino , omnibus Regibus gentibusque  
fidei , quam violavit , meritas pœnas sol-  
ventem . At bercule , si mox eundem Gra-  
corum urbes , aut Hellespontum vastare  
nunciatum erit vobis , quo dolore afficie-  
mini , Bessum præmia vestra occupasse vi-  
ctoria ? Tunc ad repetendas res festinabi-  
tis : tunc arma capietis . Quanto autem  
præstaret , territum adhuc , & vix mentis  
sua compotem opprimere ? Quatridui no-  
bis iter superest , qui tot proculeavimus ni-  
ves , tot amnes superavimus , tot montium  
juga transcurrimus . Non mare illud , quod  
exastuans iter fluctibus occupat , cunctes  
nos moratur : non Cilicia fauces , & angu-  
stia includunt , plana omnia & prona sunt .  
In ipso lumine victoria flamus . Pauci no-  
bis

*his fugitivi, & domini sui interfectores  
 supersunt. Egregium mehercule opus, &  
 inter prima gloria vestra numerandum,  
 posteritati famaeque tradetis: Darii quo-  
 que hostis, finito post mortem ejus odio,  
 parricidas esse vos ultos: neminem im-  
 pium effugisse manus vestras. Hoc perpe-  
 trato, quanto creditis Persas obsequentio-  
 res fore, cum intellexerint, vos pia bella  
 suscipere, & Bessi sceleri, non nomini suo  
 irasci?*

4 Summa militum alacritate, juben-  
 tium quocunque vellet, duceret, oratio  
 excepta est. Nec Rex moratus impetum:  
 tertioque per Parthienem die ad fines Hyr-  
 caniae penetrat; Cratero relicto cum iis  
 copiis, quibus praeerat, & ex manu, quam  
 Amyntas ducebat, additis sexcentis equi-  
 tibus, & totidem sagittariis, ut ab incur-  
 sione Barbarorum Parthienem tueretur.  
 Erigyum impedimenta, modico praesidio  
 dato, campestri itinere ducere jubet. Ipse  
 cum phalange & equitatu cl. stadia emen-  
 sus, castra in valle, qua Hyrcaniam  
 adeunt, communit. Nemus praetis den-  
 sisque arboribus umbrosus est, pingue  
 vallis solum rigantibus aquis, quae ex pe-  
 tris eminentibus manant. Ex ipsis radici-  
 bus montium Zioberis amnis effunditur,  
 qui tria fere stadia in longitudinem uni-  
 versus fluit: deinde saxo, quod alveolum  
 interpolat, percussus, duo itinera velut  
 dispensatis aquis aperit. Inde torrens &  
 saxorum, per quae incurrit, asperitate vio-  
 len-

lentior, terram præceps subit. Per ccc stadia conditus labitur, rursusque velut ex alio fonte conceptus editur, & novum alveum intendit, priore sui parte spatiosior. Quippe in latitudinem xlii stadiorum diffunditur, rursusque angustioribus coercitus ripis iter cogit: tandem in alterum amnem cadit, cui Rhidago nomen est. Incolæ affirmabant, quicumque dimissæ essent in cavernam, quæ propior est fonti, rursus sibi aliud os amnis in apertum existeret. Itaque Alexander duos tauros, quæ subeunt aquæ terram, præcipitari jubet: quorum corpora, ubi rursus erumpit, expulsa videre, qui missi erant, ut exciperent. Quartum jam diem eodem loco quietem militi dederat, cum literas Nabarzanis, qui Darium cum Besso interceperat, accipit, quarum sententia hæc erat: *Se Dario non fuisse inimicum, imo etiam, quæ credidisset utilia esse, suasisse: & quia fidele consilium Regi dedisset, prope occisum ab eo. Agitasse Darium, custodiam corporis sui contra jus fasque peregrino militi tradere, damnata popularium fide, quam perducentos & triginta annos inviolatam Regibus suis præstitissent. Se in præcipiti & lubrico stantem, consilium a præsentis necessitate reperisse. Darium quoque cum occidisset Bagoam, hæc excusatione satisfacisse popularibus, quod insidiantem interemisset. Nihil esse miseris mortalibus spiritu charius. Amore ejus ad ultima esse propulsum; sed ea magis esse secutum, quæ*  
*coegit.*

coegisset necessitas, quàm qua optasset. In communi calamitate suam quemque habere fortunam. Si venire se juberet, sine metu esse venturum. Non timere, ne fidem datam tantus Rex violaret. Deos & Deo falli non solere. Caterum, si, cui fidem daret, videretur indignus, multa exilia patère fugienti. Patriam esse ubicunque vir fortis sedem elegit. Nec dubitavit Alexander fidem, quo Persæ modo accipiebant, dare: inviolatum, si venisset, fore. Quadrato tamen agmine, & composito ibat: speculatores subinde præmittens, qui explorarent loca. Levis armatura ducebat agmen: phalanx eam sequebatur: post pedites erant impedimenta, & gens bellicosa, & natura situs difficilis aditu, curam Regis intenderat. Namque perpetua vallis jacer, usque ad mare Caspium patens. Duo terræ ejus veluti brachia excurrunt: media flexu modico sinum faciunt, Lunæ maximè similem, cum eminent cornua nondum totum orbem fidere implente. Cercetæ, Mossyni, & Chalybes a lava sunt. Ab altera parte Leucosyria, & Amazonum campi: & illos quæ vergit ad septentrionem, hos ad occasum conversa prospectat. Mare Caspium dulcius cæteris, ingentis magnitudinis serpentes alit: piscium longè diversus ab aliis color: quidam Caspium, quidam Hyrcanium appellant. Alii sunt, qui Mæotim paludem in id cadere putent, & argumentum afferunt, aquam, quæ dulcior

cior sit, quàm cætera maria, infuso paludis humore mitescere. A Septentrione ingens in litus mare incumbit, longèque agit fluctus, & magna parte exæstuans stagnat. Idem alio cœli statu recipit in se fretum, eodemque impetu, quo effusum est, relabens, terram naturæ suæ reddit; & quidam credidere, non Caspium mare esse, sed ex India in Hyrcaniam cadere, cujus fastigium (ut supra dictum est) perpetua valle submittitur. Hinc Rex viginti stadia processit, semita propemodum invia, cui silva imminebat, torrentesque & eluvies iter morabantur, nullo tamen hôste obvio penetravit, tandemque ad ulteriora perventum est. Præter alios commeatus, quorum tum copia regio abundabat, pomorum quoque ingens modus nascitur, & uberrimum gignendis uvis solum est. Frequens arbor faciem quercus habet, cujus folia multo melle tinguntur: sed, nisi Solis ortum incolæ occupaverint, vel modico tempore succus extinguitur. Triginta hinc stadia processerat, cum Phrataphernes ei occurrit, seque, & eos, qui post Darii mortem profugerant, dedens. Quibus benignè exceptis, ad oppidum Aruas pervenit. Hic ei Craterus & Erigonus occurrunt; Præfectum Taurorum gentis Phradatem adduxerant. Hic quoque in fidem receptus, multis exemplo fuit experiendi clementiam Regis. Satrapem deinde Hyrcaniæ dedit Menapim: exsul hic, regnante Ocho,

ad Philippum pervenerat. Tapurorum quoque gentem Phradati reddidit.

5 Jamque Rex ultima Hyrcaniæ intraverat, cum Artabazus, quem Dario fidiſſimum fuiſſe ſupra diximus, cum propinquis Darii, ac ſuis liberis, modicaque Græcorum militum manu, occurrit. Dextram venienti obtulit Rex: quippe & hoſpes Philippi fuerat, cum, Ocho regnante, exularet, & hoſpitii pignora in Regem ſuum ad ultimum fides conſervata vincebat. Comiter igitur exceptus, *Tu quidem*, inquit, *Rex perpetua felicitate floreas. Ego cæteris latus, hoc uno torqueor, quod præcipiti ſenectute diu frui tua bonitate non poſſum.* Xc & quintum annum agebat. Novem juvenes eadem matre geniti patrem comitabantur. Hos Artabazus dextræ Regis admovit, precatus, ut tandiu viverent, donec utiles Alexandro eſſent. Rex pedibus iter plerumquæ faciebat. Tunc admoveri ſibi & Artabazo equos juſſit, ne, ipſo ingrediente pedibus, ſenex equo vehi erubeſceret. Deinde ut caſtra ſunt poſita, Græcos, quos Artabazus adduxerat, convocari jubet. At illi, niſi Lacedæmoniis quoque fides daretur, reſpondent, ſe quid agendum ipſis foret, deliberaturos. Legati erant Lacedæmoniorum miſſi ad Darium, quo viſto, applicaverant ſe Græcis mercede apud Perſas militantibus. Rex, omiſſis ſponſionum fideique pignoribus, venire eos juſſit, fortunam, quam ipſe dediffe

set, habituros. Diu cunctantes, plerisque consilia variantibus, tandem venturos se pollicentur. At Democrates Atheniensis, qui maximè Macedonum opibus semper obstitit, venia desperata, gladio se transfigit. Cæteri, sicut constituerant, ditiori Alexandri seipsos permittunt: mille & D milites erant. Præter hos legati ad Darium missi xcy. In supplementum distributus miles, cæteri remissi domum, præter Lacedæmonios, quos tradi in custodiam iussit. Mardorum erat gens confinis Hircaniæ, cultu vitæ aspera, & latrociniis assueta. Hæc sola nec legatos miserat, nec videbatur imperata factura. Itaque Rex indignatus, si una gens posset efficere, ne invictus esset, impedimentis cum præsidio relictis, invicta manu comitante procedit. Noctu iter fecerat, & prima luce hostis in conspectu erat: tumultus magis, quàm proelium fuit. Deturbati ex collibus, quos occupaverant, Barbari profugiunt, proximique vici ab incolis deserti capiuntur. Interiora regionis ejus haud sanè adire sine magna vexatione exercitus poterant. Juga montium, præaltæ sylvæ, rupesque invia sepiunt: ea, quæ plana sunt, novo munimenti genere impediunt Barbari. Arbores densæ sunt ex industria consitæ, quarum teneros adhuc ramos manu flectunt, quos intortos rursus inserunt terræ. Inde velut ex alia radice lætiores virent trunci. Hos, quæ natura fert, adolescere non sinunt. Quippe  
alium

alium alii quasi nexu conserunt; qui ubi  
 multa fronde vestiti sunt, operiunt terram.  
 Itaque occulti ramorum, velut laquei,  
 perpetua sepe iter cludunt. Una ratio erat,  
 cædendo aperire saltum. Sed hoc quoque  
 magni operis. Crebri namque nodi nuda-  
 verant stipites; & in se implicati arborum  
 rami suspensis circulis similes, lento yimi-  
 ne frustrabantur ictus. Incolæ autem ritu  
 ferarum virgulta subire soliti, tum quo-  
 que intraverant saltum, occultisque telis  
 hostem lacescebant. Ille venantium mo-  
 do latibula scrutatus, plerosque confodit;  
 ad ultimum circuire saltum milites jubet,  
 ut, si quâ pateret, irrumperent. Sed ignotis  
 locis plerique oberrabant. Excepti sunt qui-  
 dam, inter quos equus Regis (Bucephalum  
 vocabant) quem Alexander non eodem, quo  
 cæteras pecudes, animo æstimabat. Namque  
 ille nec in dorso insidere suo patiebatur  
 alium; & Regem, cum vellet ascendere,  
 sponte sua genua submittens, excipiebat,  
 credebaturque sentire, quem veheret. Ma-  
 jore ergo, quàm decebat, ira simul ac dolore  
 stimulatus, equum vestigari jubet, & per in-  
 terpretem pronuntiari, ni reddidissent, ne-  
 minem esse victurum. Hac denuntiatione  
 territi, cum cæteris donis equum adducunt.  
 Sed ne sic quidem mitigatus, cædi sylvas ju-  
 bet, aggestaque humo e montibus, planitiem  
 ramis impeditam exaggerari. Jam aliquan-  
 tulum altitudinis opus creverat, cum Barba-  
 ri, desperato regionem quam occupaverant,  
 posse retineri, gentem suam dedidere. Rex  
 obli.



obsidibus acceptis, Phradati tradere eos  
ussit. Inde quinto die in stativa revertitur.  
Artabazum deinde, geminato honore, quem  
Darius habuerat ei, remittit domum. Jam-  
que ad urbem Hyrcaniæ, in qua regia Da-  
rii fuit, ventum erat. Ibi Nabarzanes, ac-  
cepta fide occurrit, dona ingentia ferens:  
inter quæ Bagoas erat specie singulari  
spado, atque in ipso flore pueritiæ: cui &  
Darius fuerat assuetus, & mox Alexander  
assuevit; ejusque maximè precibus mo-  
tus, Nabarzani ignovit. Erat, ut supra di-  
ctum est, Hyrcaniæ finitima gens Ama-  
zonum, circa Thermodoonta amnem,  
Themiscyræ incolentium campos. Regi-  
nam habebant Thalestrim, omnibus inter  
Caucasum montem, & Phasim amnem  
imperitantem. Hæc cupidine visendi Re-  
gis accensa, finibus regni sui excessit: &  
cùm haud procul abesset, præmisit indi-  
cantes, venisse reginam, adeundi ejus co-  
gnoscentique avidam. Protinus facta po-  
testate veniendi, cæteris jussis subsistere,  
ccc foeminarum comitatu processit. Atque  
ut primùm Rex in conspectu fuit, equo  
ipsa defiliit, duas lanceas dextra præfe-  
rens. Vestis non toti Amazonum corpo-  
ri obducitur: nam læva pars ad pectus est  
nuda, cætera inde velantur: nec tamen si-  
nus vestis, quem nodo colligunt, infra  
genua descendit. Altera papilla intacta  
servatur, qua muliebris sexus liberos alant:  
aduritur dextera, ut arcus faciliùs inten-  
dant, & tela vibrent. Interrito vultu Re-  
gem

gem Thalestris intuebatur: habitum ejus  
haudquaquam rerum famæ parem oculis  
perlustrans. Quippe omnibus barbaris in  
corporum majestate veneratio est; ma-  
gnorumque operum non alios capaces  
putant, quàm quos eximia specie donare  
natura dignata est. Cæterum interroga-  
ta, num aliquid petere vellet: haud dubi-  
tavit fateri, ad communicandos cum Re-  
ge liberos se venisse, dignam, ex qua ipse  
regni generaret hæredes. Fœminei sexus  
se retenturam, marem reddituram patri.  
Alexander, an cum ipso militare vellet,  
interrogat: & illa, causata sine custode  
regnum reliquisse, petere perseverabat, ne  
se irritam spei pateretur abire. Acrior ad  
Venerem fœminæ cupido, quàm Regis,  
ut paucos dies subsisteret, perpulit. Tre-  
decim dies in obsequium desiderii ejus  
absumpti sunt. Tum illa regnum suum,  
Rex Parthienem, petiverunt.

6 Hic verò palam cupiditates suas sol-  
vit: continentiamque & moderationem,  
finalissima quaque fortuna eminentia bo-  
na, in superbiam ac lasciviam vertit. Pa-  
trios mores, disciplinamque Macedonum  
Regum salubriter temperatam, & civilem  
habitum, velut leviora magnitudine sua  
ducens, Persicæ regiæ par Deorum poten-  
tiæ fastigium æmulabatur. Jacere humi  
venerabundos ipsum, paulatimque servi-  
libus ministeriis tot victores gentium im-  
buere, & captivis pares facere expetebat.  
Itaque purpureum diadema distinctum  
albo,

bo, quale Darius habuerat, capiti circumdedit, vestemque Persicam sumpsit: et omen quidem veritus, quod a victoris insignibus in devicti transfret habitum. At ille, se quidem Persarum spolia gestare dicebat, sed cum illis quoque mores inluerat: superbiamque habitus, animi insolentia sequebatur. Litteras quoque, quas in Europam mitteret, veteris anuli gemma obsignabat: iis, quas in Asiam scriberet, Darii anulus imprimebatur, ut appareret, unum animum duorum non capere fortunam. Amicos verò & equites, unàque principes militum, aspernantes quidem, sed recusare non ausos, Persicis ornaverat vestibus. Pellices ccc. & lx, totidem quot Darii fuerant, regiam implebant, quas spadonum greges, & ipsi muliebria pati assueti, sequebantur. Hæc luxu, & peregrinis infecta moribus, veteres Philippi milites, rudis natio ad voluptates, palam aversabantur: totisque castris unus omnium sensus ac sermo erat, plus amissum victoriâ, quàm bello quæsitum esse. Tum maximè vinci ipsos, dedique alienis moribus & externis: tantæ moræ pretium, domos quasi in captivo habitu reversuros: pudère jam sui Regem, victis quàm victoribus similiorem, ex Macedoniæ Imperatore Darii Satrapen factum. Ille non ignarus, & principes amicorum, & exercitum graviter offendi, gratiam liberalitate donisque recuperare tentabat. Sed, ut opinor, liberis pretium

servitutis ingratum est. Igitur, ne in seditionem res verteretur, otium interpellandum erat bello, cujus materia opportunè alebatur. Namque Bessus, veste regia sumpta, Artaxerxem appellari se jusserat, Scythasque & cæteros Tanais accolæ contraherat. Hæc Satibarzanes nuntiabat, quem receptum in fidem, regioni, quam antea obtinuerat, præfecit. Et cum grave spoliis apparatuque luxuriæ agmen vix moveretur, suas primùm, deinde totius exercitus sarcinas, exceptis admodum necessariis, conferri jussit in medium. Planities spatiosa erat, in quam vehicula onusta perduxerant. Expectantibus cunctis, quid deinde esset imperaturus, jumenta jussit abduci, suisque primùm sarcinis face subdita, cæteras incendi præcepit. Flagrabant exurentibus dominiis, quæ ut intacta ex urbibus hostium raperent, sæpè flammæ restinxerant, nullo sanguinis precium audente desistere, cum regias opes idem ignis exureret. Brevis deinde oratio mitigavit dolorem; habilesque militiæ, & ad omnia parati, latabantur sarcinarum potius, quàm disciplinæ fecisse iacturam. Igitur Bactrianam regionem petebant, Sed Nicanor Parmenionis filius, subita morte correptus, magno desiderio sui affecerat cunctos. Rex ante omnes mœstus, cupiebat quidem subsistere, funeri affuturus, sed penuria com meatuum festinare cogebat. Itaque Philotas cum duobus millibus & DC relictus, ut iusta fratri

fratri persolveret : ipse contendit ad Bessum. Iter facienti litteræ ei afferuntur a finitimis Satraparum, e quibus cognoscit, Bessum quidem hostili animo occurrere cum exercitu ; cæterum Satibarzanem, quem Satrapem Arriorum ipse præfecisset, defecisse ab eo. Itaque quamquam Besso imminebat, tamen ad Satibarzanem opprimendum præverti optimum ratus, levem armaturam, & equestres copias educit ; totaque nocte strenuè facto itinere, improvise hosti supervenit. Cujus cognito adventu, Satibarzanes cum duobus milibus equitum ( nec enim plures subito contrahi poterant ) Baëtra perfugit ; cæteri proximos montes occupaverunt. Prærupta rupes erat, quæ spectat Occidentem ; eadem, quæ vergit ad Orientem, leniore submissa fastigio, multis arboribus absita, perennem habet fontem, ex quo largæ aquæ manant. Circuitus ejus triginta & duo stadia comprehendit. In vertice herbidus campus : in hoc multitudinem imbellem considerare jubent. Ipsi, quæ rupes erat, arborum truncos & saxa obmoliuntur, XIII millia armata erant. In horum obsidionem Cratæro relicto, ipse Satibarzanem sequi festinat. Et quia longius eum abesse cognoverat, ad expugnandos eos, qui edita montium occupaverant, redit, Ac primò repurgari jubet, quicquid ingredi posset ; deinde ut occurrebant inviæ cautes, præruptæque rupes, irritus labor videbatur obstante natura. Il-

le, ut erat animi semper obluſtantis difficultatibus, cū & progredi arduum, & reverti periculofum eſſet, verſabat ſe ad omnes cogitationes, aliud atque aliud ( ut ſolet, ubi prima quæque damnamus ) ſubjiciente animo; hæſitanti, quod ratio non potuit, fortuna conſilium ſubminiſtravit. Vehemens Favonius erat, & multam materiam ceciderat miles, aditum per ſaxa molitus. Hæc vapore torrida inaruerat. Ergo aggerari alias arbores jubet, & igni dari alimenta: celeriterque ſtipitibus cumulatis, faſtigium montis æquatum eſt. Tunc undique ignis injectus cuncta comprehendit: flammam in ora hoſtium ventus ferebat: fumus ingens velut quadam nube abſconderat cœlum. Sonabant incendio ſylvæ, atque ea quoque, quæ non incenderat miles, concepto igne, proxima quæque adurebant. Barbari ſuppliciorum ultimum, ſiquà intermoreretur ignis, eſſugere tentabant: ſed quà flamma dederat locum, hoſtis obſtabat. Varia igitur cæde conſumpti ſunt. Alii in medios ignes; alii in petras præcipitavere ſe; quidam manibus hoſtium ſe obrulerunt; pauci ſemiſtulati venire in poteſtatem. Hinc ad Craterum, qui Artacacnam obſidebat, redit. Ille, omnibus præparatis, Regis expectabat adventum, captæ urbis titulo ( ſicut par erat ) cedens. Igitur Alexander turres admoveri jubet: ipſoque aspectu territi Barbari, e muris ſupinas manus tendentes, orare cœperunt, iram in Satibar-

tibarzanem, defectionis authorem, reservaret, supplicibus semet deditibus parceret. Rex, datâ veniâ, non obsidionem modò solvit, sed omnia sua incolis reddidit. Ab hac urbe digressò, supplementum novorum militum occurrit. Zolus D equites ex Græcia adduxerat: tria millia ex Illyrico Antipater miserat. Thessali equites c, & xxx cum Philippo erant. Ex Lydia duo millia & DC peregrinus miles, advenerant: ccc equites gentis ejusdem sequebantur. Hac manu adjecta Drangas pervenit. Bellicosa natio est. Satrapes erat Bazaentes, sceleris in Regem suum particeps Besso. Is suppliciorum, quæ meruerat, metu, profugit in Indiam.

7 Jam nonum diem flativa erant, cum externâ vi non tutus modò Rex, sed invictus, intestino facinore petebatur. Dymnus modicæ apud Regem authoritatis & gratiæ, exoleti, cui Nicomacho erat nomen, amore flagrabat, obsequio uni sibi dediti corporis victus. Is, quod ex vultu quoque perspicui poterat, similis attonito, remotis arbitris cum juvene secessit in templum, arcana se & silenda afferre præfatus: suspensumque expectatione, per mutuam charitatem & pignora utriusque animi rogat, ut affirmet jurejurando, quæ commisisset, silentio esse tecturum. Et ille ratus, nihil quod etiam cum perjurio detegendum foret, indicaturum, per præsentes Deos jurat. Tum Dymnus aperit,

in tertium diem infidias Regi comparatas, seque ejus consilii fortibus viris & illustribus esse participem. Quibus juvenis auditis, se verò fidem in parricidio dedisse constanter abnuit, nec ulla religione, ut scelus tegat, posse constringi. Dymnus & amore & metu amens, dextram exoleti complexus, & lachrymans, orare primum, ut particeps consilii operisque fieret. Si id sustinere non posset, attamen ne proderet se, cujus erga ipsum benevolentiae præter alia hoc quoque haberet fortissimum pignus, quod caput suum permisisset fidei adhuc inexpertæ. Ad ultimum aversari scelus perseverantem, metu mortis terret; ab illo capite conjuratos pulcherrimum facinus inchoaturos. Aliàs deinde effœminatum, & muliebriter timidum, aliàs proditorem amatoris appellans, nunc ingentia promittens, interdumque regnum quoque, versabat animum tanto facinore procul abhorrentem: strictum deinde gladium modò illius, modò suo admovens jugulo, supplex idem & infectus expressit, ut tandem non solum silentium, sed etiam operam polliceretur, namque abundè constantis animi, & dignus, qui pudicus esset, nihil ex pristina voluntate mutaverat: sed captum Dymni amore simulabat nihil recusare. Sciscitari deinde pergit, cum quibus tantæ rei societatem inisset. Plurimum referre, quales viri tam memorabili operi admoturi manus essent. Ille & amore & scelere male sanus, simul gratias



gratias agit, simul gratulatur, quòd fortissimis juvenum non dubitasset se jungere, Demetrio corporis custodi, Peucolao, Nicanori. Adjicit his Aphœbetum, Loccum, Diogenem, Archepolim, & Amyntam. Ab hoc sermone dimissus Nicomachus, ad fratrem ( Ceballino erat nomen ) quæ acceperat, desert. Placet, ipsum subsistere in tabernaculo, ne, si regiam intrasset, non assuetus adire Regem, conjurati proditos se esse, resciscerent. Ipse Ceballinus ante vestibulum regię ( neque enim propius aditus ei patebat ) consistit, opperiens aliquem ex prima cohorte amicorum, ut introduceretur ad Regem. Fortè cæteris dimissis, unus Philotas Parmenionis filius, incertum quam ob causam, subliterat in regia. Huic Ceballinus ore confuso magnæ perturbationis notas præ se ferens, aperit quæ ex fratre compererat, & sine cunctatione nuntiari Regi jubet. Philotas, laudato eo, protinus intrat ad Alexandrum: multoque invicem de aliis rebus consumpto sermone, nihil eorum, quæ ex Ceballino cognoverat, nuntiat. Sub vesperam eum prodeuntem in vestibulo regię excipit juvenis, an mandatum executus foret, requirens. Ille non vacasse sermoni suo Regem causatus, discessit. Postero die Ceballinus venienti in regiam præsto est; intrantemque admonet pridie communicatæ cum ipso rei. Ille curæ sibi esse, respondit: ac ne tum quidem Regi, quæ audierat, aperit. Cœperat Cebal-

lino esse suspectus. Itaque non ultra interpellandum ratus, nobili juveni (Me-  
 tron erat ei nomen) super armamenta-  
 rium posito, quod scelus pararetur, indi-  
 cat. Ille, Ceballino in armamentario ab-  
 scondito, protinus Regi corpus fortè cu-  
 ranti, quid ei index detulisset, ostendit.  
 Rex, ad comprehendendum Dymnum  
 missis satellitibus, armamentarium intrat.  
 Ibi Ceballinus gaudio elatus, *Habeo te,*  
 inquit, *incolumem ex impiorum manibus*  
*ereptum.* Percunctatus deinde Alexander,  
 quæ noscenda erant, ordine cuncta cogno-  
 scit. Rursusque institit quærere, quotus  
 dies esset, ex quo Nicomachus ad eum  
 detulisset indicium. Atque illo fatente,  
 jam tertium esse: existimans haud incor-  
 rupta fide tanto post deferre quæ audierat,  
 vinciri eum iussit. Ille clamitare, eodem  
 temporis momento, quo audisset, ad Phi-  
 lotam decurrisse, ab eo percontaretur.  
 Rex item quærens, an Philotam adisset,  
 an institisset ei, ut perveniret ad se: perse-  
 verante eo affirmare quæ dixerat; manus  
 ad coelum tendens, manantibus lachry-  
 mis, hanc sibi a charissimo quondam ami-  
 corum relata gratiam querebatur. In-  
 ter hæc Dymnus, haud ignarus quam ob  
 causam accerferetur a Rege, gladio, quo  
 fortè erat cinctus, graviter se vulnerat:  
 occursumque satellitum inhibitus, perfertur  
 in regiam. Quem intuens Rex: *Quod,*  
 inquit, *in te, Dymne, tantum cogitavi ne-*  
*fas, ut tibi Macedonum regno dignior Phi-*  
*lotas*

*lotas me quoque ipso videretur? Illum jam defecerat vox: itaque edito gemitu, vultuque a conspectu Regis averso, subinde collapsus extinguitur. Rex, Philota venire in regiam jussu, Ceballinus, inquit, ultimum supplicium meritus, si in caput meum preparatas insidias biduo texit. Hujus criminis reum Philotam substituit, ad quem protinus indicium detulisse se affirmat. Quo propiore gradu amicitia me contingis, hoc majus est dissimulationis tua facinus: & ego Ceballino magis, quam Philota id convenire fateor. Faventem habes judicem, si quod admitti non oportuit, saltem negari potest. Ad hæc Philotas, haud sanè trepidus, si animus vultu æstimaretur; Ceballinum quidem scorti sermonem ad se detulisse, sed ipsum tam levi auctori nihil credidisse, respondit, veritum, ne jurgium inter amatorem & exoletum non sine risu aliorum detulisset. Cùm Dymnus interemerit se ipsum, qualiacunque erant, non fuisse reticenda: complexusque Regem, orare cœpit, ut præteritam vitam potius, quàm culpam, silentii tamen, non facti ullius, intueretur. Haud facilè dixerim, crediderint ei Rex, an altiùs iram suppresserit: dextram reconciliatæ gratiæ pignus obtulit, & contemptum magis quàm celatum indicium esse, videri sibi dixit.*

8 Advocato tamen consilio amicorum, cui tum Philotas adhibitus non est, Nicomachum introduci jubet. Is eadem,

quæ detulerat ad Regem, ordine exposuit. Erat Craterus Regi charus in paucis, & eo Philotæ ob æmulationem dignitatis adversus. Neque ignorabat, sæpè Alexandri auribus nimia jactatione virtutis atque operæ gravem fuisse, & bea non quidem sceleris, sed contumaciæ tamen suspectum. Non aliam premendi inimi- ci occasionem aptiorem futuram ratus, odio suo pietatis præferens speciem, *Uti- nam*, inquit, *in principio quoque hujus rei nobiscum deliberasses: suavissemus, si Phi- lota velles ignoscere, paterere potius igno- rare eum, quantum deberet tibi, quàm usque ad mortis metum adductum, co- gere potius de periculo suo, quàm de tuo co- gitare beneficio. Ille enim semper insidia- ri tibi poterit: tu non semper Philota pote- ris ignoscere. Nec est quòd existimes, eum, qui tantum facinus ausus est, venia pos- se mutari. Scit eos, qui misericordiam consumpserunt, amplius sperare non pos- se. At ego, etiam si ipse vel pœnitentia, vel beneficio tuo victus quiescere velit, pa- trem ejus Parmenionem, tanti ducem exer- citus, & inveterata apud milites tuos au- thoritate, baud multum infra magnitudi- nis tua fastigium positum, scio, non equo animo salutem filii sui debiturum tibi. Quadam beneficia odimus. Meruisse mor- tem, confiteri pudet. Superest, ut malit videri injuriam accepisse, quàm vitam. Proinde scio, tibi cùm illis de salute esse pugnandum. Satis hostium superest, ad*

quos

*quos persequendos ituri sumus. Latus a domesticis hostibus muni. Hos si submover, nihil metuo ab externo. Hæc Craterus. Nec cæteri dubitabant, quin conjurationis indicium suppressurus non fuisset, nisi author, aut particeps. Quem enim pium, & bonæ mentis, non amicum modò, sed ex ultima plebe, auditis, quæ ad eum delata erant, non protinus ad Regem fuisse cursum? Nec Ceballini quidem exemplo, qui ex fratre comperta ipsi nuntiaffet, Parmenionis filium, Præfectum equitatus, omnium arcanorum Regis arbitrum simulasse, etiam non vacasse sermoni suo Regem, ne index alium internuntium quæreretur. Nicomachum religione quoque Deum adstrictum, conscientiam suam exonerare properasse. Philotam consumpto per ludum jocumque pene toto die gravatum esse, pauca verba ad caput Regis pertinentia, tam longo, & forsitan supervacuo inferere sermoni. At enim non credidisse talia deferentibus pueris; cur igitur extraxisset biduum, tanquam indicio haberet fidem? Dimittendum fuisse Ceballinum, si delationem ejus damna-  
bat. In suo quenque periculo magnum animum habere: cum de salute Regis timeretur, credulos esse debere: vana quoque deferentes admittere. Omnes igitur quæstionem de eo, ut participes sceleris indicare cogeretur, habendam esse decernunt. Rex, admonitos, ut consilium silentio premerent, dimittit. Pronuntiari de-*

inde iter in posterum diem jubet, ne qua novi initi consilii daretur nota. Invitatus est etiam Philotas ad ultimas ipsi epulas: & non cœnare modò, sed etiam familiariter colloqui cum eo, quem damnaverat, sustinuit. Secunda deinde vigilia, luminibus extinctis, cum paucis in regiam coeunt Hephæstion, & Craterus, & Cœnus, & Erygius. Hi ex amicis. Ex armigeris autem, Perdiccas, & Leonatus. Per hos imperatum, ut, qui ad Prætorium excubabant, armati vigilarent. Jam ad omnes aditus dispositi equites, itinera quoque obsidere jussi, ne quis ad Parmenionem, qui tum Mediæ, magnisque copiis præerat, occultus evaderet. Attarras autem cum trecentis armatis intraverat regiam: huic decem satellites traduntur, quorum singulos deni armigeri sequebantur. Ii ad alios conjuratos comprehendendos distributi sunt. Attarras cum trecentis ad Philotam missus, clausum aditum domus moliebatur, L juvenum promptissimis stipatus. Nam cæteros cingere undique domum, jusserat, ne occulto aditu Philotas posset elabi. Illum, sive securitate animi, sive fatigue resolutione, somnus oppræsserat: quem Attarras torpentem adhuc occupat. Tandem ei sopore discusso cum injicerentur catenæ: *Vicit, inquit, bonitatem tuam, Rex, inimicorum meorum acerbitas*. Nec plura locutum, capite velato, in regiam abducunt. Postero die Rex edixit, omnes armati coirent. Sex millia

millia fere militum venerant : præterea turba lixarum calorumque impleverant regiam . Philotam armigeri agmine suo tegebant , ne ante conspici posset a vulgo , quàm Rex allocutus milites esset . De capitalibus rebus vetusto Macedonum modo reges inquirebant . Exercitus , in parte erat vulgi , nihil potestas Regum valebat , nisi prius valuisset autoritas . Igitur primum Dymni cadaver infertur , plerisque quid patrasset , quoque casu extinctus esset , ignaris .

9 Rex deinde in concionem procedit , vultu præferens dolorem animi . Amicorum quoque mæstitia expectationem haud parvam fecerat . Diu demisso in terram vultu , attonito stupentique similis stetit . Tandem recepto animo , *Pene* , inquit , *milites , paucorum hominum scelere vobis ereptus sum . Deum providentia & misericordia vivo : conspectusque vester venerabilis coegit , ut vehementius parricidis irascerer : quoniam spiritus , imo unus vita mea fructus est , tot fortissimis viris & de me optimè meritis referre adhuc gratiam posse .* Interrumpit orationem militum gemitus , obortæque sunt omnibus lachrymæ . Tum Rex : *Quanto* , inquit , *majorem in animis vestris motum excitabo , cum tanti sceleris autores ostendero , quorum mentionem adhuc reformido , & tanquam salvi esse possint , nominibus abstineo ? Sed vincenda est memoria pristina charitatis , & conjuratio impiorum civium detegenda .*

Quo-

*Quomodo autem tantum nefas fiteam? Parmenio illa ætate, tot meis, tot parentis mei meritis devinctus, omnium nobis amicorum vetustissimus, ducem tanto sceleris se præbuit. Minister ejus Philotas, Peucolaum, & Demetrium, & hunc Dymnum, cujus corpus aspicitis, ceterosque ejusdem amentia in caput meum subornavit. Fremitus undique indignantium querentiumque tota concione obstrepbat, qualis solet esse multitudinis, & maxime militaris, ubi aut studio agitur, aut ira. Nicomachus deinde, & Metron, & Ceballinus producti, quæ quisque detulerat, exponunt: nullius eorum indicio Philotas particeps destinabatur. Itaque indignatione pressa, vox indicum silentio excepta est. Tum Rex: Qualis, inquit, ergo animo vobis videtur, qui hujus rei delatum indicium idipsum suppressit? quod non fuisse vanum, Dymni exitus declarat. Incertam rem deferens, tormenta non timuit. Ceballinus ne momentum quidem temporis dissulit exonerare se, ut eò, ubi lavabar, irrumperet. Philotas solus nihil timuit, nihil credidit. O magni animi virum! Ille Regis periculo, cum moneretur, vultum non mutaret? indicem tanta rei sollicitus non audiret? Subest nimirum silentio facinus, & avida spes regni præcipitem animum ad ultimum nefas impulit. Pater Media præest. Ipse apud multos copiarum duces meis præpotens viribus, majora, quam capit, sperat. Orbitas quoque*



*que mea , quodd sine liberis sum , spernitur . Sed errat Philotas : In vobis liberos , parentes , consanguineos habeo ; vobis salvis , orbus esse non possum . Epistolam deinde Parmenionis interceptam , quam ad filios Nicanorem & Philotam scripserat , recitat , haud sanè indicium gravioris consilii præferentem . Namque summa ejus hæc erat . Primum vestri curam agite , deinde vestrorum : sic enim , qua destinavimus , efficiemus . Adjecitque Rex , Sic esse scriptam , ut , siue ad filios pervenisset , a consociis posset intelligi ; siue intercepta esset , falleret ignaros . At enim Dymnus , cum ceteros participes sceleris indicaret , Philotam non nominavit . Hoc quidem illius non innocentia , sed potentia indicium est ; quod sic ab iis timetur etiam , a quibus prodi potest , ut , cum de se fateantur , illum tamen celent . Ceterum Philotam ipsius indicat vita , Hic Amynta , qui mihi consobrinus fuit , & in Macedonia capiti meo impias comparavit insidias , socium se , & consocium adjunxit . Hic Attalo , quo gravio rem inimicum non habui , sororem suam in matrimonium dedit . Hic , cum scripsissem ei pro jure tam familiaris usus atque amicitia , qualis sors edita esset Jovis Ammonis oraculo ; sustinuit rescribere mihi . Se quidem gratulari , quodd in numerum Deorum receptus essem ; ceterum misereri eorum , quibus vivendum esset sub eo , qui modum hominis excederet . Hæc sunt etiam animi , pridem alienati a me , & invidentis gloria*

gloria mea, indicia: qua equidem, milites, quandiu licuit, in animo meo pressi. Videbar enim mihi partem viscerum meorum abrumpere, si, in quos tam magna contuleram, viliores mihi facerem. Sed jam non verba punienda sunt; lingua temeritas pervenit ad gladios. Hos (si mihi creditis) Philotas in me acuit; si ipsum dimisero, quò me conferam, milites? cui caput meum credam? Equitatus, optima exercitus parti, principibus nobilissima juventutis unum praefeci: salutem, spem, victoriam meam fidei ejus tutelaque commisi: patrem in idem fastigium, in quo me ipsi posuistis, admovi. Mediam, quae nulla opulentior regio est, tot civium sociorumque millia imperio ejus ditionique subjeci. Unde praesidium petieram, periculum exstitit. Quà felicitè in acie occidissem, potius hostis praeda, quàm civis victima? Nunc servatus ex periculis, quae sola timui, in hac incidi, quae timere non debui. Soletis identidem a me, milites, petere, ut saluti meae parcam. Ipsi mihi prestare potestis, quod suadetis, ut faciam. Ad vestras manus, ad vestra arma confugio: invitis vobis, salvus esse nolo; volentibus, non possum, nisi vindicor. Tum Philotam, religatis post tergum manibus, obsoleto amiculo velatum jussit induci. Facile apparebat motos esse tam miserabili habitu, non sine invidia paulò ante conspecti. Ducem equitatus pridie viderant, sciebant Regis interfuisse convivio; repentè non reum modò, sed etiam damna-

damnatum, imo vinctum intuebantur. Subibat animos Parmenionis quoque, tantiducis, tam clari civis fortuna, qui modò duobus filiis Hectore & Nicanore orbatus, cum eo, quem reliquam calamitas fecerat, absens diceret causam. Itaque Amyntas Regis Prætor, inclinantem ad misericordiam, concionem rursus aspera in Philotam oratione commovit: *Proditos eos esse Barbaris; neminem ad conjugem suam, neminem in patriam & ad parentes fuisse rediturum: velut truncum corpus, dempto capite, sine spiritu, sine nomine, in aliena terra ludibrium hostis futuros.* Haudquaquam pro re ipsius Amyntæ oratio grata Regi fuit, quòd conjugum, quòd patriæ admonitos, pigriores ad cætera munia exequenda fecisset. Tunc Cœnus, quanquam Philotæ sororem matrimonio secum conjunxerat, tamen acrius, quàm quisquam in Philotam invectus est; parricidam esse Regis, patriæ, exercitus, clamitans: saxumque, quod fortè ante pedes jacebat, arripuit, emissurus in eum, ut plerique credidere; tormentis subtrahere cupiens: sed Rex manum ejus inhibuit, dicendæ prius causæ debere fieri potestatem, nec aliter judicari passurum se, affirmans. Tum dicere rursus permissus Philotas, siue conscientia sceleris, seu periculi magnitudine amens & attonitus, non attollere oculos, non hiscere audebat. Lachrymis deinde manantibus, linquente animo, in eum, a quo

quo tenebatur, incubuit: absterfisque amiculo ejus oculis, paulatim recipens spiritum ac vocem, dicturus videbatur. Jamque Rex intuens eum, Macedones, inquit, de te judicaturi sunt: quero, an patrio sermone sis apud eos usurus? Tum Philotas: Prater Macedonas, inquit, plerique adsunt, quos facilius, qua dicam, percepturos arbitror, si eadem lingua fuero usus, qua tu egisti: non ob aliud, credo, quam ut oratio tua intelligi posset a pluribus. Tum Rex: Ecquid videtis odio etiam sermonis patrii Philotam teneri? Solus quippe fastidit eum dicere. Sed sanè, dicat utcunque cordi est, dum memineritis, aquè illum a nostro more atque sermone abhorrere. Atque ita concione excessit.

10 Tum Philotas: Verba, inquit, innocenti reperire facilè est, modum verborum misero tenere difficile. Itaque inter optimam conscientiam, & iniquissimam fortunam destitutus, ignoro quo modo & animo meo & tempori paream. Abest quidem optimus causa mea iudex: qui cur ne ipse audire noluerit, non mebercule excogito, cum illi utique, cognita causa, tam damnare me liceat, quam absolvere. Non cognita verò, liberari ab absente non possum, qui a prasente damnatus sum. Sed quamquam victi hominis non supervacua solùm, sed etiam invisa defensio est, qua iudicem non docere videtur, sed arguere: tamen, utcunque licet dicere, me met ipse non deferam, nec committam, ut  
damna-

*damnatus etiam mea sententia videar. Equidem, cujus criminis reus sim, non video. Inter conjuratos nemo me nominat. De me Nicomachus nihil dixit. Ceballinus plus quàm audierat, scire non potuit. Atqui conjurationis caput me fuisse credit Rex. Potuit ergo Dymnus eum praterire, quem sequebatur? praesertim cum quarenti socios vel falsò fuerim nominandus, quò faciliùs, qui tentabatur, posset impelli. Non enim detecto facinore nomen meum prateriit, ut posset videri socio pepercisse. Nicomachus, quem taciturnum arcana de semet ipso credebat, confessus, aliis nominatis, me unum subtraherebat. Quaso, commilitones, si Ceballinus me non adisset, nihil me de conjuratis scire voluisset: num hodie dicerem causam, nullo me nominante? Dymnus sanè & vivat adhuc, & velit mihi parcere: quid ceteri, qui de se confitebuntur? me videlicet subtrahent? Maligna calamitas, & verè noxia, cum quis suo supplicio acquiescit pro alio cruciatus. Tot conscii ne in equuleum quidem impositi verum fatebuntur? Atqui nemo parcat morituro, nec cuiquam moriturus, ut opinor. Ad verum crimen, & ad unum revertendum mihi est. Cur rem delatam ad te tacuisti? cur tam securus audisti? Hoc quaecunque est, confesso mihi, ubicumque es, Alexander, remisisti: dexteram tuam amplexus, reconciliati pignus animi, convivio quoque interfui. Si credidisti mihi, absolutus sum: si pepercisti, dimis-*

dimissus. Vel iudicium tuum serva. Quid hac proxima nocte; qua digressus sum a mensa tua, feci? quod novum facinus delatum ad te mutavit animum tuum? Gravi sopore acquiescebam, cum me malis indormientem meis, inimici vinciendo excitarunt. Unde & parricida & proditori tam alti quies somni? scelerati, conscientia obstreperante, cum dormire non possint, agitant eos furia, non consummato modo, sed & cogitato parricidio. At mihi securitatem primum innocentia mea, deinde dextera tua obtulerat. Non timui, ne plus aliena crudelitati apud te liceret, quam clementia tua. Sed ne te mihi credidisse poeniteat, res ad me deferrebat a puero, qui non testem, non pignus indicii exhibere poterat, impleturus omnes metu, si cepisset audiri. Amatoris & scorti iurgio interponi aures meas, credidi infelix, & fidem ejus suspectam habui, quod non ipse deferret, sed fratrem potius subornaret. Timui, ne negaret mandasse se Ceballino, & ego viderer multis amicorum Régis fuisse periculi causa. Sic quoque cum laferim neminem, inveni, qui mallet perire me, quam incolumem esse. Quid inimicitiarum creditis excepturum fuisse, si insontes lacegissem? At enim Dymnus se occidit. Num igitur facturum eum divinare potui? Minimè. Ita quod solum indicio fidem fecit, id me, cum a Ceballino interpellatus sum, movere non potuit. At bercule, si conscius Dymno tanti sceleris fuissem, biduo illo proditor esse nos, dissi-

dissimulare non debui. Ceballinus ipse tot-  
 li de medio nullo negotio potuit. Denique  
 post delatum indicium, quo periturus  
 eram, cubiculum Regis solus intravi,  
 ferro quidem cinctus. Cur distuli fa-  
 cinus? An sine Dymno non sum ausus?  
 Ille igitur princeps conjurationis fuit:  
 sub illius umbra Philotas latebam, qui  
 regnum Macedonum affecto. Equis e  
 vobis corruptus est donis? quem ducem,  
 quem Praefectum impensius colui? Mibi  
 quidem obicitur, quod societatem patriæ  
 sermonis asperner, quod Macedonum mo-  
 res fastidiam. Sic ego imperio, quod dedi-  
 gnor, immineo. Jam pridem natus ille  
 sermo commercio aliarum gentium exole-  
 vit: tam victoribus, quam victis peregrina  
 lingua discenda est. Non me hercule istæ  
 me magis ladunt, quam quod Amyntas  
 Perdicca filius insidiatus est Regi: cum quo  
 quod amicitia fuerit mihi, non recuso de-  
 fendere, si fratrem Regis non oportuit dili-  
 gi a nobis. Sin autem in illo fortuna gradu  
 positum, etiam venerari necesse erat, utrum,  
 quaeso, quod non divinavi, reus sum? An  
 impiorum amicis insontibus quoque mo-  
 riendum est? Quod si æquum est, cur tam  
 diu vivo? si injustum, cur nunc demum oc-  
 cidor? At enim scripsi: Misereri me eorum,  
 quibus vivendum esset sub eo, qui se Jovis  
 filium crederet. Fides amicitia, veri con-  
 sili periculosa libertas, vos me decepi-  
 stis: vos, qua sentiebam, ne reticerem,  
 impulistis. Scripsisse me hoc fateor Re-

gi, non de Rege; non enim faciebam, invidiam, sed pro eo timebam. Dignior mihi Alexander videbatur, qui Jovis stirpem tacitus agnosceret, quam qui prädicatione jactaret. Sed quoniam oraculi fides certa est, sit Deus causa mea testis. Retinete me in vinculis, dum consultur Hammon interim. Qui Regem nostrum dignatus est filium, neminem eorum, qui stirpi sua insidiati sunt, latere patietur. Si certiora oraculis creditis esse tormenta, ne hanc quidem exhibenda veritatis fidem deprecor. Solent rei capitis adhibere vobis parentes. Duos fratres ego nuper amisi: patrem nec ostendere possum, nec invocare audeo, cum & ipse tanti criminis reus sit. Parum est enim tot modò liberorum parentem, in unico filio acquiescentem, eo quoque orbari, ni ipse in rogam meum imponitur. Ergo, charissime pater, & propter me morieris, & mecum. Ego tibi vitam adimo, ego senectutem tuam extinguo. Quid enim me procreabas infelicem adversantibus Diis? an ut hos ex me fructus perciperes, qui te manent? Nescio, adolescentia mea miserior sit, an senectus tua. Ego in ipso robore atatis eripior: tibi carnifex spiritum adimet, quem si fortuna expectare voluisset, natura reposcebat. Admonuit me patris mei mentio, quam timide & cunctanter, qua Ceballinus detulerat ad me, indicare debuerim. Parmenio enim cum audisset venenum a Philippo medico Re-



gi parari, detertere cum voluit epistola scripta, quò minus medicamentum biberat, quod medicus dare constituerat. Num creditum est patri meo? Num ullam auctoritatem ejus littera habuerunt? Ego ipse quoties, qua audieram, detuli, cum ludibrio credulitatis repulsus sum. Si & cum indicamus, invisi; & cum tacemus, suspecti sumus: quid facere nos oportet? Cumque unus e circumstantium turba exclamasset, Bene meritis non insidiari: Philotas, Responde, inquit, quisquis es, dicis. Itaque si insidiatus sum, poenam non deprecor; & finem facio dicendi, quoniam ultima verba gravia sunt auribus vestris. Abducitur deinde ab iis, qui custodiebant eum.

II Erat inter duces manu strenuus Belon quidam, pacis artium & civilis habitus rudis, vetus miles, ab humili ordine ad eum gradum, in quo tunc erat, promotus: qui, tacentibus ceteris, stolidâ audaciâ ferox, admonere eos cœpit, quoties suis quisque diversoriis, quæ occupassent, deturbatus esset, ut purgamenta servorum Philotæ reciperentur eò, unde commilitones expulisset; auro argentoque vehicula ejus onusta totis vicis fletisse: ac ne in vicinia quidem diversorii quæquam commilitonum receptum esse: sed per dispositos, quos ad sonum habebat, omnes procul relegatos, ne fremitu ullo murmurantium inter se, silentio veriùs quàm sono, excitaretur. Ludibrio ei fuisse rusticos homines, Phrygasque & Paphlagonas

nas appellatos, qui non erubesceret, Macedo natus, homines linguæ suæ per interpretem audire. Cur Hammonem consuli veller? eundem Jovis arguisse mendacium, Alexandrum filium agnoscentis, scilicet, veritum ne invidiosum esset, quod Dii offerrent. Cùm insidiaretur capiti Regis & amici, non consuluisse eum Jovem, nunc ad oraculum mittere, dum pater ejus sollicitaretur, qui præsit in Media: & pecunia, quæ ejus custodiæ commissa sit, perditos homines ad societatem sceleris impellat. Ipsos missuros ad oraculum, non qui Jovem interrogent, quod ex Rege cognoverint; sed qui gratias agant, qui vota pro incolamitate Regis optimi persolvant. Tum verò universa concio accensa est, & a corporis custodibus initium factum, clamantibus, discerpendum esse, parricidam manibus eorum. Id quidem Philotas, qui graviora supplicia metueret, haud sanè iniquo animo audiebat. Rex in concionem reversus, sive ut in custodia quoque torqueretur, sive ut diligentius cuncta cognosceret, concilium in posterum diem distulit. Quanquam in vespere inclinabat dies, tamen amicos convocari jubet: & cæteris quidem placebat, Mæcedonum more, obrui saxi. Hephæstion autem, & Craterus, & Cœnus, tormentis veritatem exprimendam esse dixerunt: & illi quoque, qui aliud suaserant, in horum sententiam transeunt. Concilio ergo dimisso, Hephæstion cum Cratero

tero & Cœno ad quæstionem de Philota habendam confurgunt. Rex, Cratæro accersito, & sermone habito, cujus summa non edita est, in intimam diversorii partem secessit, & remotis arbitris, in multam noctem quæstionis expectavit eventum. Tortores in conspectu Philotæ omnia crudelitatis tormenta proponunt. Et ille ultro: *Quid cessatis*, inquit, *Regis inimicum, interfectorem, consistentem, occidere? quid quæstione opus est? Cogitavi, volui.* Craterus exigere, ut, quæ confiteretur, in tormentis quoque diceret. Dum corripitur, dum obligantur oculi, dum vestis exuitur, gentium jura, Deos patrios nequicquam apud surdas aures invocabat. Per ultimos deinde cruciatus, utpote damnatus, & inimicis in gratiam Regis torquentibus, laceratur. Ac primo quanquam hinc ignis, illinc verbera, jam non ad quæstionem, sed ad pœnam ingerebantur, non vocem modò, sed etiam gemitus habuit in potestate. Sed postquam intumescens corpus ulceribus, flagellorum ictus nudis ossibus incussos ferre non poterat; si tormentis adhiberi modum essent, dicturum se, quæ scire expeterent, pollicetur. Sed finem quæstioni fore, jurare eos per Alexandri salutem, volebat, removerique tortores. Et utroque impetrato, Cratæro inquit: *Dic quid me velis dicere.* Illo indignante ludificari, rursusque revocante tortores, tempus petere cœpit, dum reciperet spiritum,

cuncta, quæ sciret, indicaturus. Interim equites, nobilissimus quisque, & ii maxime, qui Parmenionem propinqua cognatione contingebant, posteaquam Philotam torqueri fama vulgaverat, legem Macedonum veriti, quæ cautum erat, ut propinqui eorum, qui Regi insidiati erant, cum ipsis necarentur: alii se interficiunt, alii in devios montes vastasque solitudines fugiunt, ingenti per tota castra terrore diffuso; donec Rex, tumultu cognito, legem se supplicii conjunctis fontium remittere edixit. Philotas varòne an mendacio liberare se a cruciatu voluerit, anceps conjectura est: quoniam & vera confessis, & falsa dicentibus, idem doloris finis ostenditur. Cæterum Pater, inquit, meus, Hegelochus quàm familiariter usus sit, non ignoratis. Illum dico Hegelochum, qui in acie cecidit. Ille omnium malorum nobis causa fuit. Nam cum primum Jovis filium se salutare iussit Rex: id indignè ferens ille: Hunc igitur regem agnoscimus, inquit, qui Philipponi dedignatur patrem? Actum est de nobis, si ista perpeti possumus. Non homines solùm, sed etiam Deos despicit, qui postulat Deus credi. Amisimus Alexandrum, amisimus Regem: incidimus in superbiam, nec Diis, quibus se exæquat, nec hominibus, quibus se eximit, tolerabilem. Nostrum sanguine Deum fecimus, qui nos fastidiat? qui gravetur mortalium adire concilium? Credite mihi, & nos, si viri sumus,

mus, a Diis adoptabimur. Quis proavum hujus Alexandrum, quis deinde Archelaum, quis Perdiccam occisos ultus est? hic quidem intersectoribus patris ignovit. Hæc Hegelochus dixit super cœnam; & postero die prima luce a patre accersor. Tristis erat, & me mœstum videbat: audieramus enim, quæ sollicitudinem incuterent. Itaque ut experiremur, utrumne vino gravatus effudisset illa, an altiore concepta consilio, accersiri eum placuit, ac venire: eodemque sermone ultro repetito, adjecit, se, sive auderemus duces esse, proximas a nobis partes vindicaturum: sive deesset animus, consilium silentio esse testurum. Parmenioni, viro adhuc Dario, intempestiva res videbatur; non enim sibi, sed hosti esse occisuros Alexandrum; Dario verò sublato, præmium Regis occisi Asiam, & totum Orientem intersectoribus esse cessurum; approbatoque consilio, in hæc fides data est & accepta. Quod ad Dymnum pertinet, nihil scio; & hæc confessus, intelligo, non prodesse mihi quoddam prorsus sceleris expers sum. Illi rursus tormentis admotis, cum ipsi quoque hastis os oculosque ejus everberarent, ut hoc quoque crimen confiteretur, expressere. Exigentibus deinde, ut ordinem cogitati sceleris exponeret: cum diu Bactra retentura Regem viderentur, timuisse, respondit, ne pater Lxx, natus annos, tanti exercitus dux, tantæ pecuniæ custos, interim extingueretur, ipsique spo-

liato tantis viribus, occidendi Regis causa non esset. Festinasse ergo se, dum præmium haberet in manibus. Repræsentasse consilium, cujus patrem fuisse authorem si crederent, tormenta, quanquam tolerare non posset, tamen non recusare. Illi collocuti, satis quæsitum videri, ad Regem revertuntur, qui postero die, & quæ confessus erat Philotas, recitari; & ipsum, quia ingredi non poterat, jussit afferri. Omnia agnoscente eodem, Demetrius, qui proximi sceleris particeps esse arguebatur, producit, multa affirmatione, animique pariter constantia, & vultu abnuens, quidquam sibi in Regem cogitatum esse. Tormenta etiam deposcebat in semetipsum. Cum Philotas, circumlatis oculis, incideret in Calin quendam haud procul stantem, propius eum jussit accedere. Illo perturbato, & recusante transire ad eum: *Patieris, inquit, Demetrium mentiri, rursusque excruciar?* Calin vox sanguisque defecerant, & Macedones Philotam inquinare innoxios vel se suspicabantur, quia nec a Nicomacho, nec ab ipso Philota, cum torqueretur, nominatus esset adolescens: qui ut præfectos Regis circumstantes se vidit, Demetrium & semetipsum id facinus cogitasse confessus est. Omnes ergo a Nicomacho nominatos, more patrio dato signo, saxis obruerunt. Magno non modò salutis, sed etiam vitæ periculo liberatus erat Alexander, Quippe Parmenio & Philotas principes

cipes amicorum, nisi palam fontes, sine indignatione totius exercitus non potuissent damnari. Itaque anceps quæstio fuit. Dum inficiatus est facinus, crudeliter torqueri videbatur: post confessionem, Philotas ne amicorum quidem misericordiam meruit.



## LIBER VII.

## Breviarium Libri.

1 **A**lexander Lyncestem majestatis reum interfici curat : deinde in Amyntam & Simmiam , Philota amicos , inquit , qui suam innocentiam gravi oratione tuentur .

2 Amynta & fratribus in gratiam receptis , Polydamas a rege jussus , in Mediam celeriter profectus , Parmenionem interfici curat . Unde indignatio & seditio , quæ tandem extinguitur .

3 Varios populos sub jugum mittit Alexander , ac septendecim diebus cum exercitu Caucasum superat .

4 Bessus de bello adversus Alexandrum inter epulas consultat , sapientique Cobaris consilio minimè acquiescit . Interim Rex Bactra pervenit , ubi Gracorum defectione & Satibarzane singulari certamine occiso , advenit ei nuncius .

5 Exercitus Alexandri filii liberatus Oxum amnem industriè trajicit : Bessus dolo captus ad Alexandrum adducitur , a quo Darii fratri Oxatri crucifigendus traditur .

6 Barbarorum & Macedonum benevolentiam varias expugnat urbes . Sed & Alexandriam ad Tanaim condit amnem , brevissimoque temporis absolvit spatio .

7 De bello Scythis inferendo Alexander  
ager



ager ex vulnere cum suis init consilium; Arislander vates regis voluntati extorum accommodat significata. Menedemus & Spitamene per insidias cum duobus pedum millibus & ccc equitibus a Dabhis interficitur: quod callidè admodum dissimulat Alexander.

8 Dum exercitus ad bellum accingitur, Scytharum legati adveniunt, ac de pace prorsus egregiam ad Alexandrum orationem habent.

9 Alexander, legatis dimissis, Tanais trajicit: bellum Scythis infert: & cum victis benignè agit.

10 Sogdianorum nobilium invictus animus. Bessi supplicium: novo milite auctus Alexandri exercitus.

11 Petram urbem amplissimam, situ naturaque loci ferè inexpugnabilem, ad deditionem cogit Alexander.



**P**HILOTAM sicut recentibus sceleris ejus vestigiis jure affectum supplicio censuerant milites : ita , posteaquam desiderat esse , quem odissent , invidia in misericordiam vertitur . Moverat & claritas juvenis , & patris ejus senectus , atque orbitas . Primus Asiam aperuerat Regi , omnium periculorum ejus particeps , semper alterum acie cornu defenderat : Philippo quoque ante omnes amicus , & ipsi Alexandro tam fidus , ut occidendi Attalum non alio ministro uti mallet . Horum cogitatio subibat exercitum , seditiosæque voces referebantur ad Regem ; queis ille haud sanè motus , satisque prudens , otii vitia negotio discuti , edicit , ut omnes in vestibulo regiae præsto afforent : quos ubi frequentes adesse cognovit , in concionem processit . Haud dubiè ex composito Apharias postulare cœpit , ut Lyncestes Alexander , qui multò antequam Philotas , Regem voluisset occidere , exhiberetur . A duobus indicibus ( sicut supra diximus ) delatus , tertium jam annum custodiebatur in vinculis . Eundem in Philippi quoque cædem conjurasse cum Pausania , pro comperto fuit : sed quia primus Alexandrum Regem salutaverat , supplicio magis , quàm crimini fuerat exemptus . Tum quoque Antipatri soceri ejus preces justam Regis iram morabantur . Cæterum recruduit soporatus dolor : quippe veteris periculi memoriam ,

riam, præsentis cura renovabat. Igitur Alexander ex custodia educitur, iustusque dicere, quanquam toto triennio meditantus erat defensionem, tamen hæsitans & trepidus, pauca ex iis, quæ composuerat, protulit: ad ultimum non memoria solum, sed etiam mens eum defecit. Nulli erat dubium, quin trepidatio conscientie indicium esset, non memorie vitium. Itaque ex iis, qui proxime assisterant, oblectantem adhuc oblivioni, lanceis confoderunt: ejus corpore ablato, Rex introduci iussit Amyntam & Simmiam; nam Polemon minimus ex fratribus, cum Philotam torqueri comperisset, profugerat. Omnium Philotæ amicorum hi charissimi fuerant, ad magna & honorata ministeria illius maxime suffragatione producti: memineratque Rex summo studio ab eo conciliatos sibi. Nec dubitabat, hujus quoque ultimi consilii fuisse participes. Igitur olim esse sibi suspectos matris suæ litteris, quibus esset admonitus, ut ab his salutem suam tueretur; cæterum se invitum deteriora credentem, nunc manifestis indicibus victum iussisse vinciri. Nam pridie quam delegeretur Philotæ seclus, quin in secreto cum ipso fuissent, non posse dubitari. Fratrem verò qui profugerit, cum Philotas surqueretur, aperuisse fugæ causam. Nuper præter consuetudinem, officii specie, amotis longius cæteris, admovisse semet ipsos lateri suo, nulla probabili causa: seque mirantem, quòd non vice sua, tali

fungerentur officio, & ipsa trepidatione eorum perterritum, strenuè ad armigeros, qui proximè sequebantur, recessisse. Ad hoc accedere, quòd cum Antiphanes scriba equitum Amyntæ denuntiasset, pridie quàm Philotæ scelus deprehensum esset, ut ex suis equis, more solito, daret iis, qui amisissent suos: superbè respondisse, nisi incepto desisteret, brevè sciturum, quis ipse esset. Jam linguæ violentiam, temeritatemque verborum, quæ in semetipsum jacularentur, nihil aliud esse, quàm scelesti animi indicem ac testem: quæ si vera essent, idem meruisse eos, quod Philotam: si falsa, exigere ipsum, ut refellant. Productus deinde Antiphanes, de equis non traditis, & adjectis etiam superbè minis indicat. Amyntas, facta dicendi potestate: *Si nihil, inquit, interest Regis; peto, ut, dum dico, vinculis liberer.* Rex solvè utrumque jubet: desiderantique Amyntæ, ut habitus quoque redderetur, armigeri lanceam dari jussit: quam ut lævâ comprehendit, evitato eo loco, in quo Alexandri corpus paulò ante jacuerat, *Qualiscunque, inquit, exitus nos manet, Rex, constemur, prosperum tibi debitaros, triflorem fortuna imputaturos.* Sine prajudicio dicimus causam, liberis corporibus animisque: habitum etiam, in quo te comitari solemus, reddidisti. Causam non possumus, fortunam timere desinemus. Te quaeso, permittas mihi id primam defendere, quòd a te ultimum objectum est.

Nos

Nos, Rex, sermonis adversus majestatem tuam habiti nullius conscit sumus nobis. Dicerem, jam pridem vicisse te invidiam: nisi periculum esset, ne alia malignè dicta crederes blanda oratione purgari. Ceterum, etiamsi militis tui vel in agmine deficientis & fatigati, vel in acie periclitantis, vel in tabernaculo agri, & vulnera curantis, aliqua vox asperior esset accepta; merueramus fortibus factis, ut malles eam tempori nostro imputare, quàm animo. Cum quid accidit tristius, omnes rei sunt, corporibus nostris, qua utique non odimus, infestas admovemus manus: parentes liberis, si occurrant, & ingrati & invisi sunt. Contra, cum donis honoramur, cum praemiis onusti revertimur, quis ferre nos potest? quis illam animorum alacritatem continere? Militantium nec indignatio, nec letitia moderata est. Ad omnes affectus impetu rapimur; vituperamus, laudamus, miseremur, irascimur. Utcunque praesens movit affectio, modò Indiam adire & Oceanum libet, modò conjugum & liberorum patriaque memoria occurrit. Sed has cogitationes, has inter se colloquentium voces, signum tuba datam finit. In suos ordines quisque currimus, & quidquid irarum in tabernaculo conceptum est, in hostium effunditur capita. Utinam Philotas quoque intra verba peccasset. Proinde ad id revertar, propter quod rei sumus. Amicitiam, qua nobis cum Philota fuit, aded non inficio, ut expetisse quoque

quoque nos, magnosque ex ea fructus percipisse confitear. An verò Parmenionis, quem tibi proximum esse voluisti, filium, omnes penè amicos tuos dignatione vincentem, cultum a nobis esse miraris? Tu hercule (si veram audire vis) Rex, hujus nobis periculi causa es. Quis enim alius effecit, ut ad Philotam decurrerent, qui placere vellent tibi? Ab illo traditi, ad hunc gradum amicitia tua ascendimus. Is apud te fuit, cujus gratiam expetere, & iram timere possemus. An non propemodum in tua verba, tui omnes, te praeunte, juravimus, eosdem nos inimicos amicosque habituros esse, quos tu haberes? hoc sacramento pietatis obstricti adversaremur scilicet, quem tu omnibus praeferbas? Igitur si hoc crimen est, tu paucos innocentes habes, imo hercule neminem. Omnes enim Philota amici esse voluerunt: totidem, quos volebant, esse non poterant. Ita si a consociis amicos non dividis, nec ab amicis quidem separabis illos, qui idem esse voluerunt. Quod igitur conscientia affertur indicium? ut opinor, quia pridie familiariter, & sine arbitris locutus est nobiscum. At ego purgare non possem, si pridie quicquam ex veteri vita ac more mutassem. Nunc verò, si, ut omnibus diebus, illo quoque, qui suspectus est, fecimus: consuetudo diluet crimen. Sed equos Antiphani non dedimus, & pridie quam Philotas detectus est; hac mihi cum Antiphane res erat; qui si nos suspectos facere vult, quod illo  
dis

die equos non dederim, semetipsum, quod eos desideraverat, purgare non poterit. anceps enim crimen est inter retinentem, & exigentem; nisi quod melior est causa suum non tradentis, quam poscentis alienum. Caterum, Rex, equos decem habui, & quos Antiphanes octo jam distribuerat iis, qui amiserant suos. Omnino duos ipse habebam; quos cum vellet abducere homo superbissimus, certe iniquissimus, nisi pedes militare vellem, retinere cogebar. Nec inficias eo, liberi hominis animo locutum esse me cum ignavissimo, & hoc unum militia sua usurpante, ut alienos equos pugnaturis distribuat. Huc enim malorum ventum est, ut verba mea eodem tempore & Alexandro exousem, & Antiphani. At hercule mater de nobis inimicis tibi scripsit. Utinam prudentius esset sollicita pro filio, & non inanes quoque species anxio animo figuraret. Quare enim non adscribit metus sui causam? Denique non ostendit authorem, quo facto discove nostro mota, tam trepidas tibi literas scripsit. O miseram conditionem meam, cui forsitan non periculosius est tacere, quam dicere. Sed utcumque cessura res est, malo tibi defensionem meam displicere, quam causam. Agnosces autem qua dicturus sum: quippe meministi, cum me ad perducendos ex Macedonia milites mitteres, dixisse te, multos integros iuvenes in domo tua matris abscondi. Præcepisti igitur mihi, ne quem, præter te, impinger, sed hæc res

*militiam perducerem ad te. Quod equidem feci, & liberius, quàm expediebat mihi, executus sum imperium tuum. Gorgiam, & Hacataum, & Gorgatam, quorum bona opera uteris, inde perduxì. Quid igitur iniquius est, quàm me, qui, si tibi non paruissem, jure daturus fui pœnas, nunc perire, quia parui? Neque enim ullâ alia matri tuæ persequendi nos causa est, quàm quòd utilitatem tuam muliebri preposuimus gratia. Sex millia Macedonum peditum, & DC. equites adduxi: quorum pars secutura me non erat, si militiam detrectantibus indulgere voluissem. Sequitur ergo, ut, quia illa propter hanc causam irascitur nobis, tu mitiges matrem, qui ira ejus nos obtulisti.*

2. Dum hæc Amyntas agit, fortè supervenerunt qui fratrem ejus Polemonem, de quo ante dictum est, fugientem, consecuti vinctum reducebant. In festâ concio vix inhiberi potuit, quin protinus suo more saxa in eum jaceret. Atque ille sanè interritus; Nihil, inquit, pro me deprecor, modò ne fratrum innocentia fugæ imputetur mea. Hæc si defendi non potest, meum crimen sit. Horum ob id ipsum melior est causa, quòd ego, qui profugi, suspectus sum. Hæc elocuto universa concio assensa est. Lachrymæ deinde omnibus manare cœperunt, aded in contrarium repentè mutatis, ut solùm pro eo esset, quod maximè læserat. Juvenis erat primò ætatis flore pubescens, quem inter equi-



equites tormentis Philotæ conturbatos alienus terror abstulerat. Desertum eum a comitibus, & hæsitantem inter reverendi fugiendique consilium, qui secuti erant, occupaverunt. Is tum flere cœpit, & os suum converberare, mœstus non suam vicem, sed propter ipsum periclitantium fratrum. Moveratque jam Regem, non concionem modò; sed unus erat implacabilis frater, qui terribili vultu intuens eum, Tum, ait, *demens lachrymare debueras, cùm equo calcaria subderes, fratrum desertor & desertorum comes. Miser, quò, & unde fugiebas? Effecisti ut reus capitis, accusatoris uterer verbis.* Ille peccasse se, sed gravius in fratres, quàm in semetipsum, fatebatur. Tum verò, neque lachrymis, neque acclamationibus, quibus studia sua multitudo profitetur, temperaverunt. Una vox erat pari emissa consensu, ut insontibus & fortibus viris parceret. Amici quoque, data misericordiæ occasione, consurgunt; flentesque Regem deprecantur. Ille. silentio facto, Et ipse, inquit. *Amyntam mea sententia fratresque ejus absolvo. Vos autem juvenes malo beneficii mei obliviscì, quàm periculi vestri meminisse. Ea fide redite in gratiam mecum, qua ipse vobiscum revertor. Nisi quæ delata essent, excussissem, valde dissimulatio mea suspecta esse potuisset. Sed satius est purgator esse, quàm suspector. Cogitate, neminem absolvi posse, nisi qui dixeris causam. Tu, Amynta, ignosce fratri tuo.*  
erit

erit hoc simpliciter etiam mihi reconcilia-  
 ti animi tui pignus. Concione deinde di-  
 missa, Polydamanta vocari jubet. Longè  
 acceptissimus Parmenioni erat, proximus  
 lateri in acie stare solitus. Et quanquam  
 conscientia fretus, in regiam venerat; ta-  
 men, ut iussus est fratres suos exhibere ad-  
 modum juvenes, & Regi ignotos ob æta-  
 tem, fiducia in solitudinem versa, tre-  
 pidare coepit: sæpius quæ nocere possent,  
 quàm quibus eluderetur, reputans. Jam  
 armigeri, quibus imperatum erat, produ-  
 xerant eos, cùm ex sanguine metu Poly-  
 damanta propius accedere jubet: submo-  
 tisque omnibus; Scelere, inquit, Parme-  
 nionis omnes pariter appetiti sumus: ma-  
 xime ego ac tu, quos amicitia specie fefel-  
 dit; ad quem persequendum puniendum-  
 que (vide, quantum fidei tua credam) te  
 ministro uti statui. Obsides, dum hoc pe-  
 ragis, erunt fratres tui. Proficiscere in-  
 Mediam, & ad Praefectos meos literas scri-  
 ptas manu mea perfer. Velocitate opus est,  
 qua celeritatem fama antecedas. Noctū  
 pervenire illuc te volo: postero die, qua scri-  
 pta erunt, exequi. Ad Parmenionem quo-  
 que epistolas feres; unam a me, alteram  
 Philota nomine scriptam. Signum anuli  
 ejus in mea potestate est. Sic pater credens  
 a filio impressum, cum te videris, nihil  
 metues. Polydamas, tanto liberatus me-  
 tu; impensius etiam, quàm exigebatur,  
 promittit operam. Collaudatusque, &  
 amicis oneratus, deposita veste, quam  
 habet

habebat, Arabica induitur. Duo Arabes, quorum interim conjuges ac liberi, vinculum fidei, obsides apud Regem erant, dati comites. Per deserta etiam ob siccitatem loca, camelis undecima die, quod destinauerat, pervenit. Et prius quàm ipsius nuntiaretur adventus, rursus Polydamas vestem Macedonicam sumit, & in tabernaculum Cleandri (Prætor hic regius erat) quarta vigilia pervenit. Redditis deinde literis, constituerunt prima luce ad Parmenionem coire. Namque ceteri quoque, quibus literas Regis attulerat, ad eum venturi erant, cum Parmenioni Polydamanta venisse nuntiaverunt: qui dum lætantur adventu amici, simulque noscendi, quæ Rex ageret, avidus (quippe longo intervallo nullam ab eo epistolam acceperat) Polydamanta requiri jubet. Diversoria regionis illius magnos recessus habent, amœnosque nemoribus manu confitis. Ea præcipuè Regum Satraparumque voluptas erat. Spatiabatur in nemore Parmenio, medius inter duces: quibus erat imperatum litteris Regis, ut occiderent. Agendæ autem rei constituerant tempus, cum Parmenio a Polydamante litteras traditas legere cœpisset. Polydamas procul veniens, ut a Parmenione conspectus est, vultu lætitiæ speciem præferente, ad complectendum eum cucurrit: mutuaque gratulatione functi, Polydamas epistolam a Rege scriptam ei tradidit. Parmenio vinculum epistolæ solvens, quidnam

nam Rex ageret, requirebat. Ille, ex  
 ipsis litteris cogniturum esse, respondit.  
 Quibus Parmenio lectis, Rex, inquit, ex-  
 peditionem parat in Arachosios, Strenuum  
 hominem, & nunquam cessantem. Sed  
 tempus, salutis sue, tanta jam parta glo-  
 ria, parcere. Alteram deinde epistolam  
 Philotæ nomine scriptam, lætus, quod ex  
 vultu notari poterat, legebat. Tum ejus  
 latus gladio haurit Cleander, deinde ju-  
 gulum ferit: cæteri exanimem quoque  
 confodiunt. Et armigeri, qui ad aditum  
 nemoris astiterant, cognita cæde, cu-  
 jus causa ignorabatur, in castra perve-  
 niunt, & tumultuoso nuntio milites conci-  
 tant. Illi armati ad nemus, in quo perpe-  
 trata cædes erat, coeunt, & ni Polydamas,  
 cæterique ejusdem noxæ participes dedan-  
 tur, murum circumdatum nemori everfu-  
 ros denunciant, omniumque sanguine Du-  
 ci parentaturos. Cleander primores eo-  
 rum intromitti jubet, litterasque Regis  
 scriptas ad milites recitat, quibus insidiæ  
 Parmenionis in Regem, precesque, ut ip-  
 sum vindicarent, continebantur. Igitur,  
 cognita Regis voluntate, non quidem in-  
 dignatio, sed tamen seditio compressa est.  
 Dilapsis pluribus pauci remanserunt, qui,  
 saltem ut corpus ipsius sepelire permitte-  
 rent, precabantur. Diu id negatum est,  
 Cleandri metu, ne offenderet Regem.  
 Pertinaciùs deinde precantibus, materiam  
 consternationis subtrahendam ratus, ca-  
 deciso truncum humare permisit. Ad  
 Regem

Regem caput missum est. Hic exitus  
 Parmenionis fuit, militiæ, domique clarî  
 viri. Multa sine Rege prosperè, Rex si-  
 ne illo nihil magnæ rei gesserat. Felicissi-  
 mo Regi, & omnia ad fortunæ suæ exi-  
 genti modum, satisfecit lxx natus annos :  
 juvenis, ducis, & sæpè etiam gregarij  
 militis munia explicuit, acer consilio, ma-  
 nu strenuus, charus principibus, vulgo mi-  
 litum acceptior. Hæc impulerint illum  
 ad regni cupiditatem, an tantum suspec-  
 tum fecerit, ambigi potest : quia Philo-  
 tas ultimis cruciatibus victus, verane dixe-  
 rit, quæ facta probari non poterant, an  
 falsis tormentorum petierit finem, re quo-  
 que recenti, cùm magis posset liquere,  
 dubitatum est. Alexander, quos mortem  
 Parmenionis conquestos esse compererat,  
 separandos a cætero exercitu ratus, in  
 unam cohortem secrevit, ducemque his  
 Leônidam dedit, & ipsum Parmenioni  
 quondam intima familiaritate conjun-  
 ctum. Ferè iidem erant, quos alioquî  
 Rex habuerat invisos. Nam cùm ex-  
 periri vellet militum animos, admonuit,  
 qui litteras in Macedoniam ad suos scrip-  
 sisset, iis, quos ipse mittebat, perlaturis  
 cum fide, traderet. Simpliciter ad neces-  
 sarios suos quisque scripserat, quæ sentie-  
 bat. Aliis gravis erat, plerisque non in-  
 grata militia. Ita & agentium gratias,  
 & quærentium literæ exceptæ sunt. Et  
 quî fortè tædium laboris per litteras erant  
 questi, hanc seorsum cohortem a cæteris  
 ten-

tendere ignominiae causa jubet; fortitudine usus in bello, libertatem linguae ab auribus credulis remoturus, & consilium temerarium forsitan; quippe fortissimi juvenes contumeliis irritati erant, sicut omnia alia felicitas Regis excipit. Nihil illis ad bella promptius fuit. Incitabat virtutem & ignominiae demendae cupiditas, & quia fortiora facta in paucis latere non poterant.

3 His ita compositis, Alexander, Ariarum Satrape constituto, iter pronuntiarum jubet in Agriaspas, quos jam tunc mutato nomine Evergetas appellabant, ex quo frigore victusque penuria Cyri exercitum affectum, tectis & com meatibus iuverant. Quintus dies erat, ut in eam regionem pervenerat; cognoscit Satibarzanem, qui ad Bessum defecerat, cum equitum manu irrupisse rursus in Arieos. Itaque Caranum & Erigyum cum Artabazo & Andronico, & sex millibus Graecorum peditum DC equites sequebantur. Ipse sexaginta diebus gentem Evergetarum ordinavit, magna pecunia ob egregiam in Cyrum fidem donata. Relicto deinde, qui iis praesset, Amenide, (scriba is Darii fuerat) Arachosios, quorum regio ad Ponticum mare pertinet, subegit. Ibi exercitum, qui sub Parmenione fuerat, occupavit. Sex millia Macedonum erant, & cc, nobiles, & v millia Graecorum, cum equitibus ducentis, haud dubie robur omnium virium Regis. Arachosii datus

Memnon

Memnon Prætor, quatuor millibus pedum, & DC equitibus in præsidium relictis. Ipse Rex nationem ne finitimis quidem satis notam, quippe nullo commercio volentem mutuos usus, cum exercitu intravit. Parapamisadæ appellantur; agreste hominum genus, & inter Barbaros maximè inconditum: locorum asperitas, hominum quoque ingenia duraverat. Gelidissimum Septentrionis axem ex magna parte spectant. Bactrianis ad Occidentem conjuncti sunt. Meridiana regio ad mare Indicum vergit. Tuguria latere primò struunt, et quia sterilis est terra materiæ, in nudo etiam montis dorso usque ad summum ædificiorum fastigium eodem laterculo utuntur. Cæterum structura latior ab imo, paulatim incremento operis in arctius cogitur; ad ultimum in carinæ maximè modum coit. Ibi foramine relicto, supernè lumen accipiunt. Ad medium vites & arbores, si quæ in tanto terræ rigore durare potuerunt, obruunt. Penitus hyeme defossæ latent. Cùm, nive discussa, aperiri humus coepit, cœlo solique redduntur. Cæterum aded altæ nives premunt terram, gelu & perpetuo pene rigore constrictæ, ut ne avium quidem feræve ullius vestigium exstet. Obscura cœli veriùs umbra, quàm lux nocti similis premit terram, vix ut, quæ propè sunt, conspici possint. In hac tamen omnis humani cultus solitudine destitutus exercitus, quicquid malorum

tole-

tolerari potest, pertulit: inopiam, frigus, lassitudinem, desperationem. Multos exanimavit rigor insolitus nivis; multorum adussit pedes; plurimorum oculis præcipuè perniciosus fuit: fatigati quippe in ipso gelu deficientia corpora sternebant; quæ cum moveri desissent, vis frigoris ita astringebat, ut rursus ad surgendum conniti non possent. A commilitonibus torpentes excitabantur. Neque aliud remedium erat, quàm ut ingredi cogerentur. Tum demum vitali calore moti, membris aliquis redibat vigor. Si qui tuguria Barbarorum adire potuerunt, celeriter refecti sunt. Sed tanta caligo erat, ut ædificia nulla alia res, quàm fumus ostenderet. Illi, nunquam ante in terris suis advena viso, cum armatos repente conspicerent, exanimati metu, quidquid in tuguriis erat, afferebant; ut corporibus ipsorum parceretur, orantes. Rex agmen circuibat pedes, jacentes quosdam erigens, & alios, cum ægrè sequerentur, adminiculo corporis sui excipiens. Nunc ad prima signa, nunc in medium, nunc in ultimo agmine itineris, multiplicato labore, aderat. Tandem ad cultiora perventum est, commeatuque largo recreatus exercitus, simul & qui consequi non poterant, in illa castra venerunt. Inde agmen processit ad Caucasum montem, cujus dorsum Asiam perpetuo jugo dividit. hinc simul mare, quod Ciliciam subit; illinc Caspium frætum, & amnem



Araxem, aliaque regionis Scythiæ deserta spectat. Taurus secundæ magnitudinis mons committitur Caucaſo: a Cappadocia se attollens Ciliciam præterit, Armeniæque montibus jungitur. Sic inter se tot juga velut serie coherencia, perpetuum habent dorsum: ex quo Asiæ omnia fere flumina, alia in Rubrum, alia in Caspium mare, alia in Hyrcanum & Ponticum decidunt. XVII dierum spatio Caucasum superavit exercitus. Rupes in eo x in circuitu stadia complectitur, quatuor in altitudinem excedit: in qua vincitum Prometheus fuisse, antiquitas tradit. Condendæ in radicibus montis urbi sedes electa est VII millibus seniorum Macedonum, & præterea militibus, quorum opera uti deſiſſet, permiſſum in novam urbem confidere. Hanc quoque Alexandriam incolæ appellaverunt.

4 At Beſſus Alexandri celeritate perterritus, Diis patriis ſacrificio ritè factò, ſicut illis gentibus mox eſt, cum amicis ducibusque copiarum inter epulas de bello conſultabat. Graves mero ſuas vires extollere; hoſtium nunc temeritatem, nunc paucitatem, ſpernere. Præcipuè Beſſus ferox verbis, & parto per ſcelus regno ſuperbus, ac vix potens mentis, dicere, ſpordiâ Darii creviſſe hoſtium ſamam. Occurriſſe enim in Ciliciæ anguſtiſſimis faucibus, cùm retrocedendo poſſet perducere incautos in loca naturâ & ſitu invia, tot fluminibus obſectis, tot montium latebris,  
inter

inter quas deprehensus hostis, ne fugæ quidem, nedum resistendi, occasionem fuerit habiturus. Sibi placere in Sogdianos recedere. Oxum amnem, velut murum, objecturum hosti, dum ex finitimis gentibus valida auxilia concurrerent. Venturos autem Chorasmios, & Dalias, Sacasque, & Indos, & ultra Tanaim amnem colentes Scythas; quorum neminem adedò humilem esse, ut humeri ejus non possent Macedonis militis verticem æquare. Conclamant temulenti, unam hanc sententiam salubrem esse: & Bessus circumferri merum largiùs jubet, debellaturus super mensa Alexandrum. Erat in eo convivio Cobares natione Medus, sed magicæ artis (si modò ars est, non vanissimi cujusque ludibrium) magis professione, quàm scientia celebris, alioquin moderatus, & probus. Is cùm præfatus esset, scire, servo esse utilius parere dicto, quàm asserre consilium, cùm illos, qui pareant, idem, quod cæteros, maneat: qui verò suadeant, proprium periculum: poculum ei, quod habebat in manu: tradidit. Quo accepto Cobares, *Natura, inquit, mortalium, hoc quoque nomine prava & sinistra duci potest, quodd in suo quisque negotio hebetior est, quàm in alieno. Turbida profectò sunt consilia eorum, qui sibi suadent. Obstat aliis metus, aliis cupiditas, nonnunquam naturalis eorum, quæ cogitaveris, amor: nam in te superbia non cadit. Expertus es, unumquemque quod ipse reperit,*

verit, aut solum, aut optimum ducere. Magnum onus sustines capite, regium insigne. Hoc aut moderatè perferendum est, aut (quod abominor) interruet. Consilio, non impetu opus est. Adjicit deinde, quod apud Bactrianos vulgò usurpabant, Canem timidum vehementius latrare, quàm mordere. Altissima quaque flumina minimo sono labi. Quæ inferui, ut, qualiscunque inter Barbaros potuit esse prudentia, traderetur. In his audientium suspenderat expectationem sui. Tum consilium aperit, utilius Besso, quàm gratius. In vestibulo, inquit, regia tua velocissimus consistit Rex. Antè ille agmen, quàm tu mensam istam movebis. Nunc ab Tannai exercitum accerses, armis flumina oppones. Scilicet, qua tu fugiturus es, hostis sequi non potest? Iter utrique commune est, victori tutius. Licèt strenuum metum putes esse, velocior tamen spes est. Quin validioris occupas gratiam, dedisque te? Utcunque cesserit, meliorem fortunam deditus, quàm hostis, habiturus. Alienum babes regnum, quò facilius eo careas. Incipiet forsitan justus esse Rex, cùm ipse fecerit, qui tibi & dare potest regnum, & eripere. Consilium babes fidele, quod diutius exequi supervacaneum est. Nobilis equus umbra quoque virga regitur; ignavus ne calcari quidem concitari potest. Bessus & ingenio & multo mero ferox adeò exarsit, ut vix ab amicis, quò minus occideret eum, (nam strinxerat

quoque acinacem ) contineretur . Certè e convivio profilivit , haud quaquam potens mentis . Cobares inter tumultum elapsus , ad Alexandrum transfugit . Octo millia Bactrianorum habebat armata Bessus , quæ , quandiu propter cœli intemperiem Indiam potius Macedonas perituros crediderant , obedienter imperata fecerunt . Postquam adventare Alexandrum compertum est , in suos quisque vicos dilapsi , Bessum reliquerunt . Ille cum clientum manu , qui non mutaverant fidem , Oxo amne superato , exustisque navigiis , quibus transierat : ne iisdem hostis uteretur , novas copias in Sogdianis contrahebat . Alexander Caucasum quidem ( ut supra dictum est ) transierat : sed inopiâ frumenti propè ad famem ventum erat . Succo ex sesama expresso , haud secus quàm oleo , artus perungebant . Sed hujus succi ducenis quadragenis denariis amphoræ singulæ , mellis denariis trecentis nonagenis , trecentis vini æstimabantur ; tritici nihil , aut admodum exiguum reperiebatur . Syros vocabant Barbari ; quos ita solerter abscondunt , ut nisi qui defoderunt , invenire non possint . In iis conditæ fruges erant . In quarum penuria milites fluviatili pisce & herbis sustinebantur . Jamque hæc ipsa alimenta defecerant , cùm jumenta , quibus onera portabant , cadere jussi sunt : horum carne , dum in Bactrianos perventum , traxere vitam . Bactrianæ terræ multiplex & varia  
natu-

natura est. Alibi multa arbor, & vitis largos mitesque fructus alit. Solum pingue crebri fontes rigant. Quæ mitiora sunt, frumento conseruntur; cætera armentorum pabulo cedunt. Magnam deinde partem ejusdem terræ steriles arenæ tenent. Squalida siccitate regio non hominem, non frugem alit. Cum verò venti a Pontico mari spirant, quicquid sabuli in campis jacet, converrunt. Quod ubi cumulatum est, magnorum collium procul species est, omniaque pristini itineris vestigia intereunt. Itaque qui transeunt campos, navigantium modo noctu sidera observant, ad quorum cursum iter dirigunt: & propemodum clarior est noctis umbra, quàm lux. Ergo interdum invia est regio: quia nec vestigium, quod sequantur, inveniunt, & nitor siderum caligine absconditur. Cæterum si quos ille ventus, qui a mari exoritur, deprehendit, arena obruit. Sed quæ mitior terra est, ingens hominum equorumque multitudo gignitur. Itaque Bactriani equites triginta millia expleverant. Ipsa Bactra, regionis ejus caput, sita sunt sub monte Paropamisso: Bactrius amnis præterit mœnia. Is urbi & regioni dedit nomen. Hinc Regi stativa habenti nuntiatur ex Græcia Peloponnensium Laconumque defectio. Non dum enim victi erant, cum proficiscerentur tumultus ejus principia nunciaturi. Et alius præsens terror affertur, Scythas, qui ultra Tanaim amnem colunt, adventare,

Bello ferentes opem. Eodem tempore, quæ in gente Ariorum Catanus & Erigyus gesserant, perferuntur. Commisum erat prælium inter Macedones, Ariosque. Transfuga Satibarzanes Barbaris præerat: qui cum pugnam segnem utrinque æquis viribus stare vidisset, in primos ordines adequitavit; demptâque galcâ, inhibitis, qui tela jacebant, si quis viritum dimicare vellet, provocavit ad pugnam, nudum se caput in certamine habiturum. Non tulit ferociam Barbari dux exercitus Erigyus, gravis quidem ætate, sed & animi & corporis robore nulli juvenum postferendus. Is, galcâ demptâ, canitiem ostentans: *Venit, inquit, dies, quo aut victoria, aut morte honestissima, quales amicos & milites Alexander habeat, ostendam.* Nec plura elocutus, equum in hostem egit. Crederes imperatum, ut acies utræque tela cohiberent. Protinus certè cesserunt, dato libero spatio, intenti in eventum, non duorum modò, sed etiam suæ sortis; quippe alienum discrimen secuturi. Prior Barbarus emisit hastam, quam Erigyus modica capitis declinatione vitavit. At ipse infestam sarissam, equo calcaribus concito, in medio Barbari gutture ita fixit, ut per cervicem emeretur. Præcipitatus ex equo Barbarus, adhuc tamen repugnabat; sed ille extractam ex vulnere hastam rursus in os dirigit. Satibarzanes hastam manu complexus, quò maturius interiret, ictum hostis adju-

adjuvit: & Barbari, duce amisso, quem magis necessitate, quàm sponte secuti erant, tunc haud immemores meritorum Alexandri, arma Erigyō tradunt. Rex his quidem latus, de Spartanis haud quaquam securus, magno tamen animo defectionem eorum tulit, dicens: Non ante ausos consilia nudare, quàm ipsum ad fines Indiæ pervenisse, cognovissent. Ipse Bessum persequens, copias movit: cui Erigyus spolia Barbarica, ceu opimum belli decus, præferens occurrit.

§ Igitur Bactrianorum regione Artabazo tradita, sarcinas & impedimenta ibi cum præsidio reliquit. Ipse cum expedito agmine loca deserta Susitanorum intrat, nocturno itinere exercitum ducens. Aquarum (ut ante dictum est) penuria, prius desperatione, quàm desiderio bibendi sitim accendit. Per cccc stadia ne modicus quidem humor existit. Arenas vapor æstivi solis accendit, quæ ubi flagrare cœperunt, haud secus quàm continenti incendio cuncta torrentur. Caligo deinde immodico terræ fervore excitata, lucem tegit: camporumque non alia, quàm vasti & profundi æquoris species est. Nocturnum iter tolerabile videbatur, quia rore & matutino frigore corpora levabantur. Cæterum cum ipsa luce æstus oritur, omnemque naturalem absorbet humorem siccitas, ora visceraque penitus uruntur. Itaque primùm animi, deinde corpora deficere cœperunt. Pigebat & consi-

flere, & progredi. Pauci a peritis regionis admoniti, præpararant aquam. Hæc paulisper repressit sitim. Deinde crescente æstu, rursus desiderium humoris accensum est. Ergo quidquid vini oleique erat, hominibus ingerebatur. Tantaque dulcedo bibendi fuit, ut in posterum sitis non timeretur. Graves deinde avidè hausto humore, non sustinere arma, non ingredi poterant: & feliciores videbantur, quos aqua defecerat; cum ipsi sine modo infusam vomitu cogerentur egerere. Anxium Regem tantis malis circumfusi amici, ut meminisset, orabant, animi sui magnitudinem unicum remedium deficientis exercitus esse; cum ex iis, qui præcesserant ad capiendum locum castris, duo occurrunt, utribus aquam gestantes, ut filiis suis, quos in eodem agmine esse, & ægrè pati sitim non ignorabant, occurrerent, qui cùm in Regem incidissent, alter ex iis, utre resoluta, vas, quod simul ferebat, implet, porrigens Regi: ille percontatus, quibus aquam portarent, filiis ferre cognoscit. Tunc poculo pleno (sicut oblatum est) reddito, *Nec solus, inquit, bibere sustineo, nec tam exiguum dividere omnibus possum. Vos currite, & liberis vestris, quod propter illos attulistis, date.* Tandem ad flumen Oxum ipse pervenit prima ferè vespera. Sed exercitus magna pars non potuerat consequi. In edito monte ignes jubet fieri, ut ii, qui ægrè sequebantur, haud procul castris se abesse cognos-



cognoscerent. Eos autem, qui primi agminis erant, maturè cibo ac potione firmatos, implere alios utres, alios vasa, quibuscum aqua possit portari, iussit, ac suis opem ferre. Sed qui intemperantiùs hauserant, intercluso spiritu extincti sunt; multoque major horum numerus fuit, quàm ullo amiserat prælio. At ille thoracem adhuc indutus, nec aut cibo refectus aut potu, quàm veniebat exercitus constitit. Nec ante ad curandum corpus recessit, quàm præterierant, qui agmen sequebantur: totamque eam noctem cum magno animi motu perpetuis vigiliis egit. Nec postero die lætior erat; quia nulla navigia habebat, nec pons erigi poterat circum amnem nudo solo, & materia maximè sterili. Consilium igitur, quod unum necessitas subjecerat, init. Utres quamplurimos stramenti refertos dividit. His incubantes transnavigare amnem: quique primi transierant, in statione erant, dum trajicerent cæteri. Hoc modo sexto demum die in ulteriore ripa totum exercitum exposuit. Jamque ad persequendum Bessum statuerat progredi; cum ea, quæ in Susianis erant, cognoscit. Spitamenes erant inter omnes amicos præcipuo honore cultus a Besso. Sed nullis meritis perfidia mitigari potest: quæ tamen jam minus in eo invisa esse poterat, quia nihil ulli nefas tunc in Bessum interfectorem Regis sui videbatur. Titulus facinoris speciosus præferebatur, vindicta Darii. Sed for-

tunam, non scelus, oderant Bessi. Nam ut Alexandrum flumen Oxum superasse cognovit, Dataphernem & Catenem, quibus a Besso maxima fides habebatur, in societatem cogitata rei asciscit. Illi promptius adeunt, quàm rogabantur: assumptisque octo fortissimis juvenibus, talem dolum intendunt. Spitamenes pergit ad Bessum, & remotis arbitris comperisse, ait, se, insidiari ei Dataphernem & Catenem, ut vivum Alexandro traderent, agentes; a semet occupatos esse, & vinctos teneri. Bessus tanto merito (ut credebat) obligatus, partim gratias agit, partim avidus explendi supplicii, adduci eos jubet. Illi, manibus sua spontè religatis, a participibus consilii trahebantur: quos Bessus truci vultu intuens consurgit, manibus non temperaturus. At illi, simulatione omissa, circumstant eum, & frustra repugnantem vinciunt, direpto ex capite regni insigni, lacerataque veste, quam spoliis occisi Regis induerat. Ille Deos sui sceleris ultores adesse confessus, adjecit: Non Dario iniquos fuisse, quem sic ulciscerentur, sed Alexandro propitios, cujus victoriam semper etiam hostis adjuvisset. Multitudo an vindictura Bessum fuerit, incertum est; nisi illi, qui vinxerant, jussu Alexandri fecisse ipsos ementiti, dubios adhuc animi terruissent. In equum impositum Alexandro tradituri ducunt. Inter hæc Rex, quibus matura erat missio, relictis xc ferè, equiti bina talenta dedit, pediti terna denarium mil-

millia; monitosque, ut liberos generarent, remisit domum. Cæteris gratiæ actæ, quòd ad reliqua belli navaturos operam pollicebantur. Tum Bessus perducitur. Perventum erat in parvulum oppidum; Branchidæ ejus incolæ erant. Mileto quondam jussu Xerxis, cùm e Græcia rediret, transierant; & in ea sede constiterant, quia templum, quod Didymæon appellatur, in gratiam Xerxis violaverant. Mores patrii nondum exoleverant, sed jam bilingues erant, paulatim a domestico externoque sermone degeneres. Magno igitur gaudio Regem excipiunt, urbem, seque dedentes. Ille Milesios, qui apud ipsum militabant, convocari jubet. Vetus odium miles gerebat in Branchidarum gentem, proditoris ergò. His, siue injuriæ, siue originis meminisse malent, liberum de Branchidis permittit arbitrium. Variantibus deinde sententiis, se ipsum consideraturum, quod optimum factu esset, ostendit. Postero die occurrentibus, Branchidas secum procedere jubet: cùmque ad urbem ventum esset, ipse cum expedita manu portam intrat. Phalanx mœnia oppidi circuire jussa, & dato signo diripere urbem, proditorum receptaculum, ipsosque ad unum cædere. Illi inermes passim trucidantur; nec aut commercio linguæ, aut supplicum velamentis precibusque inhiberi crudelitas potest: tandem ut dejicerent, fundamenta murorum ab imo moliantur, ne quod urbis ve-

stigma extaret. Nec mora, lucos quoque sacros non cædunt modò, sed etiam extirpant, ut vasta solitudo & sterilis humus, excussis etiam radicibus, relinquere-  
tur: quæ si in ipsos prodicionis authores excogitata essent, iusta ultio esse, non crudelitas videretur. Nunc culpam majorum posterì luere, qui ne viderant quidem Miletum; aded Xerxi non potuerant prodere. Inde processit ad Tanaim amnem: quò perductus est Bessus, non vinctus modò, sed etiam omni velamento corporis spoliatus. Spitamenes eum tenebat, collo inserta catena, tam Barbaris, quàm Macedonibus gratum spectaculum. Tum Spitamenes, & te, inquit, & Darium Reges meos ultus, interfectorem domini sui adduxi, eo modo captum, cujus ipse fecit exemplum. Aperiat ad hoc spectaculum oculos Darius. Existat ab inferis, qui illo supplicio indignus fuit. & hoc solatio dignus est. Alexander, multum collaudato Spitamene, conversus ad Bessum: Cujus, inquit, fera rabies occupavit animum tuum, cùm Regem de te optimè meritum, prius vincere, deinde occidere sustinuis-  
si? Sed hujus parricidii mercedem falso Regis nomine persolvisti. Ibi ille facinus purgare non ausus, Regis titulum se usurpare dixit, ut gentem suam tradere ipsi possit: quæ si cessasset, alium fuisse regnum occupaturum. At Alexander Oxatrem fratrem Darii, quem inter corporis custodes habebat, propius jussit  
acce-

accedere, tradique Bessum ei, ut cruci affixum, mutilatis auribus naribusque, sagittis configerent Barbari, asservarentque corpus, ut ne aves quidem contingerent. Oxatres cætera sibi curæ fore pollicetur. Aves non ab alio, quàm a Cætene posse prohiberi adjicit; eximiam ejus artem cupiens ostendere: namque adedò certo ictu destinata feriebat, ut aves quoque exciperet. Nam etsi forsitan sagittandi tam celebri usu minus admirabilis videri hæc ars possit; tamen ingens visentibus miraculum, magnoque honori Cæteni fuit. Dona deinde omnibus, qui Bessum adduxerant, data sunt. Cæterum supplicium ejus distulit, ut eo loco, in quo Darium ipse occiderat, necaretur.

6 Interea Macedones ad petendum pabulum incomposito agmine egressi, a Barbaris, qui de proximis montibus decurrerunt, opprimuntur; pluresque capti sunt, quàm occisi. Barbari autem, captivos præ se agentes, rursus in montem recesserunt. Viginti millia latronum erant; fundis sagittisque pugnam invadunt: quos dum obsidet Rex, inter promptissimos dimicans, sagitta ictus est, quæ in medio crure fixa reliquerat spiculum. Illum quidem moesti & attoniti Macedones in castra referebant. Sed nec Barbaros fefellit subductus ex acie Rex: quippe ex edito monte cuncta prospexerant. Itaque postero die misere legatos ad Regem, quos

ille protinus jussit admitti; solutisque fasciis, magnitudinem vulneris dissimulans, crus Barbaris ostendit. Illi jussi confidere, affirmant, non Macedonas, quam ipsos fuisse tristiores, cognito vulnere ipsius: cujus si authorem reperissent, dedituros fuisse. Cum Diis enim pugnare sacrilegos tantum. Cæterum se gentem in fidem dedere, superatos virtute illius. Rex, fide data, & captivis receptis, gentem in deditionem accepit. Castris inde motis, lætica militari ferebatur, quam pro se quisque eques pedesque subire certabant. Equites, cum quibus Rex prælia inire solitus erat, sui muneris id esse censebant. Pedites contra, cum saucios commilitones ipsi gestare assuevissent, eripi sibi proprium officium, tum potissimum, cum Rex gestandus esset, querebantur. Rex in tanto utriusque partis certamine, & sibi difficilem, & præteritis gravem electionem futuram rarus, invicem subire eos jussit. Hinc quarto die ad urbem Maracanda perventum est. Lxx stadia murus urbis amplectitur, arx nullo cingitur muro. Præsidio urbi relicto, proximos vicos depopulatur, atque urit. Legati deinde Abiorum Scytharum superveniunt: liberi ex quo decesserat Cyrus, tum imperata facturi: Justissimos Barbarorum constabat. Armis abstinebant, nisi laceßiti. Libertatis modico & æquali usu, principibus humiliores pares fecerunt. Hos benignè allocutus, ad eos Scythas, qui Europam  
inco-

incolunt, Penidam quendam misit ex amicis, qui denuntiaret eis, ne Tanaim, amnem regionis, injussu Regis transirent. Eidem mandatum, ut contemplaretur locorum situm, & illos quoque Scythas, qui super Bosphoro incolunt, videret. Condendæ urbis sedem super ripam Tanais elegerat. claustrum etiam perdomitorum, & quos deinde adire decreverat. Sed consilium distulit Sogdianorum nuntiata defectione, quæ Bactrianos quoque traxit. Septem millia equitum erant, quorum auctoritatem cæteri sequebantur. Alexander Spitamenem & Catenem, a quibus ei traditus erat Bessus, haud dubius, quin eorum opera redigi possent in potestatem, coercendo qui novaverant, jussit accersiri. At illi defectionis, ad quam coercendam evocabantur, authores, vulgaverant famam, Bactrianos equites a Rege omnes, ut occiderentur, accersiri: idque imperatum ipsis; non sustinuisse tamen exequi, ne inexpiabile in populares facinus admitterent: non magis Alexandri sævitiam, quàm Bessi parricidium ferre potuisse. Itaque sua sponte jam motos, metu poenæ haud difficulter concitaverunt ad arma. Alexander, transfugarum defectione comperta, Craterum obsidère Cyropolim jubet. Ipse aliam urbem regionis ejusdem corona capit; signoque ut puberes interficerentur dato, reliqui in prædam cessere victoris. Urbs diruta est, ut cæteri cladis exemplo continerentur. Memaceni, valida gens, obsidionem,

nem, non ut honestiorem modò, sed etiam ut tutiorem, ferre decreverant. Ad quorum pertinaciam mitigandam Rex Lequites præmisit, qui clementiam ipsius in deditos, simulque inexorabilem animum in devictos ostenderent. Illi nec de fide, nec de potentia Regis ipsos dubitare respondent, equitesque tendere extra munimenta urbis jubent. Hospitaliter deinde exceptos, gravesque epulis, & somno, intempesta nocte adorti interfecerunt. Alexander haud secus, quàm pater erat, motus, urbem corona circumdedit, munitiorem, quàm ut primo impetu capi posset. Itaque Meleagrum, & Perdiccam, in obsidionem jungit, Cyropolim (ut ante dictum est) obsidentes. Statuerat autem parcere urbi conditæ a Cyro: quippe non alium gentium illarum magis admiratus est, quàm hunc Regem & Semiramim, in quibus & magnitudinem animi, & claritatem rerum longè emicuisse credebat. Cæterum pertinacia oppidanorum ejus iram accendit. Itaque captam urbem diripere jussit delectos Macedones, haud injuria infestos, & ad Meleagrum & Perdiccam redit. Sed non alia urbs fortius obsidionem tulit, quippe & militum promptissimi cecidère, & ipse Rex ad ultimum periculum venit. Namque cervix ejus saxo ita icta est, ut, oculis caligine offusa, collaberetur, ne mentis quidem compos. Exercitus certè, velut crepto eo, ingemuit. Sed invictas adversus ea, quæ cæteros terrent, nondum



dum percurato vulnere acriùs obsidioni institit; naturalem celeritatem ira concitante. Cuniculo ergo suffossa moenia, ingens nudavere spatium, per quod irrupit, victorque urbem dirui jussit. Hinc Menedemum cum tribus millibus pedum, & octingentis equitibus, ad urbem Maracanda misit. Spitamenes transfuga, præsidio Macedonum inde dejecto, muris urbis ejus incluserat se, haud oppidanis consilium defectionis approbantibus. Sequi tamen videbantur, quia prohibere non poterant. Interim Alexander ad Tanaim amnem redit, & quantum soli occupaverant castris, muro circumdedit. Sexaginta stadiorum urbis murus fuit: hanc quoque urbem Alexandriam appellari jussit. Opus tanta celeritate perfectum est, ut decimo septimo die, qua munimenta excitata erant, testæ quoque urbis absolverentur. Ingens militum certamen inter ipsos fuerat, ut suum quisque munus (nam divisum erat) primus ostenderet. Incolæ novæ urbi dati captivi, quos reddito pretio dominis, liberavit: quorum posterius nunc quoque nondum apud eos tam longa ætate propter memoriam Alexandri exoleverunt.

7 Rex Scytharum, cujus tum ultra Tanaim imperium erat, ratus, eam urbem, quam in ripa amnis Macedones condiderant, suis impostam esse cerycibus, fratrem, Cartasim nomine, cum magna equitum manu misit ad diruendam eam, proculque

culque annæ submovendas Macedonum copias. Bactrianos Tanais ab Scythis, quos Europæos vocant, dividit. Idem Asiam & Europam finis interfuit. Cæterum Scytharum gens haud procul Thraciâ sita, ab Oriente ad Septentrionem se vertit; Sarmatarumque, ut quidam credidere, non finitima, sed pars est. Rectâ deinde regionem aliam ultra Istrum jacentem colit. Ultima Asiæ, quæ Bactra sunt, stringit: quæ Septentrioni proxima sunt, profundæ inde sylvæ, vastæque solitudines excipiunt. Rursus, quæ ad Tamaium & Bactra spectant, humano cultu haud disparia sunt. Primus cum hac gente non provisum bellum Alexander gesturus, cum in conspectu ejus obequitaret hostis, adhuc æger ex vulnere, præcipue voce deficiens, quam & modicus cibus, & cervicis extenuabat dolor, amicos in consilium advocari jubet. Terrebat eum non hostis, sed iniquitas temporis. Bactriani defecerant. Scythæ etiam lacehebant. Ipse non insistere in terra, non equo vehi, non docere, non hortari suos poterat. Ancipiti periculo implicitus, Deos quoque incusans, querebatur, se jacere segnem, cujus velocitatem nemo antea valuisset effugere. Vix suos credere, non simulari valetudinem. Itaque qui post Darium victum ariolos & vates consulere desierat, rursus ad superstitionem, humanarum mentium ludibria, revolutus, Aristandrum, cui credulitatem suam addixerat,

rat, explorare eventum rerum sacrificiis jubet. Mos erat aruspibus, exta sine Rege spectare, &, quæ portenderentur, referre. Inter hæc Rex, dum fibris pecudum explorantur eventus latentium rerum, propius ipsum considerare amicos jubet, ne contentione vocis cicatricem infirmam adhuc rumperet. Hephæstion, Craterus, & Erigyus erant cum custodibus in tabernaculum admissi. *Discrimen*, inquit, *me occupavit, meliore hostium, quam meo tempore. Sed necessitas ante rationem est, maximè in bello, quo rarò permittitur tempora eligere. Defecere Bactriani, in quorum cervicibus stamus, & quantum in nobis animi sit, alieno Marte experiuntur. Haud dubiè si omiserimus Scythas ultro arma inferentes, contempti ad illos, qui defecerunt, revertemur. Si verò Tannaim transferimus, & ubique invictos esse nos, Scytharum pernicie ac sanguine ostenderimus; quis dubitabit patère etiam Europam victoribus? Fallitur, qui terminos gloria nostra metitur spatio, quod transitori sumus. Unus amnis interfuit: quem si trajicimus, in Europam arma proferimus. Et quanti aestimandum est, dum alium subigimus, in alio quodammodo orbe trophæa statuere, & quæ tam longo intervallo natura videtur diremissæ, una victoria subitò committere? At hercule si paulum cessaverimus, in tergis nostris Scythæ barebunt. An soli sumus quod qui flumina tranare possumus? Multa*

ta in nosmetipsos recident, quibus adhuc vicimus. Fortuna belli, artem victor quoque docet. Utribus annem trajiciendi exemplum fecimus nuper; hoc ut Scythæ imitari nesciant, Ætiani docebunt. Præterea unus gentis hujus adhuc exercitus venit, ceteri expectantur. Ita bellum vitando alemus, & quod inferre possumus, accipere cogemur. Manifesta est consilii mei ratio. Sed, an permissuri sint Macedones animo uti meo, dubito: quia ex quo hoc vulnus accepi, non equo vectus sum, non pedibus ingressus. Sed si me sequi vultis, valeo, amici. Satis virium est ad toleranda ista. Aut si jam adest vita mea finis, in quo tandem opere melius extinguar? Hæc quassa adhuc voce deficiens, vix proximis exaudientibus dixerat; cum omnes a tam præcipiti consilio Regem deterrere cœperunt. Erigyus maximè qui haud sanè authoritate proficiens apud, obstinatum animum, superstitionem, ejus potens non erat Rex, incutere tentavit, dicendo, Deos quoque obstare consilio, magnumque periculum, si flumen transisset, ostendi. Intranti Erigyo tabernaculum Regis, Aristander occurrebat, tristitia exta fuisse significans. Hæc ex vate comperta Erigyus nuntiabat. Quò inhibito, Alexander non ira solùm, sed etiam pudore confusus, quòd superstitio, quam celaverat, detegebatur, Aristandrum vocari jubet. Qui ut venit, intuens eum, Non Rex, inquit, sed privatus sum. Sacri.

*Sacrificium ut faceres, mandavi. Quid coportenderetur, cur apud alium quàm apud me professus es? Erigyus arcana mea & secreta, te prodente, cognovit. Quem certum mehercule habeo extorum interpretem metu suo. Tibi autem sapius quàm potest, denuntio, ipse mihi indices quid ex extis cognoveris, ne possis inficiari dixisse, qua dixeris. Ille exsanguis attonitoque similis stabat, per metum etiam voce suppressa; tandemque eodem metu stimulante, ne Regis expectationem moraretur; Magni, inquit, laboris, non irriti discrimen instare pradixi. Nec me mea ars, quàm benevolentia magis perturbat. Infirmitatem valetudinis tua video: & quantum in uno te sit, scio. Vereor, ne non presenti fortuna tua sufficere possis. Rex iussum confidere felicitati suæ remisit. Sibi enim alia ad gloriam concedere Deos. Consultanti deinde cum iisdem, quonam modo flumen transiret, supervenit Aristander, non aliàs lætiora exta vidisse se affirmans, utique prioribus longè diversa: tum solitudinis causas aperuisse, nunc prorsus egregiè litatum esse. Cæterum, quæ subinde nuntiata sunt Regi, continuæ felicitati rerum ejus imposuerant labem. Menedemum, ut supra dictum est, miserat ad obsidendum Spitamenem Bactrianæ defectionis authorem. Qui comperto hostis adventu, ne muris urbis includeretur, simul fretus excipi posse, quem venturum sciebat, consedit occultus. Sylvestre  
iter*

ster aptum inſidiis tegendis erat. Ibi Dadas condidit. Equi binos armatos vehunt, quorum invicem ſinguli repente deſiliunt, equeſtris pugnae ordinem turbant. Equorum velocitati par eſt hominum pernicioſitas. Hos Spitamenes ſaltum circuire juſſos, pariter & a lateribus, & a fronte, & a tergo, hoſti oſtendit. Menedemus undique incluſus, ne numero quidem par, diutamen reſtitit, clamitans: Nihil aliud ſuperſeſſe locorum fraude deceptis, quàm honeſtæ mortis ſolacium ex hoſtium cæde. Ipſum prævalens equus vehebat, quo ſæpius in cuneos Barbarorum effuſis habenis evecuſus, magna ſtrage eos fuderat. Sed cùm unum omnes peterent, vulneribus exanguis, Hiſpideſem quendam ex amicis hortatus eſt, ut in equum ſuum aſcenderet, & ſe fugâ eriperet. Hæc agentem anima deſecit, corpusque ex equo deſluxit in terram. Hiſpideſes poterat quidem effugere, ſed amiſſo amico mori ſtatuit. Una erat cura, ne inultus occideret. Itaque ſubditis calcaribus equo, in medios hoſtes ſe immiſit, & memorabili edita pugna, obrutus telis eſt. Quod ubi videre qui cædi ſupererant, tumultum paulò, quàm cætera, editiorem capiunt: quos Spitamenes fame in deditionem ſubactuſus obſedit. Cecidere eo prælio peditum duo millia, trecenti equites. Quam cladem Alexander ſolerti conſilio texit, morte denunciata iis, qui ex prælio venerant, ſi acta vulgaſſent.

8 Cæterum cùm animo disparem vultum diutius ferre non pòffet, in tabernaculum, supra ripam fluminis de industria locatum, secessit. Ibi sine arbitris singula animi consulta pensando, noctem vigiliis extraxit, sæpè pellibus tabernaculi allevatis, ut conspiceret hostium ignes, e quibus conjectare poterat, quanta hominum multitudo esset. Jamque lux appetebat, cùm thoracem indutus, procedit ad milites, tum primùm post vulnus proximè acceptum. Tanta erat apud eos veneratio Regis, ut facilè periculi, quod horrebant, cogitationem præsentia ejus excuteret. Lati ergo, & manantibus præ gaudio lachrymis, consalutant eum, &, quod ante recusaverant, bellum feroces deposcunt. Ille se ratibus equitem phalangemque transportaturum esse, pronuntiat; super utres jubet nare leviùs armatos. Plura nec dici res desideravit, nec Rex dicere per valetudinem potuit. Cæterum tanta alacritate militum rates juncæ sunt, ut in triduum ad duodecim millia effectæ sint; jamque ad transeundum omnia aptaverant, cùm legati Scytharum viginti, more gentis, per castra equis vecti nuntiari jubent Regi, velle ipsos ad eum mandata perferre. Admissi in tabernaculum, jusque confidere, in vultu Regis defixerant oculos, credo, quia, magnitudine corporis animum æstimantibus, modicus haudquaquam famæ par videbatur. Scythis autem non, ut cæteris Barbaris, rudis & in-

condi-

conditus sensus est. Quidam eorum sapientiam capere dicuntur, quantancunque gens capit semper armata. Sicque locutos esse apud Regem, memoriæ proditum est, abhorrentia forsitan moribus nostris & tempora, & ingenia cultiora sortitis. Sed ut possit oratio eorum sperni tamen fides nostra non debet; quæ utcunque tradita sunt, incorrupta perferemus. Igitur unum ex his maximum natu ita locutum accepimus: Si Dii habitum corporis tui, aviditati animi parem esse voluissent, orbis te non caperet. Altera manu Orientem, altera Occidentem contingeres. Et hac affectus, scire velles, ubi tanti numinis fulgor conderetur. Sic quoque concupiscis, quæ non capis. Ab Europa petis Asiam: ex Asia transis in Europam. Deinde, si humanum genus omne superaveris, cum sylvis, & nivibus, & fluminibus, ferisque bestiis gesturus es bellum. Quid tu? ignoras, arbores magnas diu crescere, una hora exstirpari? Stultus est, qui fructus earum spectat, altitudinem non metitur. Vide, ne, dum ad cacumen pervenire contendis, cum ipsis ramis, quos comprehenderis, decidas. Leo quoque aliquando minimarum avium pabulum fuit, & ferrum rubigo consumit. Nihil tam firmum est, cui periculum non sit, etiam ab invalido. Quid nobis tecum est? nunquam terram tuam attigimus. Qui sis, unde venias, licetne ignorare in vastis sylvis viventibus? Nec servire ulli possumus, nec impera-



*imperare desideramus . Dona a nobis data sunt , ne Scytharum gentem ignores , jugum boum , aratrum , & sagitta , & patera . His utimur & cum amicis , & adversus inimicos . Fruges amicis damus , boum labore quasitas : Patera cum sisdem vinum Diis libamus : inimicos sagitta eminus , hasta cuminus petimus . Sic Scythia Regem , & pissea Persarum , Medorumque superavimus , patuitque vobis iter usque in Ægyptum . At tu , qui te gloriaris ad latrones persequendos venire omnium gentium , quas adisti , latro es . Lydiam cepisti , Syriam occupasti . Persidem tenes , Bactrianos habes in potestate , Indos petisti . Jam etiam ad pecora nostra avaras & insatiabiles manus porrigis . Quid tibi divitiis opus est , qua te esurire cogunt ? Primus omnium satietate parasti famem , ut quò plura haberes , acrius , qua non habes , cuperes . Non succurrit tibi , quandiu circa Bactra bareas ? Dum illos subigis , Sogdiani bellare coeperunt . Bellum tibi ex victoria nascitur . Nam ut major fortiorque sis , quàm quisquam ; tamen alienigenam dominum pati nemo vult . Transi modò Tanaim : scies , quam latè pateant , nunquam tamen consequeris Scythas . Paupertas nostra velocior erit , quàm exercitus tuus , qui pradam tot nationum ve-  
bit . Rursus , cum procul abesse nos credes , videbis in tuis castris . Eadem enim velocitate & sequimur , & fugimus .*  
**SCYTHARUM SOLITUDINES , Gra-**  
**cis**

cis etiam proverbiiis audio eludi. Nos de-  
serta & humano cultu vacua, magis  
quàm urbes & opulentos agros sequimur.  
Proinde fortunam tuam pressis manibus  
tene: lubrica est, nec invita teneri potest:  
imponere felicitati tua franos; facilius il-  
lam reges. Nostri SINE PEDIBUS  
dicunt esse FORTUNAM, qua ma-  
nus & pinnas tantùm habet: cùm ma-  
nus porrigit, pinnas quoque comprehen-  
dere non sinit. Denique, si Deus es, tri-  
buere mortalibus beneficia debes, non  
sua eripere. Sin autem homo es: id, quod  
es, semper esse te cogita. Stultum est eo-  
rum meminisse, propter quæ tui obli-  
visceris. Quibus bellum non intuleris,  
bonis amicis poteris uti. Nam & firmis-  
sima est inter pares amicitia: & viden-  
tur pares, qui non fecerunt inter se peri-  
culum virium. Quos viceris, amicos tibi  
esse, cave, credas. Inter dominum &  
servum nulla amicitia est: etiam in pace,  
belli tamen jura servantur. Jurando  
gratiam Scythas sancire ne credideris:  
colendo fidem jurant. Græcorum ista  
cautio est, qui acta consignant, & Deos  
invocant: nos religionem in ipsa fide novi-  
mus. Qui non reverentur homines, fallunt  
Deos. Nec tibi amico opus est, de cujus  
benevolentia dubites. Caterum nos &  
Asia & Europa custodes habebis. Bactra,  
nisi dividat Tanais, contingimus. Ultra  
Tanaim, usque ad Thraciam, colimus.  
Thracia Macedoniam conjunctam esse, fa-  
ma

*ma est : utrique imperio tuo finitimos , hostes an amicos velis esse , considera .* Hæc Barbarus .

9 Contra Rex , fortunâ suâ , & consiliis eorum , se usurum esse respondet . Nam & fortunam , cui confidat , & consilium suadentium , ne quid temerè & audacter faciat , secuturum . Dimissisque legatis , in præparatas rates exercitum imposuit . In proris clypeatos locaverat , iussos in genua subsidere , quò tutiores essent adversùs ictus sagittarum . Post hos , qui tormenta intenderent stabant , & ab utroque latere , & a fronte circumdati armatis . Reliqui , qui post tormenta constiterant , remigem lorica indutum scutorum testudine armati protegebant . Idem ordo in illis quoque ratibus , quæ equitem vehebant , servatus est : major pars a puppe nantes equos loris trahebat . At illos , quos utres stramento repleti vehebant , objectæ rates tuebantur . Ipse Rex cum delectis primus ratem solvit , & in ripam dirigi iussit . Cui Scythæ admotos ordines equitum in primo ripæ margine opponunt , ut ne applicari quidem terræ rates possent . Cæterum præter hanc speciem ripis præsidentis exercitus , ingens navigantes terror invaserat . Namque cursum gubernatores , cum obliquo flumine impellerentur , regere non poterant : vacillantesque milites , & ne excuterentur solliciti , nautarum ministeria turbaverant . Nec tela quidem conati nisu vibrare poterant , cùm prior standi sine

periculo, quàm hostem incessendi cura esset. Tormenta salutis fuerunt, quibus in confertos ac temerè se offerentes, haud frustra excussa sunt tela. Barbari quoque ingentem vim sagittarum infudère ratibus. Vixque ullum fuit scutum, quod non pluribus simul spiculis perforaretur. Jamque terræ rates applicabantur, cùm acies clypeata consurgit, & hastas certo ictu, utpotè libero nisu, mittit e ratibus. Et ut territos recipientesque equos videre, alacres mutua adhörtatione in terram desilière. Turbatis acriter pedem inferre cœperunt. Equitum deinde turmæ, quæ frænatos habebant equos, perfregère Barbarorum aciem. Interim cæteri, agmine dimicantium tecti, aptavere se pugna. Ipse Rex, quodd. vigoris ægro adhuc corpori deerat, animi firmitate supplebat. Vox adhortantis non poterat audiri, nondum bene obducta cicatrice cervicis: sed dimicantem cuncti videbant. Itaque ipsi quidem ducemungebantur officio: aliusque alium adhortari in hostem, salutis immemores, ruere cœperunt. Tum verò non ora, non arma, non clamorem hostium Barbari tolerare potuerunt, omnesque effusis habenis (namque equestris acies erat) capesunt fugam, quos Rex, quanquam vexationem invalidi corporis pati non poterat, per Lxxx tamen stadia insequi perseveravit. Jamque linquente animo, suis præcepit, ut, donec lucis aliquid superesset, fugientium tergis inhærerent. Ipse, exhaustis

haustis etiam animi viribus, in castra se recepit, reliquum substitit. Transierant jam Liberi patris terminos, quorum monumenta lapides erant crebris intervallis dispositi, arboresque proceræ, quarum stipites hedera contexerat. Sed Macedones ira longius provexit: quippe media fere nocte in castra redierunt, multis interfectis, pluribus captis, equosque MDCCC abegere. Ceciderunt autem Macedonum equites LX, pedites c fere: M faucii fuerunt. Hæc expeditio deficientem magna ex parte Asiam famâ tam opportunæ victoriæ domuit. Invictos Scythas esse crediderant: quibus fractis, nullam gentem Macedonum armis parem fore, confitebantur. Itaque Sacæ misere legatos, qui pollicerentur, gentem mandata facturam. Moverat eos Regis non virtus magis, quàm clementia in devictos Scythas: quippe captivos omnes sine pretio remiserat, ut fidem faceret, sibi cum ferocissimis gentium de fortitudine, non de ira, fuisse certamen. Benignè igitur exceptis Sacarum legatis, comitem Excipinum dedit, admodum juvenem, ætatis flore conciliatum sibi: qui, càm specie corporis æquaret Hephæstionem, lepore haud sanè illi par erat. Ipse, Cratero cum maiore parte exercitus modicis itineribus sequi iussu, ad Maracanda urbem pervenit, ex qua Spitamenes, cognito ejus adventu, Bactra perfugerat. Itaque quadriduo Rex longum itineris spatium emensus, pervene-

rat in eum locum, in quo, Menedemo  
duce, duo millia peditum, & trecentos  
equites amiserat. Horum ossa tumulo  
contegi jussit, & inferias more patrio de-  
dit. Jam Craterus cum phalange subse-  
qui jussus, ad Regem pervenerat. Itaque  
ut omnes, qui defecerant, pariter belli cla-  
de premerentur, copias dividit, urique  
agros, & interfici puberes jussit.

10 Sogdiana regio majori ex parte de-  
serta est: octoginta fere stadia in latitu-  
dinem vastæ solitudines tenent. Ingens  
spatium rectæ regionis est, per quam  
amnis (Polytimetum vocant incolæ) fer-  
tur. Torrentem eum ripæ in tenuem alveum  
cogunt: deinde caverna accipit, & sub  
terram rapit. Cursus absconditi indi-  
cium est aquæ meantis sonus, cum ipsum  
solum, sub quo tantus amnis fluit, ne mo-  
dico quidem refudet humore, Ex capti-  
vis Sogdianorum, ad Regem triginta no-  
bilissimi, corporum robore eximio, perdu-  
cti erant. Qui, ut per interpretem cogno-  
verunt, jussu Regis ipsos ad supplicium  
trahi, carmen lætantium more canere,  
tripudiisque, & lasciviori corporis motu,  
gaudium quoddam animi ostentare cœ-  
perant. Admiratus Rex, tanta magnitu-  
dine animi oppetere mortem, revocari  
eos jussit; causam tam effusæ lætitiæ, cum  
supplicium ante oculos haberent, requi-  
rens. Illi, si ab alio occiderentur, tristes  
morituros fuisse, respondent: nunc a tan-  
to Rege, victore omnium gentium, mayo-  
ribus

ribus suis redditos, honestam mortem, quam fortes viri voto quoque expeterent, carminibus sui moris lætitiaque celebrare. Tum Rex admiratus magnitudinem animi: *Quaro itaque, inquit, an vivere velitis non inimici mihi, cujus beneficio victuri estis?* Illi, nunquam se inimicos ei, sed bello lacesitos, hostes fuisse, respondent. Si quis ipsos beneficio, quàm injuria experiri maluisset, certaturos fuisse, ne vincerentur officio. Interrogatique, quo pignore fidem obligaturi essent: *Vitam, quam acciperent, pignori futuram esse dixerunt: reddituros, quāndocunq̃ repetiisset.* Nec promissum sefellerunt. Nam qui remissi domos ierant, in fide continuere populares. Quatuor inter custodes corporis retenti, nulli Macedonum in regem charitate cesserunt. In Sogdianis Peucolao cum tribus millibus peditum (neque enim majori præsidio indigebat) relicto, Bactra pervenit, Inde Bessum Ecbatana duci jussit, interfecto Dario pœnas capite persoluturum. Iisdem fere diebus Ptolemæus & Menidas peditum tria millia, & equites mille adduxerunt mercede militaturos: Alexander quoque ex Lycia cum pari numero peditum, & quingentis equitibus venit. Totidem e Syria Asclepiodorum sequebantur. Antipater Græcorum octo millia, in quibus quingenti equites erant, miserat. Itaque exercitu aucto, ad ea, quæ defectione turbata erant, componenda pro-

cessit : interfectisque consternationis authoribus, quarto die ad flumen Oxum perventum est. Hic, quia limum vehit, turbidus semper, & insalubris est potu. Itaque puteos miles cœperat fodere. Nec tamen humo altè egestâ existerat humor, cùm in ipso tabernaculo Regis conspectus est fons : quem, quia tardè notaverant, subito extitisse finxerunt; Rexque ipse credi voluit, donum Dei id fuisse. Superatis deinde omnibus Ocho & Oxo, ad urbem Marginiam pervenit. Circa eam sex oppidis condendis electa sedes est. Duo ad meridiem versa, quatuor spectantia Orientem, modicis inter se spatiis distabant, ne procul repetendum esset mutuum auxilium. Hæc omnia sita sunt in editis collibus, tum velut fræni domitarum gentium; nunc originis suæ oblita, serviunt quibus imperaverunt. Et cætera quidem pacaverat.

II Una erat Petra, quam Arimazes Sogdianus cum xxx millibus armatorum obtinebat, alimentis ante congestis, quæ tantæ multitudini vel per biennium suppeterent. Petra in altitudinem xxx eminet stadia, circuitu c & L complectitur. Undique abscissa & abrupta, semita perangusta aditur. In medio altitudinis spatium habet specum, cujus os arctum & obscurum est; paulatim deinde ulteriora panduntur. Ultima etiam altos recessus habent; fontes  
per



per totum fere specum manant; e quibus collatæ aquæ per prona montis flumen emittunt. Rex, loci difficultate spectata, statuerat inde abire; cupidò deinde incessit animo, naturam quoque fatigandi. Prius tamen quàm fortunam obfidionis experiretur, Cophen ( Artabazi hic filius erat ) misit ad Barbaros, qui suaderent, ut dederent rupem. Arimazes loco fretus, superbè multa respondit. Ad ultimum, an Alexander volare possit, interrogat. Quæ nuntiata Regi, sic accendère animum, ut adhibitis, cum quibus consultare erat solitus, indicaret insolentiam Barbari illudentis ipsos, quia pinnas non haberent. Se autem proxima nocte effecturum, ut crederet, Macedonàs etiam volare, Trecentos, inquit, perniciosissimos juvenes ex suis quisque copiis perducite ad me, qui per calles, & pendè in vias rupes, domi pecora agere consueverint. Illi præstantes & levitate corporum, & ardore animorum strenuè adducunt: quos intuens Rex, Vobiscum, inquit, o juvenes, & mei aequales, urbium invictarum ante munimenta superavi: montium juga perenni nive obruta emensus sum: angustias Cilicia intravi: India sine lassitudine vim frigoris sum perpessus. Et mei documenta vobis dedi, & vestra habeo. Petra, quam videtis, unum aditum habet, quem Barbari obsident, cetera negligunt. Nulla vigilia

sunt, nisi quæ castra nostra spectant. Invenietis viam, solerter rimati fueritis aditus ferentes, ad cacumen. Nihil tam altè natura constituit, quò virtus non possit eniti. Experiendo, quæ ceteri desperaverunt, Asiam habemus in potestate. Evadite in cacumen: quod cum ceperitis, candidis velis signum mihi dabit: ego, copiis admotis, hostem in nos a vobis convertam. Præmium erit ei, qui primus occupaverit verticem, talenta decem. Uno minus accipiet, qui proximus ei venerit: eademque ad decem homines servabitur portio. Certum habeo, vos non tam liberalitatem intueri meam, quàm voluntatem. His animis Regem audierunt, ut jam cepisse verticem viderentur, dimissique, ferreos cuneos, quos inter saxa defigerent, validosque funes parabant. Rex circumvectos Petram, quæ minimè asper ac præruptus aditus videbatur, secunda vigilia (quod benè verteret) ingredi jubet. Illi, alimentis in biduum sumptis, gladiis modò atque hastis armati subire cœperunt. Ac primò pedibus ingressi sunt: deinde, ut in prærupta perventum est, alii manibus eminentia saxa complexi, levavere semet; alii, adjectis funium laqueis, evasere, cum cuneos inter saxa defigerent, quæis gradus subinde insisterent: diem inter metum laboremque consumpserunt. Per aspera enixis, duriora præstabant, & crescere altitudo

Petræ videbatur. Illa verò miserabilis erat facies, cùm ii, quos instabilis gradus fefellerat, ex præcipiti devolverentur: mox eadem in se patienda alieni casus ostendebat exemplum. Per has tamen difficultates enituntur in verticem montis, omnes fatigatione continuati laboris affecti, quidam multati parte membrorum; pariterque eos & nox, & somnus oppressit. Stratis passim corporibus in inviis & in asperis saxorum, periculi instantis obliti in lucem quieverunt; tandemque velut ex alto sopore excitati, occultas subjectasque ipsis valles rimantes, ignari in qua parte Petræ tanta vis hostium condita esset, fumum specus infra seipsos evolutum notaverunt. Ex quo intellectum est, illam hostium latebram esse. Itaque hastis imposuere, quod convenerat, signum, totoque e numero duos & triginta in ascensu interiisse cognoscunt. Rex non cupidine magis potiundi loci, quàm vicem eorum, quos ad tam manifestum periculum miserat, sollicitus, toto die cacumina montis intuens restitit. Noctu demum cùm obscuritas conspectum oculorum ademisset, ad curandum corpus recessit. Postero die nondum satis clara luce, primus vela, signum capti verticis, conspexit. Sed ne falleretur acies, dubitare coegbat varietas cœli, internitente lucis fulgore conditi. Verùm ut liquidior lux apparuit cœlo, dubitatio exempta est; vocatumque Copen, per quem Barbarorum

animos tentaverat, mittit ad eos, qui moneret, nunc saltem salubrius consilium inirent. Sin autem fiducia loci perseverarent, ostendi a tergo jussit, qui ceperant verticem. Cophes ad eos missus suadere coepit Arimazi Petram tradere, gratiam Regis inituro, si tantas res molientem in unius rupis obsidione hæere non coegisset. Ille, ferocius superbiusque, quàm antea locutus, abire Cophen jubet. At is prehensum manu Barbarum rogat, ut secum extra specum prodeat: quo impetrato, juvenes in cacumine ostendit, ejusque superbiæ haud immeritò illudens, pinnas, ait, habere milites Alexandri. Jamque e Macedonum castris signorum concentus, & totius exercitus clamor audiebatur. Ea res, sicut pleraque belli vana & inania, Barbaros ad deditionem traxit: quippe occupati metu, paucitatem eorum, qui a tergo erant, æstimare non poterant. Itaque Cophen (nam trepidantes reliquerat) strenuè revocant, & cum eo triginta principes mittunt, qui Petram tradant, & ut incolumibus abire liceat, paciscantur. Ille, quanquam verebatur, ne, conspecta juvenum paucitate, deturbarent eos Barbari; tamen & fortunæ suæ confusus, & Arimazi superbiæ infensus, nullam se conditionem deditionis accipere, respondit. Arimazes, desperatis magis quàm perditis rebus, cum propinquis nobilissimisque gentis suæ descendit in castra, quos omnes

omnes verberibus affectos sub ipsis radi-  
cibus Petrae crucibus iussit affigi,  
Multitudo deditorum incolis  
novarum urbium cum pe-  
cunia capta dono da-  
ta est. Artaba-  
zus, in Pe-  
trae  
regionisque quae apposita esset  
ei, tutela, reli-  
ctus est.



## LIBER VIII.

## Breviarium Libri.

1 **M**Assagetis, Dabiz, & Sogdianis subactis, Scytba sui Regis filiam Alexandro conjugem offerunt: qui, leone interfecto, & quatuor millibus ferarum in venatione dejectis, Clytū solenni convivio adhibitum, & liberius loquentem interficit.

2 Sera Alexandri pœnitentia, quam sequuntur bellica expeditiones adversus Bactrianos transfugas & Sysmithren: Philippi item strenuissimi juvenis, & Eri-gyi clarissimi ducis obitus.

3 Spitamenis uxorem, interfecti mariti caput asserentem, Alexander castris ex-cedere jubet: provincias quasdam a præ-fectorum suorum injuriis vindicat.

4 Frigoris nimia vi penè opprimitur exercitus Gabazam aditurus. Alexandri constantia, & erga gregarium militem humanitas, ejusdemque cum Roxane matrimo-nium.

5 Cogitationibus in bellum Indicum versis, adulatorum fraude, nimia super-bia elatus Alexander, Jovis filius vult sa-lutari: quod Callisthenes gravi oratione improbat.

6 Ex ignominia Hermelao nobili pue-ro illata nascitur in caput Alexandri con-  
iuratio: qua detecta, inter auctores scele-  
ris

ris innocens Callisthenes conjicitur.

7 Hermolai, Callisthenem justum esse asseverantis, adversus crudelem Alexandri superbiam invectiva.

8 Alexandri ad Hermolai invectivam responsio: conjuratorum item, atque innocentis Callisthenis supplicium.

9 Indi, Gangis, Dyardenis, India, ejus incolarum, luxu diffluentium regum, ac sapientum, luculenta descriptio.

10 Varios India populos mira felicitate, non tamen sine sanguine, Alexander subicit.

11 Aornus Petra & arx inaccessa ab Alexandro oppugnatur, & ab obsessis relicta capitur.

12 Ompbis rex potentissimus se regnumque suum Alexandro permittit, a quo integrum restituitur: unde mutua dona regia.

13 Porum regem, Ompbis suasu, Alexander ancipiti quidem & sub initia periculossimo aggreditur bello.

14 Indorum & Macedonum insignis & cruenta pugna: Pori captivi magnanimitas, & Alexandri regis clementia.



**A**LEXANDER majore famâ,  
 quàm gloriâ in ditionem  
 redactâ Petrâ, cùm pro-  
 pter vagum hostem spar-  
 gendæ manus essent, in-  
 tres partes divisit exerci-  
 tum: Hephæstionem uni, Coenon alteri  
 duces dederat: ipse cæteris præerat. Sed  
 non eadem mens omnibus Barbaris fuit.  
 Armis quidam subacti, plures ante certa-  
 men imperata fecerunt: quibus eorum,  
 qui in defectione perseveraverant, ur-  
 bes agrosque jussit attribui. At exules  
 Bactriani cum DCCC equitibus Massa-  
 getarum proximos vicos vastaverunt.  
 Ad quos coercendos Attinas regionis  
 ejus Præfectus ccc equites, insidiarum  
 quæ parabantur ignarus, eduxit. Nam-  
 que hostis in sylvis, quæ erant fortè  
 campo junctæ, armatum militem condidit,  
 paucis propellentibus pecora, ut improvi-  
 dum ad insidias præda perduceret. Itaque  
 incompósito agmine, solutisque ordinibus,  
 Attinas prædabundus sequebatur: quem  
 prætergressum sylvam, qui in ea confede-  
 rant, ex improvise adorti, cum omnibus in-  
 teremerunt. Celeriter ad Craterum hujus  
 cladis fama perlata est, qui cum omni equi-  
 tatu supervenit. Et Massagetæ quidem  
 jam refugerant. Dahæ mille oppressi sunt:  
 quorum clade, totius regionis finita defe-  
 ctio. Alexander quoque, Sogdianis rur-  
 sus subactis, Maracanda repetit. Ibi Bex-  
 des,



des, quem ad Scythas super Bosphorum colentes miserat, cum legatis gentis occurrit. Phrataphernes quoque, qui præerat Massagetis & Dahis regionum confinio adjunctus, miserat, qui facturum imperata pollicerentur. Scythæ petebant, ut Regis sui filiam matrimonio sibi jungeret: si dedignaretur affinitatem, principes Macedonum cum primoribus suæ gentis connubio coire pateretur: ipsum quoque Regem venturum ad eum pollebantur. Utraque legatione benignè audita, Hephæstionem & Artabazum opperiens, stativa habuit: quibus adjunctis, in regionem, quæ appellatur Bazaria, pervenit. Barbaræ opulentia in illis locis haud ulla sunt majora indicia, quàm magnis nemoribus nobilium ferarum greges clausi. Spatiosas ad hoc eligunt sylvas, crebris perennium aquarum fontibus amœnas. Muris nemora cinguntur, turresque habent venantium receptacula. Quatuor continuis ætatibus intactum saltum fuisse constabat; quem Alexander cum toto exercitu ingressus, agitari undique feras jussit. Inter quas cum leo magnitudinis raræ ipsum Regem invasurus incurreret, fortè Lyfimachus, qui postea regnavit, proximus Alexandro, venabulum objicere feræ cœperat. Quo Rex repulso, & abire jussu, adjecit: Tam a semet uno, quàm a Lyfimacho, leonem interfici posse. Lyfimachus enim quondam, cum venaretur in Syria, occiderat eximia magnitudinis feram

feram solus, sed lævo humero usque ad ossa laceratus, ad ultimum periculi pervenerat. Idipsum exprobrans ei Rex, fortius, quàm locutus est, fecit. Nam feram non excepit modò, sed etiam uno vulnere occidit. Fabulam, quæ objectum leóni a Rege Lyfimachum temerè vulgavit, ab eo casu (quem supra diximus) ortam esse crediderim. Cæterum Macedones quamquam prospero eventu defunctus erat Alexander; tamen scivere gentis suæ more, ne pedes venaretur sine delectis principum, amicorumque. Ille quatuor millibus ferarum dejectis, in eodem saltu cum toto exercitu epulatus est. Inde Maracanda reditum est; acceptaque ætatis excusatione ab Artabazo, provinciam ejus destinat Clyto. Hic erat, qui apud Granicum amnem nudo capite Regem dimicantem clypeo suo texit: & Rhofacis manum capiti Regis imminentem gladio amputavit; vetus Philippi miles, multisque bellicis operibus clarus. Hellanice, quæ Alexandrum educaverat, soror ejus haud secus quàm mater a Rege diligebatur. Ob has causas validissimam imperii partem fidei ejus tutelæque commisit. Jamque iter parare in posterum jussus, solenni & tempestivo adhibetur convivio. In quo Rex cum multo incaluisset mero, immodicus æstimator sui, celebrare, quæ gesserat, capit: gravis etiam eorum auribus, qui sentiebant, vera memorari. Silentium tamen habuere seniores, donec Philippi res-  
orsus

orsus obterere, nobilem apud Chero-  
neam victoriam sui operis fuisse jactavit,  
ademptamque sibi malignitate & invi-  
diâ patris tantæ rei gloriam. Illum qui-  
dem, seditione inter Macedonas milites  
& Græcos mercenarios ortâ, debilita-  
tum vulnere, quod in ea consternatio-  
ne acceperat, jacuisse, non aliâs quàm  
simulatione mortis tutiorem: se corpus  
ejus protexisse clypeo suo, ruentesque  
in illum sua manu occisos. Quæ pa-  
trem nunquam æquo animo esse con-  
fessum, invitum filio debentem salutem  
suam. Itaque post expeditionem, quam  
sine eo fecisset ipse in Illyricos, victorem  
scripsisse se patri, fusos fugatosque ho-  
stes, nec affuisse usquam Philippum.  
Laude dignos esse, non qui Samothracum  
initia viderent, cum Asiam uri, vastari-  
que oporteret; sed eos, qui magnitu-  
dine rerum fidem antecessissent. Hæc &  
his similia læti audiere juvenes: ingrata  
senioribus erant, maximè propter Phi-  
lippum, sub quo diutius vixerant. Tum  
Clytus, ne ipse quidem satis sobrius,  
ad eos, qui infra ipsum cubabant, con-  
versus, Euripidis retulit carmen, ita ut  
sonus magis quàm sermo exaudiri pos-  
set a Rege. Quo significabatur, malè in-  
stituisse Græcos, quòd trophæis Regum  
duntaxat nomina inscriberentur: alieno  
enim sanguine partam gloriam intercipi.  
Itaque Rex cum suspicaretur, malignius  
habitum esse sermonem, percontari pro-  
ximos

ximos cœpit, quid ex Clyto audissent. Et illis ad silentium obstinatis, Clytus paulatim majore voce Philippi acta, bellaque in Græcia gesta commemorat, omnia præsentibus præferens. Hinc inter juniores senesque orta contentio est. Et Rex, velut patienter audiret, quæis Clytus obterebat laudes ejus, ingentem iram conceperat. Cæterum cum animo videretur imperaturus, si finem procaciter orto sermoni Clytus imponeret; nihil eorum omittente, magis exasperabatur. Jamque Clytus etiam Parmenionem defendere audebat: & Philippi de Atheniensibus victoriam, Thebarum præferebat excidio; non vîno modò, sed etiam animi prava contentione provecus. Ad ultimum, *Si moriendum, inquit, est pro te, Clytus est primus. At victoria majus præmium ferunt, qui procacissimè patris tui memoria illudunt. Sogdianam regionem mihi attribuis, toties rebellem, & non modò indomitam, sed qua ne subigi quidem possit. Mittor ad feras bestias, præcipitia ingentia sortitas. Sed qua ad me pertinent, transeo: Philippi milites spernis, oblitus, nisi hic Atbarias senex juniores pugnam detrectantes revocasset, adhuc nos circa Halicarnassum basuros fuisse. Quomodo ergo Asiam etiam cum istis junioribus subjecisti? Verum est (ut opinor) quod avunculum tuum in Italia dixisse, constat: ipsum in viros incidisse, te in fœminas. Nihil ex omnibus inconsultè ac temerè actis Regem magis*  
move.

moverat, quàm Parmenionis cum honore mentio illata; dolorem tamen Rex pressit, contentus jussisse, ut convivio excederet; nec quidquam aliud adjeit, quàm forsitàn eum ( si diutius locutus foret ) exprobraturum sibi fuisse vitam a semetipso datam; hoc enim superbè sæpè jactasse. Atque illum cunctantem adhuc surgere, qui proximi ei cubuerant, injectis manibus jurgantes, monentesque conabantur abducere. Clytus cùm abstraheretur, ad pristinam violentiam ira quoque adjecta: *Suo pectore tergum illius esse defensum: nunc, posteaquam tanti meriti prateriit tempus, etiam memoriam invisam esse, proclamat. Attali quoque eadem objiciebat: & ad ultimum, Jovis, quem patrem sibi Alexander assereret, oraculum eludens, veriora se Regi, quàm patrem ejus, respondisse dicebat.* Jam tantum iræ conceperat Rex, quantum vix sobrius ferre potuisset. Enim verò mero sensibus victis, ex lecto repente prosiluit. Attoniti amici, ne positis quidem, sed abjectis poculis, consurgunt, in eventum rei, quam tanto impetu acturus esset, intenti. Alexander, rapta lancea ex manibus armigeri, Clytum adhuc eâdem linguæ intemperantiâ furem percutere conatus, a Ptolemæo & Perdicca inhibetur, medium complexi, & oblucri perseverantem, morabantur. Lyfimachus & Leonatus etiam lanceam abstulerant. Ille militum fidem implorans, comprehendi se a proximis

ximis amicorum, quod Dario nuper accidisset, exclamat: signumque tubâ dari, ut ad regiam armati coirent, jubet. Tum verò Ptolemæus & Perdiccas genibus advoluti orant, ne in tam præcipiti ira perseveret, spatiumque potius animo det: omnia postero die justius executurum. Sed clausæ erant aures, obstrepente ira. Itaque impotens animi percurrit in regiae vestibulum, & vigili excubanti hastâ ablatâ constitit in aditu, quò necesse erat iis, qui simul cœnaverant, egredi. Abierant cæteri: Clytus ultimus sine lumine exhibat. Quem Rex, quisnam esset, interrogat. Eminebat, etiam in voce, sceleris quod parabat, atrocitas. Et ille jam non suæ, sed Regis iræ memor, Clytum esse, & de convivio exire respondit. Hæc dicentis latus hasta transfixit, morientisque sanguine aspersus: *I nunc, inquit, ad Philippum, & Parmenionem, & Attalum.*

2. Malè humanis ingeniis natura consuluit, quòd plerunque non futura, sed transacta perpendimus: quippe Rex posteaquam ira mente decesserat, etiam ebrietate discussa, magnitudinem facinoris se-  
ra æstimatione perspexit. Videbat tunc, immodica libertate abusum, sed alioqui egregium bello virum, & nisi erubesceret fateri, servatorem sui, occisum. Detestabile carnificis ministerium occupaverat Rex, verborum licentiam, quæ vino poterat imputari, nefanda cæde ultus. Manabat

toto

toto vestibulo cruor paulò ante convivæ :  
vigiles attoniti & stupentibus similes pro-  
cul stabant, liberio remque pœnitentiam so-  
litudò excipiebat. Ergo hastam ex corpore  
jacentis evulsam retorsit in semet : jamque  
admoverat pectori, cùm advolant vigi-  
les, & repugnanti e manibus extorquent,  
allevatumque in tabernaculum deferunt.  
Ille humi prostraverat corpus : gemitu  
ejulatuque miserabili totâ personante re-  
giâ. Laniare deinde os unguibus, & circum-  
stantes rogare, ne se tanto dedecori super-  
stitem esse paterentur. In has preces tota  
nox exacta est : scrutantemque, num irâ  
Deorum ad tantum nefas actus esset, sub-  
it, anniversarium sacrificium Libero pa-  
tri non esse redditum stato tempore. Ita-  
que inter vinum & epulas cæde commissâ,  
iram Dei fuisse manifestam. Cæterum ma-  
gis eo movebatur, quòd omnium amico-  
rum animos videbat attonitos : neminem  
cum ipso sociare sermonem postea ausu-  
rum. Vivendum esse in solitudine, velut  
feræ bestię terrenti alias, alias timentis.  
Prima deinde luce tabernaculo corpus, sic-  
ut adhuc cruentum erat, jussit inferri.  
Quo posito ante ipsum, lachrymis obor-  
tis, *Hanc, inquit, nutrici mea gratiam*  
*retuli, cujus duo filii apud Miletum,*  
*pro mea gloria occubuerunt mortem? Hic*  
*frater, unicum orbitatis solatium, a*  
*me inter epulas occisus est. Quo nunc*  
*se conferet misera? Omnibus ejus unus su-*  
*persum, quem solum aquis oculis videns*

*non poterit. Et ego servatorum meorum latro revertar in patriam, ut ne dexteram quidem nutrici sine memoria calamitatis ejus offerre possim? Et cum finis lachrymis querisque non fieret, jussu amicorum corpus ablatum est. Rex triduum jacuit inclusus. Quem ut armigeri corporisque custodes ad moriendum obstinatum esse cognoverunt, universi in tabernaculum irrumpunt, diuque precibus ipsorum reluctatum ægrè vicerunt, ut cibum caperet. Quoque minus cædis puderet, jure interfectum Clytum, Macedones decernunt, sepulturâ quoque prohibitori, ni Rex humari jussisset. Igitur decem diebus maxime ad confirmandum pudorem apud Maracanda consumptis, cum parte exercitus Hephæstionem in regionem Bactrianam misit, commeatus in hyemem paraturum. Quam Clyto autem destinaverat provinciam, Amyntæ dedit. Ipse Xenippa pervenit. Scythiæ confinis est regio, habitaturque pluribus ac frequentibus vicis, quia ubertas terræ non indigenas modò detinet, sed etiam advenas invitat. Bactrianorum exulum, qui ab Alexandro defecerant, receptaculum fuerat. Sed posteaquam Regem adventare compertum est, pulsi ab incolis, duo millia ferè & ducenti congregantur. Omnes equites erant, etiam in pacè latroniciis assueti. Tum ferocia ingenia non bellum modò, sed etiam veniæ desperatio efferaverat. Itaque ex improvviso adorti Amyntam Prætorem Alexandri,*



dri, diu anceps proelium fecerant. Ad ultimum, DCC suorum amissis, quorum CCC hostis cepit, dedere terga victoribus, haud sanè inulti: quippe lxxx Macedonum interfecerunt, præterque eos trecenti & quinquaginta faucii facti sunt; veniam tamen etiam post alteram defectionem impetraverunt. His in fidem acceptis, in regionem, quam Naura appellant, Rex cum toto exercitu venit. Satrapes erat Syfimithres, duobus ex sua matre filiis genitis: quippe apud eos parentibus stupro coire cum liberis fas est. Duobus milibus armatis popularibus, fauces regionis, quæ in arctissimum cogitur, valido munimento sepserant. Præterfluebat torrens amnis, qui terga Petræ claudebat; hanc manu perviam incolæ fecerant. Sed aditus specus accipit lucem: interiora, nisi illato lumine, obscura sunt. Perpetuus cuniculus iter præbet in campos ignotum, nisi indigenis. At Alexander, quanquam angustias naturali situ munitas valida manu Barbari tuebantur, tamen arietibus admotis, munimenta, quæ manu adjuncta erant, concussit, fundisque & sagittis propugnantium plerosque dejecit: quos ubi dispersos fugavit, ruinas munimentorum supergressus, ad Petram admovit exercitum. Cæterum interveniebat fluvius coeuntibus aquis ex superiore fastigio in vallem, magnique operis videbatur, tam vastam voraginem explere. Cædi tamen arbores, & saxa congeri jussit. Ingensque

Bar-

Barbaros pavor rudes ad talia opera concusserat, excitatam molem subito cernentes. Itaque Rex ad deditionem metu posse compelli ratus, Oxarten misit nationis ejusdem, sed ditionis suæ, qui suaderet duci, ut traderet Petram. Interim ad augendam formidinem, & turres admovebantur, & excussa tormentis tela emicabant. Itaque verticem Petræ, omni alio præsidio damnato, petiverunt. At Oxartes trepidum diffidentemque rebus suis Sysimithrem cœpit hortari, ut fidem, quàm vim Macedonum, mallet experiri; neu moraretur festinationem victoris exercitus in Indiam tendentis: cui quisquis semet offerret, in suum caput alienam cladem esse versurum. Et ipse quidem Sysimithres deditionem annuebat: cæterum mater eademque conjux morituram se ante denuntiâns, quàm in ullius veniret potestatem, Barbari animum ad honestiora quàm tutiora converterat; pudebatque, libertatis majus esse apud fœminas, quàm apud viros pretium. Itaque dimisso internuntio pacis, obsidionem ferre decreverat. Sed cùm hostis vires, suasque pensaret, rursus muliebris consilii, quod præceptis magis quàm necessarium esse credebat, poenitere eum cœpit; revocatoque strenuè Oxarte, futurum se in Regis potestate, respondit: unum precatus, ne voluntatem & consilium matris suæ proderet, quo facilius venia illi quoque impetraretur. Præmissum igitur Oxartem cum matre libe-

liberisque, & totius cognationis grege,  
 sequebatur, ne expectato quidem fidei  
 pignore, quod Oxartes promiserat. Rex,  
 equite præmisso, qui reverti eos juberet,  
 opperiri que præsentiam ipsius, superven-  
 nit; & victimis Minervæ ac Victoriæ cæ-  
 sis, imperium Sysmithri restituit, spe ma-  
 joris etiam provinciæ facta, si cum fide  
 amicitiam ipsius coluisset. Duos illi juve-  
 nes, patre tradente, secum militaturos se-  
 qui jussit. Relicta deinde phalange, ad  
 subigendos, qui defecerant, cum equi-  
 te processit. Arduum & impeditum sa-  
 xis iter primò utcunque tolerabant. Mox  
 equorum non ungulis modò attritis,  
 sed corporibus etiam fatigatis, sequi ple-  
 rique non poterant, & rarius subinde ag-  
 men fiebat, pudorem (ut fere fit) immo-  
 dico labore vincente. Rex tamen subin-  
 de equos mutans, sine intermissione fu-  
 gientes insequabatur. Nobiles juvenes  
 comitari eum soliti defecerant, præter Phi-  
 lippum: Lysimachi erat frater, tum primùm  
 adultus, &, quod faciliè appareret, indolis  
 raræ. Is pedes (incredibile dictu) per cc sta-  
 dia vectum Regem comitatus est, sæpè  
 equum suum offerente Lysimacho: nec  
 tamen, ut digrederetur a Rege, effici po-  
 tuit, cùm lorica indutus arma gestaret.  
 Idem, cùm perventum esset in saltum,  
 in quo se Barbari abdiderant, nobilem  
 edidit pugnam, Regemque cominus cum  
 hoste dimicantem protexit. Sed postea-  
 quam Barbari in fugam effusi deseruere  
 sylvas,

sylvas, animus, qui in ardore pugnae corpus sustentaverat, liquit: subitoque ex omnibus membris profuso sudore, arboris proximæ stipiti se applicuit. Deinde, ne illo quidem adminiculo sustinente, manibus Regis exceptus est, inter quas collapsus, extinguitur. Mœstum Regem alius haud levis dolor excepit. Erigyus inter claros duces fuerat, quem extinctum esse paulò antequam reverteretur in castra, cognovit. Utriusque funus omni apparatu atque honore celebratum est.

3 Dahas deinde statuerat petere: ibi namque Spitamenem esse cognoverat. Sed hanc quoque expeditionem, ut pleraque alia, fortuna, indulgendo ei nunquam fatigata, pro absente transegit. Spitamenes uxoris immodico amore flagrabat: quam, ægrè fugam & nova subinde exilia tolerantem, in omne discrimen comitem trahabat. Illa malis fatigata, identidem muliebres adhibere blanditias, ut tandem fugam sisteret, victorisque Alexandri clementiam expertus, placaret, quem effugere non posset. Tres adulteri erant liberi ex eo geniti, quos cùm pectori patris admo- visset, ut saltem eorum misereri vellet, orabat. Et quò efficaciores essent preces, haud procul erat Alexander. Ille se prodi, non morari ratus, & formæ profectò fiducia cupere eam quamprimùm dedi Alexandro, acinacem strinxit, percussurus uxorem, nisi prohibitus esset fratrum ejus

occur-

occurſu. Cæterum abire e conſpectu jubet, addito metu mortis, ſi ſe oculis ejus obtuliſſet: & ad deſiderium levandum noctes inter pellices agere cœpit. Sed penitus hærens amor, faſtidio præſentium accenſus eſt. Itaque rurfus uni ei deditus, orare non deſtitit, ut tali conſilio abſtineret, patereturque ſortem, quamcunque his fortuna feciſſet, Sibi mortem deditione eſſe levioſem. At illa purgare ſe, quodd quæ utilia eſſe cenſebat, muliebriter forſitan, ſed fida tamen mente ſuaſiſſet: de cætero futuram in viri poteſtate. Spitamenes ſimulato captus obſequio, de die convivium apparari jubet; vinoque & epulis gravis ſemiſomnus in cubiculum fertur. Quem ut alto & gravi ſomno ſopitum eſſe ſenſit uxor, gladium, quem veſte occultaverat, ſtringit; caputque ejus abſciſſum cruore reſperſa ſervo ſuo conſcio facinoris tradit. Eodem comitante (ſicut erat cruenta veſte) in Macedonum caſtra pervenit, nuntiarique Alexandro jubet, eſſe, quæ ex ipſa deberet agnoſcere. Ille protinus Barbaram juſſit admitti. Quam ut aſperſam cruore conſpexit, ratus ad deplorandam contumeliam veniſſe, dicere, quæ vellet, jubet. At illa, ſervum, quem ſtare in veſtibuſo juſſerat, introduci deſideravit. Qui, quia caput Spitamenis veſte reſectum habebat, ſuſpectus, ſcrutanti- bus quid occuleret, oſtendit. Confuſerat oris exſanguis notas pallor, nec, quis eſſet, noſci ſatis poterat. Ergo Rex certior fa-

clius, humanum caput afferre eum, tabernaculo excessit, percontatusque, quid rei sit, illo profitente cognoscit. Variæ hinc cogitationes invicem animum diversa agitantem commoverant. Meritum ingens in semet esse credebat, quod transfuga, & proditor, tantis rebus (si vixisset) injecturus moram, interfectus esset. Contra facinus ingens averfabatur, cum optimè meritum de ipsa, communium parentem liberorum, per insidias interemisset. Vicit tamen gratiam meriti sceleris atrocitas, denuntiarique jussit, ut excederet castris, neu licentiæ Barbaræ exemplar in Græcorum mores & mitia ingenia transferret. Dahæ, Spitamenis cæde comperta, Dataphernem, defectionis ejus participem, vinculum Alexandro, seque dedunt. Ille maxima præsentium curarum parte liberatus, convertit animum ad vindicandas injurias eorum, quibus a Prætoribus suis avarè ac superbè imperabatur. Ergo Phratapherni Hyrcaniam, & Mardos cum Tauris tradidit, mandavitque, ut Phradatem, cui succedebat, ad se in custodiam mitteret. Arsami Cariæ Præfecto substitutus est Stafanor. Arsaces in Mediam missus, ut Oxidates inde discederet. Baby-lonia, mortuo Mazæo, Deditameni subiecta est.

4 His compositis, tertio mense ex hybernis movit exercitum; regionem, quæ Gabaza appellatur, aditurus. Primus dies quietum iter præbuit; proximus ei non-  
dum

dum quidem procellosus & tristis, obscurior tamen pristino, non sine minis crescentis mali, damno præterit. Tertio ab omni parte cœli emicare fulgura, & nunc internitente luce, nunc conditâ, non oculos modò meantis exercitus, sed etiam animos terrere cœperunt. Erat prope continuus cœli fragor, & passim cadentium fulminum species visebatur: attonitisque auribus stupens agmen, nec progredi, nec confidere audebat. Tum repenti imber grandinem incutiens, torrentis modo effunditur. Ac primò quidem armis suis tecti exceperant. Sed jam nec retinere arma lubrica rigentes manus poterant, nec ipsi destinare, in quam regionem obverterent corpora, cùm undique tempestatis violentia major, quàm vitabatur, occurreret. Ergo ordinibus solutis, per totum saltum errabundum agmen ferebatur, multique, prius metu quàm labore defatigati, prostraverant humi corpora, quamquam imbrem vis frigoris concreto gelu astrinxerat. Alii se stipitibus arborum admovebant; id plurimis & adminiculum & suffugium erat. Nec fallebat ipsos, morti locum eligere, cùm immobiles vitalis calor linqueret. Sed grata erat pigritia corporum fatigatis, nec recusabant extinguì quiescendo; quippe non vehemens modò, sed etiam pertinax vix mali insistebat, lucemque, naturale solatium, præter tempestatem haud disparem nocti, sylvarum quoque umbræ suppresserant. Rex

unus tanti mali patiens, circuire milites, contrahere dispersos, allevare prostratos, ostendere procul evolutum ex tuguriis fumum, hortarique ut proxima quæque suffugia accuparent. Nec ulla res magis salutis fuit, quàm quòd, multiplicato labore sufficientem malis, quibus ipsi cesserant, Regem deferere erubescabant. Cæterum efficacior in adversis necessitas, quàm ratio, frigoris remedium invenit. Dolabris enim sylvas sternere aggressi, passim acervos struesque accenderunt. Continenti incendio ardere crederes saltum, & vix inter flammæ agminibus relictum locum. Hic calor stupentia membra commovit, paulatimque spiritus, quem continuerat rigor, meare liberè cœpit. Excepere alios tecta Barbarorum, quæ in ultimo saltu abdita necessitas investigaverat. Alios castra, quæ in humido quidem, sed jam cœli mitescente sævitia, locaverant. Mille militum atque lixarum, calonumque pestis illa consumpsit. Memoriam proditum est, quosdam applicatos arborum truncis, & non solum viventibus, sed & inter se colloquentibus similes esse conspectos, durante adhuc habitu, in quo mors quemque deprehenderat. Fortè Macedo gregarius miles, seque & arma sustentans, tandem in castra pervenerat. Quo viso, Rex quamquam ipse tunc maximè admoto igne refovebat artus, ex sella sua exiit, torpentemque militem, & vix compotementis, demptis armis, in sua sede jussit

con-



considerare. Ille diu, nec ubi requiesceret, nec a quo esset exceptus, agnovit. Tandem recepto calore vitali, ut regiam sedem, Regemque vidit, terfitus surgit. Quem intuens Alexander: *Esquid intelligis, miles, inquit, quanto meliore sorte, quam Persa, sub Rege vivatis? Illis enim in sella Regis consedissee capitale foret, tibi saluti fuit.* Postero die convocatis amicis, copiarumque ducibus, pronuntiari jussit, ipsum omnia, quæ amissa essent, redditurum, & promisso fides extitit. Nam Sysmithres multa jumenta, & camelorum duo millia adduxit, pecoraque & armenta, quæ distributa, pariter militem & damno & fame liberaverunt. Rex gratiam sibi relata a Sysmithre præfatus, sex dierum cocta cibaria ferre milites jussit. Sacas petens, totam hanc regionem depopulatus, triginta millia pecorum ex præda Sysmithri dono dat. Inde pervenit in regionem, cui Cohortanus Satrapes nobilis præerat, qui se Regis potestati fideique permisit. Ille, imperio ei reddito, haud amplius, quam ut duo ex tribus filiis secum militarent, exegit. Satrapes etiam eo, qui penes ipsum relinquebatur, tradito, barbara opulentia convivium, quo Regem accipiebat, instruxerat. Id cum multa comitate celebraret, introduci triginta nobiles virgines jussit; inter quas erat filia ipsius Roxane nomine, eximia corporis specie, & decore habitus in Barbaris raro. Quæ, quanquam inter electas

processerat, omnium tamen oculos convertit in se. maximè Regis, minus jam cupiditatibus suis imperantis inter obsequia fortunæ, contra quam non satis cauta mortalitas est. Itaque ille, qui uxorem Darii, qui duas filias virgines, quibus forma præter Roxanem comparari nulla poterat, haud alio animo, quàm parentis aspexerat; tunc in amorem virgunculæ, si regiæ stirpi compararetur, ignobilis, ita effusus est, ut diceret, ad stabiliendum regnum pertinere, Persas & Macedonas connubio jungi: hoc uno modo & pudorem victis, & superbiam victoribus detrahi posse. Achillem quoque: a quo genus ipse deduceret, cum captiva coisse. Ne inferri nefas, arbitrarentur, ita matrimonii jure velle jungi. Insperato gaudio lætus pater, sermonem ejus excepit. Et Rex medio cupiditatis ardore jussit afferri patrio more panem, (hoc erat apud Macedonas sanctissimum coeuntium pignus) quem divisum gladio uterque libabat. Credo, eos, qui gentis mores condiderunt, parco & parabili victu ostendere voluisse jungentibus opes, quantulo contenti esse deberent. Hoc modo Rex Asiæ & Europæ, introductam inter convivales ludos matrimonio sibi adjunxit, e captiva geniturus, qui victoribus imperaret. Pudebat amicos, super vinum & epulas socerum ex deditis esse electum. Sed post Clyti cædem libertate sublata, vultu, qui maximè servit, assentiebantur.

¶ Cæterum Indiam, & inde Oceanum petiturus, ne quid a tergo, quod destinata impedire posset, moveretur, ex omnibus provinciis triginta millia juniorum legi iussit, & ad se armata perducere, obsides simul habiturus & milites. Craterum autem ad persequendos Haustanem, & Catenem, qui ab ipso defece- rant, misit: quorum Haustanes captus est, Catenes in prælio occisus. Polypercon quoque regionem, quæ Bubacene appel- latur, in deditionem redegit. Itaque omnibus compositis, cogitationes in bel- lum Indicum vertit. Dives regio habe- batur, non auro modò, sed gemmis quo- que margaritisque ad luxum magis, quàm ad magnificentiam exulta. Clypei mi- litares auro & ebore fulgère dicebantur. Itaque, necubi vinceretur, cum cæteris præstaret, scutis argenteas laminas, equis frænos aureos addidit; loricas quo- que alias auro, alias argento adornavit. Cxx millia armatorum erant, quæ Re- gem ad id bellum sequebantur. Jam- que omnibus præparatis, quod olim pravâ mente conceperat, tunc esse maturum, quoniam modo cœlestes honores usurpa- ret, cœpit agitare. Jovis filium non dici tantùm se, sed etiam credi volebat, tan- quam periade animis imperare posset, ac linguis. Itaque more Persarum Macedo- nas venerabundos ipsum salutare proster- nentes humi corpora. Non deerat talia concupiscenti perniciofa adulatio, perpe-

tuum malum Regum, quorum opes sapientius assentatio quàm hostis evertit. Nec Macedonum hæc erat culpa: nemo enim illorum quidquam ex patrio more labare sustinuit: sed Græcorum, qui professionem honestarum artium malis corruperant moribus. Agis quidam Argivus pessimorum carminum post Chærilum conditor, & ex Sicilia Cleo: hic quidem, non ingenii solùm, sed etiam nationis vitio, adulator: & cætera urbium suarum purgamenta, quæ propinquis etiam, maximorumque exercituum ducibus a Rege præferbantur: hi tum cælum illi aperiebant, Herculemque & patrem Liberum, & cum Polluce Castorem novo numini cessuros esse jactabant. Igitur festo die omni opulentia convivium exornari jubet, cui non Macedones modò, & Græci principes amicorum, sed etiam nobiles adhiberentur. Cum quibus cùm discubisset Rex, paulisper epulatus, convivio egreditur. Cleo, sicut præparaverat, sermonem cum admiratione laudum ejus instituit. Merita deinde percensuit, quibus uno modo referri gratia posset; si quem intelligerent Deum esse, confiterentur, exiguâ thuris impensâ tanta beneficia pensaturi. Persas quidem non piè solùm, sed etiam prudenter, Reges suos inter Deos colere: majestatem enim imperii, salutis esse tutelam. Ne Herculem quidem, & patrem Liberum, prius dicatos Deos, quàm vicissent secum viventium invidiam. Tantundem quoque

quoque posteros credere, quantum præsens ætas spondisset. Quod si cæteri dubitent, semetipsum, cum Rex inisset convivium, prostraturum humi corpus: debere idem facere cæteros, & in primis sapientiâ præditos. Ab illis enim cultus in Regem esse prodendum exemplum. Haud perplexè in Calisthenem dirigebatur oratio. Gravitas viri & prompta libertas invisa erat Regi, quasi solus Macedonas paratos ad tale obsequium moraretur. Istum, silentio facto, unum illum intuentibus cæteris, Si Rex, inquit, sermoni tuo affuisset, nullius profectò vox responsuri tibi desideraretur. Ipse enim peteret, ne in peregrinos ritus degenerare se cogeres, neu rebus felicissimè gestis invidiam tali adulatione contraheres. Sed quoniam abest, ego tibi pro illo respondeo. Nullum esse eundem & diuturnum, & præcoccum fructum; cælestesque honores, non dare te Regi, sed auferre. - Intervallo enim opus est, ut credatur Deus, semperque hanc gratiam magnis viris posteri reddunt. Ego autem seram immortalitatem precor Regi, ut vita diuturna sit, & aterna majestas. Hominem consequitur aliquando, nunquam comitatur divinitas. Herculem modò, & patrem Liberum, consecrata immortalitatis exempla, referebas. Credisne illos unius convivii decreto Deos factos? Prius ab oculis mortalium amolita natura est, quàm in cælum fama præveheret. Scilicet ego & tu, Cleo, Deos

*facimus? A nobis divinitatis sua auctoritatem accepturus est Rex? Potentiam tuam experiri libet. Fac aliquem Regem, si Deum potes facere. Facilius est imperium dare, quam cælum. Dii propitii sine invidia, qua Cleo dixit, audierint, eodemque cursu, quo fluxere res, ire patiantur. Nostris moribus velint nos esse contentos. Non pudet patria, nec desidero, ad quem modum Rex mihi colendus sit, discere. Quos equidem victores esse confiteor, si ab illis leges, quæ vivamus, accipimus. Æquis auribus Calisthenes, veluti vindex publicæ libertatis, audiebatur. Expresserat non assensionem modò, sed etiam vocem, seniorum præcipuè, quibus gravis erat inveterati moris externa mutatio: nec quicquam eorum quæ invicem jactata erant, Rex ignorabat, cum post aulæa, quæ lectis obduxerat, staret. Igitur ad Agim, & Cleonem misit, ut sermone finito, Barbaros tantum, cum intrasset, procumbere suo more paterentur. Et paulò post, quasi potiora quædam egisset, convivium repetit. Quem venerantibus Persis, Polypercon, qui cubabat super Regem, unum ex his mento contingentem humum, per ludibrium cœpit hortari, ut vehementius id quateret ad terram: elicuitque iram Alexandri, quam olim animo capere non poterat. Itaque Rex, Tu autem, inquit, non veneraberis me? An tibi uni digni videmur esse ludibrio? Ille nec Regem ludibrio, nec se contemptu dignum esse re-*

spondit. Tum detractum cum lecto Rex præcipitat in terram. Et cum is pronus corruisset, *Videsne*, inquit, *idem te fecisse, quod in alio paulò ante ridebas?* Et tradi eo in custodiam iussu, convivium solvit. Polyperconti quidem postea castigato diu, ignovit.

6 In Calisthenem olim contumacia suspectum, pervicacioris iræ fuit, cujus explendæ matura obvenit occasio. Mos erat (ut supra dictum est) principibus Macedonum, adultos liberos Regibus tradere ad munia haud multum servilibus ministeriis abhorrentia. Excubabant, servatis notium vicibus, proximi foribus ejus ædis, in qua Rex acquiescebat. Per hos pellices introducebantur alio aditu, quàm quem armati obsidebant. Iidem acceptos ab agasonibus equos, cum Rex ascensurus esset, admovebant, comitabanturque & venantem, & in præliis, omnibus artibus studiorum liberalium exculti. Præcipuus honor habebatur, quòd licebat sedentibus vesci cum Rege. Castigandi verberibus eos nullius potestas præter ipsum erat. Hæc cohors velut seminarium ducum præfectorumque apud Macedonas fuit. Hinc habuere posteri Reges, quorum stirpi per multas ætates Romani opes ademerunt. Igitur Hermolaus, puer nobilis ex regia cohorte, cum aprum telo occupasset, quem Rex ferire destinaverat, jussu ejus verberibus affectus est. Quam ignominiam ægrè ferens, deslere apud

Sofira.

Sostratum cœpit. Ex eadem cohorte erat Sostratus amore ejus ardens: qui cùm laceratum corpus, in quo deperibat, intueretur, forsitan olim ob aliam quoque causam Regi infestus, juvenem sua sponte jam motum, data fide acceptaque, perpulit, ut occidendi Regem consilium secum iniret. Nec puerili impetu rem executi sunt: quippe solerter legerunt, quos in societatem sceleris asciscerent, Nicostратum, Antipatrum, Asclepiodorumque: placuit & Philotam assumi. Per hos adjecti sunt Elaptonius & Epimenes. Cæterum agenda rei haud sanè facilis patebat via. Opus erat eadem omnes conjuratos nocte excubare, ne ab expertibus consilii impedirentur: fortè autem alius alia nocte excubabat. Itaque in permutandis stationum vicibus, cæteroque apparatu exequenda rei, triginta & duo dies absumpti sunt. Aderat nox, qua conjurati excubare debebant, mutua fide læti, cujus documentum tot dies fuerant. Neminem metus spesve mutaverat: Tanta omnibus vel in Regem ira, vel fides inter ipsos fuit. Stabant igitur ad fores ædis ejus, in qua Rex vescebatur, ut convivio egressum in cubiculum deducerent. Sed fortuna ipsius, simulque epulantium comitas provexit omnes ad largius vinum, ludi etiam convivales extraxere tempus: nunc lætis conjuratis, quodd sopitum aggressuri essent: nunc sollicitis, ne in lucem convivium extraheretur; quippe alios in stationem



tionem oportebat prima luce succedere, ipsorum post septem dies reditura vice; nec sperare poterant, in illud tempus omnibus duraturam fidem. Cæterum, cum jam lux appeteret, & convivium solvitur, & conjurati exceperunt Regem, læti, occasionem exequendi sceleris admotam; cum mulier attonitæ, ut creditum est, mentis, conversari in regiâ solita, quia instinctu videbatur futura prædicere, non occurrit modò abeunti, sed etiam semet objecit, vultuque & oculis motum præferens animi, ut rediret in convivium monuit: & ille per ludum: Benè Deos suadere, respondit; revocatisque amicis, in horam diei fermè secundam convivii tempus extraxit. Jam alii ex cohorte in stationem successerant, ante cubiculi fores excubaturi. Adhuc tamen conjurati stabant, vice officii sui expleta. Adeo pertinax spes est, quam humanæ mentes, quàm ingentes concupiscentiæ devoverunt. Rex benigniùs quàm aliàs allocutus, discedere eos ad curanda corpora, quoniam tota nocte perstitissent, jubet: data singulis quinquaginta sestertia: collaudatique, quòd etiam ab aliis tradita vice, tamen excubare perseverassent. Illi tanta spe destituti domos abeunt, & cæteri quidem expectabant stationis suæ noctem. Epimenes, sive comitate Regis, qua ipsum inter conjuratos exceperat, repentè mutatus, sive quia cœptis Deos obstare credebatur; fratri suo Eurylocho, quem antea expertem esse confi-

lil voluerat, quid pararetur, aperit. Omnibus Philotæ supplicium in oculis erat. Itaque protibus injicit fratri manum, & in regiam pervenit: excitatisque custodibus corporis, ad salutem Regis pertinere, quæ afferret, affirmat; & tempus, quo venerant, & vultus haud sanè securi animi index, & mœstitia e duobus alterius, Ptolemæum ac Leonatum excubantes ad cubiculi limen excitaverunt. Itaque apertis foribus, & lumine illato, sopitum mero ac somno excitant Regem. Ille, paulatim mente collecta, quid afferrent, interrogat. Nec cunctatus Eurylochus, non ex toto domum suam averfari Deos, dixit, quia frater ipsius, quanquam impium facinus ausus foret, tamen & poenitentiam ejus ageret, & per se potissimum profiteretur iudicium, in eam ipsam noctem, qua detegeret, insidias comparatas fuisse. Authores scelesti consilii esse, quos minimè crederet Rex. Tum Epimenes cuncta ordine, consciorumque nomina exponit. Callisthenem non ut participem facinoris nominatum esse constabat, sed solitum pætorum sermonibus vituperantium criminantiumque Regem faciles aures præbere. Quidam adjiciunt, cum Hermolaus apud eum quoque, verberatum se a Rege, quereretur, dixisse Callisthenem, meminisse debere, eos jam viros esse; idque an ad consolandam patientiam verberum, an ad incitandum juvenum dolorem dictum esset, in ambiguo fuisse. Rex animam

corporisque sopore discusso, cum tanti periculi imago oculis oberraret; Eurylochum quinquaginta talentis, & cujusdam Tyridatis opulenti bonis donat protinus; fratremque, antequam pro salute ejus precaretur, restituit. Sceleris autem authores, interque eos Calisthenem, victos asservari jubet: quibus in regiam adductis, toto die & nocte proxima mero ac vigiliis gravis acquivit. Postero autem die, frequens concilium adhibuit, cui patres propinquiue eorum, de quibus agebatur, intererant, ne de sua quidem salute securi: quippe Macedonum more perire debebant, omnium devotis capitibus, qui sanguine contigissent eos. Rex introduci conjuratos, præter Calisthenem, jussit, atque, quæ agitaverant, sine cunctatione confessi sunt. Increpantibus deinde universis eos: ipse Rex, Quo suo merito tantum in semet cogitassent facinus, interrogat.

7 Stupentibus cæteris, Hermolaus, *Nos verò, inquit, quoniam, quasi nescias, quæris, occidendi te consilium iniuvimus, quia non ut ingenuis imperare cœpisti, sed quasi in mancipia dominaris.* Primus ex omnibus pater ipsius, Sopolis, parricidam etiam parentis sui clamitans esse, consurgit, & ad os manu objecta, scelere & malis insanientem, ultra negat audientum. Rex, inhibito patre, dicere Hermolaum jubet, quæ ex magistro didicisset Calisthene. Et Hermolaus, *Utor, inquit, bene-*

beneficio tuo, & dico, quæ nostris malis didici. Quota pars Macedonum savitia tua superest? Quotusquisque non e vilissimo sanguine? Attalus, & Philotas, & Parmenio, & Lyncestes Alexander, & Clytus, quantum ad hostes pertinet, vivunt; stant in acie, te clypeis suis protegent, & pro gloria tua, pro victoria, vulnera accipiunt; quibus tu egregiam gratiam retulisti. Alius mensam tuam sanguine suo aspersit. Alius ne simplici quidem morte defunctus est. Duces exercituum tuorum in equuleum imposti, Persis, quos vicerant, fuere spectaculo. Parmenio, indicta causa, trucidatus est: per quem Attalum occideras. Invicem enim miserorum uteris manibus ad expetenda supplicia; et quos paulò ante ministros cadis habuisti, subito ab aliis jubes trucidari. Obtrepunt subinde cuncti Hermolao. Pater supremum strinxerat ferrum, percussurus haud dubiè, ni inhibitus esset a Rege, quippe Hermolaum dicere jussit; petiitque, ut causas supplicii augentem, patienter audirent. Ægrè ergo coercitis, rursus Hermolaus: Quàm liberaliter, inquit, pueris rudibus ad dicendum agere permittis! At Calisthenis vox carcere inclusa est, quia solus potest dicere. Cur enim non producitur, cum etiam confessi audiuntur? Nempe quia liberam vocem innocentis audire metuis, ac ne vultum quidem pateris. Atque nihil eum fecisse contendo. Sunt hic qui mecum

rem

rem pulcherrimam cogitaverunt. Nemo est, qui conscium fuisse nobis Calisthenem dicat, cum morti olim destinatus sit a justissimo & patientissimo Rege. Hac ergo sunt Macedonum pramia, quorum ut supervacuuo & sordido abuteris sanguine. At tibi triginta millia mulorum captivum aurum vebunt; cum milites nihil domum prater gratuitas cicatrices relaturi sint. Quae tamen omnia tolerare potuimus, antequam nos Barbaris dederes, & novo more victores sub jugum mitteres. Persarum te vestis & disciplina delectat, patrios mores exosus es. Persarum ergo, non Macedonum Regem occidere volumus; & te transfugam, belli jure, persequimur. Tu Macedonas voluisti genua tibi ponere, venerarique te, ut Deum. Tu Philippum patrem aversaris; & si quis Deorum ante Jovem haberetur, fastidires etiam Jovem. Miraris, si liberi homines superbiam tuam ferre non possumus? Quid speramus ex te, quibus aut insontibus moriendum est, aut, quod tristius morte est, in servitute vivendum? Tu quidem, si emendari potes, multum mihi debes. Ex me enim scire coepisti, quid ingenui homines ferre non possunt. De cetero parce: reliquorum orbam senectutem suppliciis ne oneraveris. Nos jube duci, ut quod ex tua morte petieramus, consequamur ex nostra. Hæc Hermolaus.

8 At Rex, Quam falsa sint, inquit, quæ iste tradita a magistro suo dixit, patient-

tientia mea ostendit. Confessum enim ultimum facinus, tamen ut vos quoque, non solum ipse, audiretis, expressi, non imprudens, cum permissem huic latroni dicere, usurum eum rabie, qua compulsus est, ut me, quem parentis loco colere debet, vellet occidere. Nuper cum procius se in venatione gessisset, more patrio, & ab antiquissimis Macedonia Regum usurpato, castigari eum iussit. Hoc & oportet fieri, & ut a tutoribus pupilli, a maritis uxores, servis quoque pueros hujus aetatis verberare concedimus. Hac est savitia in ipsum mea, quam impia cade voluit ulcisci. Nam in ceteros, qui mihi permittunt uti ingenio meo, quam mitis sim, non ignoratis, & commemorare supervacuum est. Hormolao parricidarum supplicia non probari, cum eadem ipse meruerit, minimè hercule admiror. Nam cum Parmenionem & Philotam laudat, sua servit causa. Lyncestem verò Alexandrum bis infidiatum capiti meo, a duobus judiciis liberavi. Rursum convictum, per biennium tamen distuli, donec vos postularetis, ut tandem debito supplicio scelus lueret. Attalum, antequam Rex essem, bonum meo capiti fuisse meministis. Clytus utinam non cœgisset me sibi irasci: cujus temerariam linguam probra dicentem mihi, & vobis, diutius tuli, quam ille eadem me dicentem tulisset. Regum ducumque clementia non in ipsorum modò, sed etiam in illorum, qui parent, ingeniis sita

sita est. Obsequio mitigantur imperia. Ubi verò reverentia excessit animis, & summa imis confundimus, vi opus est, ut vim repellamus. Sed quid ego mirer, istum crudelitatem mihi objecisse, qui avaritiam exprobrare ausus sit? Nolo singulos vestrum excitare, ne invisam liberalitatem meam faciam, si pudori vestro gravem fecero. Totum exercitum aspiciate, qui paulò ante nihil prater arma habebat, nunc argenteis cubat lectis. Mensas auro onerant, greges serporum ducunt, spolia de hostibus sustinere non possunt. At enim Persa, quos vicimus, in magno honore sunt. Apud me quidem, moderationis mea certissimum indicium est, quodd ne victis quidem superbè impero. Veni enim in Asiam, non ut funditus everterem gentes, nec ut dimidiam partem terrarum solitudinem facerem: sed ut illos quoque, quos bello subigissem, victoria mea non pœniteret. Itaque militantes vobiscum, pro imperio vestro sanguinem fundunt, qui superbè habitis rebellassent. Non est diuturna possessio, in quam gladio inducimur. Beneficiorum gratia sempiterna est. Si habere Asiam non transire volumus, cum his communicanda est nostra clementia; horum fides stabile & aeternum faciet imperium; & sanè plus habemus, quàm cupimus. Insatiabilis autem avaritiâ est, adhuc implere velle, quod jam circumfluit. Veruntamen eorum mores in Macedonas transfundo, in multis enim genti-

gentibus esse video, qua non erubescamus imitari, nec aliter tantum imperium aptè regi potest, quàm ut quadam & tradamus illis, & ab iisdem discamus. Illud penè dignum risu fuit, quod Hermolaus postulabat a me, ut aversarer Jovem, cujus oraculo agnoscor. An etiam quid Dii respondeant in mea potestate est? Obtulit nomen filii mihi: recipere, ipsis rebus, quas agimus, haud alienum fuit. Utinam Indi quoque Deum esse me credant. Famè enim bella constant, & sapè etiam quod falsè creditum est, veri vicem obtinuit. An me luxuria indulgentem, putatis arma vestra auro argentoque adornasse? Assuetis nihil vilius hac videri materia volui; Macedonas invictos ceteris, nec auro quidem vinci. Oculos ergo primum eorum sordida omnia & humilia spectantium capiam: & docebo, nos non auri aut argenti cupidos, sed orbem terrarum subacturos venisse: quam gloriam tu parricida interceptare voluisti, & Macedonas, Rege adempto, devictis gentibus dedere. At nunc mones me, ut vestris parentibus parcam. Non oportebat quidem vos scire, quid de his statuisssem, quò tristiore periretis, si qua vobis parentum memoria & cura est. Sed olim istum morem occidendi cum sceleris insontes propinquos parentesque solvi: & profiteor, in eodem honore futuros omnes eos, in quo fuerunt. Nam tuum Callisthenem, cui uni vir videris, quia latro es, scio cur produci velis, ut coram his probra,



*bra, qua modò in me fecisti, modò audisti, illius quoque ore referantur. Quem, si Macedo esset, tecum introduxissém, dignissimum te discipulo magistrum. Nunc Otynbio non idem juris est. Post hæc concilium dimisit, tradique damnatos hominibus, qui ex eadem cohorte erant, iussit. Illi, ut fidem suam sævitiâ Regi approbarent, excruciatos necaverunt. Calisthenes quoque antè tortus interiit, initii consilii in caput Regis innoxius: sed huad-quaquam aulæ & assentantium accommodatus iogenio. Itaque nullius cædes majorem apud Græcos Alexandro excitavit invidiam, quàm quòd præditum optimis moribus, artibusque, a quo revocatus ad vitam erat, cùm, interfecit Clyto, mori perseveraret, non tantùm occiderit, sed etiam torserit, indictâ quidem causâ. Quam crudelitatem fera pœnitentia consecuta est.*

9 Sed ne otium ferendis rumoribus natum aleret, in Indiam movit, semper bello quàm post victoriâ clarior. India tota fere è spectat Orientem, minus in latitudinem, quàm recta regione spatiosa, quæ Austrum accipiunt. in altius terræ fastigium excedunt. Plana sunt cætera, multisque inclytis annibus Caucaso monte ortis, placidum per campos iter præbent. Indus gelidior est, quàm cæteri. Aquas vehit a colore maris haud multum abhorrentes. Ganges omnium ab ortu maximus, a Meridiana regione decurrit,  
& ma-

& magnorum montium juga recto alveo stringit. In eum objectæ rupes inclinant ad Orientem. Uterque Rubro mari accipitur findens ripas, multasque arbores cum magna soli parte exorbet. Saxis quoque impeditus, crebrò reverberatur. Ubi mollius solum reperit, stagnat, insulasque molitur. Acesines eum auget. Ganges decursurum in mare intercipit: magnoque motu amnis uterque colliditur. Quippe Ganges asperum os influenti objicit, nec percussæ aquæ cedunt. Dyardenes minus celebris auditu est, quia per ultima Indiæ currit. Cæterum non crocodylos modò, ut Nilus, sed etiam delphines, ignotasque aliis gentibus belluas alit. Erimanthus crebris flexibus subinde curvatus, ab accolis rigantibus carpitur. Ea causa est, cur tenues reliquias jam sine nominæ in mare emittat. Multis præter hos amnibus tota regio dividitur, sed ignobilibus, quia non adèd interfluunt. Cæterum quæ propiora sunt mari, Aquilones maximè deurrunt. Ii cohibiti jugis montium, ad interiora non penetrant, ita alendis frugibus mites. Sed adèd in illa plaga mundus statas temporum vices mutat, ut, cum alia fervore solis exæstuant, Indiam nives obruant; rursusque ubi cætera rigent, illic intolerandus æstus existat: nec cur, ulli se naturæ causa ingessit. Mare certè, quo alluitur, ne colore quidem abhorret a cæteris. Ab Erythro Rege inditum est nomen, propter quod ignari rubère aquas credunt.

Terra

Terra lini ferax : inde plerisque sunt vestes . Libri arborum teneri haud secus quam ceræ , litterarum notas capiunt . Aves ad imitandum humanæ vocis sonum dociles sunt : animalia inusitata cæteris gentibus , nisi inuenta . Eadem terra & rhinocerotas alit , non generat . Elephantorum major est vis , quam quos in Africa domitant , et viribus magnitudo respondet . Aurum flumina vehunt , quæ leni modicoque lapsu segnes aquas ducunt . Gemmas margaritasque mare littoribus infundit . Neque alia illis major opulentia causa est , utique postquam vitiorum commercium vulgavere in exteras gentes ; quippe æstimantur purgantia æstuantis freti pretio , quod libido constituit . Ingenia hominum , sicut ubique , apud illos locorum quoque situs format . Corpora usque pedes carbaso velant . Soleis pedes , capita linteis vinciunt . Lapilli ex auribus pendent : brachia quoque , & lacertos auro colunt , quibus inter populares aut nobilitas aut opes eminent . Capillum pectunt sæpius , quam tondent . Mentum semper intonsum est . Reliquam oris cutem ad lævitatem exæquant . Regum tamen luxuria , quam ipsi magnificentiam appellant , supra omnium gentium vitia . Cùm Rex se in publico conspici patitur , thuribula argentea ministri ferunt , totumque iter , per quod ferri destinavit , odoribus complent . Aureâ lecticâ margaritis circumpendentibus recubat . Di-

stincta sunt auro & purpurâ carbasâ, quæ indutus est: lecticam sequuntur armati corporisque custodes. Inter quos ramis aves pendent, quas cantu seriis rebus obstreperere docuerunt. Regia auratas columnas habet; totas eas vitis auro cælata percurrit, aviumque, quarum visu maximè gaudent, argenteæ effigies opera distinguunt. Regia adeuntibus patet. Cùm capillum pectit atque ornat, tunc responsa legationibus, tunc jura popularibus reddit. Dempstis soleis, odoribus illinuntur pedes. Venatus maximus labor est, inclusa vivario animalia inter vota cantusque pellicum figere. Binûm cubitorum sagittæ sunt, quas emittunt majore nixu, quàm effectu: quippe telum, cujus in levitate vis omnis est, inhabili pondere oneratur. Breviora itinera equo conficit. Longior ubi expeditio est, elephantum vehunt currum, & tantarum belluarum corpora tota contegunt auro. Ac ne quid perditis moribus desit, lecticis aureis pellicum longus ordo sequitur. Separatum a Reginae ordine agmen est, æquatque luxuria. Fœminæ epulas parant. Ab iisdem vinum ministratur, cujus omnibus Indis largus est usus. Rege mero somnoque sopitum, in cubiculum pellices referunt, patrio carmine noctium invocantes Deos. Quis credat inter hæc vitia curam esse sapientiæ? Unum agreste & horridum genus est, quos Sapientes vocant. Apud hos occupare fati diem, pulchrum; & vivos se cremari

mari jubent. Quibus aut segnis ætas, aut incommoda valetudo est, expectaram mortem pro dedecore vitæ habent. Nec ullus corporibus, quæ senectus solvit, honos redditur. Inquinari putant ignem, nisi qui spirantes recipit. Illi, qui in urbibus publicis moribus degunt, siderum motus scitè spectare dicuntur, & futura prædicere. Nec quenquam admoveere lethi diem credunt, cui expectare interrito liceat. Deos putant, quidquid colere cœperunt: arbores maximè, quas violare capitale est. Menses in quinos denos descripserunt dies. Anni plena spatia servant. Lunæ cursu notant tempora, non ut plerique, cum orbem sidus implevit, sed cum se curvare cœpit in cornua: & idcirco breviores habent menses, qui spatium eorum ad hunc Lunæ modum dirigunt. Multa & alia traduntur, quibus morari ordinem rerum haud sanè operæ pretium videbatur.

10 Igitur Alexandro fines Indiæ ingresso, gentium suarum Reguli occurrerunt, imperata facturi: illum tertium Jove genitum ad ipsos pervenisse memorantes. Patrem Liberum, atque Herculem, famâ cognitos esse: ipsum coram adesse, cernique. Rex benignè exceptos sequi jussit, iisdem itinerum ducibus usus. Caterum cum amplius nemo occurreret, Hephaestionem & Perdiccam cum copiarum parte præmisit, ad subigendos, qui averfarentur imperium: jussisque ad flumen Indum procedere, & navigia facere,

queis in ulteriora transportari posset exercitus. Illi, quia plura flumina superanda erant, sic junxere naves, ut solutæ plaustris vehi possent, rursusque conjungi. Post se Cratero cum phalange jussu sequi, equitatum ac levem armaturam eduxit, eosque, qui occurrerant, levi prælio in urbem proximam compulit. Jam supervenerat Craterus; itaque ut principio terrorem incuteret genti, nondum arma Macedonum expertæ, præcipit, ne cui parceretur, munimentis urbis, quam obsidebat, incensis. Cæterum, dum obequitabat mœnibus, sagitta ictus est: cepit tamen oppidum, & omnibus incolis ejus trucidatis, etiam in tecta sævitum est. Inde domita ignobili gente, ad Nysam urbem pervenit. Fortè castris ante mœnia ipsa in sylvestri loco positis, nocturnum frigus vehementius, quàm aliàs, horrore corpora affecit, opportunumque remedium ignis oblatum est. Cæsis quippe sylvis flammam excitaverunt: quæ igni alita, oppidanorum sepulchra comprehendit. Vetusta cedro facta erant, conceptumque ignem latè fundere, donec omnia solo æquata sunt. Et ex urbe primùm canum latratus; deinde etiam hominum fremitus auditus est. Tum & oppidani hostem, & Macedonas ipsos ad urbem venisse cognoscunt. Jamque Rex eduxerat copias, & mœnia obsidebat, cùm hostium, qui discrimen tentaverant, obruti telis sunt. Aliis ergo deditionem, aliis pugnam experiri placebat: quorum

quorum dubitatione comperta, circumfideri tantum eos, & abstinere cædibus jussit: tandemque obsidionis malis fatigati dedidere se. A Libero patre conditos se esse dicebant; & vera hæc origo erat. Sitæ est sub radicibus montis, quem Meron incolæ appellant. Inde Græci mentiendi traxere licentiam, Jovis semine Liberum patrem esse celatum. Rex situ montis cognito ex incolis, cum toto exercitu, præmissis com meatibus, verticem ejus ascendit: multa hedera vitisque toto gignitur monte. Multæ perennes aquæ manant. Pomorum quoque varii salubresque succi sunt, sua sponte fortuitorum seminum fruges humo nutriente. Lauri, baccæque, & multa in illis rupibus agrestis est sylva. Credo equidem, non divino instinctu, sed lascivia esse profectos, ut passim hæderæ ac vitium folia decerperent, redimitique fronde toto nemore similes bacchantibus vagarentur. Vocibus ergo tot militum, præsidem nemoris ejus Deum adorantium, juga montis collesque resonabant, cum orta licentia a paucis (ut fere fit) in omnes se repente vulgasset. Quippe velut in media pace, per herbas congestamque frondem, prostraverant corpora. Et Rex fortuitam licentiam non averfatus, largè ad epulas omnibus præbitis, per decem dies Libero patri operatum habuit exercitum. Quis neget, eximiam quoque gloriam sapius fortunæ, quàm virtutis esse beneficium? quippe, ne epulantes qui-

dem & sopitòs mero, aggredi ausus est hostis; haud secus bacchantium ululantiumque fremitu perterritus, quàm si proeliantium clamor essent auditus. Eadem felicitas ab Oceano revertentes temulentos comessantesque protexit. Hinc ad regionem, quæ Dædala vocatur, perventum est. Deseruerant incolæ sedes, & in avios sylvestresque montes confugerant. Ergo Acadera transit, æquè uita & destituta incolentium fugâ. Itaque rationem belli necessitas mutavit. Divisis enim copiis, pluribus simul locis arma ostendit: oppresque & qui expectaverant hostem, & qui fugerant, omni clade perdomiti sunt. Ptolemæus plurimas urbes, Alexander maximas coepit: rursusque, quas distribuerat, copias junxit. Superato deinde Choaspe amne, Cœnon in obsidione urbis opulentæ (Beziram incolæ vocant) reliquit. Ipse ad Mazagas venit, nuper Assaceno (cujus regnum fuerat) demortuo. Regioni quoque urbiue præerat mater ejus Cleophes. Triginta millia peditum tuebantur urbem, non situ solùm, sed etiam opere munitam. Nam quæ spectat Orientem, cingitur amne torrenti, qui præruptis utrinque rupibus aditum ad urbem impedit. Ab Occidente & a Meridie, velut de industria, rupes præaltas admolita natura est, infra quas cavernæ & voragines longa vetustate in altum cavatæ jacent: quæque desinunt, fossa ingentis operis objecta est. Triginta quinque stadia murus urbem

com-



complectitur, cujus inferiora saxo, superiora crudo latere sunt structa. Lateri vinculum lapides sunt, quos interposuere, ut duriori materiæ fragilis incumberet: simulque terra humore diluta; ne tamen universa consideret, interpositæ erant trabes validæ, quibus injecta tabulata muros & tegebant, & pervios fecerant. Hæc munimenta contemplantem Alexandrum, consilii que incertum (quia nec cavernas, nisi aggere, poterat implere, nec tormenta aliter muris admoovere) quidam e muro sagittâ percussit. Tum fortè in suram incidit telum, cujus spiculo evulso admoventi equum jussit: quo vectus, ne obligato quidem vulnere, haud segniùs destinata exequébatur. Cæterum cùm crus saucium pendêret, & cruore siccato, frigescens vulnus aggravaret dolorem, dixisse fertur: Se quidem Jovis filium dici, sed corporis ægri vitia sentire. Non tamen ante se recepit in castra, quàm cuncta prospexit, & quæ fieri vellet, edixit. Ergo sicut imperatum erat, alii extra urbem tecta demoliebantur, ingentemque vim materiæ faciendo aggeri detrahebant; alii magnarum arborum stipites cumulis, ac moles saxorum in cavernas dejiciebant. Jamque agger æquaverat summæ fastigium terræ. Itaque turres erigebantur, quæ opera ingenti militum ardore intra nonum diem absoluta sunt. Ad ea visenda Rex, nondum obducta vulneri cicatrice,

ce, processit: laudatisque militibus, ad-  
moveri machinas jussit, e quibus ingens  
vis telorum in propugnatores effusa est.  
Præcipuè rudes talium operum terre-  
bant mobiles turres: tantasque moles  
nulla ope, quæ cerneretur, adjutas,  
Deorum numine agi credebant. Pila-  
quoque muralia, & excussas tormentis  
prægraves hastas, negabant convenire  
mortalibus. Itaque, desperatâ urbis tu-  
telâ, concessere in arcem. Inde, quia  
nihil obsessis præter deditionem place-  
bat, legati ad Regem descenderunt, ve-  
niam petitori. Qua impetrata, Regi-  
na cum magno nobilium foeminarum  
grege, aureis pateris vina libantium,  
processit. Ipsa genibus regis parvo fi-  
lio admoto, non veniam modò, sed  
etiam pristinæ fortunæ impetravit de-  
cus: quippe appellata est Regina, & cre-  
didere quidam, plus formæ, quàm mi-  
serationi datum. Puero quoque certè,  
postea ex ea utcunque genito, Alexan-  
dro fuit nomen.

II Hinc Polypercon ad urbem Noram  
cum exercitu missus, inconditos oppida-  
nos prælio vicit: intra munimenta com-  
pulsos secutus, urbem in deditionem red-  
egit. Multa ignobilia oppida deserta a  
suis verè in Regis potestatem: quo-  
rum incolæ armati, Petram, Aornum no-  
mine, occupaverunt. Hanc ab Hercule  
frustra obsessam esse, terræque motu  
coactum abstinere, fama vulgaverat.

Ino-

Inopem consilii Alexandrum, quia undique præceps & abrupta rupes erat, senior quidam peritus locorum cum duobus filiis adiit, si pretium operi esset, aditum se monstraturum esse, promittens. Octoginta talenta constituit daturum Alexander, & altero ex juvenibus obside retento, ipsum ad exequenda, quæ obtulerat, dimisit. Leviter armatis dux datus est Mulinus scriba Regis. Hos enim circuitu, qui fallerent hostem, in summum jugum placebat evadere. Petra non, ut pleræque, modicis ac mollibus clivis in sublimem fastigium crescit, sed in metæ maxime modum erecta est: cujus ima spatiosiora sunt, altiora in arctius coeunt, summa in acutum cacumen exurgunt. Radices ejus Indus amnis subit, præaltus utrinque asperis ripis. Ab altera parte, voragines eluviesque præruptæ sunt; nec alia expugnandi patebat via, quam ut replerentur. Ad manum sylva erat, quam Rex ita cædi jussit, ut nudi stipites jacerentur; quippe rami fronde vestiti impedissent ferentes. Ipse primus truncam arborem jecit, clamorque exercitus, index alacritatis, secutus est, nullo detrectante munus, quod Rex occupasset. Intra septimum diem cavernas expleverant, cum Rex sagittarios & Agrianos jubet per ardua niti; juvenesque fortissimos ex sua cohorte triginta delegit. Duces his dati sunt Charus, & Alexander, quem Rex nominis, quod sibi cum eo commune esset.

nuit. Ac primò, quia tam manifestum periculum erat, ipsum Regem discrimen subire non placuit. Sed ut signum tubâ datum est, vir audaciæ promptæ, conversus ad corporis custodes, sequi se jubet, primusque invadit in rupem. Nec deinde quisquam Macedonum substitit, relictisque stationibus sua spontè Regem sequebantur. Multorum miserabilis fuit casus, quos ex prærupta rupe lapsos amnis præterfluens hausit. Triste spectaculum etiam non periclitantibus. Cùm verò alieno exitio, quid ipsis timendum foret, admonerentur, in metum misericordia versa, non extinctos, sed semetipsos deflebant. Et jam cò perventum erat, unde sine pernicië, nisi victores, redire non possent; ingentia saxa in subeuntes provolventibus Barbaris, qui perculsi, instabili & lubrico gradu præcipientes recidebant. Evaserant tamen Alexander & Charus, quos cum triginta delectis præmiserat Rex, & jam pugnare cominus cœperant. Sed cùm supernè tela Barbari ingererent, sæpius ipsi feriebantur quàm vulnerabant. Ergo Alexander & nominis sui, & promissi memor, dum acrius quàm cautius dimicat, confossus undique obruitur. Quem ut Charus jacentem respexit, rucere in hostem, omnium præter ultionem immemor, cœpit: multosque hastâ, quosdam gladio interemit. Sed cùm tot unum incesserent manus, super amici corpus procubuit exanimis. Haud secus quàm par erat, promptissimorum

rum juvenum cæterorumque militum interitu commotus Rex, signum receptui dedit. Saluti fuit, quodd sensim & intrepidi se receperunt, & Barbari hostem depulisse contenti, non insilere cedentibus. Cæterum Alexander cum statuisset desistere incoepto: quippe nulla spes potiundæ Petrae offerebatur, tamen speciem ostendit in obsidione perseverantis. Nam & itinera obsideri jussit, & turrets admo-  
veri; & fatigatis alios succedere. Cujus pertinacia cognita, Indi per biduum quidem, ac duas noctes, cum ostentatione, non fiducia modò, sed etiam victoriæ, epulati sunt, tympana suo more pul-  
santes. Tertiâ verò nocte tympanorum quidem strepitus desierat audiri: cæterum ex tota Petra faces refulgebant, quas accenderant Barbari, ut tutior esset ipsis fuga obscurâ nocte per invia saxa cursuris. Rex, Balacro, qui specularetur, præmisso; cognoscit, Petram fugâ Indorum esse desertam. Tum dato signo, ut universi conclamarent, incomposite fugientibus metum incussit, multique (tanquam adesset hostis) per lubrica saxa, perque invias cotes præcipitati occiderunt. Plures aliqua membrorum parte mulctati, ab integris deserti sunt. Rex locorum magis quàm hostium victor, tamen magnæ victoriæ sacrificiis & cultu D. Æon satisfecit. Aræ in Petra locatæ sunt Minervæ Victoriæque. Ducibus itineris, quos subire jusserat leviter armatos, et si promissis mino-

ra præstiterant, pretium cum fide redditum est.

12 Petra, regionisque ei adjunctæ, Sisocosto tutela permissa. Inde processit Ecbolima, & cum angustias itineris obsideri viginti millibus armatorum ab Eryce quodam comperisset, gravius agmen exercitus Cæno ducendum modicis itineribus tradidit. Ipse prægressus cum funditore ac sagittario, deturbatis, qui obsederant saltum, sequentibus se copiis viam fecit. Indi, sive odio ducis, sive gratiam victoris Regis inituri, Erycem fugientem adorti interemerunt, caputque ejus atque arma ad Alexandrum detulerunt. Ille facto impunitatem dedit: honorem denegavit exemplo. Hinc ad flumen Indum sextis decimis castris pervenit, omniaque (ut præceperat) ad trajiciendum præparata ab Hephæstione reperit. Regnabat in ea regione Omphis, qui patri quoque fuerat autor dedendi regnum Alexandro. Et post mortem parentis legatos miserat, qui consulerent eum, regnare se interim vellet, an privatum opperiri ejus adventum? Permissoque ut regnaret, non tamen jus datum usurpare sustinuit. Is benignè quidem exceperat Hephæstionem, gratuitum frumentum copiis ejus admensus: non tamen ei occurrerat, ne fidem ullius, nisi Regis, experiretur. Itaque venienti obviam cum armato exercitu egressus est. Elephantum quoque per modica intervalla militum agmini immisti, procul castellorum

lorum fecerant speciem. Ac primò Alexander, non socium, sed hostem adventare credebat. Jamque & ipse, arma milites capere, & equites discedere in cornu jusserat, paratos ad pugnam. At Indus, cognito Macedonum errore, jussis subsistere cæteris, ipse concitat equum, quo vehebatur. Idem Alexander quoque fecit, siue hostis, siue amicus occurreret, vel sua virtute, vel illius fide tutus. Coivere, quòd ex utriusque vultu posset intelligi, amicis animis: cæterum sine interprete non poterat conseri sermo. Itaque adhibito eo, Barbarus, occurrisse se dixit cum exercitu, totas imperii vires protinus traditurum, nec expectasse, dum per nuntios daretur fides. Corpus suum & regnum permittere illi, quem sciret gloriæ militantis: nihil magis quàm famam timere perfidiæ. Lætus simplicitate Barbari Rex, & dexteram fidei suæ pignus dedit, & regnum restituit. Lvi Elephanti erant, quos tradidit Alexandro, multaue pecora eximiae magnitudinis. Tauros ad tria milia, pretiosum in ea regione acceptumque animis regnantium armentum. Quærenti Alexandro, plures agricultores haberet, an milites: cum duobus Regibus bellanti sibi, majore militum quàm agrestium manu opus esse, respondit. Abisares & Porus erant. Sed in Poro eminebat auctoritas. Uterque ultra Hydaspem amnem regnabat, & belli fortunam, quisquis arma inferret, experiri decreverat. Omphis,  
per-

permittente Alexandro, & regium insignie sumpsit, & more gentis suæ nomen, quod patris fuerat : Taxilem appellavere populares, sequente nomine imperium, in quencunque transfret. Ergo cùm per triduum hospitaliter Alexandrum accepisset, quarto die & quantum frumenti copiis, quas Hephæstion duxerat, præbitum a se esset, ostendit : & aureas coronas ipsi, amicisque omnibus, præter hæc signati argenti octoginta talenta, dono dedit. Quæ benignitate ejus Alexander mirè lætus, & quæ is dederat, remisit, & mille talenta ex præda, quam vehebat, adjecit : multaque convivalia ex auro & argento vasa, plurimum Persicæ vestis, triginta equos ex suis cum iisdem insignibus, quæ assueverant, cùm ipsum veherent. Quæ liberalitas, sicut Barbarum obstrinxerat, ita amicos ipsius vehementer offendit. E quibus Meleager super cœnam largiore vino usus, gratulari se Alexandro dixit, quòd saltem in India reperisset dignum talentis mille. Rex haud oblitus, quàm ægrè tulisset, quòd Clytumnob lingnæ temeritatem occidisset, iram quidem tenuit, sed dixit : Invidos homines nihil aliud quàm ipsorum esse tormenta.

13 Postero die legati Abisaræ adiere Regem : omnia ditioni ejus, ita ut mandatum erat, permittebant, firmatâque invicem fide remittuntur ad Regem. Porumque quoque nominis sui fama ratus ad deditio-



nem posse compelli, misit ad eum Cleo-  
charem, qui denuntiaret ei, ut stipendium  
penderet, & in primo finium suorum adi-  
tu occurreret Regi. Porus, alterum ex his  
facturum sese, respondit, ut intranti re-  
gnum suum præsto esset, sed armatus.  
Jam Hydaspem Alexander superare de-  
creverat, cum Barzentes, defectionis Ara-  
chosii author, victus, trigintaque ele-  
phanti simul capti, perducuntur, opportu-  
num adversus Indos auxilium; quippe plus  
in belluis, quàm in exercitu spei aut virium  
illis erat: Gamaxusque Rex exiguæ partis  
Indorum, qui Barzenti se conjunxerat,  
vinctus adductus est. Igitur transfugâ &  
Regulo in custodiam, elephantis autem  
Taxili traditis, ad amnem Hydaspem  
pervenit: in cuius ulteriore ripa Porus con-  
federat, transitu prohibiturus hostem.  
Lxxxv elephantos objecerat eximio cor-  
porum robore, ultraque eos currus ccc, &  
peditum xxx fere millia: in quibus erant  
sagittarii (sicut ante dictum est) graviori-  
bus telis quàm ut aptè excuti possent. Ip-  
sum vehebat elephante super cæteras  
belluas eminens, armaque auro & ar-  
gento distincta corpus raræ magnitudi-  
nis honestabant. Par animus robori cor-  
poris, & quanta inter rudes poterat esse  
sapientia. Macedonas, non conspectus  
hostium solum, sed etiam fluminis, quod  
transeundum erat, magnitudo deterrebat.  
Quatuor in latitudinem stadia diffusum  
profundo alyeo & nusquam vada aperien-  
te,

te, speciem vasti maris fecerat. Nec pro-  
 spatio aquarum latè stagnantium impe-  
 tum coercebat, sed quasi in arctum coeun-  
 tibus ripis torrens, & elusus ferebatur, oc-  
 cultaque saxa inesse ostendebant pluribus  
 locis undæ percussæ. Terribilior erat fa-  
 cies ripæ, quam equi virique compleve-  
 rant. Stabant ingentes vastorum corpo-  
 rum moles, & de industria irritatæ hor-  
 rendo fridore aures fatigabant. Hinc  
 hostis, hinc amnis capacia quidem bonæ  
 spei pectora, & sæpè se experta, improvi-  
 so tamen pavore percusserant: quippe in-  
 stabiles rates, nec dirigi ad ripam, nec  
 tutò applicari posse credebant. Erant in  
 medio amne insulæ crebræ, in quas In-  
 di & Macedones nantes, levatis superca-  
 pita armis, transibant. Ibi levia prælia  
 conferebantur, & uterque Rex parvæ rei  
 discrimine, summæ experiebatur even-  
 tum. Cæterum in Macedonum exer-  
 citu temeritate atque audacia insignes-  
 fuere Symmachus & Nicanor, nobiles  
 juvenes, & perpetua partium felicitate  
 ad spernendum omne periculum accen-  
 si. Queis ducibus promptissimi juve-  
 num lanceis modò armati tranavere in  
 insulam, quam frequens hostis tene-  
 bat, multosque Indorum nulla re ma-  
 gis quàm audacia armati interemerunt.  
 Abire cum gloria poterant, si unquam  
 temeritas felix inveniret modum. Sed  
 dum supervenientes contemptim & su-  
 perbè quoque expectant, circumventi  
 ab his

ab his qui occulti enataverant, eminus obruti telis sunt. Qui effugerant hostem, aut impetu amnis ablati sunt, aut vorticibus impliciti. Eaque pugna multam fiduciam Pori erexit, cuncta cernentis e ripa. Alexander inops consilii, tandem ad fallendum hostem, talem dolum intendit. Erat insula in flumine amplior cæteris, sylvestris eadem, & tegendis insidiis apta. Fossa quoque præalta haud procul a ripa, quam tenebat ipse, non pedites modò, sed etiam cum equis viros poterat abscondere. Ut igitur à custodia hujus opportunitatis oculos hostium averteret, Ptolemæum cum omnibus turmis obequitare jussit procul insulâ, & subinde Indos clamore terrere, quasi flumen tranaturus foret. Per complures dies Ptolemæus id fecit, eo-que consilio Porum agmenque suum ei parti, quam se petere simulabat, coegit advertere. Jam extra conspectum hostis insula erat. Alexander in diversa parte ripæ statui suum tabernaculum jussit, assuetamque comitari ipsum cohortem ante id tabernaculum stare: & omnem apparatus regię magnificentię hostium oculis de industria ostendit. Attalum, etiam æqualem sibi, & haud disparem habitu oris & corporis, utique cum procul viseretur, veste regia exornat, præbiturum speciem, ipsum Regem illi ripæ præsidere, nec agitare de transitu. Hujus consilii effectum primò morata tempestas est, mox adjuvit; incommoda quoque ad  
bonos

bonos eventus vertente fortuna. Trajicere amnem cum cæteris copiis in regionem insulæ ( de qua ante dictum est ) parabat, averso hoste in eos, qui cùm Ptolemæo inferiorem obsederant ripam; cum procella imbrem vix sub tectis tolerabilem effudit, obrutique milites nimbo, in terram refugerunt, navigiis ratibusque desertis. Sed tumultuantium fremitus, obstrepentibus ripis, ab hoste non poterat audiri: deinde momento temporis repressus est imber. Cæterum adeò spissæ intendere se nubes, ut conderent lucem, vixque colloquentium inter ipsos facies noscitur. Terruisset alium obducta nox cælo, cùm ignoto amne navigandum esset, forsitan hoste eam ipsam ripam, quam cæci atque improvidi, & ex periculo gloriam accersentes petebant, occupante; obscuritatem, quæ cæteros terrebat, suam occasionem ratus, dato signo, ut omnes silentio ascenderent in rates, eam, qua ipse vehebatur, primam jussit expelli. Vacua erat ab hostibus ripa, quæ petebatur: quippe adhuc Porus Ptolemæum tantùm intuebatur. Una ergo navi, quam petraë fluctus illiserat, hærente, cætera evadunt: armaque capere milites, & ire in ordinem jussit.

14 Jamque agmen in cornua divisum ipse ducebat, cùm Poro nuntiat, armis virisque ripam obtineri, & rerum adesse discrimen. Ac primò humani ingenii vitio spei suæ indulgens, Abisarem belli

belli socium, ( & ita convenerat ) adventare credebat. Mox liquidiore luce aperiens hostem, centum quadrigas & quatuor millia equitum venienti agmini Porus objecit. Dux erat copiarum, quas præmiserat, Hages frater ipsius. Summa virium in curribus: senos viros singuli vehabant, duos clypeatos, duos sagittarios ab utroque latere dispositos, cæteri aurigæ erant haud sanè inermes: quippe jacula complura, ubi cominus præliandum erat, omissis habenis, in hostem ingeriebant. Cæterùm vix ullus usus hujus auxilii eo die fuit. Namque ( ut supra dictum est ) imber violentius quàm aliàs fusus, campos lubricos & inequitabiles fecerat: gravesque & propemodum immobiles currus illuvie & voraginibus hærebant. Contra Alexander, expedito ac levi agmine strenuè investus est. Scythæ & Dahæ primi omnium invasere Indos. Perdiccam deinde cum equitibus in dextrum cornu hostium emisit. Jam undique pugna se moverat, cùm ii, qui currus agebant, illud ultimum auxilium suorum rati, effusis habenis in medium discrimen ruere cœperunt. Anceps id malum utrisque erat. Nam & Macedonum pedites primo impetu obtebantur, & per lubrica atque invia immisisti currus excutiebant eos, a quibus regabantur. Aliorum turbati equi non in voragines modò lacunasque, sed etiam in amnem præcipitare curricula. Pauci  
tamen

tamen hostium tenuis exacti penetravere ad Porum, acerrimè pugnam cientem. Is ut dissipatos tota acie currus vagari sine rectoribus vidit, proximis amicorum distribuit elephantos. Post eos posuerat pedites, ac sagittarios tympana pulsare solitos. Id pro cantu tubarum Indis erat, nec strepitu eorum movebantur; olim ad notum sonum auribus mitigatis. Herculis simulacrum agmini peditum præferebatur, id maximum erat bellantibus incitamentum: & deseruisse gestantes militare, flagitium habebatur. Capitis enim sanxerant pœnam iis, qui ex acie non retulissent: metu, quem ex illo hoste quondam conceperant, etiam in religionem venerationemque converso. Macedonas non belluarum modò, sed etiam ipsius Regis aspectus parumper inhibuit. Belluæ dispositæ inter armatos, speciem turrium procul fecerant. Ipse Porus humanæ magnitudinis propemodum excefferat formam: magnitudini adjicere videbatur bellua, qua vehebatur, tantum inter cæteras eminens, quantum aliis ipse præstabat. Itaque Alexander contemplatus & Regem, & agmen Indorum, Tandem, inquit, *par animo meo periculum video. Cum bestiis simul & cum egregiis viris res est.* Intuensque Cœnum: Cùm ego, inquit, Ptolemao, Perdiccaque, & Hephaestione comitatus, in laevum hostium cornu impetum fecero, viderisque me in medio ar-

dere

dore certaminis, ipse dexterum move, & turbatis signa infer. Tu, Antigone, & tu, Leonate, & Tauron, invehimini non in mediam aciem, sed urgebitis frontem. Hasta nostra prælonga & valida, non aliàs magis quàm adversus belluas rectoresque earum usus esse poterunt. Deturbate eos, qui vebuntur, & ipsas confodite. Anceps genus auxilii est, & in suos acriùs furit. In hostem enim imperio, in suos pavore agitur. Hæc elocutus, concitat equum primus. Jamque ( ut destinatum erat ) invaserat ordines hostium, cùm Coenus ingenti vi in lævum cornu invehitur. Phalanx quoque in medium Indorum aciem uno impetu prorupit. At Porus, quàm equitem invehì senserat, belluas agi jussit. Sed tardum, & penè immobile animal, equorum velocitatem æquare non poterat. Nec sagittarum quidem ullus erat Barbaris usus. Quippe longas & prægraves, nisi prius in terra statuerent arcum, haud satis aptè & commodè imponunt: tum humo lubrica, & ob id impediēte conatum, molientes ictus, celeritate hostium occupabantur. Ergo spreto Regis imperio ( quod ferè fit, ubi turbatis acriùs metus quàm dux imperare cœpit ) totidem erant imperatores, quot agmina errabant. Alius jungere aciem, alius dividere; stare quidam, & nonnulli circumvchi terga hostium jubebant. Nihil in medium consulebatur. Porus tamen cum paucis, quibus metu potior fuerat pudor, colligere dispersos,

spersos, obvius hosti ire pergit, elephantosque ante agmen suorum agi jubet. Magnum belluæ injecere terrorem, insolitusque stridor non equos modò, tam pavidum ad omnia animal, sed viros quoque, ordinesque turbaverat. Jam fugæ circumspiciebant locum paulò ante victores, cùm Alaxander Agrianos, & Thracas leviter armatos, meliorem concursatione quàm cominus militem, emisit in belluas. Ingentem ii vim telorum iniecere & elephantis, & regentibus eos. Phalanx quoque instare constanter territis cœpit. Sed quidam avidiùs persecuti belluas, in semet irritavere vulneribus. Obtriti ergo pedibus earum, cæteris, ut parciùs instarent, fuere documentum. Præcipuè terribilis illa facies erat, cùm manu arma virosque corripere, & super se regentibus traderent. Anceps ergo pugna, nunc sequentium, nunc fugientium elephantos, in multum diei varium certamen extraxit, donec securibus (id namque genus auxilii præparatum erat) pedes amputare cœperunt. Copidas vocant gladios leviter curvatos falcibus similes, quæis appetebant belluarum manus. Nec quidquam inexpertum, non mortis modò, sed etiam in ipsa morte novi supplicii timor, omitebat. Ergo elephantis vulneribus tandem fatigati, suos impetu sternunt, & qui rexerant eos, præcipitati in terram ab ipsis obterebantur. Itaque pecorum modò magis pavidæ, quàm infestæ, ultra aciem exigebant.



gebantur, cū Porus destitutus a pluribus, tela multò ante præparata, in circumfufos, ex elephante suo cæpit ingerere, multisque eminus vulneratis, expositus ipse ad ictus undique petebatur. Novem jam vulnera hinc tergo, illinc pectore exceperat: multoque sanguine profuso, languidis manibus magis elapsa quàm excussa tela mittebat. Nec segniùs bellua inflincta rabie, nondum saucia, invehebatur ordinibus; donec rector belluæ Regem conspexit fluentibus membris, omissisque armis vix compotem mentis. Tum belluam in fugam concitat, sequente Alexandro. Sed equus ejus multis vulneribus confossus deficiensque procubuit, posito magis Rege, quàm effuso. Itaque dum equum mutat, tardiùs insecutus est. Interim frater Taxilis Regis Indorum præmissus ab Alexandro, monere cæpit Porum, ne ultima experiri perseveraret, dederetque se victori. At ille, quanquam exhaustæ erant vires, deficiebatque sanguis, tamen ad notam vocem excitatus: *Agnosco*, inquit, *Taxilis*, *fratrem*, *imperii regnique sui proditorem*; & telum, quod unum fortè non effluxerat, contorsit in eum: quod per medium pectus penetravit ad tergum. Hoc ultimo virtutis opere edito, fugere acriùs cæpit. Sed elephante quoque, qui multa exceperat tela, deficiebat. Itaque sistit fugam, peditemque sequenti hosti objecit. Jam Alexander

der consecutus erat; & pertinaciâ Pori cognitâ, vetabat resistentibus parci. Ergo undique & in pedites, & in ipsum Porum tela congesta sunt; queis tandem gravatus, labi ex bellua cœpit. Indus, qui elephantum regebat, descendere eum ratus, more solito elephantum procumbere jussit in genua, qui ut se submisit, cæteri quoque (ita enim instituti erant) demisere corpora in terram. Ea res & Porum, & cæteros victoribus tradidit. Rex spoliari corpus Pori, interemptum esse credens, jussit: &, qui detraherent lorica vestemque, concurrere: cùm bellua dominum tueri, & spoliantes cœpit appetere, levatumque corpus ejus rursus dorso suo imponere. Ergo telis undique obruitur, confossoque eo, in vehiculum Porus imponitur. Quem Rex ut vidit allevantem oculos, non odio, sed miseratione commotus, *Qua (malum) inquit, amentia te coegit, verum mearum cognita fama, belli fortunam experiri, cùm Taxiles esset in deditos clementia mea tam propinquum tibi exemplum? At ille, Quoniam, inquit, percontaris, respondebo ea libertate, quam interrogando fecisti. Neminem me fortiozem esse censebam. Meas enim noveram vires, nondum expertus tuas: fortiozem esse te, belli docuit eventus. Sed ne sic quidem parum felix sum, secundus tibi. Rursus interrogatus, quid ipse, victorem statuere debere, censeret; Quod hic, inquit, dies tibi suadet,*

*suadet : quo expertus es , quàm caduca felicitas esset . Plus monendo profecit , quàm si precatus esset . Quippe magnitudinem animi ejus interritam , ac ne fortunâ quidem infractam , non misericordiâ modò , sed etiam honore excipere dignatus est . Ægrum curavit haud secus quàm si pro ipso pugnasset . Confirmatum , contra spem omnium , in amicorum numerum recepit : mox donavit ampliore regno quàm tenuit . Nec sanè quidquam ingenium ejus solidius aut constantius habuit , quàm admirationem veræ laudis & gloriæ . Simplicius tamen famam æstimabat in hoste , quàm in cive : quippe a suis credebat magnitudinem suam destrui posse : eandem clariorem fore , quò majores fuissent , quos ipse vicisset .*



## LIBER IX.

## Breviarium Libri.

1 **D**EVICTO Poro, in Indiam penetrat Alexander, variasque gentes & urbes, quarum mores describuntur, sibi subicit.

2 Gangaridas & Pharrasios aggressurus, milites fatigatos & bellum detrectantes, proluxa oratione ad perseverantiam hortatur.

3 Cœnus, militum nomine, Alexandro respondet, & paulo post morbo extinguitur.

4 Sobiis, & aliis expugnatis, regionem Oxydracarum & Mallorum ingreditur. Oratione ad milites habita, Barbaros fugat, eorumque oppidum, contempto Demophoonte vate, obsidet.

5 Pracipiti saltu in Oxidracarum oppidum se immittens, graviter vulneratur, & fortissimis quibusdam ducibus desideratis, oppidoque post aliquot dies expugnato, sibi suisque restituitur.

6 Ab amicis rogatus, ut salutis sue publicaeque parceret, generosè respondit; in instituto suo de domando orbe perseverans.

7 Gracorum quorundam in Bactris defectio repressa. Dum Indorum legatos convivio excipit Alexander, inter Horratam & Dioxippum, qui tandem imparibus armis duello certant, rixa oritur,  
Paulo

*Paulò post Dioxippus inimicorum calumniis ultra modum irritatus, seipsum interemit.*

8 *Donis a legatis Indorum acceptis, Sabracas, Masicanos, Prastos, aliosque populos debellat; Ptolemao venenata plaga accepta curato, ope cujusdam herbae, cujus species in somnis Alexandro est oblata.*

9 *Cupidine visendi Oceani correptus, non sine periculi propter nautarum imperitiam, tandem voti sui compos redditur.*

10 *Ab Oceano in Arabitarum, Gedrosiorum & Indorum regiones revertitur; ubi tum fame & pestilentia, luctatur exercitus, deinde liberatur, planèque restituitur. Unde sequutus est probrosus bacchantium lusus, supplicio Aspastis Satrapis cruentatus.*





**A**LEXANDER tam me-  
 morabili victoria læ-  
 tus, qua sibi Orien-  
 tis fines apertos esse  
 censebat, Soli victi-  
 mis cæsis, milites quo-  
 que, quò promptio-  
 ribus animis reliqua belli munia obirent,  
 pro concione laudatos docuit, quicquid  
 Indis virium fuisset, illa dimicatione pro-  
 stratum: cæteram opimam prædam fo-  
 re, celebratasque opes in ea regione,  
 eminere, quàm peterent. Proinde jam  
 vilia & obsoleta esse spolia de Persis: gem-  
 mis, margaritisque, & auro atque ebore  
 Macedoniam, Græciamque, non suas  
 tantùm domos, repleturum. Avidi milites  
 & pecuniæ & gloriæ, simul quia nunquam  
 affirmatio ejus scellerat eos, pollicentur  
 operam: dimissisque cum bona spe, navi-  
 gia ædificari jubet, ut, cùm totam Asiam  
 percurrissent, finem terrarum mare invi-  
 deret. Multa materia navalis in proximis  
 montibus erat, quam cedere aggressi, ma-  
 gnitudinis inusitatæ reperere serpêtes. Rhi-  
 nocerotes quoque, rarum alibi animal, in  
 iisdem montibus erant. Cæterum hoc  
 nomen belluis eis inditum a Græcis, ser-  
 monis ejus ignari aliud lingua sua usur-  
 pant. Rex duabus urbibus conditis in  
 utraque fluminis, quod superaverat, ri-  
 pa, copiarum duces coronis & mille aureis  
 singulos donat. Cæteris quoque propor-  
 tione

tione aut gradu, quem in militia obtinebant, aut navatæ operæ, honos habitus est. Abisares, qui priusquam cum Poro dimicaretur, legatos ad Alexandrum miserat, rursus alios misit, pollicentes omnia facturum, quæ imperasset, modò ne cogeretur corpus suum dedere. Neque enim aut sine regio imperio victurum, aut regnaturum esse captivum. Cui Alexander nuntiari iussit si gravaretur ad se venire, ipsum ad eum esse venturum. Hinc Poro, amneque superato, ad interiora Indiæ processit. Silvæ erant prope in immensum spatium diffusæ, procerisque & in eximiam altitudinem editis arboribus umbrosæ. Plerique rami instar ingentium stipitem flexi in humum, rursus, quâ se curvaverant, erigebantur: aded ut species esset non rami resurgentis, sed arboris ex sua radice generatæ. Cœli temperies salubris: quippe & vim Solis umbræ levant, & aquæ largæ manant è fontibus. Cæterum hîc quoque serpentium magna vis erat, squamis fulgorem auri reddentibus. Virus haud ullum magis noxium est: quippe morsum præsens mors sequebatur, donec ab incolis remedium oblatum est. Hinc per deserta ventum est ad flumen Hyraoten. Junctum erat flumini nemus opacum arboribus alibi inusitatis, agrestiumque pavonum multitudine frequens. Castris inde motis, oppidum haud procul positum coronâ capit, obsidibusque acceptis, stipendium imponit. Ad magnam

deinde ( ut in ea regione ) urbem pervenit ; non muro solùm , sed etiam palude munitam . Cæterum Barbari vehiculis inter se junctis dimicaturi occurrerunt . Aliis tela , aliis hastæ , aliis secures erant : transliebantque in vehicula strenuo saltu , cùm succurrere laborantibus suis vellent . Ac primò insolitum genus pugnæ Macedonas terruit , cùm eminus vulnerarentur . Deinde spreto tam incondito agmine , ab utroque latere vehiculis circumfusi , repugnantes fodere cœperunt . Et vincula , queis conferta erant , iussit incidi , quò faciliùs singula circumvenirentur . Itaque octingentis suorum amissis , in oppidum refugerunt . Postero die scalis undique admotis , muri occupantur . Paucis pernicitas saluti fuit : qui , cognito urbis excidio , paludem tranavere , & in vicina oppida ingentem intulere terrorem : invictum exercitum , & Deorum profectò , advenisse memorantes . Alexander ad vastandam eam regionem Perdicca cum expedita manu missò , partem copiarum Eumeni tradit , ut is quoque Barbaros ad deditiõnem compelleret . Ipse cæteros ad urbem validam , in quam aliarum quoque confugerant incolæ , induxit . Oppidani missis , qui Regem deprecarentur , nihilominus bellum parabant : quippe orta seditiõ in diversa consilia diduxerat vulgum . Alii omnia deditiõne potiora ; quidam nullam opem in ipsis esse ducebant . Sed dum nihil in commune consulitur , qui  
deditiõ-



deditioni imminebant, apertis portis hostem recipiunt. Alexander, quanquam belli authoribus jure poterat irasci, tamen omnibus venia data, & obsidibus acceptis, ad proximam deinde urbem castra movit. Obsides ducebantur ante agmen: quos cum e muris agnovissent, utpotè gentis ejusdem, in colloquium convocaverunt. Illi clementiam Regis simulque vim commemorando, ad deditionem eos compulere: cæterasque urbes simili modo deditas in fidem accepit. Hinc in Regnum Sophitis perventum est. Gens, ut Barbari, sapientiâ excellit, bonisque moribus regitur. Genitos liberos non parentum arbitrio tollunt aluntque: sed eorum, quibus spectandi infantium habitum cura mandata est. Si quos segnes aut aliqua membrorum parte inutiles notaverunt, necari jubent. Nuptiis coeunt, non genere ac nobilitate conjunctis, sed electa corporum specie: quia eadem æstimatur in liberis. Hujus gentis oppidum, cui Alexander admoverat copias, ab ipso Sophite obtinebatur. Clausæ erant portæ, sed nulli in muris turribusque se armati ostendebant: dubitabantque Macedones, deseruissentne urbem incolæ, an fraude se occulerent: cum, subito patefacta porta, Rex Indus cum duobus adultis filiis occurrit, multum inter omnes Barbaros eminens corporis specie. Vestis erat auro purpurâque distincta, quæ etiam crura velabat. Aureis solcis inseruerat gemmas.

Lacerti quoque & brachia margaritis ornata erant. Pendebant ex auribus insignes candore & magnitudine lapilli. Baculum aureum berylli distinguebant. Quo tradito, precatus, ut sospes acciperet, se, liberosque, & gentem suam dedit. Nobiles ad venandum canes in ea regione sunt. Latratu abstinere dicuntur, cum videre feram, leonibus maxime infesti. Horum vim ut ostenderet Alexandro, in conspectu leonem eximie magnitudinis iussit emitte, & quatuor omnino admoveri canes; qui celeriter occupaverunt feram: cum ex iis, qui assueverant talibus ministeriis unus, canis leoni cum aliis inhærentis crus avellere, & quia non sequebatur, ferro amputare coepit. Nec sic quidem pertinaciâ victâ, rursus aliam partem secare institit; & inde non segnius inhærentem, ferro subinde cædebat. Ille in vulnere feræ dentes moribundus quoque infixerat. Tantam in illis animalibus ad venandum cupiditatem ingenerasse naturam, memoriæ proditum est. Equidem plura transferibo, quàm credo: nam nec affirmare sustineo, de quibus dubito; nec subducere, quæ accepi. Relicto igitur Sophite in suo regno, ad fluvium Hypasin processit, Hephæstione, qui diversam regionem subegerat, conjuncto. Phegelas erat gentis proximæ Rex, qui, popularibus suis colere zgros (ut assueverant) iussit, Alexandro cum donis occurrit. Nihil, quod imperaret detrectans, biduum apud eum substitit.

2. Rex tertio die annem superare decreverat, transitu difficilem, non spatio solum aquarum, sed etiam saxis impeditum. Percontatus igitur Phegelam, quæ noscenda erant, undecim dierum ultra flumen per vastas solitudines iter esse cognoscit: excipere deinde Gangem, maximum totius Indiæ fluminum. Ulteriore ripam colere gentes Gangaridas & Pharrasios, eorumque Regem esse Aggrammen, viginti millibus equitum, ducentisque peditem obsidentem vias. Ad hæc quadrigarum duo millia trahere, & præcipuum terrorem, elephantos, quos trium millium numerum, explere dicebat. Incredibilia Regi omnia videbantur. Igitur Porum (nam cum eo erat) percundatur an vera essent, quæ dicerentur. Ille vires quidem gentis & regni haud falsò jactari affirmat. Cæterum qui regnaret non modò ignobilem esse, sed etiam ultimæ sortis: quippe patrem ejus tonsorem vix diurno quæstu propulsantem famem, propter habitum haud iudecorum cordi fuisse Regina. Ab ea in propiorem ejus, qui tum regnasset, amicitia locum admotum, intersecto eo per insidias, sub specie tutelæ liberum, ejus invasisse regnum, necatisque pueris, hunc, qui nunc regnat, generasse, invisum, vilemque popularibus, magis paternæ fortunæ, quàm suæ memorem. Assertio Peri multiplicem animo Regis iniecerat curam: hostem bellasque spernebat, situm locorum, & vim fluminum exime-

ſcebat. Relegatos in ultimum penè rerum humanarum perſequi terminum, & eruerè, arduum videbatur. Rurſus avaritia gloriæ, & inſatiabilis cupido famæ, nihil invium, nihil remotum videri ſinebat. Et interdum dubitabat, an Macedones tot emenſi ſpatia terrarum, in acie, & in caſtris ſenes facti, per objecta flumina, per tot naturæ obſtantes difficultates, ſecuturi eſſent. Abundantes onuſque præda, magis partiâ frui velle, quàm acquirendâ fatigari. Non idem ſibi, & militibus animi eſſe. Se totius orbis imperium mente complexum, adhuc in operum ſuorum primordio ſtare. Militem labore defatigatum, proximum quemque fructum, finito tandem periculo, expectare. Vicit ergo cupido rationem, & ad concionem vocatis militibus, ad hunc maximè modum diſſeruit: *Non ignoro, milites, multa, qua terrere vos poſſent, ab incolis India per hos dies de industria eſſe jaſtata. Sed non eſt improvifa nobis mentientium vanitas. Sic Cilicia fauces, ſic Meſopotamia campos, Tigrim & Euphratem, quorum alterum vado tranſivimus, alterum ponte, terribilem fecerant Perſæ. Nunquam ad liquidum fama perducitur: omnia, illa tradente, majora ſunt vero. Noſtra quoque gloria cùm ſit ex ſolido, plus tamen habet nominis quàm operis. Modò quis belluas offerentes mœnium ſpeciem, quis Hydaſpem amnem, quis cætera auditu majora quàm vero,*  
*ſuſti-*

sustinere posse credebatur? Olim bercule fugissemus ex Asia, si nos fabula debellare potuissent. Creditisne elephantorum greges majores esse quàm usquam armentorum sunt? cùm & rarum sit animal, nec facile capiatur, multoque difficiliùs mitigetur. Atqui eadem vanitas copias peditum equitumque numeravit: nam flumen quo latius fusum est, hoc placidiùs stagnat; quippè angustis ripis coercita, & in angustiore alveum elisa flumina torrentes aquas invehunt; contra spatium alvei segnior cursus est. Præterea in ripa omne periculum est, ubi applicantes navigia hostis expectat. Ita quantuncunque flumen intervenit, idem futurum discrimen est evadentium in terram. Sed omnia ista vera esse fingamus. Utrumne vos magnitudo belluarum, an multitudo hostium terret? Quod pertinet ad elephantos, prasens habemus exemplum: in suos vehementiùs, quàm in nos incurrerunt. Tam vasta corpora securibus falcibusque mutilata sunt. Quid autem interest, totidem sint, quos Porus habuit, an tria millia; cum uno aut altero vulneratis, ceteros in fugam declinare videamus? Deinde paucos quoque incommodè regunt: congregata verò tot millia ipsa se elidunt, ubi nec stare, nec fugere potuerint, inhabiles vastorum corporum moles. Equidem sic animalia ista contempsisti, ut, cùm haberem, ipse non opposuerim: satis gnarus, plus suis, quàm hostibus periculi inferre. At enim equi-

tum peditumque multitudo vos commovet. Cum paucis enim pugnare soliti estis, & nunc primum inconditam sustinebitis turbam. Testis adversus multitudinem invicti Macedonum roboris Granicus amnis, & Cilicia inundata cruore Persarum, & Arbella, cujus campi devictorum a nobis ossibus strati sunt. Sed hostium legiones numerare cepistis, posteaquam solitudinem in Asia vincendo fecistis. Cum per Hellespontum navigaremus, de paucitate nostra cogitandum fuit. Nunc nos Scythæ sequuntur, Bactriana auxilia præsto sunt: Dabæ, Sogdianique inter nos militant. Nec tamen illi turba confido. Vestras manus intueor, vestram virtutem, rerum, quas gesturus sum, vadem, prædemque habeo. Quandiu vobiscum in acie stabo, nec meos nec hostium exercitus numeravero; vos modò animos mihi plenos alacritatis ac fiducia adhibete. Non in limine operum laborumque nostrorum, sed in exitu stamus. Pervenimus ad Solis ortum, & Oceanum, nisi obstat ignavia: inde victores, perdomito sine terrarum, revertemur in patriam. Nolite (quod pigri agricola faciunt) maturos fructus per inertiam amittere a manibus. Majora sunt periculis præmia: dives eadem & imbellis est regio. Itaque non tam ad gloriam vos duco, quàm ad prædam. Digni estis, qui opes, quas illud mare litoribus invehit, referatis in patriam. Digni, qui nihil inexpertum, vobis metu ommissum relinquatis.

Per vos, gloriamque vestram, qua humanum fastigium exceditis, perque & mea in vos, & in me vestra merita, quibus invicti contendimus, oro, quasque, ne humanarum rerum terminos ad euntem, alumnus comilitonemque vestrum, ne dicam Regem, deseratis. Cetera vobis imperavi, hoc unum debiturus sum. Et is vos rogo, qui nihil unquam vobis pracepi, quin primus me periculis obtulerim: qui sæpe aciem clypeo meo texi, ne infringeretis in manibus meis palmam, qua Herculem, Liberumque Patrem, si invidia abfuerit, aquabo. Date hoc precibus meis, & tandem obstinatum silentium rumpite. Ubi est ille clamor, alacritatis vestra index? Ubi est ille meorum Macedonum vultus? Non agnosco vos milites, nec agnosci videor a vobis. Surdas jamdudum aures pulso. Aversos animos & infraestos excitare conor. Cùmque illi in terram demissis capitibus tacere perseverarent: Nescio quid, inquit, imprudens in vos deliqui, quòd me ne intueri quidem vultis! In solitudine mihi videor esse. Nemo respondet, nemo saltem negat, quos alloquor? Quid autem postulo? vestram gloriam, & magnitudinem vindicamus. Ubi sunt illi, quorum certamen paulò ante vidi contendentium, qui potissimum vulnerati Regis corpus exciperent? Desertus, destitutus sum, hostibus deditus. Sed solus quoque ire perseverabo. Objicite me fluminibus & belluis, & illis gen-

*gentibus, quarum nomina horretis. Inveniam, qui desertum à vobis sequantur. Scythæ Bactrianique erunt mecum, hostes paulò ante, nunc milites nostri. Mori præstat, quàm precariò Imperatorem esse. Ite reduces domos, ite, deserto Rege evantes. Ego hic à vobis desperata victoria, aut honesta morti locum inveniam.*

3. Nec sic quidem ulli militum vox exprimi potuit. Expectabant, ut duces principesque ad Regem perferrent, vulneribus & continuo labore militiæ fatigatos non detrectare munia, sed sustinere non posse. Cæterum illi metu attoniti interram ora defixerant. Igitur primò fremitus sua sponte, deinde gemitus quoque oritur, paulatimque liberius dolor erigi cœpit, manantibus lachrimis: aded ut Rex, irâ in misericordiam versâ, ne ipse quidem, quanquam cuperet, temperare oculis potuerit. Tandem universa concione effusius flente. Cœnus ausus est, cunctantibus cæteris, propius tribunal accedere, significans se loqui velle. Quem ut videre milites detrahentem galeam capiti, (ita enim Regem alloqui mos est) hortari cœperunt, ut causam exercitus agere. Tum Cœnus: *Dii prohibeant, inquit, à nobis impias mentes, & profectò prohibent. Idem animus est tuis, qui fuit semper. ire quo iusseris, pugnare, periclitari, sanguine nostro commendare posteritati tuum nomen. Proinde si perseveras inermes quoque, & nudi, & exangues, utcumque ti-*



bi cordi est, sequimur, vel anteceditur.  
Sed si audire vis non fictas tuorum mili-  
tum voces, rerum necessitate ultima ex-  
pressas; prabe, quaso, propitias aures, im-  
perium atque auspiciū tuum constan-  
tissimè secutis, & quocunque pergis, se-  
cuturis. Vicisti, Rex, magnitudine re-  
rum non hostes modò, sed etiam milites.  
Quidquid mortalitas capere poterat, im-  
plevimus. Emenfis maria terrasque,  
melius nobis, quàm incolis omnia nota  
sunt. Pendè in ultimo mundi fine consi-  
stimus: in alium orbem paras ire, &  
Indiam quaris, Indis quoque ignotam.  
Inter feras serpentesque degentes erue-  
re ex latebris & cubilibus suis expetis,  
ut plura quàm sol videt, victoriâ lu-  
stres. Digna prorsus cogitatio animo tuo,  
sed altior nostro. Virtus enim tua sem-  
per in incremento erit, nostra vis in fi-  
ne jam est. Intuère corpora exanguia,  
tot perfossa vulneribus, tot cicatricibus  
putrida. Jam tela bebetia sunt, jam  
arma deficiunt. Vestem Persicam in-  
duimus, quia domestica subvehi non po-  
test. In externum degeneravimus cultum.  
Quoto cuique lorica est? quis equum ha-  
bet? Jube quari, quàm multos servi ipso-  
rum persecuti sunt, quid cuiq; supersit ex  
prada. Omnium victores, omnium inopes  
sumus. Nec luxuria laboramus, sed bello.  
Instrumenta belli consumpsimus. Hunc tu  
pulcherrimum exercitum nudum objicies  
belluis? Quarum ut multitudinem au-  
gerent

gerent de industria Barbari: magnum tamen esse numerum etiam ex mendacio intelligo. Quod si adhuc penetrare in Indiam certum est, regio a Meridie minus vasta est. Qua subacta, licebit decurrere in illud mare, quod rebus humanis terminum voluit esse natura. Cur circuitu petis gloriam, qua ad manum posita est? Hic quoque occurrit Oceanum. Nisi mavis errare, pervenimus, quod tua fortuna ducit. Hæc tecum, quam sine te cum his, loqui malui: non ut inirem circumstantis exercitus gratiam, sed ut vocem loquentium potius quam ut gemitum murmurantium audires. Ut finem orationi Cœnus imposuit, clamor undique cum ploratu oritur. Regem patrem, dominum, confusis appellantium vocibus. Jamque & alii duces, præcipuèque seniores, queis ob ætatem & excusatio honestior erat, & autoritas major, eadem precabantur. Ille nec castigare obstinatos, nec mitigare poterat iratos. Itaque inops consilii desilivit e tribunali, claudique regiam iussit, omnibus, præter assuetos, adire prohibitis. Biduum iræ datum est, tertio die processit, erigique duodecim aras ex quadrato saxo, monumentum expeditionis suæ; munimenta quoque castrorum iussit extendi, cubiliaque amplioris formæ, quam pro corporum habitu, relinqui, ut speciem omnium augeret, posteritati fallax miraculum præparans. Hinc repetens, quæ mensus erat, ad flumen Acesinem locat castra.

castra. Ibi fortè Coenus morbo extinctus est, cujus mortè ingemuit Rēx quidem: adjiecit tamen, propter paucos dies longam orationem eum exorsum, tanquam solus Macedoniam visurus esset. Jam in aqua classis, quam ædificari jusserat, flabat. Inter hæc Memnon ex Thracia in supplementum equitum vi millia, præter eos ab Harpalo peditum septem millia adduxerat, armaque viginti quinque millia auro & argento cælata pērtulerat: quæis distributis, vetera cremari jussit. Mille navigiis aditurus Oceanum, discordes & vetera odia retractantes Porum & Taxi-lem Indiæ Reges, firmatâ per affinitatem gratiâ, reliquit in suis regnis, summo in ædificanda classe amborum studio usus. Oppida quoque duo condidit, quorum alterum Nicæam appellavit, alterum Bucephalon, equi, quem amiserat, memoriæ ac nomini dedicans urbem. Elephantes deinde & impedimentis terra sequi jussis, secundo amne defluxit, quadraginta fermè stadia singulis diebus procedens, ut opportunis locis exponi subinde copiæ possent.

4. Perventum erat in regionem, in qua Hydaspes amnis Acesini committitur. Hinc decurrit in fines Sobiorum. Hi de exercitu Herculis majores suos esse commemorant: ægros relictos se, cepisse sedem, quam ipsi obtinebant. Pellēs ferarum pro veste, clavæ pro telo erant; multaque, etiam cū Græci mores exolevis-

sent,

sent, stirpis ostendebant vestigia. Hic excensione facta, cœl stadia processit. Depopulatusque regionem; oppidum caput ejus coronâ cepit. XL peditum millia alia gens in ripa fluminum opposuerat, quæ, amne superato, in fugam compulit, inclusosque mœnibus expugnat. Puberes interfecti sunt, cæteri venierunt. Alteram deinde urbem expugnare adortus, magnaue vi defendentium pulsus, multos Macedonum amisit. Sed cùm in obsidione perseverasset, oppidani, desperata salute, ignem subjecere tectis, & se quoque, ac liberos, conjugesque incendio cremant. Quod cùm ipsi augerent, hostes extinguerent, nova forma pugnæ erat. Delebant incolæ urbem, hostes defendebant; aded etiam naturæ jura bellum in contrarium mutat. Arx erat oppidi intacta, in qua præsidium dereliquit. Ipse navigio circumvectus est arcem: quippe tria flumina totâ India præter Gangem maxima, munimento arcis applicant undas. A Septentrione Indus alluit, a Meridie Acesines Hydaspis confunditur. Cæterum anniû coitus maritimis similes fluctus movet, multoque ac turbido limo, quod aquarum concursu subindè turbatur, iter, quâ meant navigia, in tenuem alveum cogitur. Itaque cùm crebri fluctus se inveherent, & navium hinc proras, hinc latera pulsarent, subducere nautæ cœperunt. Sed ministeria eorum hinc metu, hinc præ rapida celeritate fluminum occupantur. In oculis

oculis duo majora omnium navigia submersa sunt : leviora , cùm & ipsa nequissent regi , in ripam tamen innoxia expulsa sunt . Ipse Rex in rapidissimos vortices incidit , quibus intorta navis obliqua , et gubernaculis impatiens , agebatur . Jam vestem detraxerat corpori , projecturus semet in flumen , amicique , ut exciperent eum , haud procul nabant : apparebatque anceps periculum , tam nataturi , quàm navigare perseverantis . Ergo ingenti certamine concitant remos , quantaque vis humana esse poterat , admoti est , ut fluctus , qui se invehebant , everberarentur . Findi crebres undas , & retro gurgites cedere . Quibus tandem navis erepta , non tamen ripæ applicabatur , sed in proximum vadum illiditur . Cum amne bellum fuisse crederes . Ergo ars pro numero fluminum positis , sacrificioque facto , triginta stadia processit . Inde ventum est in regionem Oxydracarum Mallorumque ; quos aliàs bellare inter se solitos , tunc periculi societas junxerat . Novem millia juniorum peditum in armis erant , præter hos equitum decem millia , nongentæque quadrigæ . At Macedones , qui omni discrimine jam defunctos se esse crediderant , posteaquam integrum bellum cum ferocissimis Indiæ gentibus superesse cognoverunt , improvise metu territi , rursus seditionis vocibus Regem increpare cœperunt . Gangem amnem , & quæ ultra essent ,

sent coactos transmittere, non tamen finisse, sed mutasse bellum: indomitis gentibus se objectos, ut sanguine suo aperirent ei Oceanum. Trahi extra sidera, & solem, cogique adire, quæ mortalium oculis natura subduxerat. Novis identidem armis novos hostes existere. Quos ut omnes fundant fugentque, quod præmium ipsos manere? Caliginem ac tenebras, & perpetuam noctem profundo incubantem, repletum immanium belluarum gregibus fretum, immaobiles undas, in quibus emoriens natura defecerit. Rex non sua, sed militum solitudine anxius, concione advocata docet, imbelles esse, quos metuant. Nihil deinde præter has gentes obstare, quod minus terrarum spatia emensi, ad finem simul mundi laborumque perveniant. Cessisse illis metuentibus Gangem; & multitudinem nationum, quæ ultra amnem essent, declinasse iter eò, ubi par gloria, minus periculum esset. Jam prospicere se Oceanum; jam perflare ad ipsos auram maris: ne inviderent sibi laudem, quam peteret. Herculis & Liberi patris terminos transituros illos: Regi suo parvo impendio immortalitatem famæ duros. Paterentur, se ex India redire, non fugere. Omnis multitudo, & maximè militaris, mobili impetu fertur. Ita seditionis non remedia, quàm principia, majora sunt. Non aliàs tam alacer clamor ab exercitu est redditus; jubentium duceret Diis secundis,

dis, & æquaret gloria, quos æmularetur. Iætus his acclamationibus ad hostes protinus castra movit. Validissimæ Indorum gentes erant, & bellum impigrè parabant, ducemque ex natione Oxydracorum spectatæ virtutis elegerant, qui sub radicibus montis castra posuit, latèque ignes, ut speciem multitudinis augeret, ostendit; clamore quoque, ac sui moris ululatu identidem acquiescentes Macedonas frustra terrere conatus. Jam lux appetebat, cùm Rex fiduciæ ac spei plenus, alacres milites arma capere, & exire in aciem jubet. Sed metune, an seditione oborta inter ipsos, subitò profugerunt Barbari. Certè avios montes & impeditos occupaverunt. Quorum agmen Rex frustra persecutus impedimenta cepit. Perventum deinde est ad oppidum Oxydracorum, in quod plerique confugerant, haud majore fiducia mœnium, quàm armorum. Jam admovebat Rex, cùm vates monere eum cœpit ne committeret, aut certè differret obsidionem; vitæ ejus periculum ostendi. Rex Demophoonta (is namque vates erat) intuens, *Si quis, inquit, te arti tua intentum, & extra spectantem sic interpellet, non dubitem, quin incommodus ac molestus videri tibi possit. Et cùm ille ita prorsus, futurum respondisset: Censesne, inquit, tantas res, non pecudum fibras, ante oculos habenti, ullum esse majus impedimentum, quàm vatem superstitione captum? Nec diutius quam respon-*

respondit moratus, admoventi jubet scalam: cunctantibusque cæteris, evadit in murum. Angusta muri corona erat. Non pinnæ, sicut alibi, fastigium ejus distinxerant, sed perpetua lorica obducta transiitum sepebat. Itaque Rex hærebat magis quam stabat in margine, clypeo undique incidentia tela propulsans; nam ubique eminus ex turribus petebatur. Nec subire milites poterant, quia supernè vitelorum obruebantur. Tandem magnitudinem periculi pudor vicit: quippe cernebant cunctatione sua dedisse hostibus Regem. Sed festinando morabantur auxilia. Nam dum pro se quisque certat evadere, onerare scalam: quæ non sufficientibus, devoluti, unicam spem Regis fecerunt. Stabat enim in conspectu tanti exercitus, velut in solitudine destitutus.

5. Jamque lævam, qua clypeum ad ictus circumferebat, lassaverat, clamantibus amicis, ut ad ipsos desiliret, stabantque excepturi: cum ille rem ausus incredibilem atque inauditam, multòque magis ad famam temeritatis, quam gloriæ insignem. Namque in urbem hostium plenam præcipiti saltu semetipse immisit, cum vix sperare posset, dimicantem certè & non inultum esse moriturum; quippe antequam assurgeret, opprimi poterat, & capi vivus: sed fortè ita libraverat corpus, ut se pedibus exciperet. Itaque stans in pugnam, &, ne circumiri posset, fortuna



na providerat. Vetusſta arbor haud procul muro ramos multâ fronde veſtitos, velut de induſtria Regem protegentes, objecerat. Hujus ſpatioſo ſtipiti corpus, ne circuiſi poſſet, applicuit, clypeo tela, quæ ex adverſo ingerebantur, excipiens. Nam cum unum procul tot manus peterent, nemo tamen audebat propius accedere. Miſſilia ramis plura quàm clypeo incidebant. Pugnabat pro Rege primùm celebrati nominis fama, deindè deſperatio, magnum ad honeſtè moriendum incitamentum. Sed cum ſubindè hoſtis afflueret, jam ingentem vim telorum exceperat clypeo, jam galeam ſaxa perfregerant, jam continuo labore gravia genua ſucciderant. Itaque contemptim & incautè, qui proximi ſteterant, incurſerunt: è quibus duos gladio ita excepit, ut ante ipſum exanimis procumberent. Nec cuiquam deindè propius inceſſendi eum animus fuit; procul jacula ſagittasque mittebant. Ille ad omnes ictus expoſitus, agè jam exceptum poplitibus corpus tuebatur; donec Indus duorum cubitorum ſagittam ( namque Indis, ut antè diximus, hujus magnitudinis ſagittæ erant ) ita excuſſit, ut per thoracem paulùm ſuper latus dexterum infigeretur. Quo vulnere afflictuſ, magna vi ſanguinis emicante, remiſit arma moribundo ſimilis, adedque reſolutus, ut ne ad vellendum quidem telum ſufficeret dextra. Itaque ad expoſtuliandum corpus, qui vulneraverat, alacer gaudio

gaudio occurrit. Quem ut injicere corpori suo manus sensit, credo, ultimi dedecoris indignitate commotus, linquentem revocavit animum, & nudum hostis latus subjecto mucrone hausit. Jacebant circa Regem tria corpora, procul stupentibus cæteris. Ille, ut antequam ultimus spiritus deficeret, dimicans jam extinguere, clypeo se allevare conatus est: & posteaquam ad connitendum nihil supererat virium, dexterâ impendentes ramos complexus, tentabat assurgere. Sed ne sic quidem potens corporis, rursus in genua procumbit, manu provocans hostes, si quis congredi auderet. Tandem Peucestes per aliam oppidi partem, deturbatis propugnatoribus, muri vestigia persequens, Regi supervenit. Quo conspecto, Alexander jam non vitæ suæ, sed mortis solatium supervenisse ratus, clypeo fatigatum corpus excepit. Subit inde Timæus, & paulò post Leonatus, huic Aristonius supervenit. Indi quoque cum intra moenia Regem esse comperissent, omissis cæteris, illuc concurrerunt, urgebantque protectes. Ex quibus Timæus multis adverso corpore vulneribus acceptis, egregiâque editâ pugnâ cecidit. Peucestes quoque tribus jaculis confossus, non se tamen scuto, sed Regem tuebatur. Leonatus dum avidè ruentes Barbaros submovet, cervice graviter jecta semianimis procubuit ante Regis pedes. Jam & Peucestes vulneribus fatigatus submiserat clypeum

peum. In Aristono spes ultima hærebat. Hic quoque graviter saucius, tantam vim hostium ultra sustinere non poterat. Inter hæc ad Macedonas, Regem cecidisse, fama perlata est. Terruisset alios, quod illos incitavit. Namque periculi omnis immemores, dolabris perfregere murum, & quâ moliti erant aditum, irrupere in urbem, Indosque plures fugientes, quàm congregi ausos, ceciderunt. Non senibus, non foeminis, non infantibus parcitur. Quisquis occurrerat, ab illo vulneratum Regem esse, credebant: tandemque internecione hostium justæ iræ parentatum est. Ptolemæum, qui postea regnavit, huic pugnae affuisse, autor est Clitarchus, & Timagenes. Sed ipse scilicet gloriæ suæ non refragatus, abfuisse se, missum in expeditionem memoriæ tradit. Tanta componentium vetusta rerum monumenta vel securitas, vel, par huic vitium, credulitas fuit. Rege in tabernaculum relato, medici lignum hastæ corpori infixum, ita, ne spiculum moveretur, abscindunt. Corpore deinde nudato animadvertunt hamos inesse telo, nec aliter id sine pernicie corporis extrahi posse, quàm ut secando vulnus augerent. Cæterum ne secantes profluvium sanguinis occuparet, verebantur: quippe ingens telum adactum erat, & penetrasse in viscera videbatur. Critobulus inter medicos artis eximiæ, sed in tanto periculo territus, manus admoveere metuebat, ne in ipsius caput parum pro-

speræ curationis recideret eventus. Lachrymantem eum, ac metuentem, & sollicitudine propemodum exanguem Rex conspexerat. *Quid, inquit, quodve tempus expectas, & non quamprimum hoc dolore me saltem moriturum liberas? An times, ne reus sis, cum insanabile vulnus acceperim?* At Critobulus tandem vel finito vel dissimulato metu hortari eum cepit, ut se continendum præberet, dum spiculum eyelleret: etiam levem corporis motum noxium fore. Rex, cum affirmasset, nihil opus esse iis, qui semet continerent, sicut præceptum erat, sine motu præbuit corpus. Igitur patefacto latius vulnere, & spiculo eyulso, ingens vis sanguinis manare cœpit, linquique animo Rex, & caligine oculis offusa, veluti moribundus extendi. Cùmque profluvium medicamenti frustra inhiberent, clamor simul atque ploratus amicorum oritur, Regem expirasse credentium. Tandem constitit sanguis, paulatimque animum recepit, & circumstantes cœpit agnoscere. Toto eodie, ac nocte, quæ secuta est, armatus exercitus regiam obsedit, confessus omnes unius spiritu vivere. Nec prius recesserunt, quàm compertum est, somno paulisper acquiescere. Hinc certiores spem salutis ejus in castra retulerunt,

6 Rex, septem diebus curato vulnere, necdum obducta cicatrice, cùm audisset, convaluisse apud Barbaros famam mortis suæ, duobus navigiis junctis statui in mediu-

dium undique conspicuum tabernaculum  
iussit, ex quo se ostenderet periisse creden-  
tibus: conspectusque ab incolis, spem ho-  
stium falso nuntio conceptam inhibuit.  
Secundo deinde amne defluxit, aliquan-  
tum intervalli a cætera classe præcipiens,  
ne quies corpori invalido adhuc necessa-  
ria, pulsu remorum impediretur. Quarto  
posteaquam navigare cœperat die, perve-  
nit in regionem, desertam quidem ab in-  
colis, sed frumento & pecoribus abundan-  
tem. Placuit is locus & ad suam, & ad  
militum requiem. Mos erat principibus  
amicorum & custodibus corporis excuba-  
re ante prætorium, quoties Regis adver-  
sa valetudo incidisset. Hoc tum more  
quoque servato, universi cubiculum ejus  
intran. Ille sollicitus, ne quid novi affer-  
rent, quia simul venerant, percontatur,  
num hostium recens nuntiaretur adven-  
tus. At Craterus, cui mandatum erat, ut  
amicorum preces perferret ad eum: Cre-  
disne, inquit, adventu magis hostium, ut  
jam in vallo consisterent, quàm cura salu-  
tis tua, ut nunc est tibi vilis, nos esse soli-  
citos? Quantalibet vis omnium gentium  
conspiret in nos, impleat armis virisque  
totum orbem, classibus maria consternat,  
inusitatas belluas inducat, tu nos præs-  
tabis invictos. Sed quis Deorum hoc Mace-  
donia columen ac sidus diuturnum fore  
polliceri potest? cùm tam avidè manife-  
stis periculis offeras corpus, oblitus, tot ci-  
pium animas trahere te in casum? Quis

enim tibi superstes aut optat esse, aut potest? Eò pervenimus, auspiciū atque imperium secuti tuum, unde, nisi te reduce, nulli ad penates suos iter est. Qui si adhuc de Persidis regno cum Dario dimicantes, etsi nemo vellet, tamen ne admirari quidem posset, tam prompta esse te ad omne discrimen audacia. Nam ubi paria sunt periculum ac pramium, & secundis rebus amplior fructus est, & adversis solatium majus. Tuo verò capite ignobilem vicum emi quis ferat, non tuorum modò militum, sed ullius etiam gentis barbara, qui tuam magnitudinem novit? Horret animus cogitatione rei, quam paulò ante vidimus. Eloqui timeo, invicti corporis spoliis inertissimos manus fuisse injecturos, nisi te interceptum misericors in nos fortuna servasset. Totidem proditores, totidem desertores sumus, quot te non potuimus persequi. Universos licèt milites ignominia notes, nemo recusabit luere id, quod ne admitteret, prestare non potuit. Patere, nos, quaso, alio modo esse viles tibi. Quocunque jusseris, ibimus: obscura bella, & ignobiles pugnas nobis deposcimus. Temetipsum ad ea serva, qua magnitudinem tuam capiunt. Citò gloria obsolescit in sordidis hostibus. Nec quidquam indignius est, quàm consumi eam, ubi non possit ostendi. Eadem fere Ptolemæus, & similia iis cæteri. Jamque confusis vocibus flentes eum orabant, ut tandem exsatiatae laudi modum faceret, ac salutis suæ, idest publi-

publicæ, parceret. Grata erat Regi pietas amicorum. Itaque singulos familiarius amplexus confidere jubet, altiusque sermone repetito: *Vobis quidem*, inquit, *o fidissimi, piissimique civium, atque amicorum, grates ago, habeoque, non solum eo nomine, quod hodie salutem meam vestra praponitis, sed quod a primordiis belli, nullum erga me benevolentia pignus atque indicium omisistis: aded ut confitendum sit, nunquam mihi vitam meam fuisse tam charam, quam esse cœpit, ut vobis diu frui possim. Caterum non eadem est cogitatio eorum, qui pro me mori optant, & mea; qui quidem hanc benevolentiam vestram virtute meruisse me judico. Vos enim diuturnum fructum ex me, forsitan etiam perpetuum, percipere cupitis. Ego me metior non atatis spatio, sed gloria. Licuit paternis opibus contento, intra Macedonia terminos per otium corporis expectare obscuram & ignobilem senectutem. Quanquam ne pigri quidem sibi fata disponunt; sed unicum bonum diuturnam vitam astimantes, sæpè acerba mors occupat. Verùm ego, qui non annos meos, sed victorias numero, si munera fortuna bene computo, diu vixi. Orsus a Macedonia imperium, Graciam teneo: Thraciam, & Illyricos subegi: Triballis, Medisque imperito: Asiam, quæ Hellesponto, quæ Rubro mari alluitur, possideo. Jamque haud procul absam a fine mundi: Quem egressus, aliam naturam, alium orbem*

aperire mihi statui. Ex Asia in Europa terminos momento unius hora transivi. Victor utriusque regionis post nonum regni mei, post XXVIII atatis annum, videor-  
ne vobis in excolenda gloria, cui me uni devovi, posse cessare? Ego verò non deero, & ubicunque pugnabo, in theatro terrarum orbis esse me credam. Dabo nobilitatem ignobilibus locis. Aperiam cunctis gentibus terras, quas natura longè submoverat. In his operibus extinguere mihi (si fors ita feret) pulchrum est. Ea stirpe sum genitus. ut multam prius, quàm longam vitam debeam optare. Obsecro vos, cogitate, nos pervenisse in terras, quibus fœmina ob virtutem celeberrimum nomen est. Quas urbes Semiramis condidit? quas gentes redegit in potestatem? quanta opera molita est? Nondum fœminam aquavimus gloria, & jam nos laudis satietas cepit? Dis faveant, majora adhuc restant. Sed ita nostra erunt, qua nondum attigimus, si nihil parvum duxerimus, in quo magna gloria locus est. Vos quod me ab intestina fraude, & domesticorum insidiis præstate securum: belli Martisque discrimen impavidus subibo. Philippus in acie tutior, quàm in theatro fuit: hostium manus sæpè vitavit, suorum effugere non valuit. Aliorum quoque Regum exitus si reputaveritis, plures a suis quàm ab hoste interemptos numerabitis. Caterùm quoniam olim rei agitata in animo meo, nunc promenda occasio oblata est: mihi  
maxi-



*maximus laborum atque operum meorum erit fructus, si Olympias mater immortalitati consecretur, quandocunque excesserit vita. Hoc si licuerit, ipse prestabo. Si me praeceperit fatum, vobis mandasse mementote. At tum quidem amicos dimisit: cæterum per complures dies ibi stativa habuit.*

7 Hæc dum in India geruntur, Græci milites, nuper in colonias a Rege deducti Carabactra, ortâ inter ipsos seditione, defecerant, non tam Alexandro infensi, quàm metu supplicii: quippe occisis quibusdam popularium, qui validiores erant, arma spectare cœperunt. Et Bactrianâ arce, quæ quasi negligentius asservata erat, occupatâ, Barbaros quoque in societatem defectionis impulerant. Athenodorus erat princeps eorum, qui Regis quoque nomen assumpserat, non tam imperii cupidine, quàm in patriam revertendi cum iis, qui auctoritatem ipsius sequebantur. Huic Bicon quidam nationis ejusdem, sed ob æmulationem infestus, comparavit insidias, invitatumque ad epulas, per Boxum quendam Macerianum in convivio occidit. Postero die concione advocata, Bicon ultro insidiatum sibi Athenodorum plerisque persuaserat. Sed aliis suspecta fraus erat Biconis, & paulatim in plures cœpit manare suspicio. Itaque Græci milites arma capiunt, occisuri Biconem, si daretur occasio. Cæteri principes eorum iram multitudinis mitigaverunt.

Præter spem suam Bicon præsentî periculo ereptus, paulò post infidiatus authoribus salutis suæ est: cujus dolo cognito, & ipsum comprehenderunt, & Boxum. Cæterùm Boxum protinus placuit interfici, Biconem etiam per cruciatum necari. Jamque corpori tormenta admovebantur, cùm Græci milites, incertum ob quam causam, lymphantis similes ad arma discurrent: quorum fremitu exaudito, qui torquere Biconem jusserant, omisere, veriti, ne id facere tumultuantium vociferatione prohiberentur. Ille, sicut nudatus erat, pervenit ad Græcos, & miserabilis facies supplicio destinati in diversum animos repente mutavit, dimittingue eum jusserunt. Hoc modo pœnâ bis liberatus, cum cæteris, qui colonias a Rege attributas reliquerunt, revertit in patriam. Hæc circa Bactra & Scytharum terminos gesta. Interim Regem duarum gentium (de quibus ante dictum est) centum legati adeunt. Omnes curru vehebantur, eximia magnitudine corporum, decore habitu, lineæ vestes intextæ auro, purpuræque distinctæ. Ei se dedere ipsos, urbes, agrosque referebant; per tot ætates inviolatam libertatem illius primùm fidei ditionique permissuros. Deos sibi deditiois authores, non metum: quippe, intactis viribus, jugum excipere. Rex, consilio habito, deditos in fidem accepit, stipendio, quod Arachosii utraque natio pensitabat, obsequio. Præterea duo millia & D equi-  
tes

tes imperati : & omnia obedienter a Barbaris facta . Invitatis deinde ad epulas legatis gentium , regulisque , exornari convivium jussit . Centum aurei lecti modicis intervallis positi erant : lectos circumdederant aulæa purpurâ auroque fulgentia ; quidquid aut apud Persas vetere luxu , aut apud Macedonas nova immutatione corruptum erat , confusis utriusque gentis vitiis in illo convivio ostendit . Intererat epulis Dioxippus Atheniensis , pugil nobilis , & ob eximiam virtutem virium jam Regi pernotus & gratus . Invidi malignique increpabant per seria & ludum , faginati corporis sequi inutilem belluam ; cùm ipsi proelium inirent , oleo madentem præparare ventrem epulis . Eadem igitur in convivio Horratus Macedo jam temulentus exprobrare ei cœpit , & postulare , ut si vir esset , postero die secum ferro decerneret ; Regem tandem vel de sua temeritate , vel de illius ignavia judicaturum . Et a Dioxippo contemptim militarem eludente ferociam , accepta conditio est . Ac postero die Rex , cùm etiam acrius certamen exposcerent , quia deterrere non poterat , destinata exequi passus est . Ingens hîc militum , inter quos erant Græci , qui Dioxippo studebant , convenerat multitudo . Macedo iusta arma sumpserat ; æreum clypeum , hastam , quam sarissam vocant , læva tenens , dextra lanceam , gladioque cinctus , velut cum pluribus simul dimicaturus . Dioxippus oleo nitens , &

coronatus, lævâ puniceum amiculum, dextrâ validum nodosumque stipitem præferbat. Ea ipsa res omnium animos expectatione suspenderat; quippe armato congre-  
di nudum, dementia, non temeritas videbatur. Igitur Macedo, haud dubius eminus interfici posse, lanceam emisit: quam Dioxippus cum exigua corporis declinatione vitasset, antequam ille hastam transferret in dexteram, assiluit, & stipite mediam eam fregit. Amisso utroque telo, Macedo gladium coeperat stringere: quem occupatum complexu, pedibus repentè subductis, Dioxippus arietavit in terram: ereptoque gladio, pedem super cervicem jacentis imposuit, stipitem intentans, elisurusque eo victum, ni prohibitus esset a Rege. Tristis spectaculi eventus non Macedonibus modò, sed etiam Alexandro fuit, maximè quia Barbari affuerant: quippe celebratam Macedonum fortitudinem ad ludibrium recidisse verebatur. Hinc ad criminationem invidorum adapertæ sunt aures Regis. Et post paucos dies inter epulas aureum poculum ex composito subducitur: ministrique, quasi amisissent, quod amoverant, Regem adeunt. Sæpè minus est constantiæ in rubore, quàm in culpa. Conjectum oculorum, quibus ut fur destinabatur, Dioxippus ferre non potuit. Et cum excessisset convivio, literis conscriptis, quæ Regi redderentur, ferro se interemit. Graviter mortem ejus tulit Rex, existimans indignationis esse.

non pœnitentiæ testem, utique postea-  
quam falsò insimulatum eum, nimium in-  
vidorum gaudium ostendit.

8 Indorum legati dimissi domos, pau-  
cis post diebus cum donis revertuntur.  
Ecce erant equi, Mxxx currus, quos qua-  
drijugi equi ducebant: Lineæ vestis ali-  
quantum, mille scuta Indica, & ferri can-  
didi talenta centum, leonesque raræ magni-  
tudinis, & tigres: utrumque animal ad  
mansuetudinem domitum. Lacertarum quo-  
que ingentium pelles, & dorsa testudi-  
num. Cratero deinde imperat Rex, haud  
procul amne, per quem erat ipse naviga-  
turus, copias duceret. Eos autem, qui co-  
mitari eum solebant, imponit in naves, &  
in fines Mallorum secundo amne devehit-  
tur. Inde Sabracas adiit, validam Indiæ  
gentem, quæ populi, non Regum impe-  
rio regebatur. Sex millia peditum habe-  
bant, equitum octo millia: has copias cur-  
rus D sequebantur. Tres duces spectatos  
virtute bellica elegerant. At qui in agris  
erant proximi flumini (frequentes autem  
vicos maximè in ripa habebant) ut videre  
totum amnem, quâ prospici poterat, na-  
vigis constratum, & tot militum arma  
fulgentia, territi nova facie, Deorum  
exercitum, & alium Liberum Patrem, ce-  
lebre in illis gentibus nomen, adventare  
credebant. Hinc militum clamor, hinc  
remorum pulsus, variæque nautarum vo-  
ces hortantium, pavidas aures impleve-  
rant. Ergo universi ad eos, qui in armis

erant, currunt, furere clamitantes, & cum Diis proelium inituros. Navigia non posse numerari, quæ invictos veherent. Tantumque in exercitum suorum intulere terroris, ut legatos mitterent, gentem dedituros. His in fidem acceptis, ad alias deinde gentes quarto die pervenit. Nihiloplus animi his fuit, quàm cæteris fuerat. Itaque oppido ibi condito, quod Alexandriam appellari jusserat, fines eorum, qui Musicanî appellantur, intravit. Hic de Teriolte Satrape, quem Parapamisadis præfecerat, iisdem arguentibus, cognovit; multaue avarè ac superbè fecisse convictum, interfici jussit. Oxyatres Prætor Bactrianorum non absolutus modò, sed etiam jure amplioris imperii donatus est. Finibus Musicanis deinde in ditionem redactis, urbi eorum imperium imposuit. Inde Præstos, & ipsam Indiæ gentem perventum est. Oxycanus Rex erat, qui semunitæ urbi cum magna manu popularium incluserat. Hanc Alexander, tertio die, quàm cœperat obsidere, expugnavit. Et Oxycanus cùm in arcem confugisset, legatos de conditione deditiois misit ad Regem. Sed antequam adirent eum, duæ turres cum ingenti fragore prociderant, per quarum ruinas Macedones evasere in arcem: qua capta, Oxycanus cum paucis repugnans occiditur. Diruta igitur arce, & omnibus captivis venundatis, Sabi Regis fines ingressus est; multisque oppidis in fidem acceptis, validissimam gentis urbem

hem cuniculo cepit. Barbaris simile mon-  
stri visum est, rudibus militarium ope-  
rum: quippe in media fermè urbe e terra  
existerant, nullo suffossi specus ante vesti-  
gio facto. Octo millia Indorum in ea re-  
gione cæsos Clitarchus est author, multos-  
que captivos sub corona venisse. Rursus  
MUSICANI defecerunt, ad quos opprimen-  
dos missus est PITHON, qui captum princi-  
pem gentis, eundemque defectionis autho-  
rem, adduxit ad Regem. Quo Alexander  
in crucem sublato, rursus amnem, in quo  
classem expectare se jusserat, repetit.  
Quarto deinde die secundo amne perve-  
nit ad oppidum, quà iter in regnum erat  
SAMI. Nuper se ille dediderat: sed oppi-  
dani detrectabant imperium, & clauferant  
portas. Quorum paucitate contempta,  
Rex D. Agrianos mœnia subire jusserat,  
& sensim recedentes elicere extra muros  
hostem, secuturum profectò, si fugere eos  
crederet. Agriani (sicut imperatum erat)  
laceffito hoste subitò terga verterunt: quos  
Barbari effusè sequentes, in alios, inter  
quos ipse Rex erat, incidunt. Renovato  
ergo proelio, ex tribus millibus Barbaro-  
rum sexcenti cæsi sunt, mille capti, cæte-  
ri mœnibus urbis inclusi. Sed non ut pri-  
mâ specie læta victoria, ita eventus quo-  
que fuit: quippe Barbari veneno tinxerant  
gladios. Itaque faucii subinde expira-  
bant. Nec causa tam strenuæ mortis ex-  
cogitari poterat a medicis; cùm etiam le-  
yes plagæ insanabiles essent. Barbari au-  
tem

tem speraverant, incautum & temerarium Regem excipi posse; & fortè inter promptissimos dimicans, intactus evaserat. Præcipuè Ptolemæus lævo humero leviter quidem saucius, sed majore periculo quàm vulnere affectus, Regis sollicitudinem in se converterat. Sanguine conjunctus erat, & quidam Philippo genitum esse, credebant; certè pellice ejus ortum, constabat. Idem corporis custos, promptissimusque bellator, et pacis artibus quàm militiæ major & clarior, modico civili que cultu, liberalis in primis, adituque facilis, nihil ex fastu regio assumpserat. Ob hæc Regi, an popularibus charior esset, dubitari poterat: tum certè primùm expertus suorum animos, aded ut fortunam, in quam postea ascendit, in illo periculo Macedones ominati esse videantur. Quippe non levior illis Ptolemæi fuit cura, quàm Regis, qui & proelio & sollicitudine fatigatus quum Ptolemæo assideret, lectum, in quo ipse acquiesceret, jussit inferri: in quem ut se recepit, protinus altior insecutus est somnus. Ex quo excitatus, per quietem vidisse se exponit speciem draconis oblatam herbam ferentis ore, quam veneni remedium esse monstrasset. Colorem quoque herbæ referebat, agniturum, si quis reperisset, affirmans; inventamque deinde, quippe a multis erat requisita, vulneri imposuit: protinusque dolore finito, intra breve spatium cicatrix quoque obducta est. Barbaros ut prima spes fefellerat,



lerat, seipsos urbemque dediderunt. Hinc in proximam gentem Pathalyam perventum est: Rex erat Moëris, qui, urbe deserta, in montes profugerat. Itaque Alexander oppido potitur, agrosque populatur. Magnæ inde prædæ actæ sunt pecorum armentorumque, magna vis reperta frumenti. Ducibus deinde sumptis amnis peritis, defluxit ad insulam medio fermè alveo enatam.

9 Ibi diutius subsistere coactus, quia duces socordiùs asservati profugerant; misit qui conquirerent alios: nec repertis, pervicax cupido incessit visendi Oceanum, adeundique terminos mundi sine regionis peritis, aususque est flumini ignoto caput suum totque fortissimorum viroꝝ salutem permittere. Navigabāt ergo, omnium, per quæ ferebantur, ignari: quantum inde abesset mare, quæ gentes colerent, quàm placidum amnis os, quàm patiens longarum navium esset, anceps & cœca æstimatio augurabatur. Unum erat temeritatis solatium, perpetua felicitas. Jam cccc stadia processerant, cùm gubernatores agnoscere ipsos auram maris, & haud procul videri sibi Oceanum abesse, indicant Regi. Lætus ille hortari nauticos cœpit, *incumberent remis, adesse finem laboris omnibus votis expetitur. Jam nihil gloria deesse, nihil obflare virtuti. Sine ullo Martis discrimine, sine sanguine orbem terra ab illis capi. Nec naturam quidem longius posse procedere.*

Brevi

*Brevi incognita, nisi immortalibus, esse vi-  
suros.* Paucos tamen navigio emisit in  
ripam, qui agrestes vagos exciperent, e  
quibus certiora nosci posse sperabat. Illi  
scrutati omnia tuguria, tandem latentes  
reperere. Qui interrogati, quàm procul  
abessent mari, responderunt nullum ipsos  
mare ne famâ quidem accepisse. Cæte-  
rùm tertio die perveniri posse ad aquam  
amaram, quæ corrumpere dulcem. In-  
tellectum est, mare destinari ab ignaris na-  
turæ ejus. Itaque ingenti alacritate nau-  
tici remigant, & proximo quoque die,  
quò propius spes admovebatur, crescebat  
ardor animorum. Tertio jam die mistum  
flumini subibat mare, leni adhuc æstu  
confundente dispare undas. Tum aliam  
insulam medio amni sitam evecti paulò le-  
nius, quia cursus æstu reverberabatur, ap-  
plicant classem, & ad com meatus peten-  
dos discurrent, securi casus ejus, qui su-  
pervenit ignaris. Tertia ferme hora erat,  
cùm stata vice Oceanus exæstuans inveni-  
coepit, & retro flumen argere. Quod pri-  
mò coercitum, deinde vehementiùs pul-  
sum, majore impetu adversum agebatur,  
quàm torrentia præcipiti alveo incurrunt.  
Ignota vulgo freti natura erat, monstra-  
que, & iræ Deûm indicia cernere videba-  
tur. Identidem intumescens mare, & in  
campos paulò ante siccos descendere su-  
perfusum. Jamque levatis navigiis, & to-  
ta classe dispersa, qui expositi erant, undi-  
que ad naves trepidi & improvise male  
atto-

attoniti recurrunt. Sed in tumultu festinatio quoque tarda est. Hi contis navigia appellabant, hi dum remos aptari prohibebant, confederant. Quidam enavigare properantes, sed non expectatis, qui simul esse debebant, clauda & inhabilia navigia languidè moliebantur. Aliæ navium inconsultè ruentes non receperant, pariterque & multitudo & paucitas festinantes morabatur. Clamor hinc expectare, hinc iræ jubentium, dissonæque voces nusquam idem ac unum tendentium, non oculorum modò usum, sed etiam aurium abstulerant. Ne in gubernatoribus quidem quidquam opis erat, quorum nec exaudiri vox a tumultuantibus poterat, nec imperium a territis incompositisque servari. Ergo collidi inter se naves, abstergerique invicem remi, & alii aliorum navigia urgere cœperunt. Crederes non unius exercitus classem vehi, sed duorum navale inisse certamen. Incutiebantur puppibus proræ, premebantur a sequentibus, qui antecedentes turbaverant. Jurgantium ira perveniebat etiam ad manus. Jamque æstus totos circa flumen campos inundaverat, tumulis duntaxat eminentibus, velut insulis parvis, in quos plerique trepidi, omissis navigiis, enare cœperunt. Dispersa classis partim in præalta aqua stabat, qua subsederant valles, partim in vado hærebat, utcunque inæquale terræ fastigium occupaverant undæ; cùm subitò novus & pristino major terror incutitur.

cutitur. Reciprocare cœpit mare, magno tractu aquis in suum fretum recurrentibus; reddebatque terras paulò ante profundo salo merfas. Igitur destituta navigia, alia præcipitantur in proras, alia in latera procumbunt. Strati erant campi sarcinis, armis, avulsarum tabularum remorumque fragmentis. Miles nec egredi in terram, nec in naves subsistere audebat, identidem præsentibus graviora, quæ sequerentur, expectans. Vix quæ perpetiebantur, videre ipsos credebant: in sicco naufragia, in amni mare, nec finis malorum. Quippe æstus paulò post mare relaturum, quo navigia allevarentur, ignari, famem & ultima sibi met ominabantur. Belluæ quoque fluctibus destitutæ, terribiles vagabantur. Jamque nox appetebat, & Regem quoque desperatio salutis, ægritudine affecerat. Non tamen invictum animum curæ obruunt, quin, tota nocte præsideret in speculis, equitesque præmitteret ad os amnis, ut, cùm mare rursus exæstuarē sensissent, procederent. Navigia quoque lacerata refici, & everfa fluctibus erigi jubet, paratosque esse & intentos cùm rursus mare terras inundasset. Tota ea nocte inter vigilias adhortationesque consumpta, celeriter equites ingenti cursu refugere, & secutus est æstus. Qui primò, aquis leni tractu subeuntibus, cœpit levare navigia: mox totis campis inundans, etiam impulit classē: plaususque mili-

militum nauticarumque, insperatam salutem immodico celebrantium gaudio, litoribus ripisque resonabat: Unde tantum redisset subito mare, quod pridie refugisset, quænam esset ejusdem elementi natura, modò discors, modò imperio temporum obnoxia, mirabundi requirebant. Rex cum ex eo, quod acciderat, conjectaret, post solis ortum statum tempus esse, media nocte, ut æstum occuparet, cum paucis navigiis secundo amne defluxit: eVectusque os ejus, cccc stadia processit in mare: tandem voti sui compos, præsidibus & maris & locorum Diis sacrificio facto, ad classem rediit.

10 Hinc adversum flumen subiit classis, & altero die appulsa est haud procul lacu falso, cujus ignota natura plerosque decepit temerè ingressos aquam: quippe scabies corpora invasit, & contagium morbi etiam in alios vulgatum est. Oleum remedio fuit. Leonato deinde præmisso, ut puteos foderet, quæ terrestri itinere ducturus exercitum videbatur (quippe sicca erat regio) ipse cum copiis subsistit, verum tempus expectans. Interim & urbes plerasque condidit. Nearchus atque Onesicritus, nauticæ rei peritis, imperavit, ut validissimas navium deducerent in Oceanum, progressique quoad tutò possent, naturam maris noscerent: vel eodem amne, vel Euphrate subire eos posse, cum reverti ad se vellent. Jamque mitigata hyeme, & navibus, quæ inutiles videbantur.

tur, crematis, terrâ ducebat exercitum. Nonis castris in regionem Abaritarum, inde totidem diebus in Cedrusiorum regionem perventum est. Liber hic populus, consilio habito, dedit se, nec quidquam deditis præter commeatus imperatum est. Quinto hinc die venit ad flumen: Arabon incolæ appellant. Regio deserta, & aquarum inops excipit, quam emensus in Horritas transit. Ibi majorem exercitus partem Hephæstioni tradidit: lævam armaturam cum Ptolemæo Leonatoque partitius est. Tria simul agmina populabantur Indos, magnæque prædæ actæ sunt. Maritimos Ptolemæus, cæteros ipse Rex, & ab alia parte Leonatus urebant. In hac quoque regione urbem condidit, deductique sunt in eam Arachosii. Hinc pervenit ad maritimos Indos: desertam vastamque regionem latè tenent, ac ne cum finitimis quidem ullo commercii jure miscentur. Ipsa solitudo naturâ quoque immittia efferavit ingenia. Prominent ungues nunquam recisi. Comæ hirsutæ, & intonsæ sunt. Tuguria conchis & cæteris purgamentis maris struunt. Ferarum pellibus tecti, piscibus sole duratis, & majorum quoque belluarum, quas fluctus ejicit, carne vescuntur. Consumptis igitur alimentis, Macedones primò inopiam, deinde ad ultimum famem sentire cœperunt; radices palmarum (namque sola ea arbor gignitur) ubique rimantes. Sed cum hæc quoque alimenta defecerant,

jumen-

jumenta cædere aggressi, ne equis quidem abstinebant:& cùm deessent, quæ sarcinas veherent, spolia de hostibus, propter quæ ultima Orientis peragraverant, cremabant incendio. Famem deinde pestilentia secuta est; quippe insalubrium ciborum novi succi, ad hoc itineris labor, & ægritudo animi, vulgaverant morbos, &, nec manere sine clade, nec progredi poterant. Manentes fames, progressos acrior pestilentia urgebat. Ergo strati erant campi penè pluribus semivivis quàm cadaveribus. Ac ne levius quidem ægri sequi poterant: quippe agmen raptim agebatur, tantum singulis ad spem salutis ipsos proficere credentibus, quantum itineris festinando præciperent. Igitur qui defecerant, notos ignotosque, ut allevarentur, orabant. Sed nec jumenta erant, quibus excipi possent, & miles vix arma portabat, imminentisque etiàm ipsis facies mali ante oculos erat. Ergo sæpius revocati, ne respicere quidem suos sustinebant, misericordiâ in formidinem versâ. Illi relictî, Deos testes, sacra communia, Regisque implorabant opem; cùmque frustra surdas aures fatigarent, in rabiem desperatione versi, parem suo exitum, similesque ipsis amicos & contubernales precabantur. Rex dolore simul & pudore anxius, quia causa tantæ cladis ipse esset, ad Phrataphernem Parthinorum Satrapem misit, qui juberet,

juberet, camelis cocta cibaria afferre. Alios quoque finitimarum regionum Præfectos, certiores necessitatis suæ fecit; nec cessatum est ab his. Itaque fame duntaxat vindicatus exercitus, tandem in Cedrosiæ fines perducitur. Omnium rerum sola fertilis regio est, in qua stativa habuit, ut vexatos milites quiete firmaret. Hic Leonati literas accipit, conflixisse ipsum cum octo millibus peditem, & quingentis equitibus Oritarum, prospero eventu. A Cratero quoque nuntius venit, Ozinem & Zariaspem nobiles Persas defectionem molientes, oppressos a se, in vinculis esse. Præposito igitur regioni Siburtio (namque Memnon Præfectus ejus nuper interierat morbo) in Carmaniam ipse processit. Aspastes erat Satrapes gentis, suspectus res novare voluisse, dum in India Rex esset. Quem occurrentem, dissimulatâ irâ, comiter allocutus, dum exploraret, quæ delata erant, in eodem honore habuit: cum Indiæ Præfecti (sicut imperatum erat) equorum, jumentorum, jugaliumque vim ingentem, ex omni, quæ sub imperio erat, regione misissent, quibus deerant impedimenta, restituit. Arma quoque ad pristinum refecta sunt cultum: quippe haud procul a Perside aberant, non pacata modò, sed etiam opulenta. Igitur (ut supra dictum est) æmulatus Patris Liberi non gloriam solum, quam ex illis genti-



gentibus deportaverat, sed etiam famam; five illud triumphus fuit ab eo primum institutus, five bacchantium lusus; statuit imitari, animo super humanum fastigium elato. Vicos, per quos iter erat, floribus coronisque sterni jubet. Liminibus adium crateras vino repletos, & alia eximia magnitudinis vasa disponi. Vehicula deinde constrata, ut plures capere milites possent, in tabernaculorum modum ornari, alia candidis velis, alia veste pretiosa. Primi ibant amici, & cohors regia, variis redimita floribus coronisque. Alibi tubicinum cantus, alibi lyra sonus audiebatur: item in vehiculis, pro copia cujusque adornatis, comestabundus exercitus, armis, quæ maximè decora erant, circumpendentibus: Ipsum convivasque currus vehibat, crateris aureis ejusdemque materiae ingentibus poculis prægravis. Hoc modo per dies septem bacchabundum agmen incessit. Parta præda, si quid victis saltem adversus comestantes animi fuisset, mille hercule viri, modò & sobrii, septem dierum crapula graves in suo triumpho capere potuerunt. Sed fortuna, quæ rebus famam pretiumque constituit, hic quoque militiæ probum vertit in gloriam. Et præsens ætas, & posteritas deinde mirata est, per gentes nondum satis domitas incessisse temulentos, Barbaris, quod temeritas erat, fiduciam esse credentibus. Hunc ap-  
para-

paratum carnifex sequebatur : quippè  
Satrapes Aspastes (de quo ante di-  
ctum est) interfici jussus est :  
adeò nec luxuriæ quid.  
quam crudelitas, nec  
crudelitati luxu-  
ria obstat.



## LIBER X.

## Breviarium Libri.

\* **C**Leander & alii duces delictorum veniam impetrant, dum nonnulli minus facinorosi puniuntur. Alexandri consilium de Occidentali Europa parte perlustranda: liberalitas erga Abisaris filium, & in Orsinem, nobilissimum Satrapam, crudelitas.

2 Dum turbatum Gracia statum pacare, & ex militibus (are alieno liberatis) alios remittere domum, alios retinere cogitat, in castris oritur seditio: quam gravi oratione & regia auctoritate compescit.

3 Seditiosis supplicio affectis, totius exercitus dissipat consilia, & Persis credit corporis sui custodiam.

4 Oratio Macedonis militis vincti. Conjuratio in Alexandrum, qui veneno extinguitur.

5 Dicta & gesta ejusdem ante obitum: quantum a suis fuerit desideratus: praeipue verò a Darii matre, qua dolori succumbens, paulo post extincta est. Alexandri elogium.

6 De successore Alexandri in Magnates consultatio, & varia sententia.

7 Aridaeus, Philippo genitus, Meleagro promovente, a quibusdam Rex salutatur: Unde civilis belli semina.

8 Primarii duces Meleagri artibus occurrunt.

currunt. Aridaus autem, pacis studiosus, tumultum componere media quadam ratione conatur.

9 Perdiccas Meleagrum & trecentos ferè alios, qui eum sequuti fuerant, dolo opprimit.

10 Alexandri imperium in partes divisum, cujus summa Aridaeo tributa: Provincia autem Magnatibus. Defuncti corpus ab amicis curatum, & tandem Alexandriam Ægypti translatum est.





**I**SDEM ferè diebus Cleander & Sitalces, & cum Agathone Heracon superveniunt, qui Parmenionem jussu Regis occiderant; & cum iis quinque millia peditum cum equitibus mille. Sed & accusatores eos e provincia, cui præfuerant, sequebantur: nec tot facinora, quot amiserant, compensare poterant cædis perquam gratæ Regi ministerio. Quippe cum omnia profana spoliassent, ne sacris quidem abstinuerant: virginesque & principes foeminarum stupra perpeffæ, corporum ludibria deflebant: invisum Macedonum nomen avaritia eorum ac libido Barbaris fecerat. Inter omnes tamen eminebat Cleandri furor, qui nobilem virginem constupratam servo pellicem dederat. Plerique amicorum Cleandri, non tam criminum, quæ patibantur, atrocitatem, quam quodam occisi per eos Parmenionis, exitum prodesse reis apud Regem sperabant; læti recidisse iram, nec ullam potentiam sequi quàm esse diuturnam. Cleander, pronuntiavit, ab accidit maximum crimen desperationem salutis alia ausuros qui ipsi aut optassent re-reversurum. Igitur: **DC** autem militum,

tum, qui sævitiae eorum ministri fuerant, interfici iussit. Eodem die sumptum est supplicium de his quoque, quos authores defectionis Persarum Craterus adduxerat. Haud multò post Nearchus & Onesicritus, quos longius in Oceanum procedere iusserat, superveniunt. Nuntiabant autem quædam audita, alia comperta. Insulam ostio amnis subjectam auro abundare, inopem equorum esse: singulos equos ab iis, qui ex continenti trajicere audent, singulis talentis emi. Plenum esse belluarum mare, æstu secundo eas ferri, magnarum navium corpora æquantes: truci cantu deterritas, sequi classem cum magno æquoris strepitu, velut demersa navigia subiisse aquas. Cætera incolis crediderant: inter quæ Rubrum mare, non a colore undarum, ut plerique crederent, sed ab Erythro Rege appellari. Esse haud procul a continenti insulam palmetis frequentibus consitam, & in medio ferè nemore columnam eminere Erythri Regis monumentum, literis gentis ejus scriptam. Adjiciebant, navigia quæ lixas mercatoresque vexissent, famam auri secutis gubernatoribus, in insulam esse transmissa, nec deinde ab his postea visa. Rex cognoscendi plura cupidine accensus, rursus eos terram legere jubet, donec ad Euphratem appellerent classem, inde adverso amne Babylonem subituros. Ipse animo infinita complexus, statuerat, omni ad Orientem maritima regione

gione perdomita, ex Syria petere Africam, Carthagini infensus: inde, Numidiæ solitudinibus peragratiss, cursum Gadis dirigere: ibi namque columnas Herculis esse, fama vulgaverat. Hispanias deinde, quas Iberiam Græci a flumine Ihero vocabant, adire, & prætervehi Alpes, Italiæque oram, unde in Epirum brevis cursus est. Igitur, Mesopotamiæ Prætoribus imperavit, materiâ in Libano monte casâ, devescâque ad urbem Syriæ Capſagas, ingentium carinas navium ponere, septiremes omnes esse, deducique Babylonem. Cypriorum Regibus imperatum, ut æs, stupamque & vela præberent. Hæc agenti, Pori & Taxilis Regum literæ traduntur, Abisarem morbo, Philippum Præfectum ipsius ex vulnere interiisse, oppressosque, qui vulnerassent eum. Igitur Philippo substituit Eudæmonem: dux erat Thracum. Abisaris regnum filio ejus attribuit. Ventum est deinde Pasargadas: Persica est gens, cujus Satrapes Orsines erat, nobilitate ac divitiis inter omnes Barbaros eminens. Genus ducebat a Cyro quondam Rege Persarum. Opes & a majoribus traditas habebat, & ipse longa imperii possessione cumulaverat. Is Regi cum omnis generis donis, non ipsi modò ea, sed etiam amicis ejus daturus, occurrit. Equorum domiti greges sequebantur, currusque argento & auro adornati, pretiosa supellex, nobiles gemmæ, aurea ma-

gni ponderis vasa, vestesque purpureæ,  
& signati argenti talentum quatuor mil-  
lia. Cæterum tanta benignitas Barbaræ  
causa mortis fuit. Nam cum omnes ami-  
cos Regis donis super ipsorum vota co-  
luisset; Bagoæ spadoni, qui Alexandrum  
obsequio corporis devinxerat sibi, nul-  
lum honorem habuit: admonitusque a qui-  
busdam, quàm Alexandro cordi esset, re-  
spondit, Amicos Regis, non scorta, se  
colere: nec moris esse Persis, mares du-  
cere, qui stupro effœminarentur. His  
auditis, spado potentiam, flagitio & de-  
decore quæsitam, in caput nobilissimi &  
insontis exercuit. Namque gentis ejus-  
dem levissimos falsis criminibus astruxit,  
monitos, tum demum eâ defecisse, cum  
ipse jussisset. Interim, quoties sine arbitris  
erat, credulas Regis aures implebat, dis-  
simulans causam iræ, quod gravior crimi-  
nantis autoritas esset. Nondum suspe-  
ctus erat Orsines: jam tamen vilior. Reus  
enim in secreto agebatur, latentis pericu-  
li ignarus: & importunissimum scortum,  
ne in stupro quidem & dedecoris patien-  
tiâ fraudis oblitum, quoties amorem Re-  
gis in se accenderat, Orsinem, modò ava-  
ritiæ, interdum etiam defectionis, argue-  
bat. Jam matura erant in perniciem in-  
nocentis mendacia, & fatum, cujus ine-  
vitabilis fors est, appetebat. Fortè enim  
sepulchrum Cyri Alexander jussit aperiri,  
in quo erat conditum ejus corpus, cui da-  
re volebat inferias. Auro argentoque re-  
pletum



pletum esse crediderat: quippe ita famâ Persæ vulgaverant. Sed præter clypeum ejus putrem, & arcus duos Scythicos, & acinacem, nihil reperit. Cæterum corona aurea imposita; amiculo, cui assueverat ipse, solium, in quo corpus jacebat, velavit: miratus, tanti nominis Regem, tantis præditum opibus, haud pretiosius sepultum esse, quàm si fuisset e plebe. Proximus erat lateri spado, qui Regem intuens: Quid mirum, inquit, est, inania sepulchra esse Regum, cùm Satraparum domus aurum inde egestum capere non possint? Quod ad me attinet; ipse hoc bustum antea non videram, sed ex Dario ita accepi, tria millia talentum condita esse cum Cyro. Hinc illa benignitas in te; ut, quod impune habere non poterat Orsines, donando etiam gratiam iniret. Concitaverat jam animum in iram; cùm ii, quibus negotium idem dederat, superveniunt. Hinc Bagoas, hinc ab eo subornati, falsis criminibus occupant aures. Antequam accusari se suspicaretur Orsines, in vincula traditus est. Non contentus supplicio insontis spado, ipse morituro manu iniecit. Quem Orsines intuens, *Audieram, inquit, in Asiam olim regnasse fœminas: hoc verò novum est, regnare castratum!* Hic fuit exitus nobilissimi Persarum, nec insontis modò, sed eximix quoque benignitatis in Regem. Eodem tempore Phradates regnum affectasse suspectus occiditur. Cœperat esse præceps ad

repræsentanda supplicia ; idem , ad deteriora credenda . Sic scilicet res secundæ valent commutare naturam ; & rarò quisquam erga bona sua satis cautus est . Idem enim paulo antè Lyncestem Alexandrum , delatum a duobus indicibus , damnare non sustinuerat . Humiliores quoque reos , contra suam voluntatem , quia cæteris videbantur intonses , passus absolvi , hostibus victis regna reduxerat . Ad ultimum a semetipso degeneravit usque , aded , ut adversus libidinem animi , arbitrio scorti aliis regna daret , aliis adimeret vitam . Iisdem ferè diebus literas a Cœno accipit de rebus in Europa & Asia gestis , dum ipse Indiam subigit . Zopyrio , Thraciæ præpositus , dum expeditionem in Getas faceret , tempestatibus procellisque subitò coortis , cum toto exercitu oppressus erat . Qua cognita clade , Seuthes Odrysas populares suos ad defectionem compulerat . Amissa propemodum Thracia , ne Græcia quidem .

2 Igitur triginta navibus Sunium transmittunt . Promontorium est Atticæ terræ , unde portum urbis petere decreverant . His cognitis , Rex Arpalo Atheniensibusque juxta infestus , classem parari jubet , Athenas protinus petiturus . Quod consilium dum agit , clam literæ ei redduntur , Arpalum intrasse quidem Athenas , pecuniâ conciliasse sibi principum animos : mox consilio plebis habito , jussu urbe excedere ; ad Græcos

cos milites pervenisse ; a quibus interceptum, & trucidatum a quodam viatore per insidias . His lætus in Europam trajiciendi consilium omisit . Sed exules , præter eos, qui civili sanguine aspersi erant , recipi ab omnibus Græcorum civitatibus, quæ ipsi pulsi erant , jussit . Et Græci haud ausi imperium aspernari, quanquam solvendarum legum id principium esse censebant , bona quoque, quæ exstarent , restituere damnatis . Soli Athenienses , non suæ modò . sed etiam publicæ vindices libertatis , collusionem hominum , quia ægrè ferebant , non regio imperio, sed legibus moribusque patriis regi assueti , prohibuere finibus . Igitur exules ejiciunt ; omniâ potius toleraturi , quàm purgamenta quondam urbis suæ , tunc etiam exilii , admitterent . Alexander senioribus militum in patriam remissis , tredecim millia peditum , & duo millia equitum , quæ in Asia retineret , eligi jussit : existimans , modico exercitu continere posse Asiam, quia pluribus locis præsidia disposuisset ; nuperque conditas urbes , quas colonis repleisset , res renovare cupientibus ob stare . Cæterum , priusquam secerneret , quos erat retenturus , edixit , ut omnes milites æs alienum profiterentur . Grave plerisque esse compererat . Et quanquam ipsorum luxu contractum erat , dissolvere tamen ipse decreverat . Illi tentari ipsos rati : quò facilius ab integris sumptuosos discerneret , prolatando aliquantum extraxerant temporis .

repræsentanda supplicia; idem, ad deteriora credenda. Sic scilicet res secundæ valent commutare naturam; & rarò quisquam erga bona sua satis cautus est. Idem enim paulo antè Lyncestem Alexandrum, delatum a duobus indicibus, damnare non sustinuerat. Humiliores quoque reos, contra suam voluntatem, quia cæteris videbantur intonses, passus absolvi, hostibus victis regna reduxerat. Ad ultimum a semetipso degeneravit usque, adeò, ut adversus libidinem animi, arbitrio scortis aliis regna daret, aliis adimeret vitam. Iisdem ferè diebus literas a Cœno accipit de rebus in Europa & Asia gestis, dum ipse Indiam subigit. Zopyrio, Thraciæ præpositus, dum expeditionem in Getas faceret, tempestatibus procellisque subitò coortis, cum toto exercitu oppressus erat. Qua cognita clade, Seuthes Odrysas populares suos ad defectionem compulerat. Amissa propemodum Thracia, ne Græcia quidem.

2 Igitur triginta navibus Sunium transmittunt. Promontorium est Atticæ terræ, unde portum urbis peterent creverant. His cognitis, Rex the-niensibusque juxta infestari jubet, Athenas Quod consilium ræ ei redduntodem Athenarum principum habito;

cos milites pervenisse ; a quibus interceptum, & trucidatum a quodam viatore per insidias . His lætus in Europam trajiciendi consilium omisit . Sed exules , præter eos, qui civili sanguine aspersi erant , recipi ab omnibus Græcorum civitatibus, quæ impulsæ erant , jussit . Et Græci haud ausi imperium aspernari, quanquam solvendarum legum id principium esse censebant , bona quoque, quæ exstarent , restituere damnatis . Soli Athenienses , non suæ modò . sed etiam publicæ vindices libertatis , collusionem hominum , quia ægrè ferebant , non regio imperio, sed legibus moribusque patriis regi assueti , prohibuere finibus . Igitur exules ejiciunt ; omnia potius toleraturi , quàm purgamenta quondam urbis suæ , tunc etiam exilii , admitterent . Alexander senioribus militum in patriam remissis , tredecim millia peditum , & duo millia equitum , quæ in Asia retineret , eligi jussit : existimans , modico exercitu continere posse Asiam, quia pluribus locis præsidia disposuisset ; nuperque conditas urbes , quas colonis repleffet , res renovare cupientibus obflare . Cæterum , prius-

et, quos erat retenturus ,  
 s milites æs alienum pro-  
 e plerisque esse compe-  
 uam ipsorum luxu con-  
 ssolvere tamen ipse de-  
 arari ipse : quò faci-  
 sumptu discerneret ,  
 quantu erant tem-  
 poris .

paratum carnifex sequebatur : quippè  
Satrapes Aspatres (de quo ante di-  
ctum est) interfici iussus est :  
adèd nec luxuriæ quid-  
quam crudelitas, nec  
crudelitati luxu-  
ria obstat.



## LIBER X.

## Breviarium Libri.

\* **C**leander & alii duces delictorum veniam impetrant, dum nonnulli minus facinorosi puniuntur. Alexandri consilium de Occidentali Europa parte perlustranda: liberalitas erga Abisaris filium, & in Orsinem, nobilissimum Satrapam, crudelitas.

2 Dum turbatum Gracia statum pacare, & ex militibus (are alieno liberatis) alios remittere domum, alios retinere cogitat, in castris oritur seditio: quam gravi oratione & regia auctoritate compescit.

3 Seditiosis supplicio affectis, totius exercitus dissipat consilia, & Persis credit corporis sui custodiam.

4 Oratio Macedonis militis vincti. Conjuratio in Alexandrum, qui veneno extinguitur.

5 Dicta & gesta ejusdem ante obitum: quantum a suis fuerit desideratus: precipue verò a Darii matre, qua dolori succumbens, paulo post extincta est. Alexandri elogium.

6 De successore Alexandri in Magnæ consultatio, & varia sententia.

7 Aridaeus, Philippo genitus, Meleagro promovente, a quibusdam Rex salutatur: Unde civilis belli semina.

8 Primarii duces Meleagri artibus occurrunt.

currunt. Aridaus autem, pacis studiosus, tumultum componere media quadam ratione conatur.

9 Perdiccas Meleagrū & trecentos ferè alios, qui eum sequuti fuerant, dolo opprimit.

10 Alexandri imperium in partes divisum, cujus summa Aridaō tributa: Provincia autem Magnatibus. Defuncti corpus ab amicis curatum, & tandem Alexandriam Ægypti translatum est.







ISDEM ferè diebus Clean-  
 der & Sitalces , & cum Aga-  
 thone Heracon superveniunt ,  
 qui Parmenionem jussu Regis  
 occiderant ; & cum iis quin-  
 que millia peditum cum equi-  
 tibus mille . Sed & accusatores eos e pro-  
 vincia , cui præfuerant , sequebantur : nec  
 tot facinora , quot amiserant , compensare  
 poterant cædis perquam gratæ Regi mi-  
 nisterio . Quippe cum omnia profana spo-  
 liaffent , ne sacris quidem abstinuerant :  
 virginesque & principes foeminarum stu-  
 pra perpessæ , corporum ludibria deflebant :  
 invisum Macedonum nomen avaritia eo-  
 rum ac libido Barbaris fecerat . Inter  
 omnes tamen eminebat Cleandri furor , qui  
 nobilem virginem constupratam servo  
 suo pellicem dederat . Plerique amicorum  
 Alexandri , non tam criminum , quæ pa-  
 lam objiciebantur , atrocitatem , quàm  
 memoriam occisi per eos Parmenionis ,  
 quod tacitum prodesse reis apud Regem  
 poterat , intuebantur ; læti recidisse iram  
 in iræ ministros , nec ullam potentiam sce-  
 lere quæsitam cuiquam esse diuturnam .  
 Rex , cognita causa , pronunciavit , ab ac-  
 cusatoribus unum & id maximum crimen  
 esse præteritum , desperationem salutis  
 suæ ; nunquam enim talia ausuros qui ip-  
 sum ex India fospitem aut optassent re-  
 verti , aut credidissent reversurum . Igi-  
 tur hos quidem vinxit : DC autem mili-

tum, qui sævitiae eorum ministri fuerant, interfici iussit. Eodem die sumptum est supplicium de his quoque, quos authores defectionis Persarum Craterus adduxerat. Haud multò post Nearchus & Onesicritus, quos longius in Oceanum procedere iusserat, superveniunt. Nuntiabant autem quædam audita, alia comperta. Insulam ostio amnis subjectam auro abundare, inopem equorum esse: singulos equos ab iis, qui ex continenti trajicere audent, singulis talentis emi. Plenum esse belluarum mare, æstu secundo eas ferri, magnarum navium corpora æquantes: truci cantu deterritas, sequi classem cum magno æquoris strepitu, velut demersa navigia subiisse aquas. Cætera incolis crediderant: inter quæ Rubrum mare, non a colore undarum, ut plerique crederent, sed ab Erythro Rege appellari. Esse haud procul a continenti insulam palmetis frequentibus consistam, & in medio ferè nemore columnam eminere Erythri Regis monumentum, literis gentis ejus scriptam. Adjiciebant, navigia quæ lixas mercatoresque vexissent, famam auri secutis gubernatoribus, in insulam esse transmissa, nec deinde ab his postea visa. Rex cognoscendi plura cupidine accensus, rursus eos terram legere jubet, donec ad Euphratem appellerent classem, inde adverso amne Babylonem subituros. Ipse animo infinita complexus, statuerat, omni ad Orientem maritima regione

gione perdomita, ex Syria petere Africam, Carthagini infensus: inde, Numidiæ solitudinibus peragrans, cursum Gadis dirigere: ibi namque columnas Herculis esse, fama vulgaverat. Hispanias deinde, quas Iberiam Græci a flumine Ihero vocabant, adire, & prætervehî Alpes, Italiæque oram, unde in Epirum brevis cursus est. Igitur, Mesopotamiæ Prætoribus imperavit, materiâ in Libano monte cæsâ, devectâque ad urbem Syriæ Capſagas, ingentium carinas navium ponere, septiremes omnes esse, deducique Babylonem. Cypriorum Regibus imperatum, ut æs, stupamque & vela præberent. Hæc agenti, Pori & Taxilis Regum literæ traduntur, Abisarem morbo, Philippum Præfectum ipsius ex vulnere interiisse, oppressosque, qui vulnerassent eum. Igitur Philippo substituit Eudæmonem: dux erat Thracum. Abisaris regnum filio ejus attribuit. Ventum est deinde Pasargadas: Persica est gens, cujus Satrapes Orsines erat, nobilitate ac divitiis inter omnes Barbaros eminens. Genus ducebat a Cyro quondam Rege Persarum. Opes & a majoribus traditas habebat, & ipse longa imperii possessione cumulaverat. Is Regi cum omnis generis donis, non ipsi modò ea, sed etiam amicis ejus daturus, occurrit. Equorum domiti greges sequebantur, currusque argento & auro adornati, pretiosa supellex, nobiles gemmæ, aurea ma-

gni ponderis vasa, vestesque purpureæ,  
& signati argenti talentum quatuor mil-  
lia. Cæterum tanta benignitas Barbaræ  
causa mortis fuit. Nam cum omnes ami-  
cos Regis donis super ipsorum vota co-  
luisset; Bagoæ spadoni, qui Alexandrum  
obsequio corporis devinxerat sibi, nul-  
lum honorem habuit: admonitusque a qui-  
busdam, quàm Alexandro cordi esset, re-  
spondit, Amicos Regis, non scorta, se  
colere: nec moris esse Persis, mares du-  
cere, qui stupro effœminarentur. His  
auditis, spado potentiam, flagitio & de-  
decore quæsitam, in caput nobilissimi &  
insontis exercuit. Namque gentis ejus-  
dem levissimos falsis criminibus astruxit,  
monitos, tum demum eæ deferre, cum  
ipse jussisset. Interim, quoties sine arbitris  
erat, credulas Regis aures implebat, dis-  
simulans causam iræ, quod gravior crimi-  
nantis autoritas esset. Nondum sus-  
pectus erat Orsines; jam tamen vilior. Reus  
enim in secreto agebatur, latentis pericu-  
li ignarus: & importunissimum scortum,  
ne in stupro quidem & dedecoris patien-  
tiâ fraudis oblitum, quoties amorem Re-  
gis in se accenderat, Orsinem, modò ava-  
ritiæ, interdum etiam defectionis, argue-  
bat. Jam matura erant in perniciem in-  
nocentis mendacia, & fatum, cujus ine-  
vitabilis fors est, appetebat. Fortè enim  
sepulchrum Cyri Alexander jussit aperiri,  
in quo erat conditum ejus corpus, cui da-  
re volebat inferias. Auro argentoque re-  
pletum

pletum esse crediderat: quippe ita famâ Persæ vulgaverant. Sed præter clypeum ejus putrem, & arcus duos Scythicos, & acinacem, nihil reperit. Cæterum corona aurea imposita; amiculo, cui assueverat ipse, solium, in quo corpus jacebat, velavit: miratus, tanti nominis Regem, tantis præditum opibus, haud pretiosius sepultum esse, quàm si fuisset e plebe. Proximus erat lateri spado, qui Regem intuens: Quid mirum, inquit, est, inania sepulchra esse Regum, cùm Satraparum domus aurum inde egestum capere non possint? Quod ad me attinet; ipse hoc bustum antea non videram, sed ex Dario ita accepi, tria millia talentum condita esse cum Cyro. Hinc illa benignitas in te; ut, quod impune habere non poterat Orsines, donando etiam gratiam iniret. Concitaverat jam animum in iram; cùm ii, quibus negotium idem dederat, superveniunt. Hinc Bagoas, hinc ab eo subornati, falsis criminibus occupant aures. Antequam accusari se suspicaretur Orsines, in vincula traditus est. Non contentus supplicio insontis spado, ipse morituro manu iniecit. Quem Orsines intuens, *Audieram*, inquit, *in Asiam olim regnasse fœminas: hoc verò novum est, regnare castratum!* Hic fuit exitus nobilissimi Persarum, nec insontis modò, sed eximiæ quoque benignitatis in Regem. Eodem tempore Phradates regnum affectasse suspectus occiditur. Cœperat esse præceps ad

repræsentanda supplicia; idem, ad deteriora credenda. Sic scilicet res secundæ valent commutare naturam; & rarò quisquam erga bona sua satis cautus est. Idem enim paulo antè Lyncestem Alexandrum, delatum a duobus indicibus, damnare non sustinuerat. Humiliores quoque reos, contra suam voluntatem, quia cæteris videbantur intontes, passus absolvi, hostibus victis regna reduxerat. Ad ultimum a semetipso degeneravit usque, adedò, ut adversus libidinem animi, arbitrio scortis aliis regna daret, aliis adimeret vitam. Iisdem ferè diebus literas a Cæno accipit de rebus in Europa & Asia gestis, dum ipse Indiam subigit. Zopyrio, Thraciæ præpositus, dum expeditionem in Getas faceret, tempestatibus procellisque subito coortis, cum toto exercitu oppressus erat. Qua cognita clade, Seuthes Odrysas populares suos ad defectionem compulerat. Amissa propemodum Thracia, ne Græcia quidem.

2 Igitur triginta navibus Sunium transmittunt. Promontorium est Atticæ terræ, unde portum urbis petere decreverant. His cognitis, Rex Arpalò Atheniensibusque juxta infestus, classem parari jubet, Athenas protinus petiturus. Quod consilium dum agit, clam literæ ei redduntur, Arpalum intrasse quidem Athenas, pecuniâ conciliasse sibi principum animos; mox consilio plebis habito, jussu urbe excedere; ad Græcos

cos milites pervenisse ; a quibus interceptum, & trucidatum a quodam viatore per insidias . His lætus in Europam trajiciendi consilium omisit . Sed exules , præter eos, qui civili sanguine aspersi erant , recipi ab omnibus Græcorum civitatibus, quæ impulsæ erant , jussit . Et Græci haud ausi imperium aspernari, quanquam solvendarum legum id principium esse censebant , bona quoque, quæ exstarent, restituere damnatis . Soli Athenienses, non suæ modò . sed etiam publicæ vindices libertatis, collusionem hominum , quia ægrè ferebant , non regio imperio, sed legibus moribusque patriis regi assueti, prohibuere finibus . Igitur exules ejiciunt ; omnia potius toleraturi , quàm purgamenta quondam urbis suæ , tunc etiam exilii , admitterent . Alexander senioribus militum in patriam remissis , tredecim millia peditum , & duo millia equitum , quæ in Asia retineret , eligi jussit : existimans , modico exercitu continere posse Asiam, quia pluribus locis præsidia disposuisset ; nuperque conditas urbes, quas colonis repleisset, res renovare cupientibus obstare . Cæterum, priusquam secerneret, quos erat retenturus , edixit, ut omnes milites æs alienum profiterentur . Grave plerisque esse compererat . Et quanquam ipsorum luxu contractum erat , dissolvere tamen ipse decreverat . Illi tentari ipsos rati ; quò facilius ab integris sumptuosos discerneret, prolatando aliquantum extraxerant temporis .

poris. Et Rex satis gnarus, professioni  
 æris pudorem, non contumaciam obsta-  
 re; menfas totis castris poni jussit, & de-  
 cem millia talentorum proferri. Tum  
 demum fide facta professi sunt. Nec am-  
 plius ex tanta pecunia quam c. & xxx ta-  
 lenta superfuere. Aded ille exercitus, tot  
 ditissimarum gentium victor, plus tamen  
 victoriæ, quàm prædæ deportavit ex Asia.  
 Cæterum, ut cognitum est, alios remitti  
 domum, alios retineri; perpetuam eum  
 regni sedem in Asia habiturum rati, ve-  
 cordes, & disciplinæ militaris immemo-  
 res, seditiosis vocibus castra complent, Re-  
 gemque ferociùs quàm aliàs adorti, omnes  
 simul missionem postulare cæperunt, de-  
 formia ora cicatricibus, caniciemque capi-  
 tum ostentantes. Nec aut Præfectorum ca-  
 stigatone, aut verecundiâ Regis deterriti,  
 tumultuoso clamore & militari violentia  
 volentem loqui inhibebant; palam profes-  
 si, nusquam inde, nisi in patriam, vestigium  
 esse moturos. Tandem silentio facto, ma-  
 gis quia motum esse credebant, quàm  
 quia ipsi moveri poterant, quidnam actu-  
 rus esset, expectabant. Ille, *Quid hæc*,  
 inquit, *repens consternatio, & tam procax*  
*atque effusa licentia denuntiat? Eloquenti*  
*timeo: palam certè rupistis imperium, &*  
*precario Rex sum, cui non alloquendi, non*  
*noscendi monendique, aut intuendi vos jus*  
*reliquistis. Equidem cum alios dimittere*  
*in patriam, alios mecum pauld post depor-*  
*tare statuerim: tam illos acclamantes vi-*  
*deo.*



deo, qui abituri sunt, quàm bos, cum quibus pramissos subsequi statui. Quid hoc est rei? Dispari in causa idem omnium clamor est! Pervelim scire, utrum, qui discedunt, an qui retinentur, de me querantur. Crederes, uno ore omnes sustulisse clamorem; ita pariter ex tota concione responsum est, Omnes queri. Tum ille, Non bercule, inquit, potest fieri, ut adducar, querendi simul omnibus hanc causam esse, quam ostenditis, in qua major pars exercitus non est, utpote cùm plures dimiserim, quàm retenturus sum. Subest nimirum altius malum, quod omnes avertit a me. Quando enim Regem universus exercitus deseruit? Ne servi quidem uno grege profugiunt dominos: sed est quidam in illis pudor, a ceteris destitutos relinquendi. Verum ego tam furiosa consternationis oblitus, remedia insanabilibus conor adhibere. Omnem bercule spem, quam ex vobis conceperam, damno; nec ut cum militibus meis (jam enim esse destitistis), sed ut cum ingratiſſimis oportet, agere decrevi. Secundis rebus, quæ circumſſuunt vos, insanire cœpistis; obliti status ejus, quem beneficio exuistis meo. Digni bercule qui in eodem consenescat: quoniam facilius est vobis adversam, quàm secundam regere fortunam. En tandem! Illyriorum paulo ante, & Persarum tributariis, Asia & tot gentium spolia fastidio sunt. Modò sub Philippo seminudis, amicula ex purpura sordent. Aurum & argentum oculi ferre

non possunt. Lignea enim vasa desiderant,  
& ex cratibus scuta, rubiginemque gla-  
diorum. Hoc cultu nitentes vos accepi,  
& quingenta talenta aris alieni, quum  
omnis regia supellex haud amplius quàm se-  
xaginta talentorum esset, meorum operum  
fundamenta; quibus tamen (absit invidia) imperium maxima terrarum partis  
imposui. Asia ne pertasum est, quæ vos  
gloria rerum gestarum Diis pares fecit?  
In Europam ire properatis, Rege deserto,  
cùm pluribus vestrum defuturum viati-  
cum fuerit, ni as alienum luissem: nempe  
in Asiatica prada. Nec pudet profundo  
ventre devictarum gentium spolia circum-  
ferentes reverti velle ad liberos conjuges-  
que, quibus pauci pramia victoria potestis  
ostendere. Nam ceterorum, dum etiam  
spei vestra obviam istis, arma quoque pi-  
gnori sunt. Bonis verò militibus caritu-  
rus sum, pellicum suarum concubinis, qui-  
bus hoc solùm ex tantis opibus superest,  
quod impenditur. Proinde fugientibus me  
pateant limites: faceffite hinc ocyus. Ego  
cum Persis abeuntium terga tutabor. Ne-  
minem teneo: liberate oculos meos, ingra-  
tissimi cives. Lati vos excipient parenter  
liberique, sine vestro Rege redeuntes? ob-  
viam ibunt desertoribus transfugisque?  
Triumphabo mebercule de fuga vestra, &  
ubicunque ero, expetam pœnas; hos, cum  
quibus me relinquitis, colendo, præferendo-  
que vobis. Jam autem sciētis, & quantum  
sine Rege valeat exercitus, & quid opis in

*me uno sit.* Desiluit deinde frendens de tribunali, & in medium armatorum agmen se immisit; notatos quoque, qui ferocissimè oblocuti erant, singulos manu corripuit. Nec ausos repugnare, tredecim asservandos custodibus corporis tradidit.

3 Quis crederet sævam paulo ante concionem obtorpuisse subito metu? & cum ad supplicium videret trahi, nihil ausos graviora quàm cæteros? \* tam effusam antea licentiam, atque seditiosam militum violentiam ita compressam, ut non modò nullus ex omnibus irruenti Regi resistere, verùm etiam cuncti pavore exanimati attonitis similes, quid de ipsis quoque Rex statuendum censeret, suspensa mente expectarent? Itaque \* siue nominis, quod gentes, quæ sub regibus sunt inter Deos colunt, siue propria ipsius veneratio, siue fiducia tantâ vi exercentis imperium, conterriti eos. Singulare certè ediderunt patientiæ exemplum: adeoque non sunt accensi supplicio commilitonum, cum sub noctem interfectos esse nossent, ut nihil omiserint, quod singuli magis obedienter ac piè facerent. Nam cum postero die prohibiti aditu venissent, Asiaticis modò militibus admissis, lugubrem toris castris edidere clamorem, denuntiantes, protinus esse inorituros, si Rex perseveraret irasci. At ille pervicacis ad omnia, quæ agitasset, animi, peregrinorum militum concionem advocari jubet,

jubet, Macedonibus intra castra cohibitis : & , cū frequētes cōfissent , adhibito interprete , talem orationem habuit : Cū ex Europa trajicerem in Asiam , multas nobiles gentes , magnam vim hominum imperio meo me additurum esse sperabam . Nec deceptus sum , quōd de his credidī fama . Sed ad illa hoc quoque accessit , quōd video fortes viros erga Reges suos pietatis invicta . Luxu omnia fluere credideram , & nimia felicitate mergi in voluptates . At bercule munia militia hoc animorum corporumque robore impigrè toleratis ; & cū fortes viri sitis , non fortitudinem magis quā fidei colitis . Hoc ego non nunc primū profiteor , sed olim scio . Itaque & delectum ē vobis juniorum habui , & vos meorum militum corpori immiscui . Idem habitus , eadem arma sunt vobis . Obsequium verō & patientia imperii longè praestantior est , quā ceteris . Ergo ipse Oaxtris Persa filiam mecum in matrimonio junxi , non dedignatus ex captivā liberos tollere . Mox deinde cū stirpem generis mei latius propagare cupētem , uxorem Darii filiam duxi ; proximisque amicorum auctor fui , ex captivis generandi liberos , ut hoc sacro fœdere omne discrimen victi & victoris excluderem . Proinde genitos esse vos mihi , non ascitos milites , credite . Asia & Europa unum atque idem regnum est . Macedonum vobis arma do . Inveteravi peregrinam novitatem ; & cives mei estis , & milites . Omnia eundem ducunt

*ducunt colorem. Nec Persis Macedonum mores adumbrare, nec Macedonibus Persarum imitari indecorum est. Ejusdem juris esse debent, qui sub eodem Rege victuri sunt. \* Hac oratione habita, Persis corporis sui custodiam credidit, Persas satellites, Persas apparitores fecit. Per quos cum Macedones, qui huic seditioni occasionem dedissent, vincti ad supplicia traherentur, unum ex iis, authoritate & ætate gravem, ad Regem ita locutum ferunt.*

4 \* *Quousque, inquit, animo tuo, etiam per supplicia, & quidem externi moris, obsequeris? Milites tui, cives tui, incognita causa, captivis suis ducentibus, trabuntur ad pœnam? Si mortem meruisse judicas, saltem ministros supplicii muta. Amico animo, si veri patiens fuisset, admoneretur; sed in rabiem ira pervenerat. Itaque rursus, nam parumper, quibus imperatum erat, dubitaverant, mergi in amnem, sicut vincti erant, jussit. Nec hoc quidem supplicium seditionem militum movit. Namque copiarum duces atque amicos ejus manipuli adeunt; petentes, ut, si quos adhuc pristinâ noxâ judicaret esse contactos, juberet interfici. Offerre se corpora iræ, trucidaret. \* Postquam verò cognitum est, Persis ducatus datos, Barbaros in varios ordines distributos, atque Macedonica iis imposita nomina, se verò ignominiosè penitus rejectos esse, non jam amplius conceptum animis dolorem perferre potuerunt. Sed concursu in regiam facto*

facto, interiori dantaxat retenta tunica, arma ante januam, poenitentiae signum, projecerunt; ac praeforibus stantes intramitti se, sibi que ignosci suppliciter atque flentes orabant, utque Rex suppliciis suis potius satiret se, quam contumeliis ipsos, nisi venia impetrata, non discessuros. Quae cum Alexandro nuntiata essent, apertis regiae foribus ad ipsos est egressus. Postquam verò ipsorum ejulatum, atque poenitentiam, nec non miserandum atque adiectum habitum vidisset, diu quoque collachrymatus est, eaque modestiâ, ut ipsis ignosceret, obtinuerunt. Eis deinde nunc modestè incusatis, nunc comiter appellatis, complures bello inutiles exauthoravit, magnificentissimèque donatos dimisit. Scribens quoque ad Antipatrum, Macedoniae Praefectum, eis ad spectanda certamina priores in theatro sedes assignari, coronatosque sedere iussit. Defunctorum quoque liberos pupillos paterna contrahere stipendia voluit, Cratero filis praeposito; quem etiam Antipatri loco, Macedonibus, Thessalis, Tracibusque praesse iussit, Antipatrumque cum supplemento tironum in Crateri locum vocavit. Jam pridem quidem Alexandro literae, & ab Olympiade matre, & ab Antipatro redditae erant, ex quibus mutuum inter ipsos simultatem perceperat. Mater Antipatrum affectati regni insinulabat. Antipater Olympiadem multa praeter ipsius decorem gerere scripserat; itaque

EVO.

evocari se valde iniquo ferens animo ; Alexandrum veneno interficere statuit . Peractis his rebus omnibus , Alexander ad Ecbatana Mediæ profectus , regni necessaria disposuit , spectacula denuo & solennes idixit dies . Illis fortè diebus Hephæstion , quem Rex unicè ac fratris loco diligebat , febricitans moritur . Ex quo Alexander incredibili affectus dolore , multa , quæ regiam majestatem minimè decerent , admisisse dicitur . Miserum quippe medicum , tanquam in curando negligentior fuisset , suspendi jussit . Super amici corpus exanime ejulans procubuit ; vixque inde ab amicis abstractus est . Diem atque noctem luctum continuavit . Aliaque nonnulla feruntur , quæ quidem ego minimè credo . Illud tamen verum est , quòd Alexander Hephæstioni , tanquam Heroi , sacrificare jusserit . In funus atque monumentum ei faciendum , plusquam duodecim millia talentorum impensa sunt . Revertenti Babylonem Chaldæi vates occurrerunt , monentes , ne Babylonem ingrederetur ; profectiorem enim ejus per id tempus , vitæ periculum ei portendere . Quibus spretis , quò destinaverat ire pergit . Nuntiabatur enim ei , legatos ex diversis terrarum orbis partibus undique Babylonem confluisse , ejusque adventum expectare . Aded totum orbem nominis ejus terror invaserat , ut cunctæ gentes , velut destinato sibi Regi , adularentur . Igitur tanquam conventum uni-

versi

versis orbis acturus, Babylonem pervenire festinabat. Quò cum venisset, legatos omnes benignè susceptos domum remisit. Iisdem ferè diebus convivium apud Thesalum medicum institutum est: ad quod Rex quoque cum sodalibus vocatus venit. Ibi nondum Herculis scypho epoto, repente, velut telo confixus, ingemuit. Elatus e convivio semianimis, tanto dolore cruciatus est, ut ferrum in remedia posceret. Amici, causam morbi, intemperiem ebrietatis, divulgarent. Revera autem infidiæ fuerunt, quarum infamiam successorum potentia oppressit. Antipater enim præparatum venenum Cassandro filio, qui cum fratribus Philippo & Jolla Regi ministrare solebat, dederat, præmonito eo, ne aliis quàm Thessalo & fratribus crederet. Philippus itaque & Jollas, potum Regis prægustare soliti, in aqua frigida venenum habentes, eam prægustatæ potioni Regis supermiserunt. Quarto deinde die, cum milites partim mortuum suspicarentur, idque cesari crederent, partim eius desiderium ferre non possent, moesti sese in regiam contulerunt, ut sibi Regis videnti copia fieret, orantes; atque a custodibus ex mandato Regis intromissi sunt.

§ \* Intuentibus lachrymæ obortæ præbuere speciem jam non Regem, sed funus ejus, visentis exercitus. Mœror tamen circumstantium lectum eminebat, quos ut Rex aspexit: *Invenietis, inquit, cum excessero, dignum talibus viris Regem?* Incredi-



credibile dictu, audituque: in eodem habitu corporis, in quem se composuerat, cum admissurus milites esset, durasse, donec a toto exercitu illo ad ultimum per-  
salutatus est: dimissoque vulgo, velut omni vitæ debito liberatus, fatigata membra rejecit: propiusque adire jussis amicis, ( nam & vox deficere jam cœperat ) detractum anulum digito, Perdiccæ tradidit, adjectis mandatis, ut corpus suum ad Hammonem ferri juberet. Quærentibusque his, cui relinqueret regnum, respondit, *Ei, qui esset optimus*. Cæterum prævidere jam ob id certamen magnos funebres ludos parari sibi. Rursus, Perdicca interrogante, *Quando cælestes honores haberi sibi vellet*; dixit, *Tum velle, cum ipsi felices essent*. Suprema hæc vox fuit Regis, & paulò post extinguitur. Ac primò ploratu, lamentisque, & planctibus tota regia personabat. Mox, velut in vasta solitudine, omnia tristi silentio mutatorpebant; ad cogitationes, quid deinde futurum esset, dolore converso. Nobiles pueri custodiæ corporis ejus assueti, nec doloris magnitudinem capere, nec seipsum intra vestibulum regię retinere potuerunt: vagique & furentibus similes, totam urbem luctu ac mœrore compleverant; nullis questibus omissis, quos in tali casu dolor suggerit. Ergo qui extra regiam astitierant, Macedones pariter Barbarique concurrunt, nec poterant victi a victoribus in communi dolore discerni.

Persæ

Perſæ juſtiſſimum ac mitiſſimum domi-  
num, Macedonẽs optimũ ac fortiſſi-  
mũ Regem invocantes, certamen quod-  
dam mœroris edebant. Nec mœſtorum  
ſolũ, ſed etiam indignantium voces  
exaudiebantur, tam viridem, & in flore  
ætatis fortunæque invidiã Deũ ereptum  
eſſe rebus humanis. Vigor ejus & vultus  
educẽtis in præliũ milites, obſidentis  
urbes, evadẽtis in muros, fortes viros  
pro concione donantis, occurrebant ocu-  
lis. Tum Macedones divinos honores  
negaffe ei pœnitebat, impioſque & ingra-  
tos fuiſſe ſe conſitebantur, quod aures  
ejus debita appellatione fraudaffent. Et  
cũ diu, nunc in veneratione, nunc in  
deſiderio Regis hæſiſſent, in ipſos verſa  
miſeratio eſt. Macedoniã profecti ultra  
Euphratem, mediis hoſtibus novum im-  
perium aſpernantibus, deſtitutos ſe eſſe  
cernebant: ſine certo Regis hærede, ſine  
hærede regni, publicas vires ad ſe quem-  
que tracturum. Bella deinde civilia, quæ  
ſecuta ſunt, mentibus augurabantur. Itẽ-  
rum non de regno Aſiæ, ſed de Rege,  
ipſis ſanguinem eſſe fundendum. Novis  
vulneribus veteres rumpendas cicatrices.  
Senes debiles modò petita miſſione a ju-  
ſto Rege, nunc morituros pro potentia  
forſitan ſatellitĩs alicujus ignobiliĩs. Haſ  
cogitationes volventibus, nox ſupervenit,  
terroremque auxit. Milites in armis vi-  
gilabant. Babylonii alius è muris, alius è  
culmine ſui quiſque teſti proſpectabant,  
quaſi

quasi certiora visuri . Nec quisquam lumina audebat accendere . Et quia oculorum cessabat usus, fremitus vocesque auribus captabant . Ac plerumque vano metu territi , per obscuras semitas alius alii occursantes, invicem suspecti & solliciti ferebantur . Persæ comis suo more detonsis, in lugubri veste cum conjugibus ac liberis, non ut victorem, & modò hostem, sed ut gentis suæ iustissimum Regem, vero desiderio lugebant . Assueti sub Rege vivere, non alium, qui imperaret ipsis digniorem fuisse confitebantur . Nec muris urbis luctus continebatur, sed proximam regionem ab ea, deinde magnam partem Asiæ cis Euphratem, tanti mali fama pervaserat . Ad Darii quoque matrem celeriter perlata est . Abscissa ergo veste, qua induta erat, lugubrem sumpsit: laceratisque crinibus, humi corpus abjecit . Assidebat ei altera ex neptibus, nuper amissum Hephæstionem, cui nupserat, lugens: propriasque causas doloris in communi mœstitia retractabat . Sed omnium suorum, mala Syngambis una capiebat . Illa suam, illa neptium vicem flebat . Recens dolor etiam præterita revocaverat . Crederes modò amissum Darium, & pariter miseriæ duorum filiorum exequias esse ducendas . Flebat mortuos simul vivosque . Quem enim puellarum acturum esse curam? Quem alium futurum Alexandrum? Iterum esse se captas: iterum excidisse regno . Qui, mortuo Dario, ipsas

tueret.

tueretur, reperisse: qui post Alexandrum respiceret, utique non reperturas. Subibat inter hæc animus, octoginta fratres suos eodem die ab Ocho sævissimo Regum trucidatos, adjectumque stragi tot filiorum patrem. E septem liberis, quos genuisset ipsa, unum superesse. Ipsum Darium floruisse paulisper, ut crudelius posset extinguī. Ad ultimum dolori succumbit, obvolutoque capite assidentes genibus suis neptem nepotemque averfata: cibo pariter abstinuit & luce. Quinto, postquam mori statuerat, die extincta est. Magnum profectò Alexandri indulgentiæ in eam, justitiæque in omnes captivos documentum est mors hujus: quæ cum sustinisset post Darium vivere, Alexandro esse superstes erubuit. Et hercule justè æstimantibus Regem, liquet, bona naturæ ejus fuisse, vitia vel fortunæ, vel ætatis. Vis incredibilis animi, laboris patientia prope modum nimia, fortitudo non inter Reges modò excellens, sed inter illos quoque, quorum hæc sola virtus fuit: liberalitas sæpe majora tribuentis, quàm a Diis petuntur: clementia in devictos: tot regna aut reddita, quibus ea dempserat bello, aut dono data: mortis, cujus metus cæteros exanimat, perpetua contemptio: gloriæ laudisque ut justo major cupido, ita ut juveni & in tantis admittenda rebus: jam pietas erga parentes, quorum Olympiada immortalitati consecrare decreverat. Philippum ultus erat. Jam in omnes fere amicos benignitas,

gnitas, erga milites benevolentia: consilium par magnitudini animi, &, quantam vix poterat ætas ejus capere, solertia: modus immodicarum cupiditatum: Veneris intra naturale desiderium usus: nec ulla, nisi ex permissio, voluptas; ingentes profectò dotes erant. Vitia fortunæ Diis æquare se, & cœlestes honores accersere, & talia suadentibus oraculis credere, &, dedignantibus venerari ipsum vehementius, quàm par esset, irasci: in externum habitum mutare corporis cultum; imitari devictarum gentium mores, quas ante victoriam spreverat. Nam iracundiam & cupidinem vini, sicut juvenia irritaverat, ita senectus mitigare potuisset. Fatendum est tamen, cum plurimum virtuti debuerit, plus debuisse fortunæ, quam solus omnium mortalium in potestate habuit. Quoties illum a morte revocavit? quoties temerè in pericula vectum perpetua felicitate protexit? Vitæ quoque finem eundem illi, quem gloriæ, statuit. Expectare eum fata, dum, Oriente perdomito, aditoque Oceano, quidquid mortalitas capiebat, impleret. Huic Regi Ducique successor quærebatur. Sed major moles erat, quàm ut unus subire eam posset. Itaque nomen quoque ejus, & fama rerum, in totum propemodum orbem Reges ac regna diffudit: clarissimique sunt habiti, qui etiam minimæ parti tantæ fortunæ adhæserunt.

6 Cæterum Babylone (inde enim divergit oratio) corporis ejus custodes, in regiam

giem principes amicorum, ducesque copiarum advocavere : secuta est militum turba, cupientium scire, in quem Alexandri fortuna esset transitura. Multi duces, frequentiam militum exclusi, regiam intrare non poterant, cum præco, exceptis, qui nominatim citarentur, adire prohibuit. Sed precarium spernebatur imperium. Ac primum ejulatus ingens ploratusque renovatus est ; deinde futuri expectatio inhibitis lachrymis silentium fecit. Tunc Perdicca, Regia sella in conspectum vulgi data, in qua diadema vestisque Alexandri cum armis erant, anulum sibi pridie traditum a Rege, in eadem sede posuit: quorum aspectu rursus oborta omnibus lachrymarum integravere luctum. Et Perdicca, *Ego quidem, inquit, anulum, quo ille regni atque imperii vires obsignare erat solitus, traditum ab ipso mihi, reddo vobis. Caterum quanquam nulla clades huic, qua affecti sumus, par ab iratis Diis excogitari potest: tamen magnitudinem rerum, quas egit, intuitibus credere licet, tantum virum Deos accommodasse rebus humanis: quarum sorte completa, citò repeterent eum sua stirpi. Proinde quoniam nihil aliud ex eo superest, quam quòd semper ab immortalitate subducitur, corpori nominique quam primum iusta solvamus, haud obliti, in qua urbe, inter quos simus, quali Rege ac Praside spoliati. Tractandum est, commilitones, cogitandumque, ut victoriam partam inter hos, de quibus parta est, obtinere possimus.*

Capite

*Capite opus est. Hoc ne uno, an pluribus, in vestra potestate est. Illud scire debetis, militare sine duce turbam, corpus esse sine spiritu. Sextus mensis est, ex quo Roxane pragnans est. Optamus, ut marem enitatur: cujus regnum, Diis approbantibus, futurum, quandoque adoleverit: interim a quibus regi velitis, destinate. Hæc Perdicca. Tum Nearchus: Alexandri modò sanguinẽ ac stirpem regiæ majestati convenire, neminem, ait, posse mirari: cæterum expectari nondum ortum Regem, &, qui jam sit, præteriri, nec animis Macedonum convenire, nec tempori rerum. Esse e Barsine filium Regis, huic diadema dandum. Nulli placebat oratio. Itaque suo more hastis scuta quatientes, obstrepere perseverabant. Jamque prope ad seditionem pervenerant, Nearchus pervaciùs tuente sententiam. Tum Ptolemæus: Digna prorsus est soboles, inquit, qua Macedonum imperet genti, Roxanes vel Barsine filius, cujus nomen quoque Europam dicere pigebit, majore ex parte captivi. Cur Persas vicerimus, ut stirpi eorum serviamus? quod jussi illi Reges Darius & Xerxes tot millium agminibus tantisque classibus nequicquam petiverunt. Mea sententia hæc est, ut sede Alexandri in regia posita, qui consiliis ejus adhibebantur, coeant, quoties in commune consulto opus fuerit: eoque, quod major pars eorum decreverit, stetur. Duces Præfectique copiarum his pareant. Ptolemæo quidam, potiores Perdiccæ assentiebantur. Tum*

T

Ari-

Aristonius orsus est dicere, Alexandrum consultum, cui relinqueret regnum, voluisse optimum deligi. Judicatum autem ab ipso optimum Perdiccam, cui annulum tradidisset. Neque enim unum eum assedis-  
 disse morienti; sed circumferentem oculos, ex turba amicorum delegisse, cui traderet. Placere igitur, summam imperii ad Perdiccam deferri. Nec dubitavere, quin vera censeret. Itaque universi procedere in medium Perdiccam, & Regis annulum tollere jubebant. Hærebat inter cupiditatem, pudoremque, & quod modestius, quod appetebat, expectaret, pervicaciùs oblato-  
 ros esse credebat. Itaque cunctatus, diuque, quid ageret, incertus, ad ultimum tamen recessit, & post eos, qui sederant proximi, constitit. At Meleager unus e ducibus confirmato animo, quem Perdiccæ cunctatio erexerat, *Nec Dii siverint*, inquit, *ut Alexandri fortuna, tantique regni fastigium in istos humeros ruat, homines certè non fere-  
 rent. Nihil dico de nobilioribus, quàm hic est, sed de viris tantùm, quibus invitis nihil perpeti necesse est. Nec verò interest, Roxanes filium, quandocumque genitus erit, an Perdiccam Regem habeatis; cùm iste sub tutela specie regnum occupaturus sit. Itaque nemo ei Rex placet, nisi qui nondum natus est. Et in tanta omnium festinatione, non jussa modò, sed etiam necessaria, exactos menses solus expectat, & jam divinat, marem esse conceptum, quem vos dubitatis paratum esse, vel subdere. Si medius*  
*fidius*



*fidius Alexander hunc nobis Regem pro se reliquisset ; id solum ex his , qua imperasset , non faciendum esse censerem . Quin igitur ad diripiendos thesauros discurretis ? harum enim opum regiarum utique populus est haeres .* Hæc elocutus , per medios armatos erupit ; & qui abeunti viam dederant , ipsum ad prænunciatam prædam sequebantur .

7 Jamque armatorum circa Melea-grum frequens globus erat , in seditionem ac discordiam versa concione ; cùm quidam plerisque Macedonum ignotus ex infima plebe , *Quid opus est , inquit , armis civilique bello , habentibus Regem , quem quaritis ? Aridaus Philippo genitus , Alexandri paulò ante Regis frater , sacrorum caeremoniarumque consors modò , nunc solus haeres , præteritur a vobis . Quo merito suo ? quidve fecit , cur etiam gentium cœmuni jure fraudetur ? Si Alexandro similem quaritis , nunquam reperietis . Si proximum , hic solus est .* His auditis , concio primò silentium velut jussa habuit . Conclamant deinde pariter , Aridaum vocandum esse , mortemque meritos , qui concionem sine eo habuissent . Tum Python , plenus lachrymarum , orditur dicere : Nunc vel maxime miserabilem esse Alexandrum , qui tam bonorum civium militumque fructu & præsentia fraudatus esset ; nomen enim memoriamque Regis sui tantùm intuentes , ad cætera caligare eos . Haud ambigè in juvenem , cui regnum destinabatur , impensa probra ; quæ \* magis ipsi odium,

odium, quàm Aridæo contemptum attulerunt; quippe dum miserentur, etiam favere cœperunt. Igitur non alium se, quàm eum, qui ad hanc spem genitus esset, regnare passuros, pertinaci acclamatione declarant, vocarique Aridæum jubent. Quem Meleager infestus, invisusque Perdiccæ, strenuè perducit in Regiam, & milites Philippum consalutatum Regem appellant. Cæterum hæc vulgi erat vox, principum alia sententia. E quibus Pytho consilium Perdiccæ exequi cœpit, tutoresque destinat filio ex Roxane futuro, Perdiccam & Leonatum stirpe regia genitos: adjecit, ut in Europa Craterus & Antipater res administrarent. Tum iurandum a singulis exactum, futuros in potestate Regis geniti Alexandro. Meleager haud injuria metu supplicii territus, cum suis secesserat. Rursus Philippum trahens secum, irrupit in regiam, clamitans suffragari Reipub. de novo Rege paulò ante concepto: robur ætatis experirentur, modò stirpem Philippi, & filium ac fratrem Regum duorum sibimet ipsis potissimum crederent. Nullum profundum mare, nullum vastum fretum, & procellosum, tantos ciet fluctus, quantos multitudo motus habet, utique si nova & brevi duratura libertate luxuriat. Pauci Perdiccæ modò electo, plures Philippo quàm speraverat, imperium dabant. Nec velle, nec nolle quidquam diu poterant, poenitebatque modò consilii, modò poenitentia

tentiæ ipsius: ad ultimum tamen in stirpem regiam inclinavere studiis. Cesserat ex concione Aridæus principum auctoritate contritus: & abeunte illo, conticuerat magis, quàm languerat militaris favor. Itaque revocatus, vestem fratris, eam ipsam, quæ in sella posita fuerat, induitur. Et Meleager thorace sumpto, capit arma, novique Regis satelles sequitur. Phalanx hastis clypeos quatens, expleturam se sanguine illorum, qui affectaverant nihil ad ipsos pertinens regnum, minabatur: in eâdem domo familiâque imperii vires remansuras esse gaudebant: hæreditarium imperium stirpem regiam vindicturam: assuetos se nomen ipsum colere, venerarique, nec quemquam id capere, nisi genitum ut regnaret. Igitur Perdicca territus, conclave, in quo Alexandri corpus jacebat, obserari jubet. Sexcenti cum ipso erant spectatæ virtutis. Ptolemæus quoque se adjunxerat ei, puerorumque regia cohors. Cæterùm haud difficulter a tot millibus armatorum claustra perfracta sunt. Et Rex quoque irruerat, stipatus satellitum turbâ, quorum princeps erat Meleager. Iratusque Perdicca, hos, qui Alexandri corpus tueri vellent, sevocat; sed qui irruerant, eminus tela in ipsum jaciebant; multisque vulneratis, tandem seniores, demptis galeis, quò facilius nosci possent, precari qui cum Perdicca erant cœpere, ut abstinerent bello, Regique & pluribus cederent. Primus Perdicca

arma deposuit, cæterique idem fecere. Meleagro deinde suadente, ne a corpore Alexandri discederent, insidiis locum quæri rati, diversa regię parte ad Euphratem fugam intendunt. Equitatus, qui ex nobilissimis juvenum constabat, Perdiccam & Leonatum frequens sequebatur, placebatque excedere urbe, & tendere in campos. Sed Perdicca ne pedites quidem secuturos ipsum desperabat. Itaque, ne abducendo equites, abruptisse a cætero exercitu videretur, in urbe subit.

8 At Meleager Regem monere non destitit, jus imperii Perdiccæ morte sanciendum esse, ne occupetur impotens animus rerum novarum: meminisse eum, quid de Rege meruisset. Neminem autem ei satis fidum esse, quem metuat. Rex patiebatur magis, quàm assentiebatur. Itaque Meleager silentium pro imperio habuit; misitque Regis nomine, qui Perdiccam accerferent. Iisdem mandatum, ut occiderent, si venire dubitaret. Perdicca, nuntiato satellitum adventum, sexdecim omninò pueris regię cohortis comitatus, in limine domus suæ constitit, castigatosque, & Meleagri mancipia identidem appellans, sic animi vultusque constantiâ terruit, ut vix mentis compotes fugerent. Perdicca pueros jussit equos conscendere; & cum paucis amicorum ad Leonatum pervenit, jam firmiore præsidio vim propulsaturus, si quis inferret. Postero die indigna res Macedonibus videbatur, Perdiccam

diccam ad mortis periculum adductum : & Meleagri temeritatē armis ultū ire decreverāt. Atque ille seditione prævīsa, cū Regē adisset, interrogare eū cōepit, an Perdiccam comprehendī ipse iussisset. Ille, Meleagri instinctu se iussisse, respondit. Cæterū non debere tumultuari eos; Perdiccam enim vivere. Igitur concione dimissa, Meleager equitum maximè defectione perterritus, inopsque consilii (quippe in ipsum periculum reciderat, quod inimico paulò ante intenderat) triduum ferè consumpsit incerta consilia volvendo. Et pristina quidem regiæ species manebat. Nam & legati gentium Regem adibant, & copiarum duces aderant, & vestibulum satellites armatique compleverant. Sed ingens sua sponte mœstitia ultimæ desperationis index erat; suspectique invicem, non adire propiùs, non colloqui audebant, secretas cogitationes intra se quoque volventes : & ex comparatione Regis novi desiderium excitabatur amissi : ubi ille esset, cujus imperium, cujus auspiciū secuti erant, requirebant. Destitutos se inter infestas indomitasque gentes, expetituras tot cladum suarum pœnas, quodcumque oblata esset occasio. His cogitationibus animos exedebant, cū annuntiatur; equites qui sub Perdicca essent, occupatis circa Babylonem campis, frumentum, quod in urbem invehebatur, retinuisse. Itaque inopia primū, deinde fames esse cōepit. Et

qui in urbe erant, aut reconciliandam gratiam cum Perdicca, aut armis certandum esse censebant. Fortè ita acciderat, ut qui in agris erant, populationem villarum vicorumque veriti, confugerent in urbem: oppidani, cum ipsos alimenta deficerent, urbe excederent, & utrique generi tutior aliena sedes, quàm sua videretur. Quorum consternationem Macedones veriti, in regiam coeunt, quæque ipsorum sententia esset, exponunt. Placebat autem legatos ad equites mitti, de finienda discordia, armisque ponendis. Igitur a Rege legatur Pafas Thessalus, & Amissas Megalopolitanus, & Perilaus: qui cum mandata Regis edidissent, non aliter posuituros arma equites, quàm si Rex discordiæ authores dedidisset, tulere responsum. His renuntiatis, sua sponte milites arma capiunt, quorum tumultu e regia Philippus excitus. Nihil, inquit, seditione est opus: nam inter se certantium præmia, qui quieverint, occupabunt. Simul mementote, rem esse cum civibus, quibus spem gratia citò abrumperè, ad bellum civile properantium est. Altera legatione, an mitigari possint, experiamur: & credo nondum Regis corpore sepulto, ad præstanda ei iusta omnes esse coituros. Quod ad me attinet, reddere hoc imperium malo, quàm exercere civium sanguine. Et si nulla alia concordia spes est, oro, quasque, eligite potiores. Obortis deinde lachrymis, diadema detrahit capiti, dextram,

qua

qua id tenebat, protendens, ut, si quis se digniorem profiteretur, acciperet. Ingentem spem indolis ante eum diem fratris claritate suppressam, ea moderata excitavit oratio. Itaque cuncti instare coeperunt, ut, quæ agitasset, exequi vellent. Eosdem rursus legat, petituos ut Meleagrum tertium ducem acciperent. Haud ægrè id impetratum est. Nam & abducere Meleagrum Perdicca a Rege cupiebat, & unum duobus imparem futurum esse censebat. Igitur Meleagro cum phalange obviam egresso, Perdicca equitum turmas antecedens occurrit. Utrumque agmen, mutua salutatione facta coit, in perpetuum (ut arbitrabantur) concordia & pace firmata.

9 Sed jam satis admovebantur Macedonum genti bella civilia. Nam & inso-ciabile est regnum, & a pluribus expetebatur. Primum ergo collegere vires, deinde disperferunt; &, cum pluribus corpus, quam capiebat, onerassent, cætera membra deficere coeperunt: quodque imperium sub uno stare potuisset, dum a pluribus sustinetur, ruit. Proinde jure meritoque populus Romanus salutem se principi suo debere profitetur; cui noctis, quam penè supremam habuimus, novum sidus illuxit. Hujus hercule, non Solis ortus, lucem caliganti reddidit mundo, quæ sine suo capite discordia membra quædarent. Quot ille tum extinxit faces? condidit gladios? quantam tempe-

T s

statem

statem subita serenitate discussit? Non ergo revirescit solum, sed etiam floret imperium. Absit modò invidia, excipiet hujus sæculi tempora ejusdem domus, utinam perpetua, certè diuturna posteritas. Cæterum, ut ad ordinem, a quo me contemplatio publicæ felicitatis averterat, redeam; Perdicca unicam spem salutis suæ in Meleagri morte deponebat: vanum eundem & infidum, celeriterque res novaturum, & sibi maximè infestum, occupandum esse. Sed alta dissimulatione consilium premebat, ut opprimeret incautum. Ergo clam quosdam ex copiis, quibus præerat, subornavit, ut, quasi ignoraret ipse, conquererentur palam, Meleagrum æquatum esse Perdiccæ. Quorum sermone Meleager ad se relato, furens irâ, Perdiccæ, quæ comperisset, exponit. Ille, velut nova re exterritus, admirari, queri, dolentisque speciem ostentare ei cœpit. Ad ultimum convenit, ut comprehenderentur tam seditiosæ vocis authores. Agit Meleager gratias, amplexusque Perdiccam, fidem ejus in se ac benevolentiam collaudat. Tum communi consilio rationem opprimendi noxios ineunt. Placet exercitum patrio more lustrari: & probabilis causa videbatur, præterita discordia. Macedonum Reges ita lustrare soliti erant milites, ut discissæ canis viscera ultimo in campo, in quem deduceretur exercitus, ab utraque abjicerentur parte. Intra id spatium armati omnes starent, hinc equi-



tes, illinc phalanx. Itaque eo die, quem huic sacro destinaverant, Rex cum equitibus elephantisque confiterat contra pedites, quæ Meleager præerat. Jam equestre agmen movebatur, & pedites subita formidine ob recentem discordiam, haud sanè pacati quidquam expectantes, parumper addubitavere, an in urbem subducerent copias: quippe pro equitibus planities erat. Cæterum veriti, ne temerè commilitonum fidem damnarent, subistere, præparatis ad dimicandum animis, si quis vim inferret. Jam agmina coibant, parvumque intervallum erat, quod aciem utramque divideret. Itaque Rex cum una ala obequitare peditibus cœpit, discordiæ authores, quos tueri ipse debebat, instinctu Perdiccæ ad supplicia deposcens: minabaturque, omnes turmas cum elephantis inducturum se in recusantes; stupebantque improvise malo pedites. Nec plus in ipso Meleagro erat aut consilii aut animi. Tutissimum ex præsentibus videbatur expectare potius, quàm movere fortunam. Tum Perdicca, ut torpentes & obnoxios vidit, trecentos ferè, qui Meleagrum erumpentem ex concione, quæ prima habita est post mortem Alexandri, secuti erant, a cæteris discretos, elephantis in conspectu totius exercitus objicit; omnesque belluarum pedibus obtriti sunt, nec prohibente Philippo, nec authore: apparebatque, id modò pro suo vendicaturum, quod approbasset

eventus. Hoc bellorum civilium Macedonibus & omen, & principium fuit. Meleager, serò intellecta fraude *Perdiccæ*, tum quidem quia ipsius corpori vis non afferebatur, in agmine quietus stetit: at mox, damnata spe salutis, cùm ejus nomine, quem ipse fecerat Regem, in perniciem suam abutentis videret inimicos, confugit in templum. Ac ne loci quidem religione defensus, occiditur.

10 *Perdicca*, perducto in urbem exercitu, consilium principum virorum habuit, in quo imperium ita dividi placuit, ut Rex quidem summam ejus obtineret: Satrapes *Ptolemæus*, *Ægypti* & *Africæ* gentium, quæ in ditione erant: *Laomedonti* *Syria* cum *Phoenice* data est: *Philotæ* *Cilicia* destinata: *Lyciam* cum *Pamphilia* & majore *Phrygia* obtinere jussus *Antigonus*. In *Cariam* *Cassander*, *Menander* in *Lydiam* missi. *Phrygiam* minorem *Hellesponto* adjunctam, *Leonati* provinciam esse jusserunt. *Cappadocia* *Eumeni* cum *Paphlagonia* cessit. Præceptum est, ut regionem eam usque ad *Trapezunta* defenderet, bellum cum *Arbate* gereret. Solus hic detrectabat imperium. *Python* *Mediam*, *Lysimachus* *Thraciam*, appositasque *Thraciæ* *Ponticas* gentes obtinere jussi. Qui *Indiæ*, quique *Bactris* & *Sogdianis*, cæterisque, aut *Oceani*, aut *Rubri maris* accolis præerant, quibus quisque finibus habuisset, imperii etiam jus obtineret. Decretum est, ut *Perdicca* cum  
Rege.

Rege esset, copiisque præset, quæ Regē sequebantur. Credidere quidam, testamento Alexandri distributas esse provincias, sed famam ejus rei ( quanquam ab authoribus tradita est ) vanam fuisse comperimus. Et quidem suas quisque opes, divisīs imperii partibus, tuebantur, quas ipsi fundaverant, si unquam adversus immodicas cupiditates terminus staret : quippe paulò ante Regis ministri, specie imperii alieni procurandi, singuli ingentia invaserant regna, sublatis certaminum causis, cū & omnes ejusdem gentis essent, & a cæteris sui quisque imperii regione discreti. Sed difficile erat, eo contentos esse, quod obtulerat occasio : quippe sordent primæ, cū majora quæque sperantur. Itaque omnibus expeditiūs videbatur augere regna, quàm fuisse accipere. Septimus dies erat, ex quo corpus Regis jacebat in solio, curis omnium ad formandum publicum statum a tam solenni munere aversis. Et non aliis, quàm Mesopotamiæ regione, fervidior æstus existit : adè ut pleraque animalia, quæ in nudo solo deprehendit, extinguat. Tantus est vapor solis, & cœli, quo cuncta velut igne torrentur. Fontes aquarum & rari sunt, & incolentium fraude celantur. Ipsi usus patet, ignotus est advenis. Ut tandem curare corpus exanimū amicis vacavit, nulla tabe, ne minimo quidem livore corruptum videre, qui intraverant. Vigor quoque, qui constat ex spiritu, non destituerat. Itaque Ægyptii Chaldæique jussi corpus  
suo

suo more curare. Primò non sunt ausi ad-  
 movere, velut spiranti, manus: deinde  
 precati, ut jus fasque esset mortalibus at-  
 trectare eum, purgavere corpus, reple-  
 tumque est odoribus. Aureum solium, &  
 capiti adjecta fortunæ ejus insignia. Ve-  
 neno necatum esse credidere plerique:  
 filium Antipatri inter ministros, Jollam  
 nomine, patris jussu dedisse. Sæpè certè  
 audita erat vox Alexandri, Antipatrum  
 regium affectare fastigium, majoremque  
 esse Præfecti opibus, ac titulo Spartanæ  
 victoriæ inflatum, omnia a se data asse-  
 rentem sibi. Credebant etiam, Craterum  
 cum veterum militum manu ad interfi-  
 ciendum eum missum. Vim autem vene-  
 ni, quod in Macedonia gignitur, talem es-  
 se constat, ut ferrum quoque exurat, un-  
 gulæ jumentis duntaxat patiens esse con-  
 stat. Stygem appellant fontem, ex quo pe-  
 stiferum virus emanat. Hoc per Cassandrum  
 allatum, traditumque fratri Jollæ, & ab eo  
 supremæ Regis potioni inditum. Hæc, ut-  
 cunque sunt tradita, eorum, quos rumor  
 asperferat, mox potentia extinxit. Regnum  
 enim Macedoniae Antipater, & Græciam  
 quoque invasit. Soboles deinde excepit, in-  
 terfectis omnibus quicunque Alexandrum  
 etiam longinqua cognatione contigerant.  
 Cæterum corpus ejus a Ptolemæo, cui  
 Ægyptus cesserat, Memphim, & inde paucis  
 post annis Alexandriam translatum est,  
 omnisque memoriæ ac nomini honos habe-  
 tur.

F I N I S.

## EMENDATIONES

ALIQVOT

IN Q. CURTIO

LIBRO III.

Pag. 34, vers. 33. *Cultu baud sanè a vilioribus vulgatisque usu abhorrens. Lego, vulgatique usus.*

Pag. 60, v. 13. *Dein Deum templa ruinis & ignibus esse deleta, Ita vetusti impressi. Modius ex vestigiis membranarum suarum edidit, Dedita deis templa. Legendum dedicata, non dedita.*

Pag. 63, vers. 9. *Equi pariter equitesque Persarum, serie laminarum ob id genus grave, agmen, quod celeritate maxime constat, agrè moliebantur, quippe in circumagendis equis suis Thessali multos occupaverant. Sic veteres Editiones ante Modianam. Lego, serie laminarum graves, id genus agminis, quod celeritate maxime constat, agrè moliebantur, quippe in circumagendis equis suis Thessali multo occupaverant. Genus agminis quod celeritate maxime constat, est id, quod Græci μεταβολή vocant, aut certè simile. Est autem usus voce occupo eodem modo, quo Varro apud Nonium: Quod si Ακλον occupaverant.*

*supasset, & ipse prius suos canes comedis-  
set, & non nugax saltatoribus in theatro  
fieret. Hoc ergo dicit, Barbaros ferreis  
tunicis graves suos ægrè circumegisse,  
quod tam expeditè faciebant Thessali, ut  
longè Barbaros anteverterent. Aliquanto  
pōst.*

*Pag. 68, vers. 19, de Darii filiabus, Vir-  
gines reginas excellentis formæ tam sanctè  
habuit, quàm si eodem, quo ipse, parente  
genita forent. Ita Modius. Lego, Virgines  
regias.*

*Pag. 71, vers. 14. Vehicula quoque a  
suis destituta ingentis opulentia plena.  
Mod. Ed. gentis opul. Lego, Vehicula quo-  
que suis destituta agentibus. Tantum  
enim terrorem Barbarorum fuisse vult,  
ut omnia, etiam vehicula, quibus eorum  
opes portabantur, reliquerint, id solùm  
agentes, ut seipsos fuga servare possent.  
Dixit autem agentes pro aurigis: eodem  
modo, quo Ovidius in Phaethontis fabu-  
la, Non aget hos currus.*

## LIBRO IV.

*Pag. 99, vers. 31. Lingua graviùs casti-  
gatur, quàm ullum probrum: nec ma-  
gnam rem magis sustineri posse credunt ab  
eo. cui tacere grave sit. Puto legendum,  
Magi; & hoc fortasse tam certum est, ut  
probatione non indigeat. Paulò post.*

*Pag. 102, vers. 11. Lingui deinde animo,  
& submitti genu. Puto, subniti.*

*Pag.*

Pag. 109, vers. 11. *Africa deinde, quæ Ægypto juncta est, præpositus Appollonius: vectigalibus ejusdem (Africa) Ægyptique Cleomenes. Posterius Africa glossema est: delendum igitur.*

Pag. 124, vers. 30. *In lavo cornu Bactriani ibant equites mille admodum: Daba totidem, & Arachosii, Susanique quatuor millia explebant. Ita Modii codices: sed scribendum, Susanique, aut Susique. Arrianus libro 111:*

τὸ μὲν οὖν νῆαυ γὰρ κέρχε οἱ τε Βακτριοὶ  
ἰππῆσι κόν καὶ ξύω αὐτοῖς δακταὶ Δραχμῶ  
τοι· ἐπιδεγυτοῖς περσικέ τε ταχὺτο ἰππῶ  
ἤ τε οὐκ καὶ περσικὰ μὲν μίγμενοι καὶ Σου-  
σιοὶ ἐπὶ περσικῇ καὶ ἐπὶ σουσιοῖς καδυσζοῖ·

## LIBRO V.

Pag. 175, vers. 24. *Cyrus Pasergadam urbem condiderat, quam alexandro præfectus ejus Globares tradidit. Alias, Cobares. Legendum, Chobares; ut lib. vii, pag. 264.*

Pag. 189, vers. 27. *Profusisque mutuis lachrymis inhaerentem sibi avelli jussit. Ita scribo: non perfusis, aut perfusus denique.*

## LIBRO VI.

Pag. 214, v. 6. *Crebi namque nodi nudaverant stipites, & in se implicati arborum rami suspensis circulis similes lento vimine*

*vimine frustabantur ictus. Delendum est nodi, quod librarius ob sequentis vocis similitudinem importunè iteraverat. Totum igitur locum lego hoc modo: Crebri namque nodaverant stipites, & in se implicati arborum rami, &c.*

## LIBRO VII.

Pag. 289, vers. 3. *Hæc Barbarus. Contra rex, fortuna sua, & consiliis eorum, se usurum esse respondit. Legendum est, suorum, non enim Scytharum, sed Macedonum suorum, consilio se usurum dicit.*

## LIBRO VIII.

Pag. 356, v. 22, lego. *Ipse Porus humana magnitudinis propè excesserat normam: non, ut vulgò formam.*

## LIBRO IX.

Pag. 368, v. 29. *Pbegelis erat gentis proxima rex, &c. Quod si verum, id ejus principis nomen est, non video quomodo mox Curtius Orbilii ferulam effugiat, iis verbis: Percontatus igitur Pbegela, qua noscenda erant. A Pbegelis enim non nisi Pbegelim, & Pbegelida, declinari potest. Ego scribendum puto: Pbegel, is erat gentis proxima rex, qui, &c. Apud Diodorum quoque, quo loco . . . . . legitur,*  
*. . . . .*



... legendum est. Nusquam securius grassata est veterum librariorum audacia, quàm in propriis virorum ac foeminarum nominibus depravandis. Nec difficile esset, aliquot centuriis exemplorum id ostendere, nisi & res ipsa pervulgata, & mihi alio quodam loco dicendum foret.

## LIBRO X.

Pag. 413, vers. 9. Igitur Mesopotamia pratoribus imperavit, materia in Libano monte cæsa develtæque ad urbem Syria Capsagas, ingentium carinas navium ponere, septiremes omnes esse, deducique Babylona. Etiam hoc loco vocula ob præcedentis similitudinem ineptè repetita est. Ea igitur ejecta, lego hoc modo: *septiremes omnes esse, deducique Babylona*. Hæc erant, quæ in Curtio emendasse mihi visus sum. Plura poteram, sed & cujus obvia sunt & erunt, quibus hæc quoque nimia videbuntur,

## JOSEPHI SCALIGERI

palmaria correctio.

Lib. III, pag. 41, v. 16. *Distinguebant internitentes gemma jugum : ex quo eminebant duo aurea simulacra cubitalia; quorum alterum pacis, alterum belli gerebat effigiem.* Interpolata a sciolis lectio. Veteres editiones habent : *quorum alteram in alterum belli gerebat effigiem.* Quare non dubitabis cum Scaligero emendare, *quorum alterum Nini, alterum Beli gerebat effigiem.* Per Ninum Assyriæ, per Belum Babylonis imperium conjunctum innuebant currus Darii artifices.

F I N I S.

INDEX

# I N D E X

## RERUM NOTABILIUM IN Q. CURTIO.

### A

- A** Bdolonymus Rex constituitur. pag. 78
- Abisares Rex Alexandro se permittit. 365
- Abulites Susæ præfectus. 159
- Acesines fluvius. 376, 377
- Achilles, e quo Alexander genus ducit. 103
- Adulatio vatum. 107
- Ægyptii Persarum opibus infensi. 103
- Agenor Tyrum, & Sidonem condidit. 94
- Agidis, Lacedæmoniorum regis, animi magnitudo, & mors. 200
- Agis Argivus, pessimorum carminum post Chærilum conditor. 322
- Agrammes, Parrhasiorum Rex. 369
- Alexandria, in Ægypto condita 109, alia in radicibus Caucasi 263; alia in India 396; alia ad Tanaim. 279
- Alexander, Philippi frater. 7
- Alexander Magnus suæ demptum gloriæ existimabat, quidquid cessisset alienæ 201; quem arma Persarum non fregerant, in peregrinos mores abeuntem vitia vicerunt, *ibid.* super uxoris Darii morte crebros edidit gemitus 118; eamque honorificè humavit. *ibid.*
- Ale.

# I N D E X.

- Alexandri cognati omnes ab Antipatro  
interfecti 446 ; corpus Alexandriam  
in Ægypto translatum, *ibid.*
- Alexander sagitta ictus 343 ; quo anno  
regni sui, & ætatis Asiam subegerit  
390 ; in obsidione Gazæ sagitta vulne-  
ratur, ejusque crus in obsidione Ga-  
zæ saxo affligitur 100 ; Carthagini in-  
fensus, 413
- Alexandro Babylonia deditur. 153
- Alexandri ad Uxiorum urbem virtus  
162 ; & propter Sisygambis intercessio-  
nem clementia 163, ad Darium literæ  
96 ; duces vulnerati 148 ; in Macedo-  
nas missionem petentes indignatio  
418 ; & rabies 421 ; super Darii mor-  
te lacrymæ, 196
- Alexander pedes per nivem & concretam  
glaciem dolabrâ iter sibi facit 176 ; sar-  
cinas primùm suas, deinde totius excer-  
citus incendi præcipit 218 ; a Tyro Ara-  
biam petit 86 ; semper bello quàm post  
victoriam clarior, 201
- Alexandri triumphus ad imitationem Li-  
beri Patris, 341
- Alexander haud contentus mortali fasti-  
gio, Jovis filius credi volebat 104, 321
- Alexandri in bibendo continentia mira  
270 ; & intolerabilis cupiditas vini 177 ;  
in captivas continentia 68 ; ingens  
mœror super morte Clyti, 309
- Alexander a muliere attonita servatus. 327
- Alexandri super Hephæstionis morte do-  
lor 425 ; milites Babyloniæ corrupti 156,  
dex-

# I N D E X.

- dextrum femur leviter mucrone per-  
 strictum, pag. 62
- Alexander Parmenionis occidendi nego-  
 tium Polidamanti dat. 256
- Alexandri legati a Tyriis occisi 84, exer-  
 citus pavor, 126. Cervix a Memacenis  
 saxo ita icta, ut, oculis caligine offusa,  
 collaberetur, ne mentis quidem com-  
 pos. 280
- Alex. insidiæ a suis parantur, 328, 329.
- Alexandri ingressi amnem Cydnum artus  
 horrore subito rigere cœperunt, 45, &  
 inde pia lamentatio. 46
- Alexander, genus ab Achille deducens, ob  
 id eum pœnam de hoste capiendo imi-  
 tatus, 103; reb. a Philippo patre gestis  
 detrahit 307; intra urbem Oxydraca-  
 rum gravissimè vulneratus, 383; quan-  
 do regnum adeptus. 19
- Alexandri in fallendo hoste dolus, 353; vir-  
 tutum & vitiorum enumeratio. 329
- Alexander solus omnium mortalium for-  
 tunam in potestate habuit. 431
- Alexandri neminis terror. 425
- Alexander vestem detrahit, vorticibus se-  
 se subducturus 379; ad Maxagas e muro  
 sagitta percussus. 343
- Alexandri in Porum regem liberalitas  
 361; in Taxilem liberalitas. 350
- Alexander jacere humi prostratos veneta-  
 bundos patitur, & Persica veste uti-  
 tur. 217
- Alexandri ad Arbellam dimicaturi sonitus  
 131, & exercitus. 131
- Ale-

# I N D E X.

- Alexander sagitta vulneratur** 277; ad **fin-**  
**es Hyrcaniæ penetrat.** 108
- Alexandri desiderium**, ut **Olympias ma-**  
**ter immortalitati consecraretur** 391; in  
**Græcos a Persis mutilatos beneficentia**  
**174**; ad **Susidas Pylas clades** 164; **Ocea-**  
**num visendi pervicax cupido** 399; **pha-**  
**lanx** 78; **evellendi spiculi impos** 384;  
**de Philota querelæ.** 225
- Alexander dux**, & **idem miles** 51; **quando**  
**natus.** 12
- Alexandri super valetudine Ptolemæi so-**  
**mnium** 398; in **Tyrios ira, & expugnatio**  
**difficilis** 93, 94; **morituri impia magna-**  
**nimitas** 427; **regnum divisum.** 444
- Alexandri militis virtus, & mors.** 346
- Amiffas Megalopolitanus.** 440
- Ammonis, satanæ Oraculum** 107, 106 &  
**templum.** 104
- Amnis tranandi consilium novum.** 274
- Amphoterus, classis Alexandri præfe-**  
**ctus.** 110
- Amyntas Philippi pater.** 7
- Amyntas Prætor Alexandri transfuga** 63;  
**ejus mors.** 80
- Amyntas Philotæ amicus.** 249
- Ancyra urbs.** 35
- Andromachi Syriæ præfecti mors.** 110
- Antigonæ in castris Alexandri penuria**  
**132, 134, 135.**
- Antigonus, Lydiæ Prætor.** 80
- Antipater, Macedoniæ præfectus** 81; in  
**Alexandrum conjurat** 326; **Alexandrum**  
**veneno interficere statuit** 423; **Macedo-**  
**niæ**

# I N D E X.

- Dix** regnum & Græciam invasit, ac omnes, quicunque Alexandrum, etiam longinqua cognatione, contingebant, interfecit. 444
- Antiphanes**, scriba equitum. 256
- Aornon**, petra. 344
- Apollinis** simulachrum Pœni Syracusis Tyrum deportarunt, ubi catenis vincitum. 90
- Aquila aurea**, a Dario sacrificata. 48
- Aquila super Alexandri caput volans**. 142
- Arabix** fertilitas. 152
- Arachosii**. 260
- Araxes** amnis. 166
- Arbella** vicus, quam sua clade nobilem fecit Darius. 112
- Arbores violare**, apud Indos capitale est. 339.
- Aridæus**, Philippo genitus, Alexandri frater. 435
- Arimazes**, Sogdianus, an Alexander volare possit interrogat 296, 297; se dedit 298, suos cruci affigi jubet, Petra urbe capta. 302
- Ariobarzanes** 164, strenuus militum præfectus sub Alexandro occidit. 169
- Arisba** Molossorum rex. 16
- Aristander**, expertissimus vates 84, 100, 31.
- Aristomenes**, præfectus classi Marii, superatur. 81
- Aristonicus** Methymnæorum Tyrannus, fraude captus 98; necatus. 110
- Aristonis** insigni pugna. 115

# I N D E X.

Armenia montes.	263
Arpalus. <i>Vide</i> , Harpalus.	
Arfaces, Mediae praefectus.	316
Arfanes, Ciliciae praetor.	43, 44
Artabazus, Dario fidissimus 181; olim Philippi hospes.	212
Asclepiodorus in Alexandrum conjurat.	326
Aspastes satrapes Carmaniae 406; interfici iussus.	408
Astaces Darii praetor.	104
Attalo graviorem inimicum Alexander non habuit.	231
Athenodorus Graecorum militum, qui ab Alexandro defecerunt, princeps 391; per Boxum in convivio occisus.	392
Atheniensibus infestus Alexander.	416
Athenienses soli, ex Alexandri edicto, exules non recipiunt.	417
Atinas, Alexandri praefectus, cum trecentis equitibus occisus.	292

## B

<b>B</b> abylonia, Alexandro deditur.	153;	
ejus conditrix	154; muri bitumine interliti 154; descriptio 154; pons lapideus inter mirabilia Orientis opera numeratus 155; horti pensiles.	155
Babyloniorum turpissimi mores.		156
Bactra 96, 267; ultima Asiae.		281
Bactriana terra.		266
Bactriana arx a Graecis militibus, qui ab Alexandro defecerant, occupata.		391



# I N D E X.

Bactriani promptissimi.	99
Bactrianorum defectio.	277
Bactrus amnis.	264
Bagoas spado, Alexandrum obsequio corporis devinxerat sibi 414; hinc Orsinem insontem ad supplicium rapit.	415
Bagophanes, arcis, & regie pecunie, in Babylonia custos.	158
Balana monstrosa.	91
Barbarus quidam Darii miles, simulato transfugio, Alexandri cervicem appetit.	101
Barsine, pellex Alexandri.	433
Barzentes defectionis Arachosii author, victus ad Alexandrum perductus.	351
Batis, <i>Vide</i> , Batis.	
Bazaria, regio.	303
Belon strenuus miles, sed rudis, in Philotam invehitur.	239
Belus Babyloniā condidit.	154
Bessus, Bactrianorum dux 180, 99; cum Nabarzane regem suum Darium prodere cogitat 182, 183; quem vinciunt 190, & confodiunt 194; Bactra petit 194; sumpta veste regia, se Artaxerxem appellari jubet.	218
Bessi in Cobarem indignatio.	264
Bessus a Bactrianis militibus desertus 266; a Spitamene victus 274; ad Alexandrum perducitur.	274
Bessi supplicium.	277
Batis, Gazæ prætor 100; ejus egregia virtus, & crudelissima mors.	102

# I N D E X.

Bezira urbs.	342
Bion transfuga.	133
Bituminis fons.	553
Byzantium urbs quando condita.	14
Boxus Macerianus Athenodorum in convivio occidit, mox ipse a militibus Græcis interfectus.	391
Branchidæ ad internecionem omnes cæsi.	273
Bucephalus equus 13; neminem præter Alexandrum dorso insidere patitur 13,	214
Bucephalus urbs ab Alexandro condita.	277

## C

<b>C</b> alis, reus factus.	244
Calisthenis gravitas, & libertas, Alexandro invisa.	325
Calisthenes ab Alexandro victus.	329
Calisthenis mors, quæ summam apud Græcos Alexandro excitavit invidiam.	334
Canes venatici.	368
Captivi Græci. <i>Vide</i> , Græci.	
Carthagini infensus Alexander.	413
Carthago a Tyriis condita.	83
Carthaginenses Saturno, usque ad excidium urbis suæ, ingenuum puerum immolarunt.	90
Caspium mare, quod & Hyrcanum, dulcius cæteris.	210
Cassander venenum Alexandro dedit.	426

# I N D E X .

Castra Cyri, regio.	43
Catenes, & ejus sagittandi peritia 275; ab Alexandro deficiens, in prælio occisus.	321
Caucasus Asiam perpetuo jugo dividit.	262
Ceballinus Philotæ insidias Alexandro paratas detegit.	223
Chaldæi vates Alexandrum monent, ne Babylonem ingrediatur.	425
Cartasis Scytharum regis frater.	279
Cedrosia, regio.	406
Chares Atheniensis.	98
Chari virtus, & mors.	396
Chiliarchæ.	158
Choaspis amnis aqua delicata.	159
Chærilus pessimorum carminum conditor.	322
Chrysolai Methymnæorum ducis mors	110.
Cleander 38, prætor regius 257. Parmenionem jugulat.	258
Cleo, adulator.	322
Cleochares Alexandri ad Porum regem legatus.	351
Cleophes, Affacani, Mazagarum regis, mater 342. Alexandro deditur.	343
Clytus apud Granicum amnem nudo capite Alexandrum dimicantem clypeo suo texit, & Rhœfacis manum gladio amputavit.	304
Clyticum Alexandro contentio, & pertinacia.	301, 307, 70
Clytus ab Alexandro occisus.	308
Cobares magus 264; ad Alexandrum	trans.

# I N D E X.

transfugit.	166
Cœle Syria.	96
Cœnus sagittis prope occisus 148; morbo extinctus.	377
Coloniæ Græcorum Carabactra deductæ.	391
Cognati Regis, militum genus apud Per- sas.	41
Conjuraciones.	222, 227, 434
Cophes Artabazi filius.	298
Copidæ, gladii.	358
Corycium nemus.	44
Corvi, Bellicæ machinæ.	91
Corvi in Gaza obsidione augurium.	100
Corvi Alexandro duces cum Ammonem satanam peteret.	105
Cossæi montes.	115
Craterus Alexandro carus, Philotæ ad- versus 226; Ozinem & Zariaspem no- biles Persas defectionem molientes op- pressit.	405
Crocodili.	335
Cydaris, Persarum diadema.	41
Cydaris amnis.	44, 45
Cyprorum reges a Dario ad Alexandrum deficiunt.	110
Cyri castra, regio 43, sepulchrum.	413
Cyropolis.	278

## D

<b>D</b> Ædala, in India regio.	341
Dahæ Alexandro se dedunt.	301
Daharum pernecitas.	285
Damascenorum miserabilis fuga, & capti- vitas.	

# I N D E X .

vitas .	69, 70
Darii armatorum numerus 36, 37; fo-	
mnium 39; agminis ordo .	40, 41
Darius invalidis quibusdam militibus	
manus amputat .	54
Darii acies 56; fuga 63; mater , conjux ,	
liberi , captivi 65, 66, 67. Susæ depoliti	
164; uxoris mors 118; & humatio 119;	
ad Alexandrum literæ .	86
Darius omnia auxilia Babyloniam con-	
trahit .	111
Darii literæ , quibus Græci milites solici-	
tantur , ut Alexandrum interficiant , in-	
tercēpiæ .	117
Darius legatos ad Alexandrum mittit	
120 .	
Darii ad Arbella militum numerus 142 ,	
& fuga 144 , fugientis præclarè di-	
ctum .	146
Darius , naturâ simplex & mitis 186 , 53;	
fervorum suorum victus captivus 191;	
a suis confossus .	193
Darii morituri verba .	195
Darius , quomodo Rex Persarum fa-	
ctus .	206
Dataphernes , Spitamenis defectionis par-	
ticeps , Alexandro deditur .	315
Democrates Atheniensis gladio se trans-	
figit .	213
Demophoon vates .	381
Didymaon templum violatum .	273
Dimachæ , equites .	192
Dioxippus Atheniensis , pugil nobilis 393 ;	
falso a Macedonibus furti insimulatus ,	
V 4	igno-

# I N D E X.

ignominia impatiens, ferro se interi-  
mit. 394

Doryphori, Persarum milites. 41

Drangarum bellicosa natio. 221

Duellum. 393

Dyardenes fluvius. 336

Dymnus insidias Alexandro paratas Ni-  
comacho exoleto aperit 221; gladio se  
interimere vult. 212

## E

Ecbatana, caput Mediae. 178

Epaminondas, strenuissimus Theba-  
norum dux, atque Philosophus pra-  
stantissimus. 8

Epimenes in Alexandrum conjurat 316,  
conjuratorem detegit. 217

Equus Solis apud Persas. 40

Erigyi cum Satibarzane duellum 268,  
mors. 314

Erimanthus fluvius. 336

Erythraeo mari non a colore, sed ab Ery-  
thro rege inditum nomen. 412, 336.

Erythri Regis monumentum. 412

Erycis occisi caput atque arma ad Ale-  
xandrum delata. 348

Euclemon, unus Graecorum captivorum,  
171, 172.

Eudæmon, dux Thracum. 413

Eudemus, Atheniensis exul. 37, ejus inte-  
ritus. 38, 39

Evergetæ, qui ante Agriaspæ. 260

Euridices, Amyntæ uxoris, Philippi ma-  
tris,

# I N D E X.

tris , parricidia .	7, 8
Eurylocho fratri conjurationem detegit Epimenes , & ab eo injecta manu in re- giam trahitur .	328
Eurylochi ob conjurationem detectam præmia .	329
Euryone , Philippi soror .	7
Excipinus .	298
Exules recipi jussit Alexander .	417

## F

F Alcatæ quadrigæ .	312
Fames & pestilentia in exercitu Ale- xandri .	405
Fati inevitabilis fors .	414
Fons apud Ammonis templum mirabi- lis .	106
Fons bitumen effundens .	153
Fons in tabernaculo Alexandri subito con- spectus .	297
Fortunæ ludibria .	145
Fortuna Alexandro indulgendo nunquam fatigata .	316

## G

G Ades Tyrriorum colonia .	95
Gamaxus Rex exiguæ partis Indo- rum , ad Alexandrum victus perdu- ctus .	351
Gangabæ Persarum bajuli .	70
Gangaridæ , quæ natio .	369
Ganges , egregius fluvius 335 ; maximum V 3 totius	

# I N D E X .

totius Indiæ fluminum.	369
Gaza, urbs 97; obsidetur 100; ab Alexandro capitur.	103, 104.
Globares Pasergadum Alexandro tradit.	175
Gordium, Midæ civitas regia, & Gordius nodus.	34
Gordixi montes.	116
Gortuæ gentes.	125
Græci captivi ad quatuor millia, quos Persæ vario suppliciorum modo affecerant.	170
Græcorum temporaria ingenia.	97
Græcorum in mentiendo licentia, in Jovis femore Liberum Patrem esse celatum	341.
Græcorum militum ab Alexandro defectio.	391
Græcos exules recipi Alexander jussit.	417

## H

<b>H</b> Ages Pori Regis frater.	354
Halys, amnis.	121
Harpalus, Alexandrum fugiendo, & Athenas petens, Athenis excedere jubetur, & a Græcis militibus trucidatur.	416
Hautanes ab Alexandro deficit, & capitur.	321
Hecatompylos.	204
Hectoris, Parmenionis filii, mors.	109
Hellanices, Alex. nutrix, Clyti soror.	304
Heneti, Veneti.	36
Hephæstion, cui brachium hasta ictum	148.



# I N D E X .

148. Alexandro unicè ac fratris loco dilectus, febricitans moritur 67, 425; cui tanquam Heroi sacrificari iussit Alexander.	445
Herculi Tyrii urbem dicaverant.	90
Hercules Tyrius.	111
Herculis simulachrum, maximum bellantibus Indis incitamentum.	356
Herculis scyphus.	416
Hermolaus, puer nobilis, apri causa in Alexandrum conjurat.	325
Hipsidis mors.	284
Hispania, quæ & Iberia.	413
Horitæ 404; a Leonato superati.	405
Herratæ Macedonis, & Dioxippi Atheniensis, singulare certamen.	393
Horti pensiles.	155
Hydaspis amnis.	149, 151, 177
Hypases fluvius.	368
Hyrates fluvius.	365
Hyrcaniam Alexander penetrat.	208
Hyrcaum, vel Caspium mare,	220

## I

<b>I</b> gnis apud Persas æternus 40. Immortales milites apud Persas dicti.	40
Incestus Nauranorum.	111
Indiæ sapientes 338; situs 339; sylvæ 335, 365.	
Indiam nives obruunt, cum aliæ terræ fervore solis exæstuant.	336
Indus fluvius.	337
Indorum ritus 337. Regis magnificentia	

# I N D E X.

337, 338. Sapientes, Dii 338. Reguli Alexandro occurrunt.	338
Indi fatum occupant, seque vivos cremari jubent.	339
Indi maritimi.	404
Insidiæ, & earum lex.	220, 323, 426
Jollas, Antipatri filius, Alexandro venenum præbuit.	426
Jovis cultus 130; templa.	34, 105
Isthmiorum solenne ludicrum.	97
Jumentorum carne vescuntur milites Alexandri.	266

## L

<b>L</b> acedæmoniorum & Macedonum cruentum bellum.	199
Lacedæmonii a Macedonibus fusi.	199
Lacedæmoniorum & Macedonum cæsorum numerus.	200
Lacus falsus.	423
Lanificium apud Persas contumeliosum.	161
Legati Alexandri a Tyriis occisi.	84
Leo magnitudinis raræ, ab Alexandro uno vulnere occisus.	303, 304
Leonidas, Parmenionis intimus; & ejus cohors.	259
Liber Pater in Jovis femore celatus.	340
ejus termini 190; triumphum imitatur Alexander.	407
Lignum igne duratum.	37
Lyncestes Alexander.	243
Lycius Alexandro viæ dux Persidem intranti factus.	166

# I N D E X .

**Lyſimachus**, qui poſt Alexandrum regnavit, & feram eximiæ magnitudinis ſolus occidit, an ab Alexandro leoni objeſtus . 303

## M

**Macedonum** contra Darium acies 42, 129; miſeranda pœnitentia 423, 424.

**Macedonibus**, privilegiis conceſſis, ignoſcit Alexander . 423, 424

**Macedonum** lex, qua cautum erat, ut propinqui eorum, qui Regi inſidiati erant, cum ipſis necarentur 241, 329; exercitus ſeditioſis vocibus Alexandrum increpat 379; luſtus ſuper morte Regis Alexandri 426, 429; contentio, quis Alexandrum vulneratum ferre debeat 279; ſcitum, ne Alexander ſolus venietur 303; a Spitamene edita cædes . 283, 284

**Macedones**, jure interfectum Clytum, decernunt . 308

**Macedonum** mos in capitalibus rebus, 229 alloquendi Regem 242; ſanctiſſimum coeuntium pignus 320; cum Lacedæmoniis cruentum bellum 199, 200, muris futuræ urbis polentiam deſtinandi ritus . 109

**Macedones** liberos adultos Regibus tradebant 148; eorum munia . 331

**Macedonum** exercitus per decem dies Libero Patri operatus, 341; conſitetur, ſe unius Alexandri ſpiritu vivere . 386 ſolenne munus, humani ſuos 165; in fau-

# I N D E X.

faucibus Syriæ caſorum numerus	94, id
Arbellam caſorum numerus	147, &
Lacedæmonem.	200
Macedones Lacedæmonios in fugam ver-	
tunt.	199
Macedones ſub Perſarum ſatellitum mini-	
ſteria reducti.	423
Macedonum mos luſtrandi exercitus	202,
403, tumultus.	404
Macedonas pænitet, divinos honores Ale-	
xandro negaſſe.	418
Magia, non ars, ſed vaniſſimi cujuſque lu-	
dibrium.	264
Mallorum regio.	379
Maracanda, urbs.	291
Mardorum gens bellicoſiſſima.	176
Mareotis palus.	105
Marginiæ urbs.	294
Marſyas, fluvius.	33
Mazæus, Darii Prætor.	111
Mazæus Babyloniam Alexandro tradit,	
153.	
Medus, amnis.	166
Meleager 350; infeſtus Perdiccæ 337, in	
templo occiſus.	444
Melo, Darii interpres.	192
Memaceni, Alexandri legatos, vino prius	
obrutos, occidunt; hinc obſidio gra-	
viſſima, & Alexander ſaxo graviter vul-	
neratus.	277, 278
Memnonis celebrata regia.	109
Memnon Arachofiis datus Prætor 261; &	
ejuſ mors.	406
Memphis Alexandro tradita.	104

Mc-

# I N D E X .

Menedemus infidiis a Spitamene circum-	
ventus .	283
Menedemi cædes .	284
Menidas sagittis prope occisus .	148
Mennis , urbs .	153
Meros , mons .	341
Mesopotamiæ æstus .	445
Metroni infidias Alexandro paratas dete-	
git Ceballinus .	224
Miletum captum .	97
Militaris disciplina ab Alexandro refor-	
mata .	158 , 159
Minervæ cultus .	229 , 313
Mirabile Orientis .	155
Mitylene Alexandro deditur .	98 , 99
Mœris , Pathalyæ Rex .	399
Monimenta expeditionis Alexandri in In-	
dia .	376
Mullinus , scriba Alexandri .	345
Murices ferrei .	133
Musici in ditionem redacti 396; ab Ale-	
xandro deficientes, rursus in potestatem	
redacti .	396

## N

<b>N</b> Abarzanes , Darii prætor 52; ejus	
proditio 182; occiso Dario, Hyr-	
caniam petit 193; ejus ad Alexandrum	
literæ 209, accepta fide, Alexandro	
occurrit .	215
Nasamones , natio .	106
Naurani parentes stupro coire cum liberis	
soliti .	311
Nicæa urbs ab Alexandro condita .	377
Ni-	

# I N D E X.

Nicanoris, Parmenionis filii, mors.	118
Nicanoris, nobilis juvenis, temeritas atque audacia.	352
Nicomachus, exoletus, Ceballino fratri infidias Alexandro paratas detegit.	225
Nicostratus in Alexandrum conjurat.	325
Nysa, Indiæ urbs.	340

## O

<b>O</b> ceanum visendi Alexandri pervicax cupido.	399
Oceani æstus.	400
Ochus, octoginta fratres Syfigambis eodem die trucidavit 430; ejus filia 71; & neptis, captiva.	201
Ochus, amnis.	294
Olympias, Neoptolemi Molossorum Regis filia.	9
Olympiadis & Antipatri similtas.	424
Olympias, Alexandri mater, immortalitati consecratur.	391
Orientis mirabile.	155
Oritæ. <i>Vide</i> , Horitæ.	
Orsines, Pasargadarum Satrapes 413; secreto a Bagoa spadone fit reus 15; iussu Alexandri occisus.	415
Oxatres qualis Alexandri legatus?	312
Oxatres, Darii frater.	203, 274
Oxyatres, prætor Bactrianorum.	396
Oxydates, Mediæ præfectus.	316
Oxus fluvius.	264
Oxycanus Indorum Rex, occisus.	396
Oxydracorum regio.	379

# I N D E X.

Ozines Perses, defectionem moliens, à  
Cratero oppressus. 406

## P

**P**Alætyron, Herculis templi sedes. 82  
Parapamisadæ, agreste hominum ge-  
nus. 261

Parmenio Philippum Alexandri medicum  
criminatur 48; in occidendo Attalo mi-  
nister Alexandri. 248

Parmenionis ad filios literæ 231, occiden-  
di negotium Polydamanti ab Alexan-  
dro datur. 257

Parmenio a Cleandro occisus. 258

Parmenionis truncum corpus militibus ad  
sepulturam datum, & caput ad Alexan-  
dram delatum. 259

Paropamisissus mons. 267

Parthiene, quondam ignobilis, nunc caput  
omnium qui, post Euphratem & Ty-  
grim amnes siti, Rubro mari terminan-  
tur. 203

Pasas Thessalus. 440

Pasergadam conditum a Cyro. 175

Pasitigris fluvius. 161

Pathalya gens. 399

Patron, dux Græcorum militum. 184

Perdiccas sagittis propè occisus. 148

Perdiccæ infestus Meleager. 434

Perdiccas trecentos Macedonas elephantis  
in conspectu totius exercitus objicit. 444

Persæ satellites Macedonas ad supplicia  
trahunt. 423

Per-

# I N D E X.

**Perſæ** arcana Regum mira celant fide, & linguam gravius quàm ullum. probum caſtigant. 99

**Perſarum** ad Arbellaſum cæſorum numerus 147; cæſorum cadavera ſepeliri jubet Alexander 67; ſæminæ non aliud magis in contumeliã accipiunt quàm lance manus adnovere 361; luſtus ſuper morte Regis Alexandri 417; in faucibus Syriæ cæſorum numerus 94; regia cedro ædificata incenſa. 178

**Perſis** corporis ſui cuſtodiam tradit Alexander, & Macedonica impoſita nomina. 413

**Perſis**, regio, ſub Vergiliarum ſita ſitus. 176

**Perſepolis**, caput regni Darii. 96

**Peſtilentia** & fames in exercitu Alexandri. 404

**Petra**, quam occuparat Arimazes Sogdianus. 291

**Phalanx** Alexandri. 51

**Phegelas** Rex. 365

**Philippus**, Amyntæ filius, Alexandri pater, primus omnium Regum ejus gentis Macedoniae, regnum ad ſummam potentiam evexit, totam Græciam ſubegit, & Illyriis ac Thebanis obſes datur 71 ab Epaminonda inſtitutus. 8

**Philippi** ſomnium ſuper nativitate Alexandri. 13

**Philippus** Acarnan, medicus Alexandri quem crimigatur Parmenio. 41

**Philippi**, Lyſimachi fratris, indoles rara



# I N D E X.

313, mors.	314
Philotæ catenæ injectæ.	228
Philotas ad quæstionem tractus.	242
Philotæ in tormentis contumacia 242; confessio.	242
Philotas in Alexandrum conjurat.	223
Phradates 211; regnum affectasse suspectus, jussu Alexandri occisus.	415
Phrataphernes Alexandro se dedit.	211
Pithon Musicanos rebellantes in potestatem redegit 397; in comitiis pro Ariadæo.	435, 436
Polydamanti, Parmenioni longè acceptissimo, negotium occidendi Parmenionis ab Alexandro datur.	256
Polypercon regionem, quæ Bubacene appellatur, in deditiorem redegit 321; in custodiam traditus.	344
Polystratus, in Darium confossum incidit.	194, 195
Polytimetus, amnis.	294
Porus Rex 349; in ulteriore ripa Hydaspiis confedit, transito prohibiturus hostem Alexandrum 351. Taxilis Regis fratrem telo transfigit.	359
Prometheus in rupe ad Caucasum victus.	263
Ptolemæus, Philippo genitus, telo venenato faucibus.	398
Puer ingenuus Saturno immolari solitus.	90
Pugnæ nova forma.	378
Pylæ Amanicæ.	54
Pylæ Susidæ.	164
Pylæ, arctissimæ fauces.	43
Pyta-	

# I N D E X.

Pyramus fluvius.	44
Pythagoras, Rex Cypriorum.	88
Python, <i>Vide</i> . Pithon.	

## Q

Quadrigæ falcatæ.	34
-------------------	----

## R

Rhinoceros.	364
Rhodi urbem suam portusque Alexandro dedunt.	96
Rhidagus, fluvius.	
Roxane, Alexandro conubio juncta ex eo pregnans.	319, 433

## S

Sabaces, prætor Ægypti.	6:
Sabes Rex.	396
Sabracæ gens, populi, non Regum imperio, regi solita, in fidem accepti.	397
Sacæ, gens Scythica.	283
Sagittarum Indicarum magnitudo.	338, 284
Samaritæ Audromachum, in Syria Alexandri Prefectum cremarunt.	113
Sangarius fluvius.	34
Sanguis apud Macedonas e pane manavit & ex fornacibus apud Tyrios.	84, 85
Sapientes ædiæ.	33
Saptina, Darii filia.	9
Sarcinas primum suas deinde totius exercitus, incendi præcipit Alexander.	21
Sarissophori, hastati.	14
Sati-	

# I N D E X.

Satibarzanes ab Alexandro deficit.	260
Satibarzanis & Erigii duellum.	268
Satrapene, regio.	158
Saturno ingenuus puer immolari solitus	90.
Scenitæ, Æthiopes.	100
Scythæ bellicosissima gens rapto vivere as-	
fueti.	99
Scythæ Abii.	279
Scythæ non, ut cæteris Barbaris, rudis	
sensus est.	287
Scytharum fuga.	291
Scythæ petunt, ut Alexander Regis sui fi-	
liam matrimonio sibi junget.	303
Semiramis 278, 390. Babyloniam condi-	
dit.	148
Serpentes inusitatæ magnitudinis	164,
squamis fulgentibus.	365
Seuthes Odyrsas populares suos Thracas	
ad defectionem compulit.	410
Sicilienses, naturæ vitio adulatores.	322
Sidon, urbs, vetustate & conditorum	
fama inclyta 77; eam condidit Age-	
nor.	93
Simmiæ, Philotæ amicus.	249
Sisene Perses.	52
Sitis in exercitu Alexandri.	270
Sogdianorum defectio 277; deserta 292,	
captivorum cum ad mortem ducerentur	
lætitia.	292
Solis equus, apud Persas.	40
Solis aqua, ad Ammonis satanæ tem-	
plum.	105
Somnium Alexandri, super valetudine	
Ptolæmei.	398

# I N D E X.

Sophitis regnum.	367
Sopolis, Hermolai pater.	329
Sostratus cum Hermolao occidendi Alexandri consilium capit.	326
Spitamenis in Bessum insidiæ.	271
Spitamenes ab Alexandro deficit transfuga, Macedonum præsidio dejecto Marcanda urbem occupat 279, 284. Menedemo insidias tendit 284. Macedonas cædit 242; ejus in uxorem amor 315; & caput ab illa ad Alexandrum delatum.	316
Stupro coire cum liberis, apud Nauram parentibus fas est.	311
Sunium, promontorium Atticæ terræ.	416
Susam Alexander ingreditur.	160
Susidæ Pylæ.	164
Susitanorum deserta.	269
Symmachi temeritas atque audacia.	352
Syracusani Africam urunt.	89
Syfigambis, Darii mater 42. Alexandri captiva 65, 66; constantia illius in mœrore 139. Susa ab Alexandro relicta 160; ejus luctus super morte Alexandri, fratres octoginta, & mors. 425	
Sysmithres Nauræ satrapes.	311

## T

<b>T</b> Abas, oppidum.	19
Tanais fluvius.	20
Tarson, urbs.	4
Tauron, Agrianum Præfectus.	16
Taurus, mons.	26

**Taxi-**

# I N D E X.

ixiles, Rex.	419
nedos Alexandro deditur.	97
riotes, satrapes, Alexandri jussu in-	396
perfectus.	177
aidis pellicis consilio, Persarum regia	118
incenditur.	172
alestris, Amazonum Regina.	95
eatius, Atheniensis.	215
ebæ, Tyrriorum colonia.	416
ermodoon, fluvius.	32
racas Odrysas ad defectionem compel-	32
lit Seuthes.	114
rmodes Mentoris filius.	384
ymondas, dux.	109
gris, fluvius, a celeritate dictus.	274
mæi virtus, & mors.	90
toni celeritate regia.	91
anandi amnem consilium novum.	94
iumphus Alex. ad imitationem Liberi	406
patris.	106
oglodytæ, Arabes.	44
yphonis specus.	119
riotes, spado, Dario uxoris mortem	83, 84; conjuges liberosque deve-
nunciat.	nandos Carthaginem tradunt 90; expu-
	gnatorum supplicia.
rii literas invenere 94. Al. legatos occi-	90
dunt 83, 84; conjuges liberosque deve-	93; obsidione fatigatur
nandos Carthaginem tradunt 90; expu-	Alexander.
gnatorum supplicia.	91
ri conditor 93; obsidione fatigatur	90; ab Alex. ca-
Alexander.	pitur.
rus Herculi dicata 90; ab Alex. ca-	94
pitur.	

# I N D E X.

## V

<b>V</b> enatici canes nobilissimi.	361
Venenum, quo Alexander extin-	
ctus est.	446
Venetorum origo.	55
Vergiliarum fidus.	12
Victoriæ cultus.	133
Uxii 162. Alexandro deduntur.	163

## X

<b>X</b> enippa, regio,	314
-------------------------	-----

## Z

<b>Z</b> ariaspes, Perses, defectionem	810
liens, a Cratero oppressus.	401
Zioberis, annis.	101
Zopyrio, Thraciæ præpositus, procella	
cum toto exercitu oppressus.	411



F I N I S.

L'Opera è Fogli 20, e mezzo

